

Bahá'í Prayers — Gilbertese

Gilbertese

236 prayers

Additional Prayers Revealed by ‘Abdu’l-Bahá

AB11249

Aine

O te Uea! Buoka te nati te aine man te Abanuea bwa e na kariatataaki inanon aonnaba aika uoua; karikia bwa e na tannako man te aonnaba ni bubuntano ae e kai mate aio ao mai irouia naake a tia ni katurua nanoia nako iai ao karekea angaraoina bwa e na reitaki ao ni karekea kaaniana ma te aonnaba are e aki maamate. Angan neiei te korakora ni karawa ao kamatoaa rinanon ikeiken te Tamnei ae e Raoiroi bwa e aonga n teirake ni beku Ibukim. Ngkoe te Kabanea ni Korakora.

Also in: de, en, en, en, es, nl, pt

Aid and Assistance

BH00662FLO

Te Buoka ao te Ibuobuoki

O Ngkoe Atua! I butiko, n Aram ae moan te mimitong, ni buokai ni bwaai ake a na kona ni buoka aia mwakuri Am toro bwa a na rikirake, ao Am kaawa ake a bubura bwa a na baikoa n rikirake. Ngkoe, ni koaua, iai mwaakam iaon bwaai ni kabane!

Also in: ar, be, bi, bn, bs, ch, cnr, cy, da, de, diu, en, es, fi, fr, ho, ht, hu, is, kl, kn, lt, lv, ml, ne, no, pt, ro, ru, sk, sm, sne, sne, sne, sne, sne, sne, sne, sne, sq, sv, tl

BH00662FLO

Te Tataro ae Kabaebae ae Abwabwaki

(Are e tangiria n atonga te tataro aio, ke e tei ao n rairaki nakon Te Atua, ao, ngke e tei i aon ana tabo, e na taraa te angatai ao te angamaing, n aron ae e tataninga Ana nanoanga te Uea, te Kabanea n Nanoanga, te Moamoaomata. Ngkanne ke e atonga aei:)

O Ngkoe aia Uea aara nako ao te Tia karaoi taian karawa! I Butiiko irouia Naake Ngaiia Bongin-Rikiraken Oioim ae e aki nooraki, te Kabanea n Rietaata, te Kabanea ni Mimitong, ni karaoa au tataro bwa te ai are e na kabueki rabunanimata nako ake a kainai man Tamaroam, ao te oota are e na kairai nakon marawan Kaaniam.

(Ke e tabeki baina n ai aron ae e bubuti nakon Te Atua—are e kakabwaiaaki ao ni kariatataaki Ngaia—ao n atonga aei):

O Ngkoe are e kainnanoia te aonaaba ao are E tangiraki irouia aaba nako! Ko noorai ngkai n rairaki Nakoim, ao n taua Am roobu, are ni kakamwakurina e a tia ni mwaing iai te karikibwai. Boni ngai am toro, Ngkoe au Uea, ao natin Am toro. Ko noorai ngkai I tei n tauraoi ni karaoa are Nanom ao are Ko tangiria, ao n akea te bwai ae I tangiria bwa ti are Kukureim. I Butiiko ni Marawan Am nanoanga ao n Itoi ni Ngainan Am raoiroi bwa e na karaoia Am toro are Ko nano iai ma n tangiria. Ni korakoram are e riaon bwaai ni kabane ake a taekinaki ao n neboaki! O Ngkoe Te Atua, ae Atua! Tai

taratarai au kaantaninga ma au mwakuri, ma ko na tara Nanom are e a tia n otabwanini karawa ma aon te aba. N Aram ae Moan te Kakannato, O Ngkoe aia Uea aaba nako! I ti nano n are Ko nano iai, ao n tangira are Ko tangiria.

(Ke katorobubua, ni bobaraaki ni kaboa ramwana ma aontano, e atonga aei):

Ko bon kariatataaki i aon aia kabwarabwara tabeman ma ti Ngkoe, ao akea riki aia atatai ma ti Ngkoe.

(Ke e tei ao n atonga aei):

Karika au tataro, Ngkoe te Uea, bwa te koburakenran ae maiu, are I kona ni maiu iai ni maanin Am tautaeka, ao n Atoatongko ni katoai nako aonaaba ake Am aonaaba.

(Ke e tabeki baina ni bubutii, ao n atonga aei):

O Ngkoe are Mwaawam man naano ao tamnei are a rannako iai, ao n ain Am tangira are e a tia ni urarake te aonaaba ae bwanin! I Butiiko n Aram are rinanona Ko a tia iai ni kateimatoa Am karikibwai, n aki taua nakoiu are bon iai Iroum, O Ngkoe are E tautaekan aroia aomata! Ko noora te ianena, O Ngkoe au Uea, are e kawaekoa nakon mwengana ae kabanean te rietaata i aan umwan Ueam ao i nanoaan Am tabo n nanoanga, ao ae e aki kororaoi aei ae e ukoukora marawan Am kabwarabure; ao ae e rinano aei botakin Mimitongim, ao te karikibwai ae e kainnano aei ae e kan ataa Kaubwaim. Bon Am bwai te tautaeka n aron are Ko tangiria. I kaotia ma te koaua bwa Ko na bon neboaki n Am mwakuri nako, ao n iraki nanon Am kaetieti, ao n teimatoa n inaomata n Am tua.

(Ke e tabeki baina, ao ni kaokiokia n atonga te Ara are Moan te Kakannato

[Alláh'u'Abhá] tenea te tai. Ke e bobaraaki ni katokai baina i aon bubuanwaena i matan Te Atua—Te kakabwaiaaki ao te kariatataaki—ao n atonga aei):

Ko noora, O Ngkoe Atua, aron tamneiu ngke e kamwaingaki i nanon bwain nako rabwatau, ma ingaingana ni kan Taromauriiko, ma nanona ni kan Uringko ao n Neboiko; arona ni kakoauaa are e a tia ni kakoaua iai Newen Am Kaetieti n abanuean Am taeka ao karawan Am atatai. I tangiria, n arou aei, O Ngkoe au Uea, ni Butiiko bwaai ni kabane ake Iroum, bwa I aonga ni kaotiota kainnanou, ao ni kabubura Am kakabwaia ma Am kaubwai, ao ni kona ni kaota mamaarau, ao ni kaotiota Mwaakam ao Korakoram.

(Ke e teirake ao n tabeki baina ni bubuti uoua te tai ni bubutii, ao ni kaangai):

Bon akea Te Atua bwa ti Ngkoe, Kabanean te Mwaaka, te Kabanea n Atataiaomata. Bon akea Te Atua bwa ti Ngkoe, te Tia Katabu, ni kauatabo n te moa ao n te toki. O Ngkoe, Atua! Am kabwarabure are e a tia ni kamatoaai, ao Am nanoanga e a tia ni kakorakoraai, ao e a tia ni kautai Am wewete, ao e a tia ni kateirakeai Nakoim Am raoiroi. Antai ngai, ngkana tiaki, are e na kona n tei ni mataroan kaawan Kaaniam, ke ni katoka matau nakon oota ake a ootanako man karawan Nanom? Ko bon noora, Ngkoe au Uea, te karikibwai ae e rawawata aei ni karebwerebwe ni mataroan Am

raoiroi, ao te tamnei ae tiotio nako aei are e ukoukora karaangan te maiu are akea tokina man bain Am kakabwaia. Bon Am bwai te tautaeka n taai nako, O Ngkoe are Uean aara ni kabane, ao au bwai butimwaeen ao te angarake nanou nakon Nanom, Ngkoe te Tia Kariki taian karawa!

(Ke e teirake ao n tabekarake baina tenua te tai, ao ni kaangai):

E korakora riki Te Atua nakon bwaai nako ake a korakora!

(Ke e katorobubua ao, ni kabobaraaka ramwana nako aontano, ao ni kaangai):

Ko bon rangin rietaata i bukin aia nebo naake a kaan Nakoim bwa a na rierake nakon karawan Kaaniam, ke mannikiban nanoia naake a baabanennano Nakoim ni karekean mataroan te kawai n rin Nakoim. I kaotia ma te koaua bwa ko a bon tia ni kamimitongaaki i aon aroaro nako ao n tabu i aon aara nako. Bon akea riki Te Atua bwa ti Ngkoe, te Kabanea ni Karietataaki, te Kabanea ni Mimitong.

(Ke e tekateka ao ni kaangai):

I kaotia ma te koaua nakon are a tia ni kakoaua iai karikibwai ni kabane, ao te Runga ni Karawa are e rietaata, ao kaain nako te Baretaiti are te kabanea n rietaata, ao i aoia riki bon te Newe are E Mimitong man te Oraitan are te kabanea ni mimitong, bwa boni Ngkoe Te Atua, ao bon akea riki Te Atua bwa ti Ngkoe, ao Teuare E a tia ni kaotaki bon te Kamiimi are e Raba, te Kanikina are e Kakaawaki, are rinanona manintaeka aika B ao E are a tia ni uaia n rarangaaki. I kaotia ma te koaua bwa Teuare Arana are e a tia ni koreaki iroun Kainikorobokin te Kabanea n Rietaata, ao are E a tia ni mwaneweaki n Ana Boki nako Te Atua, Uean te Kaintokanuea are e rietaata ao te aonaaba i nano.

(Ke e kainetia ao n atonga aei):

O Ngkoe are Uean taian maiu nako ao te Tia Bwain bwaai nako aika a nooraki ao aika a aki nooraki! Ko bon noori rannimatau ma nanokaawakiu, ao n ongo au bwaebwaeti, ao tanginiweneiu, ao tangin nanou. Ni Mwaakam! Au kabwaka nako ake a tia n tauai man Kaaniam; ao a tia ni kararoaai au bure man Am botaki ae tabu. E a bon tia Am tangira ni karikirakeai, O Ngkoe au Uea, ao raurenakou Mairoum are e a tia n uruanai, ao raroau Mairoum are I a tia n rootaki iai. I Butiiko ni kawaim nako n te rereua aei, n taeka ake “Bon aei ngai. Bon aei ngai” are a tia n taekinna n te otabwanin aei, ao n ikeiken nako Am Kaotioti, ao karauraun angin nako Ingaabongin Kaotiotam, ni kataua bwa I aonga n tara Tamaroam ao n iri nanon baike i nanon Am Boki.

(Ke e kaokioka atongan te Ara are Moan te Kakannato tenua te tai, ao ni bobaraaki ni katikui baina i aon bubuanwaena, ao e atonga aei):

Te nebonebo Nakoim, O Ngkoe Atua, bwa Ko a tia ni buokai bwa Nna Ururingko ao n Neboiko, ao Ko a tia ni karekea ataakina irou Teuare Ngaia Rikiraken Bongin Am kanikina nako, ao Ko a tia ni karikai bwa Nna bobaraaki i matan Rikiam ni Uea, ao ni kamangorai i matan Arom n Atua, ao ni manga taekin baike a taekinaki n Newen Mimitongim.

(Ke teirake ao n atonga aei):

Te Atua, ae Atua! E a bwaoua nuukau n rawawatan au bure, ao e a uruanai au aki tatabeakin. N te tai are I iangoi iai au mwakuri aika a bubuaka ao Am moamooaomata, e ran nako buroou i nanou, ao e a buro raraau i nanon iau. N Tamaroam, O Ngkoe are E kainnanaoia te aonaaba! I maamaa n tabekaarake matau Nakoim, ao a nuka baiu aika a kariaria n taakin nakon karawan Am kakabwaia. Ko bon noora, Atua, aron rannimatau ngke a tuukai man Uringam ma neboan Aroarom nako aika a raroai, O Ngkoe Uean te Kaintokanuea are e Rietaata ao i aon te aonaaba are i nano! I Butiiko ni kanikinaean nako Ueam ao kamimiin nako Am tautaeka bwa ko na karaoia nakoia ake Ko tangiriia are e na riki bwa Am kakabwaia nakoia, O Ngkoe Uean taian maiu nako, ao e tau i bukin Am raroiroi, O Ngkoe Uean te nooraki ao te aki nooraki!

(Ke e kaokiokia n atonga te Ara are Moan te Kakannato tenua te tai, ao ni katorobubua ao ni kaboa ramwana ma aontano, ao e kaangai:):

Te nebonebo Nakoim, O Ngkoe Atua, bwa Ko a tia ni karuoia nakoira are e na uotiira ni kaniira Nakoim, ao ni kakatauraai i bukira ma baike a raroai ake a tia ni karuoaki mai Iroum n Am Boki nako ao Am Reirei. Kamanoira, ti Butiiko, O Ngkoe au Uea, mairouia naake akea nanon aia koaua ma aia katautau aika akea uaaia. Boni Ngkoe, ni koaua, te Korakora, te Kabanea n Ataibwai.

(Ke e tabekarake atuuna, ao ni kainetia n tekateka, ao e atonga aei):

I kakoaua, O Ngkoe Atua, nakon are a tia ni kakoaua naba iai naake Ko rineiia, ao are a tia ni kaota kakoauaan are a tia ni kakoauaa naba naake kaain te Baretaiti are te kabanea n rietaata ao naake a rarauniia Am Kaintokanuea ae mwaaka. Bon Am bwai abanuean te aonaaba ao karawa, Ngkoe Uean aonaaba nako!

Also in: ar, be, bi, bn, bs, ch, cnr, cy, da, de, diu, en, es, fi, fr, ho, ht, hu, is, kl, kn, lt, lv, ml, ne, no, pt, ro, ru, sk, sm, sne, sne, sne, sne, sne, sne, sne, sne, sq, sv, tl

BH02898MAG

Te Buoka ao te Ibuobuoki

Atonga: Mimitong Nakoim Are Ko a tia ni karikiia Naake a Tabu bwa a na kaotii aia aki konabwai i matan kaotioti aika uauaanao ni Korakoram, ao ni katoai Burabeti nako bwa A na ataia bwa bon Akea aroia i rarikin raneanean otanakon Mimitongim ae akea tokin mimitongina. I bubutiko, n Aram ae e a tia ni kabwaranakoi mataroan Karawa ao ni kaonrakeia kaain te Runga ni karawa ma te kukurei ae e bati, bwa Nna kona ni beku Ibukim, n te Bong aei, ao ni kakorakoraai bwa Nna karaoa nanon are Ko a tia ni baireia inanon Am Boki. Ko bon ataia, Au Uea, bwa tera ae e mena i nanou; ma Ngai I aki kona n ataa are e mena i Nanom. Ngkoe ni koaua te Kabanea n Ataibwai, te Atai Bwaai nako.

Also in: ar, ca, cnr, el, en, en, es, fr, hu, mi, mn, pl, pt, ro, sne, sv, ta

Te kamoamoa Nakoim, O Ngkoe te Uea Atua, au Mwatita! Ko ongo ikenrawaia naake ake, e ngae ngke a ingainga ni kan nora Moamoam, ma a bon karaurenakoaki mai iroum ao a raroa nako man Am tabo. Ko kakoaua nakon tanginiweneia naake a tia ni kinako ni kabwaronakoi ibukin taemwengaakiia mai iroum ao ingaingan nanoia ni kan kaitibo ma Ngkoe. I bubutiko n nanoia naake akea nanoia ma bon ti kaubwain Uringakim ao kamoamoakim, ao ake a kaotii akea bwa bon ti taian kakoaua ake a taekinaki ibukin Kakannatom ao taian kanikinaa ibukin kakoauaakin Korakoram, bwa ko na kabwaroa nako aoia Am toro ake a Tangiriko te korakora ni kona ni kaaniia kaintekatekan kaotiotin otanakon Mimitongim ao ni buokiia naake aia kantaninga a toka Iaom n rinnako inanon umwan Am mwamwanano ae e rooti taabo nako ao Am nanoanga.

Akea karabaa, O Atua! Kunnikainai ma kamwarain Am nanoanga n akoi. I bora n taka, anganai bwa Nna moi man marawan Am mwamwannano ae e titituaraoi. Te ianena ngai, katikai ni kaaniai nakon boton Am bwaintangira. I aoraki, tamrurua nako aou ranin kamaiu man Am tituaraoi. I kainaki n aki kainaomataaki, kanakoa mai aou taian kabaebae, ma ni mwaakan korakoram ao rinanon korakoran Nanomatoam, bwa I aonga ni kona n taabeibeiti iaon bain ni kiban te kamwawaaki nakon rietan taubukin Am karikibwai. Ngkoe, ni koaua, ae Ko karaoa are Ko rineia. Bon akea te Atua bwa ti Ngkoe, te Buoka n tain te Kanganga, te Kabanea ni Mimitong, te Aki Taueeaki Arona.

Also in: ar, ca, cnr, el, en, es, fr, hu, mi, mn, pl, pt, ro, sne, sv, ta

O ngkoe are ko tabe n raira moam nakon te Atua! Kaina matam nakon bwaai ni kabane, ao kaukia nakon aonnaban te Kabanea ni Mimitong. Bubuti te bwai are ko tangiria ti mai Irouna; ukoukora te bwai are ko kakaaea ti mai Irouna. N ti teuana taraakim teutana Irouna ao E kona n anga tebubua te nga te kantaninga, n ti teuana katokaakin Matana teutana iaom ao E kona ni kamarurunga tebubua te nga te aoraki, n ti teuana katouan Atuuna ao E kona ni katokaa te bwainaoraki iaon taian ikoaki ni kabane, n ti teuana norakim teutana ao E kona n kamwaawai naano man taurekereken te karawaawata. E karaoa are E taku n aron ae E bon taku, ao tera riki kawaira ibukin karekean buokara? E kakoroi bukin Ana iango, e katauii bwaai ni kabane ake E tangiri. Ai ngaia are e raoiroi riki bwa ti na kabobaraaka atuura n ongotaeka, ao ni katuka ara mwioko iroun te Uea ae te Kabanea n Nanoanga.

Also in: af, ar, az, be, bg, bn, bs, ca, ceb, da, de, el, en, eo, fo, fr, fy, gu, hi, ht, hy, id, is, it, ja, ky, lo, lv, mg, mi, ml, ms, mt, ne, nl, no, pl, pt, ru, sk, sl, sr, sv, ta, te, th, tvl, uk, ur, zh-Hant

First line: O Thou Whose face is the object of my adoration

O Ngkoe Are Moamoam bon boton au tangira, Are Tamaroam bon au nono, Are mwengam au kouru, Are kamoamoakim bon au kantaninga, Are Am kakaawakin bon raaraou, Are Am tangira bon bukin karikau, Are atongan Aram bon karauakiu, Are Kaanim nakoiu bon au kantaninga, Are Menam I rarikiu bon nanou ae e korakora ao au kantaninga ae te kabanea n rietaata; I bubuti Nakoim bwa Ko na aki tukii mai irou bwaai ake Ko katauii ibukiia naake a rineaki ibuakoia Am toro. Kataubobongaai, ngkanne, ma tamaroan te aonnaaba aio ao ae e na roko.

Ngkoe, ni koaua, bon Ueia aomata nako. Akea riki te Atua bwa ti Ngkoe, te Kabanea n Nanoanga, te Kabanea n Tituaraoi.

Also in: af, ar, az, be, bg, bn, bs, ca, ceb, da, de, el, en, eo, fo, fr, fy, gu, hi, hi, ht, hy, id, is, it, ja, ky, lo, lv, mg, mi, ml, ms, mt, ne, ne, nl, no, pl, pt, ru, sk, sl, sr, sv, ta, te, th, tvl, uk, ur, ur, zh-Hant

BH00438

Te Buoka ao te Ibuobuoki

Atuau, Maamaten Nanou, Au Uea, Au Tangira! Te newe ra ae e kona n atong au karabwarabwa Nakoim? I bon aki mwemweeuti, Ko bon kautai. I a tia n rairaki nako mai Iroum, Ko kaota te tituaraoi ni buokai n rairaki Nakoim. I riki n ai aron temanna ae e mate, Ko bon kamaiuai ma te ran ni kamaiu. I bon rai, ko a manga kamaiuai ma te raanga n ran man karawan Am taetaenikawai are e a tia ni wawaanako man Ana Kainikoroboki te Kabanea n Nanoanga.

O te Tia Kakaawakin n Tamnei! Karikibwai ni kabane a bon rereitinako man Am tituaraoi; tai kamwaawaa man ranin Am tituaraoi, ao tai taua mai irouia marawan Am nanoanga. I bubutiko bwa ko na raonai ao ni buokai n taai nako ao iaan itera nako, ao n ukoukora man karawan Am tituaraoi Am akoi are mangkoa. Bon Ngkoe, ni koaua, Uean te tituaraoi, ao te Tia Tautaeka n abanuean te aki tootoki.

Also in: af, az, az, bg, bi, bs, ca, ceb, de, el, en, es, et, fr, hi, ho, hr, ht, iba, is, it, kl, kn, ky, lv, ml, mn, ne, nl, pl, pt, ro, ru, sk, sl, sl, sne, sq, sv, ta, th, tl, tvl, uk, ur, vi, zh-Hans, zh-Hans

BB00553

Te Buoka ao te Ibuobuoki

First line: Laude be Thy Name, O Lord, our God! Thou art in truth the Knower

E na kamoamoakim Aram, O te Uea Atua! Ngkoe ni koaua te Tia Atai bwaai aika a aki noonoraki. Kataua ibukira bwaai aika a tamaroa n aron ae Ko kona ni baireia man Am atatai ae e rabwatii bwaai ni kabane. Ngkoe ni koaua te Uea ae tautaekanii bwaai nako, te Kabanea ni Korakora, Moan te Tangiraki.

Kamoamoam ni kabane e bon Nakoim, O te Uea! Ti na ukoukora Am tituaraoi n te Bong are e a tia n rineaki ao ni katuka ara onimaki ae e bwanin Iroum, Are Ngkoe Ara Uea, Ko na Kamimitongaki, O te Atua! Kataua ibukira te bwai ae e raoiroi ma n tau bwa ti aonga ni kamwaawaira man bwaai ni kabane ma Ngkoe. Ni koaua, Ngkoe te Uea iaon aonnaba ni kabane.

Te Atua! Kabooi mwiin aia mwakuri naake a waaki inanon te taotaona n nano inanon Am bong, ao kamatoai nanoia bwa a na nakonako n aki tibanako inanon kawain te Koaua. Kataua ngkanne, O te Uea, taian bwaintangira aika a tamaroa are e na kona ni kariaia riniia inanon Am Bwaretaiti ae e tabwanin kakukureina. Ko kariatataaki Ngkoe, O te Uea te Atua. Kariaia Am kakabwaia ni karawa bwa a na ruonii mwenga ike kaaina a tia ni Kakoauako. Ni koaua, bon akea ae e Riaom ni karuoi taian kakabwaia n tamnei. Anganako, O te Atua, kaain te runga ake a na kona ni katokanikaiia Am toro aika a kakaonimaki. Ko bon karioi bwaai ake a karikaki rinanon mwaakan Am taeka n Aron ae Ko bon tangiria. Ngkoe ni koaua bon te Tia Tautaaeka, te Tia Karikibwai, te Kabanea ni Wanawana.

Atonga: Te Atua bon te Tia Karaoi bwaai ni kabane. E anga kamarikeaia n te mwaiti ae e taonako nakoia naake E bon kataua ibukiia. Bon Ngaia te Tia Karikibwai, Boton bwaai ni kabane, te Tia Karioi bwaai nako, te Kabanea ni Korakora, te Karaoi bwaai nako, te Kabanea ni Wanawana. Ngaia te Tia Uouotii aara aika moan te rianako rinanon karawa ao aonteaba ao bwaai ake a wene i marenaia. Ni kabane a karaoa are E taku, ao ni kabane taan maeka iaon te aba ao i karawa a neboa Kamoamoaakina, ao Nakoina are ni kabane a na Okiria.

Also in: ar, az, ca, da, en, es, et, fi, fr, ht, is, it, ja, kj, mn, nl, no, pl, pt, ro, ru, sk, sne, sne, tet, tet, th, th, th, tvl, vi

BB00553

Kamwaawaaki

Atongnga: Te Atua bon mwiokon bwaai ni kabane. Akea i karawa ke i aon te aba ae e konaa n anga bwaai nako ma bon ti Ngaia. Mangaia ae bon Ngaia Irouna te Tia Ataibwai, te Tia Buokiira ao Ana bwai te Mwaaka.

Also in: ar, az, ca, da, en, es, et, fi, fr, ht, is, it, ja, kj, mn, nl, no, pl, pt, ro, ru, sk, sne, sne, tet, tet, th, th, th, tvl, vi

BB00018DET

Te Buoka ao te Ibuobuoki

O Atua, au Uea ao Au Mwatita! I a tia ni kamwawaai mai irouia au utu ao ni ukoukora Riroum bwa Nna inaomata man bwaai ni kabane ake a maeka iaon te aba ao n tauraoi n taainako ni butimwaea are e kakukurei i Matam. Anganai bwaai aika a raraoi n te aro bwa e na karikai n inaomata man bwaai nako ma ti Ngkoe, ao kataua nakoiu te tibwanga ae e mwaiti man Am titularaoi ae akea tiana. Bon Ngkoe, ni koaua, Uean te titularaoi ae akea tiana.

Also in: am, az, bs, ca, ceb, da, de, el, en, fi, fr, hi, ho, hu, hy, is, ja, kl, lo, mi, ml, mn, nl, pl, pt, ro, ru, sk, sm, sm, sne, sq, ta, tl, zh-Hans

BB00018DET

Te Buoka ao te Ibuobuoki

Ni kaineti ma tabeaiangana nako, ke e kaokioka tebwimaruaiwa te tai:

"Ko norai, O Atua, ni kamwawaaki man bwaai nako ma ti Ngkoe ao n Tauko ni

Kamatoako. Kairai, ngkanne, n tabeaiangau ni kabane bwa a na bongana nakoiu ibukin kamimitonga Am Waaki ao karietaan aia karinan taan tangiraki Iroum.” Ke e rinanoa te bwai are e riki ao ni karaoa are e roko n ana iango. Te kaitara mai irouia taan riribai ae e korakora e na bon koaua ni kauki kawai nakon taberan kakabwaia.

Also in: am, az, bs, ca, ceb, da, de, el, en, fi, fr, hi, ho, hu, hy, is, ja, kl, lo, mi, ml, mn, nl, pl, pt, ro, ru, sk, sm, sm, sne, sq, ta, tl, zh-Hans

AB00073SER

Te Buoka ao te Ibuobuoki

O Ngkoe te Uea ae Akoi! Ngaira am toro n Atibun Am Mataroa, ae I kamanoai n Am Mataroa ae e Tabu. Ti ukoukora kamanoara man akea riki bwa ti te boua ae e aintoa aio, n aki rairaki nakon te bwai teuana ibukin kamanoau ma bon ti Nakoim ibukin kamanoau. Kamanoira, kakabwaiaira, boutokaira, ao karikiira bwa ti na ti tangira kukurein Nanom, n tabotaboa Kamoamoaakim, n ti ira kawain te koaua, bwa ti aonga ni karekei kaubwaira ae e tau n te aro bwa ti na kaaki bwaai ni kabane bwa ti Ngkoe, ao ni karekei ara bwaintangira man marawan Am akoi, bwa ti aonga ni kekeiaki n taai nako ni karietaata Am Aro ao n tibwatibwai nako boiararan Kukurein Nanom, bwa ti aonga ni mwaninga taekara ao n ti katabeira ma Ngkoe, ao ni kaaakeai bwaai ni kabane ao n ti karekerekeira ma Ngkoe.

O te Tia Katauraai Bwaai ni kabane, O Ngkoe te Tia Nanoanga! Anganiira Am tituaraoi ao Am tangira n akoi, Am bwaintangira ao Am tibwatibwa, ao kateimatoaira, bwa ti aonga ni karokoiria n ara kouru. Bon Ngkoe te Korakora, te Konai bwaai nako, te Ataibwai, te Tia Noori bwaai ni kabane, ao, ni koaua, Bon Ngkoe te Tituaraoi, ao ni koaua, Bon Ngkoe te Kabanea n Nanoanga, ao ni koaua, Bon Ngkoe te Tia Kabwarai Buure, Are Nakoim a na riai ni kabwaraaki bure, Are Ko kabwarai naba buure ake kabanean te rawawata.

Also in: az, bg, bs, ca, da, de, en, es, fa, fi, fr, hi, ht, hu, hy, iba, id, is, it, ja, ko, lb, lb, lv, nl, no, pl, pt, pt, ro, ru, sk, sne, sne, sne, sne, tet, tl, tvl, uk

AB10275

Te Buoka ao te Ibuobuoki

Tai kamwawaanako, O te Uea, te taibora ni kimwareirei are e a tia ni katauraaoaki inanon Aram, ao tai tiringa te ai ae e ura are e a tia ni kauraaki man Am ai ae e aki maamate. Tai tuuka waanakon Am ran ni kamaiu ae e waawanako ma tangiraoin Mimitongim ao Ururingakim, ao tai kaaakeai mai irouia Am toro taian boiarara man karewerewen Kukurein Nanom bwa a na ikeikena boiararan Am tangira.

Te Uea! Onikii taian tatabeakin aika a karawaawata ake irouia Am aomata ake a tabu nakon te karauakaki, aia kanganga nakon te mwengaraai, kamaemaeakiia nakon te mimitong, nanokawakiia nakon te kukurei ae moan te bati, O Ngkoe are Ko taua inanon Baim kaon te botanaomata ni kabane!

Ngkoe, ni Koaua, Bon Ngaia, n Ti Ngaia, te Mwaaka, te Kabanea n Atatai, te Kabanea ni Wanawana.

Also in: af, az, bg, ca, cnr, da, de, el, en, es, eu, fi, fr, hr, hu, hy, id, is, it, ja, kl, ky, lb, lv, mg, ml, ne, nl, pl, pt, ro, ru, sk, sne, ta, tl, tpi, tvl

AB00174

Te Buoka ao te Ibuobuoki

O Ngkoe te Tia Kamanomano ni karawa, ti kananoanga, anganiira Am ibuobuoki; taan nakonako n akea mwengara, anganiira Am tabo ni kamanomano; ti uamaenako, katiteuanaira; ti aiwa ni bua, ikotiira nako buakon Am nanai; ti rawaawata, anganiira tibwara ao bwaunara; ti taka, kairiira nakon te koburake n ran ni Kamaiu; ti rai, kakorakoraira bwa ti aonga n teirake ni buoka Am Aro ao n anga ngaira bwa taan kaburearo aika a maiu inanon kawain te kairiiri.

Also in: en, ha, ky, ta, tpi

AB00431PIT

Te Buoka ao te Ibuobuoki

O te Uea! Ti bon ngore; kakorakoraira. O te Atua! Ti bon bangabwaa; karikiira bwa ti na ataibwai. O te Uea! Ti bon maiu ni kainnano; karikiira bwa ti na kaubwai. O te Atua! Ti bon mate; kamaiuiira. O te Uea! Ti bon bwainrang; kamimitongiira inanon Am Abaniuea. Ngkana Ko buokiira, O te Uea, ti na bon riki n ai aron itoi aika a otamwaaka. Ngkana Ko aki buokiira, ti na riki n rinano riki nakon te aonnaba. O te Uea! Kakorakoraira. O te Atua! Karikiira bwa ti na tokanikai. O te Atua! Kariaia bwa ti na tokanikai iaon oin nanora ao ni kaakeai ara kaibwabwaru. O te Uea! Kabwaraira man kabaebaen te aonnaba n rabwata. O te Uea! Kamaiuira man ikeiken te Tamnei ae e Tabu n te aro bwa ti na kona n teirake ao ni beku Ibukim, ni karaoa Neboakim ao ni kakorakoraira inanon Am Abaniuea ma te kokoaua ae e tabwanin. O te Uea, Ngkoe te Korakora. O te Uea! Ngkoe te Nanoanga. O te Uea! Ngkoe te Nanoanga.

Also in: af, az, bg, bi, ca, ch, cnr, da, el, en, eo, es, et, fi, fr, gu, hr, ht, hu, hz, it, ja, lv, mt, ne, nl, pap, pl, pt, ro, ru, sk, sne, sq, sv, sw, ta, tk, tl, tvl

AB00431PIT

Te Buoka ao te Ibuobuoki

Te Uea! Ti nanorawawata, anganiira nanom; ti kainnano, kamenaa i aora te tibwanga man marawan Am kaubwai; ti tangira buokara, Ko na bon karauakiira; ti mangori, anganiira Mimitongim. Mannikiba i eta ao maan n te tawaana a karekei kanaia Mairoum ni katoa bong ao are a bon bane n reke i aan Am kakaawakin ao Am tangira n tituaraoi.

Tai kamwaawa ae e tangira buokana man Am Raoiroi ae kamiimi ao kawakiniia ni Mwaakam tamnei aika a kainnanao Am Ataataiaomata.

Anganiira kanara n te bong ae koraki ao kariaia rikiraken baika a tangiraki n te maiu aei, bwa e aonga n ae akea ae ti kainnanaoia irarikim, bwa ti aonga n itabon ma Ngkoe

ni bwaninra, bwa ti aonga n nakonako ni Kawaim ao ni kaotioti Kamimiim nako. Bon Ngkoe Moan te Mwaaka ao te Aakoi ao te Tia Katituaraoi i bukin te botannaomata.

Also in: af, az, bg, bi, ca, ch, cnr, da, el, en, eo, es, et, fi, fr, gu, hr, ht, hu, hz, it, ja, lv, mt, ne, nl, pap, pl, pt, ro, ru, sk, sne, sne, sq, sv, sw, ta, tk, tl, tvl

AB05367

Te Buoka ao te Ibuobuoki

O te Tia Kakaawakin n Tamnei! Karikibwai ni kabane a bon rereitinako man Am tituaraoi; tai kamwaawaa man ranin Am tituaraoi, ao tai taua mai irouia marawan Am nanoanga. I bubutiko bwa Ko na raonai ao ni buokai n taai nako ao iaan itera nako, ao n ukoukora man karawan Am tituaraoi Am akoi are mangkoa. Bon Ngkoe, ni koaua, Uean te tituaraoi, ao te Tia Tautaeka n abanuean te aki tootoki.

Bahá'u'lláh

N ana reta te Auti ni Motiraoi n te Aonnaba, Naw-Rúz 2020, inanon tain butin te aoraki ae e roota te aonnaba ae te Covid-19, ao e taku:)

"Ti rairaki nakon Ana taeka 'Abdu'l-Bahá, Are oin Maiuna bon te banna ni katoto ibukin babanen Nanona ae e kakeaa i bon Irouna ibukin mauriia aomata tabeman:"

O Te Tia Kataubobonga! Ko na buokiia raao aika a kakannato aikai bwa a na tokanikai ni karekea kukurein Nanom, ao karikiia bwa taan kakatekeraoia ianena ao raao n titebo aroia. Kariniia inanon te aonnaba are e teimatoa n aki totoki; kariaia bwa e na reke nakoia te tibwa man tituaraoi karawa; karikiia bwa kaain te Bahá'í ni koaua, are ni koaua bon mai Iroun te Atua; kamaiuiia man bwaai aika akea uaaia, ao katea aaia ae e matoatoa inanon te koaua. Karikiia bwa taian kanikinaa ao taan kaotiota te Abanuea, itoi aika a otanako i etan oraitanin te maiu ae i nano aio. Karikiia bwa a na riki bwa taan karaunano ao taan kabebete nakoia te botannaomata ao tooro nakon te raoi n te aonnaba.

Also in: de, en, es, gu, ho, ky, ms, nl, sne, sne, sne, sne, tet, tet, tpi

America

AB00963IMP

Botaki n Tamnei

(N te tai are kam rin iai n te ruu ni bowii, anaa te tatara aio ma te manawa ae e bukitabuki n tangiran Te Atua ao te newe ae e itiaki ni kaakeai bwaai ni kabane i rarikin Ururingana, bwa e bia te Kabanea ni Mwaaka n aakoi ni buokingkami ni karekea te tokanikai ae e riao.)

Te Atua ae Atua! Boni ngaiira Am toro ake ti a tia ni kamwawaira man bwaai ni kabane i Raririm i nanon te Bong ae e mimitong aei. Ti a tia n ikotaki i nanon te Botaki n Tamnei aio, ni katiteuanaaki n ara taratara ma ara iango, ao ni kaboraoaki aan ara kaantaninga i bukin kamoamoan Am Taeka i buakoia botannaomata. Te Uea,

ae Atuara! Karaoiira bwa kanikinaaeen Am kairiiri ni karawa, bwa manuan Am Aro ae e karietataaki i buakoia aomata, bwa tabonibai i bukin Am mwioko ae korakora. Ngkoe ara Uea ae Moan te Rietaata, bwa kaotiotan Am katiteuana n Atua i nanon Am Abanuea ni Mimitong, ao itoi aika a raneanea n ootanako n aono ni kabane. Te Uea! Buokiira n riki bwa taari aika a ing man naouean Am raoiroi ae e otabwanin, raanga n ran aika a waanako man Am Tabuki aika a moanibaa ni mimitong, uaa aika a raroai i aon Kain Am Waaki ni karawa, kaai aika a mwaeiei n angin Am Tituaraoi i nanon Am Onaroka ni Kureebe mai karawa.

Te Atua! Karaoi tamneira bwa a na tineia Kibun Am katiteuana n Atua, kakimwareireian nanora n raanganakon Am Raoiroi, bwa ti aonga n ti teuana n aron naoni marawa ae teuana ao n riki ni botaki n aron buraenimatan Am oota ae e raneanea; bwa a aonga ara iango, ara taratara, ara namakin n riki iai bwa koauan aroia ae teuana, ni kaotiota angin te bonnano ni kabutaa te aonaaba. Boni Ngkoe te Raoiroi, te Tituaraoi, te Tia Aanga, Moan te Mwaaka, te Atataiaomata, te Nanoanga.

Also in: bs, de, en, es, fi, ht, id, no, pt, ro, sq, tvl

Bahá'í Reference Library

BH09404

Huqúqu'lláh: Inaomatan te Atua

Ko kamimitongaki Ngkoe, O au Uea ae e nanoanga! I bubuti Nakoim n naouean marawan Am taetaenikawai ae e tabu, ao man Am kanikinaa aika a uauatao ibukin Ueam ae te kabanea n rietaata, ao taian kakoauaa aika a aki kona ni kaitaraaki ibukin Rikim n Tamnei, ao taian miterio aika a raba ake a wene n rabunaki inanoaan Am ataibwai, bwa Ko na anganai Am tituaraoi ni beku Ibukim ao naake Ko a tia n rineia, ao ni karekea angau bwa nna karaoa tabeu n angarake Am Huquq are Ko a tia ni baireia inanon Am Boki.

Bon ngai, O au Uea, are e a tia ni katurui ana namakin nakon Am aonnaba ae e mimitong, ao n tia n nimtaki ni kakorakoraaki nakon rabin Am tituaraoi. O Ngkoe Are Uean karikibwai nako ao te Tia Tautaeka iaon abanuean aara nako, I bubuti Nakoim bwa Ko na aki tuukai man bwaai ake Ko bwainii, ke n taua mai irou te baere Ko a tia ni kataua ibukiia ake Ko a tia n rineiia.

I bubuti Nakoim, O Uean aara nako ao te Tia Karika karawa, ni buokai bwa nna teimatoa inanon Am Aro, rinanon Am tituaraoi ae e kakorakoraai, n te aro are taian bwai ni kariirii n te aonnaba a na aki karawawataai bwa nna kainaki n ai aron te rabunanimata, ke n totokoaki man taian kakiriwee aika a kaakaiaki mai irouia naake a buakaka ake a tia n teirake ni kairiia nako Am aomata nakon te kawai ae e kaairua inanon Am bong. Kataua ibukiu ngkanne, O Ana tangira Nanou, tamaroan te aonnaba aio ao ae e na roko. Ni koaua Ko bon korakora ni karaoa are Ko bon tangiria. Akea te

Atua bwa ti Ngkoe, te Kabanea n Nanoanga, te Kabanea n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

BH09404

Huqúqu'lláh: Inaomatan te Atua

Te Huqúqu'lláh bon te tua ae kakannato. Bon te bwai ae taabangaki iaoia aomata nako karekean te angabwai aei, kioina ngkai boni mwiokon te karaoiroi, te kaubwai, ao baika a raroi ni kabane. Bon te tituaraoi are a na tiku ma ngaia takanoi ni kabane ni katoai aonaaban Ana aonaaba nako Te Atua, Te Tia Bwaibwai ni Bwaai-nako, Te Tituaraoi.

Ko na rangi ni karietaataaki ngkoe ae Uean te karikibwai ni kabane, are boni Ngkoe are a na bane bwaai ni kabane n Okiriko. Ma neweu n nanoaa ao ma neweu n tinaniku I kakoauaa raoi bwa Ko a bon tia ni Kaotiotiko ao ni kaota raoi Rabwatam, ni karuoi Am kanikina nako, ma ni katanoatai Am koaua nako. I kakoaua nakon akea riki bwa ti Ngkoe ibukin taubobongan Arom, ao nakon naba Itiakim iaon bwain ni kabane te aonaaba. I Ononiko n rietaatan mimitongin Am Aro ao Mwaakaroiroin Am taeka bwa ko na anga te kamatoa nakon ane e kan anga te bwai are ko a tia ni kabwarabwara nakoina inanon Am boki ao ni ira nanon are e na kataotiraa boiararan Am butimwaai. Ni koaua, Ngkoe boni moan te Mwaaka, te moa n te Akoi, te moa n te Kakabwarabure. te katoki n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

Children

BH10076

Ataei

Atuau! Kairai ao kaawakinai. Kaotaa riki tauran nanou ao karikai bwa te itoi ae raneanea.

Bon ni Ngkoe te Mwaaka ao te Korakora.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH10076

Ataei

Ngaia te Atua! O te Atua Atuau! Anganai te nano ae e itiaki, n ai aron te bwaeao.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH10076

Ataei

Te Uea ae akea Kabotauana! I bukin Te teei are e aki konabwai naba Ngkoe te Tia Kaawakinna, ao i bukin are e mamaara ae bubure aei bwa Ko na aakoi ao Ko na kabwaraa ana bure.

Te Tia Karikibwai! E ngae ngke bon ngaiira uteute ae akea manera, ma bon bwain

naba Am onaroka aika a uarereke, ae akea ueeia ma baaia; ngaia are kamwarakea te uteute aei ni karaun Am Tituaraoi; kaitiakia ao kamaiu aroka aikai n angin Am rikirake n tamnei.

Kautiira, kaootaiira, kaawakiniira, anganiira te maiu are akea tokina ao katauiira i nanon Am abanuea.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH09855

Ataei

Ko na neboaki Ngkoe, O te Uea ae Atua! N Am tituaraoi kariaia bwa e na kamwarakeaki te merimeri aei man mamman Am nanoanga ae e tatangira ao karawan Am tangira ao ni kamarikeaki ma uanikain Am kai mai karawa. Tai karawawata bwa e na kabaeaki nakon ana tararua riki temanna ma ti Ngkoe, n ai aron ae Ngkoe, Iroum, rinanon mwaakan Uean Nanom ao Korakoram, ko a tia ni karikia ao ni weteia nakon te maiu. Akea riki te Atua bwa ti Ngkoe, te Kabanea ni Mwaaka, te Atai Bwaainako.

Ko kamoamoaki Ngkoe, O Ae Moan te Tangiraki, uka nako aona karewerewen kakukurein Am akoi ae e riaon bwaai nako ao boiararan Am bwain akoi aika a tabu. Kariaia ibukina ngkanne bwa e na ukora katanana iaan nuum Aram ae moan te riettaata, O Ngkoe Are Ko taua ni kamatoa inanon Baim abanuean aara ao anuan aika a raraoi. Ni koaua, Ko bon mwaaka ni karaoa are Ko bon tangiria, ao Ngkoe ni koaua te Mwaaka, te Karietataaki, te Kabane n Nanoanga, te Karaoiroi, te Tituaraoi, Moan te Nanoanga.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

BH09855

Ataei

O te Uea ae Akea Kabotauam! Riiki bwa te kamanomano nakon te teei ae e kananoanga aio ao te Mwatita ae e akoi ao n nanoanga nakon te tamnei ae e a tia ni kaairua ao n aki kukurei aio. O te Uea! E ngae ngke ngaira taian aroka aika akea bonganara, ma ti kaaina Am onaroka n rooti. E ngae ngke ngaira taian kai aika a tibwa bwebwerake n akea baara ao ueera, ma ngaira bon kaain Am tabo n unuuniki. Kaikawaaki te aroka aio ngkanne rinanon bwaronakon man nanging Am nanoanga n tangira ao kamaiuia ao kabooua te kai ae e a tibwa bwebwerake aio rinanon te ikeike ni kamaiu man Am aumari n tamnei. Kariaia bwa e na riki n tatabeakin, ni matairiki ao ni kakanangaki, ao kariaia bwa e na karekea te maiu ae akea tokina ao ni maeka inanon Am Abanuea n aki tootoki.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

BH09855

Bikoukou

Au Uea! Au Uea! I Neboiko ao I Katituaraoiko bwa Ko a tia n nanoangaa Am toro te aine ae mangori aei. E bon karinanoa ma ni Kamoamoako Am toro aei ngkai Ko a tia ni kairia nakon Ueam ma n kaongoa Am weewete ae moan te rietaata nakon te aonaaba aei, ao Ko anganna naba te noraaba bwa e na noori Am kanikina ake a konaa ni kakoaua Am tautaeka n tokanikai i aon bwaai nako. Au Uea! I a bon anganiko te ataei ae i nanon birotou aei bwa e aonga n riki bwa ataein Abanueam ae moan te bongana, bwa e na rikirake i nanon Am tangira, e na maiu ma n rikirake i aan Am kaawakin ma Am kairiiri. E bon koaua! Bwa boni Ngkoe te Aakoi. E bon koaua bwa boni Ngkoe ae moan te bati Am bwai n Aakoi.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

AB10714

Ataei

O Ngkoe te Uea ae e Akoi! Ataei aika a rangin tamaroa aikai bon taian karikibwai man bain Mwaakam ao kanikina aika a kamimi ibukin Korakoram. O te Atua! Kamanoia ataei aikai, n Am tituaraoi buokiia bwa a na reiakinaki ao karekea angaraioia bwa a na anga aia beku nakon te aonnaba ni botannaomata. O te Atua! Ataei aikai bon bwaeao, karikiia bwa a na kaikawaaki inanon nanan Am tangira n akoi.

Ngkoe te Kabanea n Tituaraoi, te Moan te Tatangira.

Also in: az, be, bg, bs, ca, da, el, en, es, es, fa, fr, ht, hu, hy, id, is, ja, kl, ky, lg, lt, med, ml, mn, naq, nl, pl, pt, ro, ru, sk, sq, sw, ta, ta, tet, th, tl, tvl, zh-Hans, zh-Hant

AB10052

Ataei

Au Uea! Au Uea! Ngai te teei ae e karako au ririki. Kamarikeai man mmamman Am atataiaomata, kataneiaai i nanon bwanibwanin Am tangira, reireiai i nanon kuuran Am kairiiri ao karikirakeai i aan nuun Am tituaraoi. Kabwaraai man te roo, karikai bwa teuana te oota ae ura mwaaka; kainaomataai man te aki kukurei, karikai bwa ueen te o n rooti; katauai bwa Nna riki bwa te toro i matan Am mataroa ao karuo a nako aou te aroaro ao te anua ake aekaia naake a etieti; karaoai bwa teuana bukin rikin te tituaraoi i bukin te aonaaba n aomata, ao unekenekea atuu ni baunuean te maiu ae akea tokina.

Ni koaua, boni Ngkoe te Korakora, te Matairiki, te Tia Ongo.

Also in: en, tet, tvl

AB10450

Ataei

O te Atua! Karikirakea te merimeri aei inanon mamman Am tangira, ao anganna te miriki man mamman Am Karawa. Mauboniia te aroka ae e booureirei aio inanon onarokan rootin Am tangira ao buokia bwa e na ikawairake rinanon karaun Am

tituaraoi Karikia bwa ataein abanueam, ao kairia nakon Am aonnaba ni karawa.
Ngkoe te korakora ao te akoi, a Ngkoe te Tia Angaanga, te Tituaraoi, te Uea ae e riao
Am akoi.

Also in: en, ky, tvl

AB11249

Aine

O te Uea! Buoka te nati te aine man te Abanuea bwa e na kariatataaki inanon aonnaba
aika uoua; karikia bwa e na tannako man te aonnaba ni bubuntano ae e kai mate aio
ao mai irouia naake a tia ni katurua nanoia nako iai ao karekea angaraoina bwa e na
reitaki ao ni karekea kaaniana ma te aonnaba are e aki maamate. Angan neiei te
korakora ni karawa ao kamatoaa rinanon ikeiken te Tamnei ae e Raoiroi bwa e aonga
n teirake ni beku Ibukim. Ngkoe te Kabanea ni Korakora.

Also in: de, en, en, en, es, nl, pt

ABU0129EDU

Ataei

Te Atua! Reireiniia ataei aikai. Ataei aikai bon aroka n Am onaroka, Ueen Am
tawaana, rootin Am onaroka. Kabwaka Am karau i aoia; kaootaa Taa in te Tamnei i
aoia ma Am tangira. Kareiia n Angim bwa a na kaitiakiia bwa aonga n reireiaki, n
rikirake ao ni waakirake ao ni karekea moan tamaroaia. Bon Ngkoe te Tia Angaanga!
Bon Ngkoe te Tia Ibuobuoki!

Also in: af, az, bg, bi, bs, ceb, ch, cnr, co, cy, da, de, diu, el, en, eo, es, et, eu, fa, fi, fo, fr, ha, haw, hi, hr, ht, hu, hy, hz, is, it,
ja, kj, kl, kn, ko, ky, lb, lg, lv, mg, mh, mi, mn, mn, mr, ms, nal, ne, nl, no, ny, pap, pl, pt, ro, se, sk, sm, sq, st, sv, sw, ta, te,
tet, th, tl, tpi, tvl, uk, vi, zh-Hans, zh-Hant

Departed

BH09085

Naake a tia ni Mate

Te tataro ibukin te mate e kakabonganaaki i bukiia kaain te Baha'i ake e a tia ni koro
15 aia ririki. "Ti aio te tataro ni Baha'i ae e kabaebae are e ananaaki n te bwanin; e na
anaaki iroun temanna te tia onimaki ao ni kabane ake a roko a na tei. Akea
baaireakina bwa e na kaitaraaki te Qiblih n anaaki te tataro aio." A Synopsis &
Codification of the Kitáb-i-Aqdas

Atuau! Bon Am toro aio ae te nati te mwaane ae natin Am toro are e a tia ni
Kakoauako ma Am kanikina, ao ni kaineta moana Nakoim, ni kabwaninaki ni
kamwaawaaki man bwaai nako ma bon ti Ngkoe. Bon Ngkoe, ni koaua, te kabanea n
ataataiaomata mai buakoia naake a kaota te ataataiaomata.

Ngkoe Are E kakabwarai bureia aomata ao E kakarabai aia kaairua, baairea taekana n
ai aron botaun karawan Am tituaraoi ao marawan Am raoiroi. Kariaia rinna i nanon
Oon Am ataataiaomata ae e riao are iai i mwaain bouakinan te aba ao karawa. Bon

akea te Atua bwa ti Ngkoe, te Kaakabwarai bure, te Kabanea n Tituaraoi.

[Ngkanne e na atongaki onoua te tai te taeka ni kamauri ae “Alláh’u’Abhá”, ao a na manga atongaki kaka tebwimaruaiwa te tai kiibu aika a koreaki i nano n tatabeua nako.]

Ni koaua, ti bon bane n taromauria Te Atua.

Ni koaua, ti bon bane ni katorobubua i matan Te Atua

Ni koaua, ti bon bane ni kabanei nanora i bukin Te Atua.

Ni koaua, ti bon bane n anga te nebonebo nakon Te Atua.

Ni koaua, ti bon bane n takaarua ni katituaraoi nakon Te Atua.

Ni koaua, ti bon bane ni kaantaninga iroun Te Atua.

[Ngkana te mate te aine, ke e na atonga: Bon Am tabonibai te aine aio ao te nati te aine ae natin Am tabonibai, etc...]

Also in: af, am, ar, ar, az, bg, bi, bn, ca, ch, cy, da, de, dgz, diu, el, en, eo, es, fa, fi, fj, fr, haw, hi, ht, hu, hy, hz, hz, iba, id, ik, is, it, ja, kgf, kiw, kiw, kj, kn, ksd, ky, ky, lb, med, meu, mg, ml, ml, mn, mr, nal, naq, naq, ne, nl, pl, pt, ro, ru, sk, sq, srn, sv, sw, ta, th, th, tk, tk, tl, tpi, tvl

BH08308

Naake a tia ni Mate

Am bwai te mimitong te Uea ae Atuau! Tai kamangora teuare Ko a tia ni karietaata ni mwaakan Inaomatam n tautaeka ae akea tokina, ao tai kamwaawa ni kararoaa mai Iroum teuare Ko a tia ni karinna n te umwanrianna n Am aki tootoki. Atuau, Ko na kanga ni karenakoa teuare ngaia are Ko a tia ni kanuua n Rikiam n Uea, ao Ko na kangaa, Maamaten nanou, ni katannakoa mai Iroum teuare Ko a bon tia n riiriki bwa ana tabo ni kamauri? Ko na kangaa ni karinanoa teuare ngaia are Ko a tia ni tabekiarake ke ni mwaninga taekan teuare ngaia are ko a tia ni karikia ni konaa n Uringko?

Te kamimitongaki, moan te kamimitongaki Ngkoe! Ngkoe bon Ngaia are E Uea man te aki tootoki n te karikibwai ae e bwanin ao Oin Waakina, ao Ko a bon tiku n aki tootoki bwa te Uea irouia bwaai ni kabane ake a karikaki ao te Tia baairei aroia. Ko kamimitongaki, Atuau! Ngkana Ko katoka Am ataataiaomata nakoia Am toro antai, ngkanne, ae e na kaota te ataataiaomata nakoia; ao ngkana Ko rawa ni kamaiuia ake ko tangiriia, antai riki ae e konaa ni kamaiuiia?

Ko kamimitongaki, ao te kamimitongaki ae akea baaireana Ngkoe! Ko bon neboaki i nanon Am motiraoi ao i Bukim ti bane ni koaua, ni kaotioti. Ko bon taatangiraki ni koaua, i nanon Am raoiroi. Akea riki te Atua bwa ti Ngkoe, te Buoka n te Nibwa ni Mate, te Maiu i bon Irouna.

Also in: ca, da, de, el, en, fa, ht, hu, iba, id, is, ky, lv, ne, no, pl, pt, ro, sk, tl, tvl, zh-Hans, zh-Hant

AB07304

Naake a tia ni Mate

O Ngkoe te Atua ae kakabwarabure! Kabwarai ana bure nako tinau ae tatangira, nanoangaia n ana kairua nako, anganna Am taratara ae e akoi man niniwana, ao buokia karekea rinna n Am Abanuea. O te Atua! Man moan bongin maiu e kareireiai ao e tararuaai, e ngae n anne I bon aki kona ni kaboi mwin korakaina ma ana mwakuri korakora. Kaniwanganna n anganna te maiu ae akea tokina ao karikia bwa e na karietaaki n Am Abanuea. Ni koaua, Ngkoe te Tia Kabwarabure, te Tituaraoi, ao te Akoi.

Also in: az, be, bg, ca, cnr, co, de, el, en, es, fi, fr, ht, hy, iba, is, lt, mg, nl, pl, pt, ru, sk, ta, tk, tl

AB11094

Naake a tia ni Mate

Atuau! Ngkoe ae te Tia Kabwarai buure, te Tia Tituaraoi, ao te Tia Kabebetei naano.

I a bubutii Nakoim ma te nanorinano bwa Ko na kabwarai bureia naake a tia ni mate rabwataia, ao tamneia a waerake nakon te maiu are akea tokina.

Te Uea, kaitiakiia man taian bure, katoki raraomaia ao onea te ro ane irouia nakon te oota. Kariniia ni barongan te kukurei, kaitiakiia n te ran are moanibaan te itiaki, ao katauia bwa a na noora Mimitongim ike e moa n te Rietaata.

Also in: af, az, bg, bi, bn, bs, ca, ch, cy, da, de, diu, diu, el, en, eo, es, et, eu, fi, fr, fy, hr, hu, hz, id, ik, is, it, ja, kgf, kj, kl, kn, ko, ky, lg, lg, lv, mg, mh, ml, mr, mt, naq, naq, ne, nl, no, pl, pt, ro, se, sk, sl, sq, srn, st, sv, ta, te, tet, tl, ur

Evening

BH00009HOW

Tairiki

Atuau! Atuau! Nna kanga n rinea matuu ngkai a taratara mataia naake a mate ni kan Nooriko i bukin raureia ma Ngkoe ao Nna kanga ni wene ni motirawa ngkai a maraki n raraoma tamneia naake a Tangiriko i bukin Raroam mairouia?

Au Uea, I anga tamneiu ma rabwatau nakon angatain Mwaakam ao Am kaawakin, ao I a kawenea atuu i aon uningau i nanon Korakoram, ao n tabekia n aron Nanom ma Kukureim. Boni Ngkoe ni koaua te Tia Kamaiu, te Tia Tararua, te Mwaaka, ao Moan te Korakora.

Ni Mwaakam, I aki bubutii i nanon matuu ke n taratarau bwaai nako ma ti ake Ko tangiri. Bon Am toro ngai i nanon Baim. Buokai n Am tangira ni karaoa te bwai are e na kataorababaa boiararan Kakukureiam. Aio ni koaua ae bon au kaantaninga ao aia kaantaninga naba naake a kukurei ni kaan ma Ngkoe. Ko na neboaki, Ngkoe te Uea n aonaaba.

Also in: af, ar, az, bg, bi, bs, ca, ceb, cnr, cnr, cy, da, de, el, en, es, et, fi, fj, fr, ha, hi, hr, ht, hu, hu, id, is, it, kl, kn, ko, lb, lg, lv, mg, ml, nl, no, pl, pt, ro, ru, sk, sq, srn, sv, ta, tl, tvl, zh-Hans

BH00009HOW

Toara ni Bong

Ayyám-i-Ha – Toara ni Bong

Atuau au Ai ao au Oota! Boong ake ko a tia n ingoanii bwa te Ayyám-i-Ha inanon am boki a bon tia ni moanaki O Ngkoe teuare Ueaia Aara ni Kabane, ao te aki mamatam are am Been ae moan baan te rietata e a tia ni kawenei kaetieti nakoia ni kabane ake inanon abanuean Am karikibwai bwa a na karaoa nanona e a uakaan. I bubuti nakoim, O au Uea, bwa man boong aikai ao mairouia ni kabane inanon te tai ae a bane n tineka kaon am kaetieti nako, ao n taua bain am kanoa n reirei, ni kataua nako aoia n tatabemaniia tamnei bwa a na anganaki te tabo inanon Oon am Marae, ao te kaintekateka n te Kaotioti ibukin raneanean Ootan Moam.

Aikai O au Uea, bon am toro ake akea te aananga ni babakaniwai are tauia rikaaki man are ko a bon tia ni karuoi inanon am boki. A bon tia ni boobaraaki Imatan am Waaki, ao ni karekea am boki ma te angimatoa are bungiaiki mai iroum, ao ni karaoa nanon are ko a tia ni koreia nakoia ao rinea bwa a na iria n aron are ea tia ni karuoaki Mairoum.

Ko bon nooria, O au Uea, aroia ni Kinaa ao n taakinakoi ni kabane ake ko a tia Kaoti inanon am Koroboki. Anganiia bwa a na moo, O au Uea, man bain am akoi te ran Mairoum ae akea tokina. Koreia ngkanne ibukin te kabomwi are katauaki ibukina are e a tia ni kainakoa inanon Marawan ae iai Ngkoe iai, ao ni karekea te wain ae te kabanea ni kangkang n te kaitibo ma ngkoe.

I bubuti nakoim, O Ngkoe Ueaia Ueea ao te tia nanoangaiia aika kataorikaakaki ni kataua nakoia raoiroin te aonnaba ae na roko. Koroia ibukia ao moarariki te bwai ae akea irouia am karikibwai ae e a tia ni kunea, ao warekia ibuakoia naake a tia ni katobibiiko ao are e mwamwainging irarikin am Kaintoka-n-uea ni katoai aonnaba n am aonnaba nako. Ngkoe ni koaua, Te Kabanea ni Mwaaka, te kabanea n atatai, te kabanea n ataibwai.

Also in: af, ar, az, bg, bi, bs, ca, ceb, cnr, cnr, cy, da, de, el, en, es, et, fi, fj, fr, ha, hi, hr, ht, hu, hu, id, is, it, kl, kn, ko, lb, lg, lv, mg, ml, nl, no, pl, pt, ro, ru, sk, sq, srn, sv, ta, tl, tvl, zh-Hans

AB06528MID

Ingaabong

Atuau, I a tia ni uti i nanon Am katantan, ao I a riki bwa teuare e bubutii katanana ni maeka i nanon Am tabo ni kaawakin ma korakoran Am totoko. Au Uea, kaotaa nanou n raoiroin kanoan Bongin Ataakim n ai aron naba ae Ko kaotaa iai au taratara n ootan ngainan Am aakoi.

Also in: af, az, be, bg, bn, ca, cy, da, el, en, eo, fr, gu, hi, hr, ht, hu, hy, hy, hz, hz, id, is, it, ja, ja, kl, kn, ko, ko, ko, ky, lo, lv, ml, ms, nl, no, pl, pt, ro, ru, sk, sm, sm, sm, sq, sv, ta, ta, te, tet, th, tl, tpi, tvl, tvl, tvl, tvl, uk, vi, zh-Hans, zh-Hant, zh-Hant

AB06528MID

Tairiki

(Te tia ukora te Koaua! Ngkana ko tangira kaurean matam n tamnei iroun Te Atua, ko na riai n tangi Nakoina, tataro ao Kaaitaraa n te nukanibong ao kaangai:)

Te Uea, I a tia n taraa Abanueam n te Nano teuana ni moau ao e a bua nanou i nanon

marawan Am tangira! Te Uea! Kaotaa matau bwa Nna noora Am oota n roon te tairiki aei, ao kakukureiai ni kanenein Am tangira nakon te roro ae e raoiroi aei! Te Uea, kaongoai n Am wewete, ao kauka mataroan Am karawa i matau, n te burimauniaki nakon Mimitongim ma te katikaki nakon Tamaroam!

Boni Ngkoe te Tia Anga te Aakoi, te Atataiaomata ao te Tia Kabwarai buure.

Also in: af, az, be, bg, bn, ca, cy, da, el, en, eo, fr, gu, hi, hr, ht, hu, hy, hy, hz, hz, id, is, it, ja, ja, kl, kn, ko, ko, ko, ky, lo, lv, ml, ms, nl, no, pl, pt, ro, ru, sk, sm, sm, sm, sq, sv, ta, ta, te, tet, th, tl, tpi, tvl, tvl, tvl, tvl, uk, vi, zh-Hans, zh-Hant, zh-Hant

Fire Tablet

BH00687

Taburetin te Ai

N aran te Atua, Bwain Ngkoa Ngkoa, te Kabanea ni Korakora.

Ni koaua ao nanoia naake a kokoaua a kanaki n ain te raurenako: E nga raitiitin otan Moamoam, O ae Ko Tangiraki irouia aonnaba? Naake a uakaan Nakoim a tia ni kitanaki inanon rotongitongin te urubeke: Enga raneanean ingabongin te manga kaitiboaki ma Ngkoe, O Ae Ko Tangiraki irouia aonnaba?

Rabwataia ake Ko rinea a wene n ruru iaon taian tano i kiraroa: e nga marawan Menam ikai, O te Tia Katiki Nanoia aonnaba?

Baai aika a ingainga a mwemwekaki nakon karawan Am akoi ao Am tituaraoi: E nga karaun Am Angaanga, O te Tia Kaekai aonnaba?

Taan iowawa a tia n teirake ni kakiriwe ni katoai taabo nako: E nga korakoran Am kainikoroboki ae e katabuaki, ae e aki kona ni kaaitaraki, O Ngkoe Te Tia Tokanikai iaon aonnaba nako?

Kaukauia kamea e nene n itera nako: E nga raianin te buakonikai ni Mwaakam, O te Tia Kaetietii aonnaba nako?

Te mwaitorotoro e a tia ni komakiaa aomata nako: E nga kabuebuen Am tangira, O Ain taian aonnaba?

Te kabuanibwai e a roko n rietaatana: A nga kanikinaean Am ibuobuoki, O Te Tia Kamaiuia taian aonnaba?

E a tia te rotongitong n otabwaniniia angiaa aomata: E nga otamwaakan Raneaneam, O Otanakon taian aonnaba?

Roroaia aomata a reena nako n te kairiribai: A nga kabaangin Am karekekai, O Te Tia Urui taian aonnaba?

Te kamaemaeaki e a roko ni kabin rinanona: A nga kanikinaean Mimitongim, O Mimitongin taian aonnaba?

Taian karawawata a tia n kaikuaka te Tia Kaotioti Aram, te Kabanea n Nanoanga: E nga kakukurein Ngainan aomarin Am Kaotioti, O Kakukurein taian aonnaba?

Te nakonnano e a tia ni bwakariia aomata n te aonnaba: A nga kanikinaean Am

kakukurei, O te Tia Kakukureia taian aonnaba?

Ko nora Karangainan te Tabo ibukin Am kanikina n rabunaki n taian kaoti aika a riaboro: A nga tabonibain Mwaakam, O Korakoran taian aonnaba?

Te takaroro e a tia n taoniianako aomata ni kabane: E nga karaangan Am tituaraoi, O Te Tia Nanoangaia kaain taian aonnaba?

Te mwangainrang e a tia ni kabaeia aomata nako: A nga karabwataakin te kamwawaaki, O Uean taian aonnaba?

Ko nora Temanna ae E Aranaki bwa E Kaairua aio ae E maroaa inanon kakionakoana mai abana: A nga taan kairuwaa ni karawan Am Kaetieti, O Uean Taian aonnaba?

I a tia ni katioaki n te aba ae ianena: A nga kanikinaean Am kakaonimaki, O Te Tia Onimakinaki n Taian aonnaba?

Kammarakin te mate e a tia n tauia aomata nako: E nga utin Am marawa ibukin te maiu ae akea tokina, O Maiun taian aonnaba?

Ana wirikiriki Tatan, e a tia n ikeikenaki nakoia karikibwai ni kabane: E nga nei tewenei n Am ai, O Otan taian aonnaba?

Mangigin te kaibwabwaru e a tia ni kabarekaia angia te botanaomata: A nga ngainan aumarin te itiaki, O ae Ko Tangiraki n taian aonnaba?

Ko nora Temanna ae E Aranaki bwa E Kaairua aio n rabunaki moana n taian mwakuri ni iowawa ibuakoa kaain Syria: E nga otanakon Am taura n te karangaina? O Ngkoe Tauran taian aonnaba?

Ko norai ae I katabuaki n taetaenikawai: Ao ngkanne mai ia ae e na bwebwerake Eenikunam, O Naitengkaren taian aonnaba?

Angia aomata a otabwaniniaki n taian katautau ao iango aika akea nanoia: A nga kanikinaean Am kakaonimaki, O Te Tia Kakoaua ibukin taian aomata?

E a bwabwa Bahá inanon marawan te kabuanibwai: E nga te Aake ibukin Am Kakamaiu, O te Tia Kamaiuia taian aonnaba?

Ko nora Ngainan aumarin Am taetaenikawai inanon rotongitongin te karikibwai: E nga taain karawan Am tituaraoi, O te Tia Anga te Ota nakon taian aonnaba?

Tauran te koaua ao te itiaki, te kakaonimaki ao te karineaki, a tia n tiringaki: A nga kanikinaean Unim ni Kabomwi, O te Tia Kamwaingi taian aonnaba?

Ko kona n nora temanna ae e tei n tiambion Ibukim, ke ae ni karau n iangoi bwaai ake a tia ni Bwakaria inanon kawain Am tangira? Ngkai ao e tei moa Au kai-ni-koroboki, O ae Ko Tangiraki n taian aonnaba.

Mwaangan nako te Kai te Rote ni Karawa a wene ni mwaoto ni korakoran ukin angibuakan te katauaki ibukia: A nga taian baena n Am ibuobuoki, O Te Tiambion n taian aonnaba?

Te Ubu aio e raba ibuakon bubun tanon te taetae n aki akaaka: A nga beebeten angin

Am nanoanga, O Te Tia Nanoangaia taian aonnaba?

Kamwarain te maiu ae katabuaki e kabarekarekaaki irouia aomata aika a babakanikawai: E nga te kunnikai ae e tabu, O te Tia Katamaroai taian aonnaba?

Marawan te tituaraoi e aki kakamwakuri ibukin aia mwakuri ake a karaoi aomata: A nga naon Am Tituaraoi, O ae Ko Tangiraki n taian aonnaba?

Te mataroa are e kaineti nakon Kaaniam ni Karawa e rokanaki ibukin aia iowawa Am kairiribai: E nga kiingin Am angaanga, O te Tia Kauki Rokan taian aonnaba?

A kababoboaki taian banikai man boitinin angin te kakaaitara: E nga ngonakon karaun nanging Am tituaraoi, O te Tia Angaanga nakon taian aonnaba?

E karooaki te aonnaba man bubun te bure; A nga beebeten angin Am kabwarabure, O te Tia Kabwarai bureia kaain te aonnaba?

Te Roronrikirake aei e maroaa n te aba ae e urubeke: E nga karaun Am tituaraoi mai karawa, O te Tia angaanga nakon taian aonnaba?

O te Kabanea n Rietaata ni Kainikoroboki, ti a tia n ongo Am kabanea ni karewerewe ni wewete inanon te aonnaba ae akea tokina: Anga taningam nakon te bwai are e atonga Newen te Karietataaki, O Temanna ae E Aranaki bwa E Kaairua n taian aonnaba!

Ke arona bwa akea te mwaitoro, e na kanga kabuebuen Am taeka n teimatoa, O Te Tia Katanoata n taian aonnaba?

Ke arona bwa akea te kabuanibwai, ao e na kanga taain Am taotaonannano n otanako, O Otan taian aonnaba?

Tai bwaebwaeti ibukiia aika a buakaka. Ko a tia ni karikaki bwa ko na aonnangai ao ni keiakina uotam, O te Tia Taotaonanano n taian aonnaba.

Ai karewerewera Kaotim n te karangaina iaon oraitanin te Boraraoi ibuakoia taan kauekea te kakiriwe, ao Am ingainga nakon te Atua, O ae ko Tangiraki n taian aonnaba.

Iroum ao te baena ibukin te inaomata e unikaki iaon taubuki aika a kabanea n ririeta, ao marawan te tituaraoi e uti, O te Tia Kakukureia taian aonnaba.

Man Tikum i bon Iroum ao Taai n te Katiteuanaaki e otanako, ao man Kanakoam mai abam, aban te Katiteuanaaki e a katamaroaaaki. Taotaona Nanom, O Ngkoe te Tia Kanakoaki Mai Abam n taian aonnaba.

Ti a tia ni karaoa te kamaemaeaki bwa te kunnikai ni mimitong, ao te kammarakaki bwa katamaroan Am tembora, O te Tia Kamoamoaki n taian aonnaba.

Ko noori nano a onrake n te kairiribai ao tarariaoakiia bon Am Bwai, O te Tia Rabuni buren te aonnaba.

Ngkana a kia taian kabaang, waakirake! Ngkana a kibanako rabunaia, mwananga nako! O Ngkoe Te Tia Kaburearo n taian aonnaba.

Ko na tang, ke Nna tang? Ni bon arona, Nna tang ibukin karakoia Am tiambion, O Ngkoe are Ko karika tanginiwenein taian aonnaba.

Ni koaua ao I a tia n ongo Am Wewete, O Ngkoe ae te Kabanea ni Tangiraki ae Ko Mimitong; ao ngkai moamoan Bahá e urarake ni kabuebuen taian kabuanibwai ao ma ain Am taeka ae raneanea, ao E a tia n teirake ma te kakaonimaki n ana tabo ni kaburearo, ni kariariai Kakukureiam, O Ngkoe te Tia Kataui Bwai nako n taian aonnaba.

O Ali Akbar, karabwa am Uea ibukin te Tabureti aio are ko kona n ikeikena iai boiararan Au kamangori, ao n atai bwaai ni kabane ake a Bwakariira inanon kawain te Atua, te Rangin Tangiraki ibuakon taian aonnaba nako.

Ngkana a bane tooro nako ni wareka ao ni karaua n iangoa aio, ao e na kakiaaki inanon iaia te ai ae e na kaurarakei taian aonnaba.

Also in: ar, az, bg, bn, bs, ca, da, de, el, en, es, fi, fr, fr, hy, it, kn, lv, mg, nl, no, pl, pt, ru, sv, tl, tvl, ur, vi

Gatherings

BH00074BLE

Kabutireirei

Kaotaki nakoia kaain te Bahá'í n Aonon Maiaki

Ni kabane tamnei ake a mwananga inanon kaawa aika bubura, kaawa aika uarereke ao bwariko n auti tabeua n aono aikai ao e katabea ma kakianakoan boiararan te Atua, e na wareka aio ni karaurau ni katoa ingabong:

O Atua! O Atua! Ko noorai n au kabanea n rinano ao ni mamara, katabeaki ma te mwakuri ae rangi ni korakora, nanomwaaka n irakea Am taeka ibuakoia te mwaiti ae korakora ao ni kauamaea Am reirei nako ibuakoia Am aomata. Nna kanga n tokanikai ma tii man Am ibuobuoki nakoia ao ikeiken te Tamnei ae Raoiroi, buokai n tokanikai man te runga are n Am abanuea ae mimitong, ao kabwaka ni karau nako aou Am kamatoa nako, are bon tii mai iai e kona ni bita te manibeti nakon te ikare, ao te tim n ran nakon taian karanga ao taian taari, ao te atom nakon taian oota ao taian taai? O au Uea! Buokai ma Am tokanikai ae rianako ao korakoram ae kakai, n te aro bwa neweu e na kona n tataekina Neboneboam ma Aroarom nako ibuakoia ni kabane aomata ao e na taonako tamneiu ni wainin Am tangira ao Am atatai.

Bon Ngkoe te Korakora ao te Tia Karaoi Bwaai nako nakon Kukureim.

Also in: be, bla, bla, bs, ca, chr, co, cy, de, dgz, en, et, fa, fr, fy, ga, gwi, gwi, gwi, haw, ht, hu, hur, hur, hur, hur, iba, ik, is, kgf, kiw, kl, km, ksd, lg, lkt, lkt, lt, lut, med, meu, ml, moh, moh, ms, nv, nv, ny, oj, oj, oj, oj, one, pap, ro, se, shh, slh, slh, slh, sm, sq, srn, tet, tk, ttm

BH00074BLE

Tataro aika a Taabangaki

E kakabwaiaaki te tabo, ma te auti, ma te nne, ma te kaawa, ma te nano, ma te maunga, ma te tabo ni katantan, ma te bwanga ni Imatang, ma te mwarua, ma te aba,

ma taari, ma te abamwakoro, ma te tawaana, ike e a tia ni taboaki iai Aran te Atua, ma ni kamimitongaki Neboana.

Also in: be, bla, bla, bs, ca, chr, co, cy, de, dgz, en, et, fa, fr, fy, ga, gwi, gwi, gwi, haw, ht, hu, hur, hur, hur, hur, iba, ik, is, kgf, kiw, kl, km, ksd, lg, lkt, lkt, lt, lut, med, meu, ml, moh, moh, ms, nv, nv, ny, oj, oj, oj, oj, one, pap, ro, se, shh, slh, slh, slh, sm, sq, srn, tet, tk, ttm

BH09848

Tataro aika a Taabangaki

Katakei, ngkoe Au toro, Ana kibu nako Te Atua ake a tia ni karekeaki iroum, n aron katakeaia irouia naake a tia ni katikaki ni kaaniaki Nakoina, bwa ni karewerewen am anene e na kona ni bon kaura oin tamneim, ao ni katiki nanoia aomata ni kabane. Are e atongnga, i bon irouna n ana ru, kiibu ake kaotaki iroun Te Atua, Ana anera te Uea a na kauamaae nako ao a na tibwatibwai boiararan taeka ake a atongaki mai wiina, ao e na karikia naake a etieti ni bukibuki nanoia. E ngae ngke n te moa n tai e aki namakina mwiina, ma tamaroan te aroaro are e kaawakinaki i bukina e na bon tangiria n te tai ae waekoa ke n te tai rimwi ni karaoaki nanona n tamneina. Bwa bwaai aika a raba n Ana Kaotioti Te Atua a tia ni koreaki n tamaroan Nanon Teuare Ngaia Boton te korakora ao te rabakau.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

BH09848

Kabutireirei

Kaotaki nakoia kaain te Bahá'í n Aonon Nuka

A kona taan kabutanakoa boiararan te Atua n atonga te tataro aei ni katoa ingabong: O te Uea, Atuau! Te nebonebo ao te karabwarabwa Nakoim bwa Ko a tia ni kairai nakon te kawai ni koaua nakon te abanuea, ni kariaia bwa Nna nakonako n te kawai ae ineti ma ni kakironako kaei aei, Ko kaota matau bwa Nna nora raneanean Ootam, Ko kainga taningau nakon tangiraoia mannikiban te katabuaki man te abanuea ni kamimi ao ni katika nanou n Am tangira ibuakoia aika etieti.

O te Uea! Kamatoaai ma te Tamnei ae Raoiroi, n te aro bwa I aonga ni kona ni wewete n Aram ibuakoia aono nako ao n anga reirei ni kamaiu ibukin kaotiotan Am abanuea ibuakoia aomata nako.

O te Uea! I bon mamara, kamarurungai ni Mwaakam ao Korakoram. Neweu e baebae, kariaiaai bwa Nna tataekini Kaururingam ma Neboneboam. I rinano, kakannangakai man karinakiu inanon Am abanuea. I raroanako, karikai bwa Nna waaki nako matan atibun mataroan Am nanoanga. O te Uea! Karaoai bwa te taura ae katekemata, te itoi ae raneanea, ao te aroka ae kakabwaiaki, ae unekenekeaki ma uaa, mwangana nako a kanuui mwakoro n aono nako n taabo aikai. Ni koaua, bon Ngkoe te Korakora te Mwaaka ao te Aki Kona ni Ineaki.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

BH09848

Kabutireirei

Te nebonebo Nakoim, O te Uea ae Atua! I a Butiiko n Aram are akea ae e a tia ni kinaa n ae tau, ao kakawakina akea te tamnei ae e a tia ni kataunaari; tia n ataia ni koaua; I Butiiko, iroun Teuare Ngaia Koburakenranin Am Kaotioti ao Bonginaumarin Am kanikina, ni karika nanou bwa e na butimwaea Am tangira ao Ururingam. Kabaea, ngkanne, nakon Am marawa ae moanbaan te korakora, bwa mai iai a na waanako ranin te maiu n Niniwanam ao raanga n ran aika a iitiaki ni Kamimitongam ma Neboam.

Baiu ao waeu n rabwatau a kakoaua n Am katiteuana, ao iran atu e katanoata korakoran Ueam ma Mwaakam. I a tia n tei ni mataroan Am tituaraoi n tabwanin n aki tabeakinai i bon irou ao ni kaakeaai n tabwaninna, ao n nimta rabin Am bwaintituaraoi, ao ni katurua matau iaon oraitanin Am bwaintangira.

Kataua ngkanne ibukiu, O Atua, te bwai are e na riki bwa kakannaton Ueam, ao buokai, n Am tituaraoi ae e kakamatoa, n reiakina Am Waaki bwa a aonga maate ni kawaekoaia man ruaia, ao ni biri Nakoim, n onimaki n tabwaninna Iroum, ao ni katokai aia taratara i aon raneanean Am Waaki, ao nnen-karangainan Am Kaotioti. Ngkoe, ni koaua, te Kabanea ni Korakora, te Kabanea n Rietaata, te Ataibwaai nikabane, te Kabanea ni Wanawana.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

ABU3291

Botaki n Tamnei

(An botaki ngkami n te kimwareirei ae akea renganana, ao ni moanakin te bowi, atonga te tataro aio):

Ngkoe Uean te Abanuea! E ngae n are rabwatara a botaki ikai, ma nanora a mwaneraoi ni uotakinako n Am tangira, ao ti a tabekaki nako n ootan Moam ae e oota nako. E ngae n are ti ngore ma ti a tataninga kaotiotakin Mwaakam ao Korakoram. E ngae n are ti a kainnano n akea ara bwai ao akea angara, ma ti bon anaanai baike a bobuaka man kaubwain Abanueam. E ngae n are timtim ngaira, ma ti bon tootoom man kabin nanon Am marawa. E ngae ngke ngaira bubuntano, ma ti bon raitiiti man mimitongin Am Taai are raneanea.

Ngkoe ae te Tia Angaanga! Karuoa Am buoka, bwa ni kabane aika a botaki ikai a na riki n tatabemaniia bwa te taura te nenea ae ura, boton te kariirii, te tia weewete nakon Abanueam ake i karawa, bwa n tokina ao ti na karika te aonaaba ae ai moone aio bwa katootongan Am Bwaretaii.

Also in: az, bi, ceb, en, eo, sne, tvl

ABU3291

Botaki

Te Atua ae E Nanoanga! Tooro aikai a rairaki nakon Am abanuea n ukoukora Am

tituaraoi ao am bwai n aakoi. Te Atua! Karikii nanoia bwa a na raoiroi ao n itiaki n te aro bwa a aonga ni kona n butimwaea Am tangira. Kaitiaki ao katabui tamnei bwa e aonga otan Taain te Koaua n otanako irouia. Kaitiakii ao kamwawai maata bwa a aonga n nora Otam. Kaitiakii ao kamwawai taninga bwa a aonga n ongo ana wewete Am abanuea.

Te Uea! Ti bon ngore, ma ko bon korakora. Ni koaua, ti bon kainnano, ma ko bon kaubwai. Ngaira taan ukeuke, ao Ngkoe bon Ngaia are ti Ukoukoriko. Te Uea! Nanoangaira ao kabwarai ara bure, anganira te konabwai ao te nano n tauraoi bwa ti aonga n tau ni butimwaea nanom ao ni katikaki nakon Am abanuea, bwa ti aonga ni moi man Am ran ni kamaiu ae akea tokina, bwa ti na niniaki n ain Am tangira, ao ni kamaiuaki man ikeiken te Tamnei ae e Raoiroi n te tienture ae e ota aio.

Te Atua, Atuau! Karuoa am taratara n tangira n akoi nako aon te ikotaki aio,. Kamanoia n tatabemaniia ao ni kabane inanon Am tararua ao iaan Am kamanomano. Karuoa nako aon tamnei aikai taian kakabwaia ni karawa. Kateboia inanon marawan Am nanoanga, ao kamaiuia n ikeiken te Tamnei ae e Raoiroi.

Te Uea! Anga am buoka ae e tituaraoi ao am kamatoa nako aon te tautaeka ae e motiraoi aio. Te aono aio e wene iaan nuun Am kamanomano, ao aomatana a beku Ibukim. Au Uea! Kataua ibukiia te tibwanga mai karawa ao karekea waanakon Am tituaraoi ao Am mwamwannano ae e taonako man bwakanako. Kataua ibukin te aono ae e karietataaki aei bwa e na teimatoa te karinerine nako aona, ao kariaia bwa e na karinaki inanon Am abanuea.

Bon Ngkoe te Mwaaka, Kabanea ni Korakora, te Nanoanga ao bon Ngkoe te Tituaraoi, te Akoi ao Uean te Tamaroa ae e aki kona n toki.

Also in: az, bi, ceb, en, eo, sne, tvl

ABU3291

Kabutireirei

Atuau, buoka Am toro aei bwa e na karietaa te Taeka, ao n ekanakoa are akea nanona ao are e kaairua, ni katea raoi te koaua, ni kabutinakoi taian kiibu aika a tabu, ni kaotai te oota, ao ni karika ootan te ingaabong n ingi i nanoia ake a etieti. Boni Ngkoe, ni koaua, te Moamoaomata, te Kabwarabure.

Also in: az, bi, ceb, en, eo, sne, tvl

ABU3291

Kabutireirei

Kaotaki nakoia kaain te Bahá'í iaon Canada ao i Greenland

Taan kauamaea boiararan nako te Atua a kona n atonga te tataro aei ni katoa ingabong:

O te Atua, Atuau! Ko nora te mamara aei e bubuti ibukin te kakorakora ni karawa, te kainnano aei e bwarua kaubwain nako Am karawa, te takaroro aei e korakai nanona

nakon mwanibwan te maiu ae akea tokina, te ikuaki aei, e ririkanaa Am berita ni kamarurung rinanon Am nanoanga ae akea tiana are Ko a tia ni motikia ibukia Am toro ake Ko rineiai inanon Am abanuea are ieta.

O te Uea! Bon akea te tia buokai ma bon tii Ngkoe, bon akea umwau Irarikim, ao akea te tia kanuaai ma bon tii Ngkoe.

O au Uea! Kariaiaai bwa Nna kamwawaaki man bwaai nako ma tii Ngkoe, n taua ni kamatoa rabin Am kakabwaia, ni babanennano raoi nakon Am Aro, n tiku ni matoa ao n teimatoa inanon Am tangira ao ni ira raoi are Ko a tia ni koreia inanon Am Boki.

Ni koaua, bon Ngkoe te Mwaaka, te Korakora, Akea Tian Mwakana.

Also in: az, bi, ceb, en, eo, sne, tvl

ABU0070GAT

Kabutireirei

Kaotaki nakoia kaa'in te Bahá'í n Aonon te United States ao Canada

O Ngkoe te Atua ae akea Kabotauana, O Ngkoe Uean te Abanuea! Tamnei aikai, bon kaa'in Am taanga ni buaka ni karawa. Buokia ao n raonaki irouia kaa'in te Runga mai Ieta, anganiia te tokanikai bwa aonga n riki n tatabemaniia nako bwa ai aron te taanga ni buaka man tauu aba aikai rinanon Ana tangira te Atua ao kaotanakoan taian reirei n tamnei.

O te Atua, riiki Ngkoe bwa aia tia boutoka ao aia tia ibuobuoki ao, n taabo nako aika aki maekanaki, iaon maunga, inanon mwarua, ibuakonikai, inanon tawaana ao riaon marawa, riiki Ngkoe bwa te Tia Onimakinaki irouia bwa aonga n tatarakua, rinanon mwaakan te Abanuea ao ikeiken te Tamnei ae Raoiroi.

Ni koaua bon Ngkoe te Mwaaka, te Korakora ao te Tia Konai Bwaai nako, ao bon Ngkoe te Wanawana, te Tia Ongongo ao te Matairiki.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl, ny, pl, pt, ro, ru, sk, sm, sne, ta, tet, tl, tpi, tvl, uk

ABU0070GAT

Botaki

Ngkoe Te Atua ae te atataiaomata! Ngkoe are Ko korakora ma ni mwaaka! Ngkoe are te Tama ae moan te aakoi! Tooro aikai a tia n ikotaki n rairaki Nakoim, ni bubutii ma te mangori n atiibun Am matarua, n tangira Am tituaraoi are akea tokina man Am karaunano ae kakannato. Akea aia oi ma ti kukurein Nanom. Akea nanoia bwa ti te beku i bukin ana aonaaba te botannaomata.

Te Atua! An karaneanea te ikotaki aio. Kariki naano bwa a na atataiaomata.

Katoamauiia n Ana tituaraoi te Tamnei ae Raoiroi. Kaburea taekan te mwaaka teuana mai karawa nakoia. Kakabwaiaia n iango ni karawa. Karikirakea kokoauaia bwa aonga iai ngaiia n rairaki nakon Abanueam ma te nanorinano ae bwanin ao te nano maraki ao tabeakinan te beku i bukin ana aonaaba ni botannaomata. A bia ngaiia n

tatabemaniia nako n riki bwa taura nenea aika a oota nako. A bia ngaiia n tatabemaniia nako n riki bwa itoi aika a kateke mata. A bia ngaiia n tatabemaniia nako n riki bwa tamaroan matamataia ao kianakon boiarara i nanon Uean Te Atua. Te Tama ae Aakoi! Aanga Am karaoiroi nako. Tai mwannanoi ara aki rokoraoui. Kataniia i aan Am kamanomano. Tai uring ara bure. Katoki aorakira n Am atataiaomata. Ti bon ngore; Ko bon mwaaka. Bon akea arora; Ko bon kaubwai. Ti bon aoraki; boni Ngkoe te Tia Katoki aoraki. Ti bon tangira buokara; boni Ngkoe te kabanea n tituaraoi.

Te Atua! Kanonoira n Am katoronibwai. Boni Ngkoe te Mwaaka. Boni Ngkoe te Tia Angaanga. Boni Ngkoe te Raoiroi.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl, ny, pl, pt, ro, ru, sk, sm, sne, ta, tet, tl, tpi, tvl, uk

ABU0070GAT

Kabutireirei

Kaotaki nakoia kaain te Bahá'í n Aonon Meangmainiku

Te bubuti ae inano e kona ni warekaki irouia taan reirei ao raao ni katoa bong:

O Ngkoe te Uea ae akoi! Ko na neboaki bwa Ko a tia ni kaota te kawai ae ineti ibukin te kairiri, ni kauki mataroan abanuea ao ni Kaotiko rinanon Taain te Oioi. Nakon te mataki Ko a tia n anganna te noraba; nakon te bonokau Ko a tia n anganna te ongo; Ko a tia ni kamaiua te mate; Ko a tia ni kaubwaia te kainnana; Ko a tia ni kaota te kawai nakoia ake a tia ni mwaninga nako; Ko a tia ni kairia ake a ure riaia nakon mwanibwan te kairiri; Ko a tia ni kariaia te ika ae takaroro bwa e na roko ni marawan te oioi; ao Ko a tia ni kaoia mannikiba aika tiotionako nakon rootin arokan te nanoanga.

O Ngkoe te Kabanea ni Korakora! Bon Am toro ngaira aika kananoanga; ti raroa nako ao ti ririkana Menam irarikira, ti bon takaroroa ranin Am mwanibwa, ti aoraki, ti bwarua Am kakamaiu. Ti nakonako inanon Kawaim ma bon akea ara oi ke oin ara kantaninga ma tii kabutanakoan Boiararam, n te aro bwa tamnei ni kabane a na kona n irakea bwanaaia: O te Atua, “Kairira nakon te kawai ae ineti.”² A bia kaureaki mataia bwa a na nora te oota ao a bia kainaomataaki man rotongitongin te roonnano. A bia ikotaki ni katobibia tauran Am kairiri. A bia taan aki kabwaibwaiaki aikai ni katoaki ma te tibwa. A bia kananoanga aikai n riki n onimakinaki n taekan Kamiimiim.

O te Kabanea ni Korakora! Taraira ma te mata n nanoanga. Anganiira te kamatoaki ni karawa. Kataua nako aora ikeiken te Tamnei ae Raoiroi, n te aro bwa ti na buokaki inanon ara beku Ibukim ao, n ai aron itoi aika raneanea, kaotai mwakoro n aono aikai ma ootan Am kairiri.

Ni koaua, bon Moan te Mwaaka Ngkoe, te Korakora, te Wanawana ao te Nooraba.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl,

ABU0188TUR

Kabutireirei

Kaotaki nakoia kaain te Bahá'í n Aonon te United States ao Canada

Are e mwamwananga nakon iteran mwakoro nako ni kabuta te reirei, iaon maunga, rereua, aaba ao taari ke wareka raoi te bubuti aei:

O te Atua! O te Atua! Ko nora mamarau, rinanou, ao mangorui imataia Am karikibwai nako; e ngae n anne, I bon katuka au onimaki Iroum ao I teirake ni kabuta nakoia Am reirei nako ibuakoia Am toro aika korakora, ni katan iaon Mwaakam ao Korakoram.

O te Uea! Bon ngai te mannikiba ae mwaoto baina ao e kan kibarakea Am mwaawa ae akea tiana. E na kanga n reke nakoiu aei ma bon tii rinanon Am ibuobuoki ao Am nanoanga, Am kamatoa ao Am ibuobuoki.

O te Uea! Nanoangai ni mamarau, ao kakorakoraai ni Mwaakam. O te Uea! Nanoanga au aki konabwai, ao buokai ni Korakoram ao Kakannatom.

O te Uea! Ngkana ikeiken te Tamnei ae Raoiroi e kamatoa te karikibwai ae bon te kabanea ni ngore, e karekei bwaai ni kabane nakon are tangiria ao ni bwaini bwaai nako ake e nano iai. Ni koaua, Ko a bon tia ni buokia Am toro n taai aika nako ao, e ngae ngke kabanean ngoreia Am karikibwai, kabanean rinanoia Am toro ao kabanean aki kakawaki ibuakoia ake a maeka n te aba, rinanon Am katabuaki ao Korakoram a tia ni moan bwai iaioia kabanea ni mimitong ibuakoia Am aomata ao kabanea ni kakannato ibuakoia botanaomata. Aongkoa ngkekei bon taian manibeti, a riki bwa ai bwanuean mannikiba aika falcons, ao ngkekei ngkoa bon taian ranga n ran aika uarereke, a riki bwa ai taari, rinanon Am tituaraoi ao Am nanoanga. A riki, rinanon Am akoi ae korakora mwaitina, itoi aika raneanea iaon oraitanin te kairiri, mannikiba anene inanon rootin te onaroka ae akea tokina, raian a bekorara inanon buakonikain te atatai ao te niniwana, ao kuua a uaua inanon marawan te maiu.

Ni koaua, bon Ngkoe te Nanoanga, te Mwaaka, te Korakora, ao Katokia Nanoanga.

Also in: ar, bg, ca, da, de, el, en, fa, fi, fo, fr, ht, hy, hy, is, it, ja, kj, kl, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

ABU0188TUR

Kabutireirei

Kaotaki nakoia kaain te Bahá'í n Aonon te United States ao Canada

Ibukiia aika a mwananga i bukin te kabuti reirei nakon taabo nako ma ni mwamwananga n taabo aika a ia-nena; e kona n atonga te tataro aei ni bong ao ni ngaina.

Te Atua, Atuau! Ko noorai ngkai e otab-wanini-aki nanou ao ni katikaki nakon Abanueam ae e mimi-tong, n urarake n ain Am tan-gira i buakoia ao-mata, bwa te tia uataeka i bukin Abanueam n taabo aika a bati ao ni ua-maae aikai, ni ko-re-aki man

bwaai ni ka-bane ma ti ngkoe, ni kaakeaa te moti-rawa ao te mwen-garaai, n raroa nako man mweengau are I ma-maeka iai, n riki bwa te tia ti-o-tio n taabo aikai, te ia-nena ae e bwakara aon-tano, ni kari-nanoai i matan at-i-bun Am Mataroa ae e ka-ri-etataaki, n ongeaaba nakon Am karawa ae e ri-etaata mimi-tong-ina, ma n Taromauiiko n auan te tairiki ao n tab-we-nan te ingabong, ao n Bubu-ti-iko man onnon Nakoim n te in-gaabong ao n te tairiki bwa Ko na buokai ri-nanon am titu-araai ni beku i nanon Am Waaki, ni kataorababaa nako ki-raroa Am reirei ma ni ka-ri-etataa Am taeka n it-eran te aon-aaba aika i mainiku ao i maeao.

Te Uea! Kako-rakora nuukau ao karikai bwa Nna kona ni beku Ibukim ma te nanoko-rakora, ao tai katukai n ti ngai, ni maroaa ao n aki kon-ab-wai n taabo aikai. Te Uea! Kari-aia bwa Nna ireken-rao ma Ngkoe n tain maroaa, ao riiki bwa Raou n taabo aika a ia-nena aikai.

Ni koaua, bon Ngkoe te Tia kam-a-toaia naake Ko bon taku bwa Ko nano irouia ake ko bon tan-giria ao ni koaua, bon Ngkoe te Ko-rakora, te Maiu i bon Irouna.

Also in: ar, bg, ca, da, de, el, en, fa, fi, fo, fr, ht, hy, hy, is, it, ja, kj, kl, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

ABU0188TUR

Kabutireirei

Kaotaki nakoia kaain te Bahá'í iaon Canada ao i Greenland

Ko na neboaki Ngkoe, O Atuu! Aikai Am toro aika a katikaki nakon boiararan Am nanoanga, a kakiaki man ain te aroka are ura are bon Mairoum n tii Ngkoe, ao mataia a kakukureiaki man taraakin raneanean te oota are otanako mai Sinai are bon Mairoum n tii Ngkoe.

O te Uea! Kabwaranakoi neweia bwa a na atoatongko ibuakoia Am aomata, kariaiia bwa a na taetaekina nako Neboam rinanon Kukureim ao Am tangira n akoi, buokia ma Am tanga n anera, kamatoai nukaia inanon Am beku, ao karaoia bwa kanikinaean nako Am kairiri ibuakoia Am karikibwai.

Ni koaua, bon Ngkoe te Kabanea ni Mwaaka, Taubukin te Rietata, Akea Tokin Am Kakabwarabure, te Kabanea n Nanoanga.

Also in: ar, bg, ca, da, de, el, en, fa, fi, fo, fr, ht, hy, hy, is, it, ja, kj, kl, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

AB00388COM

Kabutireirei

O te Atua ae Atuu! Buokiia Am toro aika Ko onimakiniia bwa a na tatangira ma n akoako nanoia. Buokiia ni kataorababa, i buakoia natannaomata nako n te aonaaba, ootan te kairiiri are e roko man Botakiia naake a ririeta. Ni koaua, boni Ngkoe te Matoa, te Mwaaka, te Korakora, te Kabanea ni Konabwai, te Tia Angaanga. Ni koaua, boni Ngkoe te Moamooaomata, te Maem, te Raoiroi, ao te Kabanea n Atataiaomata.

Also in: az, bg, ca, da, de, el, en, eo, eo, es, es, fi, fr, ht, hu, hy, is, it, ja, kn, ky, ky, ky, ml, ne, nl, pl, pt, ro, ru, sk, sk, sl, sm,

ABU0003DIS

Kabutireirei

Kaotaki nakoia kaain te Bahá'í n Aonon Maeao

Te maroro ae inano e kona ni warekaki irouia ni katoa bong:

O te Atua! O te Atua! Aio te mannikiba ae mwaoto baina ao kibana e rangi ni karaaurau – buokia n te aro bwa e na kona ni kiba nakon taubukin te tabomoa ao te kamaiuaki, ni kibarakea kawaina ma te kabanea ni kimwareirei ao ni kukurei rinanon te mwaawa ae akea tiana, ni mwemwekaarakea tangiraoi Aram ae te Kabanea n Rietata inanon mwakoro n aono ni kabane aikai, ni kakimwareirei tanninga ma te wewete aei, ao ni kakukurei maata man noorakin taian kanikina ibukin te kairiri.

O te Uea! I bon toara, tii ngai ao man rinano. Irou bon akea te korakora ma tii Mairoum, akea te ibuobuoki ma tii Ngkoe ao akea te tia kaneneai Irarikim.

Kateimatoaai n au beku Ibukim, buokai ma te taanga n anera ake Mairoum, ao karaoai n tokanikai ni kakatanoataan Am Taeka ao kariaiaai bwa Nna taetae iaon Niniwanam ibuakoia Am karikibwai nako. Ni koaua, bon Ngkoe te tia ibuobuoki nakoia aika mamara ao te tia kamanoia aika merimeri, ao ni koaua bon Ngkoe te Mwaaka, te Korakora ao te Aki Kona ni Ineaki.

Also in: az, be, bi, bs, ca, co, cy, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

ABU0003DIS

Kabutireirei

Kaotaki nakoia kaain te Bahá'í n Aonon te United States ao Canada

O te Atua, Atua! Ko noora aron roroon te rotongitong ae rabuni mwakoro n aono ni kabane, aroia ni kabane aono aika a urarake ma ain te kauntaeka, ao ain te buaka ao te tiritiri e a urababa rinanon nako te aono ni Mainiku ao Maeao. Rara a waanako, maate a raea iaontano, taian ata aika korouaaki a bwaka iaon bubuntanon te marae ni buaka.

O te Uea! Nanoangaiia roonano aikai ao taraiia ma te mata n kakabwarabure ao n nanoanga. Tiringa te ai aei, n te aro bwa naang aika matenten aikai aika a rabuna te oraitan a kona ni kauamaeaki, Taain te Oioi e na oota nako ma buraen matan te inanoi, te bwarannao ae ribu e na taekaki ao ootan te raoi ae katekemata e na kaotanakoa raneaneana iaon aono ni kabane.

O te Uea! Katikiia rake aomata man te nono ni marawa ae akea kabina ibukin te riribai ao te kairiribai, ao kaotinakoia man te rotongitong ae matoaninging niniakina. Kabooi nanoia, ao kaotai mataia ma ootan te raoi ao te inanoi. Kabwaraia man kabin te buaka ao te tiritiri, ao kainaomataia man roon te bure. Kamwaawai rabuna ake imataia, ao kaotai nanoia ma ootan te kairiri. Bwainaorakia n Am nanoanga ae abebete man mwamwannano, ao tai angania are bon riaina ni kaineti ma Am motiraoi

ao Am katuua ake a kariki bwain nako te rabwata n rurubenebene.

O te Uea! Buaka a bon reitinako. Kamaraki ao nakonnano a bon korakora rikirakeia ao ni katoai mwakoro n aono aika rangi ni marurung a wene n aki bongana.

O te Uea! A tinebu naano, ao tamnei a kaonaki n te rawawata. Nanoangaia tamnei aika kananonaga aikai ao tai katikuia n aroia man taonakon are bon oin nanoia.

O te Uea! Kaoti nakon Abam aikai tamnei aika kamangori ao n ongotaeka, moaia a otanako ma buraenmatan te kairiri, a koreaki man te aonaba, neboneboa Aram, mwanewenewea Neboam, ao a kauamaea boiararan Am katabuaki ibuakoia botanaomata.

O te Uea! Kakorakorai nukaia, kabaei rooia, ao kaoni nanoia ma kanikinaean Am tangira ae korakora.

O te Uea! Ni koaua, a bon mamara, ao Ngkoe bon te Mwaaka ao te Korakora; akea aia konabwai, ma bon Ngkoe te Tia Buokia ao te Nanoanga.

O te Uea! Marawan te kaitara a uti naoia, ao taian mangaongao aikai a na bon aki taona rongoana ma tii rinanon Am Tamaroa ae Akea Tiana are e rabwatii mwakoro n aono ni kabane.

O te Uea! Ni koaua, aomata a bon mena inanon te nono ni kaibwabwaru ae akea kabina, ao akea riki ae na kamaiuia ma bon tii Am kakabwaia aika akea tokia.

O te Uea! Taenakoa te rotongitong man naano aika bakairae aikai, ao kaotai naano nako ma tauran Am tangira rinanona ike ni kabane aono n te tai ae aki maan a na kaotaaki. Kamatoaia, e a moamoa riki, naake Ko tangiria, naake, a kitani abaia, aia utu ao natiia, a tia, ibukin tangiran Tamaroam, a mwananga nakon aono aika ianena ni kauamaea Am boiarara ao ni katanoatai Am reirei nako. Riiki Ngkoe bwa raoia inanon maroiaia, aia tia ibuobuoki inanon aaba aika a ianena, te tia kanakoi rawawataia, te tia kamwengaraoia inanon tain te kanganga. Riiki Ngkoe bwa te tia ukiia n te ang ni kamaiu ibukin takaia, te bwai n aoraki ibukin aorakia ao te kabira nakon buen korakain nanoia.

Also in: az, be, bi, bs, ca, co, cy, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

ABU0003DIS

Te Katebwimaruaia ni Bong n Tabu

Te Katebwimaruaiua ni Bong n Toa

O te Atua! Kamaunai nako nikabane erementi ake ngaai bukin reken te aki inanoi, ao katauraoi ibukira bwaai nikabane ake ngaai bukin reken te katiteuanaaki ao te inanoi!

O te Atua! Karuoa nako aora Boiarara ni Karawa ao bita te ikotaki aio nakon te ikotaki ni Karawa! Kariaia anganakira bwaai nikabane aika a uaana ao amwarake nikabane.

Katauraoi ibukira Amwarake n Tangira! Anganira te Amwarake n Atatai! Kataua nako aora te Amwarake ni Kaotaota ni Karawa!

Also in: az, be, bi, bs, ca, co, cy, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

Healing

BH08013

Nebonebo ao Kakaaitau

Nebonebo ni kabane, Atua, bon Nakoim are boni Ngkoe Rikin te Mimitong ni kabanea ao te kakannato ni uea, te kakannato ao te karineaki, te inaomata n tautaeka ao te mwaaka n tautaeka, te kairirieta ao te raoiroi, te kakanako nano ao te mwaaka. Ane Ko nano irouna ni kaania te Marawa ae Moan te Kakannato, ao ane Ko matennanoia Ko bon katokaa i aona rinena ni kinaakin Aram are Katokin Ngkoangkoa. Mai buakoia ni kabane ake i karawa ao i aon te aonaaba, akea ae e konaa ni kaaitaraa waakinan Nanom n Inaomatam n Uea. Man te aki tootoki ni kabane Ko a tia n tautaekana te karikibwai ae bwanin, ao Ko na bon teimatoa n taai nako ni kabonganaa Am waaki n tautaeka i aoia ni kabane baike a karikaki. Bon akea riki Te Atua bwa ti Ngkoe, Moan te Korakora, te Kabanea n Karietataaki, te Kabanea ni Mwaaka, te Kabanea ni Wanawana.

Kaotai moaia Am toro, te Uea, bwa a aonga n Tataraike; ao kaitiaki nanoia bwa a aonga n rairaki nakon bwerein Am bwai n akoi ni karawa, ao ni kinaa Teuare Ngaia te Tia Kaotiotiko ao Rikin Ngainan Aro ni koaua. Ni koaua, boni Ngkoe te Uea n aonaaba ni kabane, Akea riki Te Atua bwa ti Ngkoe, te Aki Eenaki Arona, te Tautoroi bwaai nako.

Also in: af, ar, ar, az, bi, bs, ca, ceb, co, da, de, en, eo, es, et, eu, fr, gu, gu, hi, ht, id, is, it, ja, kj, kl, lv, med, med, mg, ne, nl, no, pl, pt, ro, ru, ta, ta, tl, tpi, tpi, tpi, zh-Hant

BH07105

Nebonebo ao Kakaaitau

Boni Ngaia te Atua! O te Uea, ti na kanga ni kaitauko?

Akea tian Am bwai n akoi, ma ara karabwarabwa, iai tiana.

E na kanga are iai tiana ni karabwaa are akea tiana?

Ti bon aki kona n anga te kaitau ibukin Am Nanoanga.

Ngkai akea korakorara, ti a rairaki nakon Abanueam ma ni bubuti bwa Ko na kabatia Am Angaanga ma Am bwai n akoi.

Bon Ngkoe te Tia Angaanga, te Tia Bwabwaintangira, Bon Ngkoe te Korakora.

Also in: az, bi, ca, de, en, es, fi, fr, is, it, ms, no, pt, ro, ta, th, th, th, th, th, tl, tvl

Huqúqu'lláh

BH09404

Huqúqu'lláh: Inaomatan te Atua

Ko kamimitongaki Ngkoe, O au Uea ae e nanoanga! I bubuti Nakoim n naouean marawan Am taetaenikawai ae e tabu, ao man Am kanikinaa aika a uauatao ibukin Ueam ae te kabanea n rietaata, ao taian kakoauaa aika a aki kona ni kaitaraaki ibukin

Rikim n Tamnei, ao taian miterio aika a raba ake a wene n rabunaki inanoaan Am ataibwai, bwa Ko na anganai Am tituaraoi ni beku Ibukim ao naake Ko a tia n rineia, ao ni karekea angau bwa nna karaoa tabeu n angarake Am Huquq are Ko a tia ni baireia inanon Am Boki.

Bon ngai, O au Uea, are e a tia ni katurui ana namakin nakon Am aonnaba ae e mimitong, ao n tia n nimtaki ni kakorakoraaki nakon rabin Am tituaraoi. O Ngkoe Are Uean karikibwai nako ao te Tia Tautaeke iaon abanuean aara nako, I bubuti Nakoim bwa Ko na aki tuukai man bwaai ake Ko bwainii, ke n taua mai irou te baere Ko a tia ni kataua ibukiia ake Ko a tia n rineia.

I bubuti Nakoim, O Uean aara nako ao te Tia Karika karawa, ni buokai bwa nna teimatoa inanon Am Aro, rinanon Am tituaraoi ae e kakorakoraai, n te aro are taian bwai ni kariirii n te aonnaba a na aki karawawataai bwa nna kainaki n ai aron te rabunanimata, ke n totokoaki man taian kakiriwee aika a kaakaiaki mai irouia naake a buakaka ake a tia n teirake ni kairiia nako Am aomata nakon te kawai ae e kaairua inanon Am bong. Kataua ibukiu ngkanne, O Ana tangira Nanou, tamaroan te aonnaba aio ao ae e na roko. Ni koaua Ko bon korakora ni karaoa are Ko bon tangiria. Akea te Atua bwa ti Ngkoe, te Kabanea n Nanoanga, te Kabanea n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

BH09404

Huqúqu'lláh: Inaomatan te Atua

Te Huqúqu'lláh bon te tua ae kakannato. Bon te bwai ae taabangaki iaomia aomata nako karekean te angabwai aei, kioina ngkai boni mwiokon te karaoiroi, te kaubwai, ao baika a raroi ni kabane. Bon te tituaraoi are a na tiku ma ngaia takanoi ni kabane ni katoai aonaaban Ana aonaaba nako Te Atua, Te Tia Bwaibwai ni Bwaai-nako, Te Tituaraoi.

Ko na rangi ni karietaataaki ngkoe ae Uean te karikibwai ni kabane, are boni Ngkoe are a na bane bwaai ni kabane n Okiriko. Ma neweu n nanoaa ao ma neweu n tinaniku I kakoauaa raoi bwa Ko a bon tia ni Kaotiotiko ao ni kaota raoi Rabwatam, ni karuoi Am kanikina nako, ma ni katanoatai Am koaua nako. I kakoaua nakon akea riki bwa ti Ngkoe ibukin taubobongan Arom, ao nakon naba Itiakim iaon bwain ni kabane te aonaaba. I Ononiko n rietaatan mimitongin Am Aro ao Mwaakaroiroin Am taeka bwa ko na anga te kamatoa nakon ane e kan anga te bwai are ko a tia ni kabwarabwara nakoina inanon Am boki ao ni ira nanon are e na kataotiraa boiararan Am butimwaa. Ni koaua, Ngkoe boni moan te Mwaaka, te moa n te Akoi, te moa n te Kakabwarabure. te katoki n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

Journey

BH10688

Ingaabong

I a tia n teirake n te ingabong aei man Nanom n aakoi, Atua, ao ni kiitana mweengau ma ni kabwanina au onimaki Iroum, ao ni kaburea taekau nakon Am kakaawakin.

Karuo, ngkanne, nako aou, man karawan Am atataiaomata, te karaoiroi teuana mai Rarikim, ao e na konaa iai n reke irou okiran mweengau i nanon te mauri n ai aron are Ko a tia n anganai te konaa ni mwananga i aan Am kakaawakin ma au iango ake a tia n teimatoa ni kaineti Nakoim.

Bon akea riki Te Atua bwa ti Ngkoe, te Onoti n Ti Ngaia, ae Akea Kabotauana, te Kabanea n Ataibwai, te Kabanea ni Wanawana.

Also in: af, az, bg, bi, bn, bs, ca, cy, da, de, dgz, el, en, eo, es, fa, fj, fr, ha, hi, hr, ht, hy, hz, id, is, it, kl, kn, lg, lv, ml, nl, pl, pt, ro, ru, sr, srn, sv, tl, ur, zh-Hant

Long Obligatory Prayer

BH00987

Te Tataro ae Kabaebae ae Buburatau

Te Tataro ae Kabaebae ae Nuka-n-abwabwaki

E na anaaki ni katoa bong, n te ingaabong, te tawanou ao te tairiki

(Are e kan tataro, e na teboki baina, ao ngke e tabe n teboki, e atonga aei):

Kamatoai baiu, O Ngkoe Atua, bwa e aonga n taua Am Boki ma aron te baabanennano bwa a aonga n akea korakoraia kaain te aonaaba i aona. Kaawakinna, ngkanne, man karaoan baike e aki katauaki iai. Boni Ngkoe, ni koaua, Moan te Mwaaka, te Kabanea ni Korakora.

(Ao ngke e tabe n teboki matana, ke e atonga aei):

I a tia n raira matau Nakoim, O Ngkoe au Uea! Karikia n oota man Moamoam.

Kamanoa, ngkanne, man rairakina nakon temanna riki ma ti Nakoim.

(Ke e teirake, ao ni kaaitara te Qiblih—Boton te Nebonebo, are i Aakora, ao ke e atonga aei):

E a tia ni kaotia Te Atua bwa akea riki Te Atua ma ti Ngaia. Bon Ana bwai abanuean nako te Kaotioti ao te karikibwai. E a bon tia, ni koaua, ni kaotiota Teuare Ngaia Bongin Rikiraken te Kaotioti, are E taetae i aon Tinai, are Rinanona are E a tia ni karikaki te Oraitan ae Kakannato bwa e na oota, ao e a tia n taetae iai Kain te Rote are e aki kona n riaokai, ao Rinanona are e a tia n tabekaki te wewete nakoia ake i karawa ao aika i aon te aba: “Nooria, E a roko Teuare te Kabanea ni bwaiwai. Te aonaaba ao karawa, te mimitong ao te tautaeka bon Ana bwai Te Atua, aia Uea aomata nikabane, te Tia Bwaina te Kaintokanuea are i eta ao n te aonaaba are i nano!”

(Ngkanne, ke e bobaraaki, ma baina ni kawenei i on bubuanwaena, ao n atonga aei):

Ko bon karietataaki i aon au nebo ao aia nebo naaka i rarikiu, i aon riki au kabwarabwara ao aia kabwarabwara nikabane ake i karawa ao nikabane aika i aon te

aba!

(Ngkanne, e tei ma baina aika e taakin, nanon baina n tararake nakon matana, ke e atonga aei):

O Ngkoe Te Atua, tai kabwara nanon teuare e a tia ma tabonibaina ni bubuti, n nimta kaon Am nanoanga ao Am raoiroi, O Ngkoe are Ko bon kaota te nanoanga ao bon Ngkoe te Kabanea n Nanoanga!

(Ngkanne, ke e tekateka, ao n atonga aei):

I kaotia ni kakoaua Am katiteuana ao ae ti temanna Ngkoe, ao bwa boni Ngkoe Te Atua, ao bon akea riki Te Atua temanna i Rarikim. Ni koaua, ko a bon tia ni kaota Am Waaki, ni kakoroa nanon Am Boraraoi, ao ni kaukaa nako mataroan Am raoiroi nakoia nikabane ake a maeka i karawa ao i aon te aba. Te kakabwaia ao te rau, te kamauri ao te mimitong, bwa e na mena i aoia ake Ko tangiriia, ake a tia n aki rootaki man rairakiia nako Mairoum man bibitaki ao angaraoi n te aonaaba, ao n tia n anga bwaai nako, n te kaantaninga ni karekean are iai iroum. Boni Ngkoe, ni koaua, te Kakabwarabure, te Kabanea n Ataataiaomata.

(Ngkana iai temanna are e rineia n atonga te kibu aei nakon are te kibu are e abwabwaki n taekana aei: “E a tia ni kaotia Te Atua bwa bon akea riki Te Atua ma ti Ngaia, te Buoka n te Kanganga, ao te Maiu i bon Irouna,” e na bon tau. Ao n te aro anne, e na bon tau naba ike e mena iai, ngke e tekateka, n rineia n atonga te kibu aei: “I kaotia ma te koaua n Am katiteuana ao n ti temanna Ngkoe, bwa boni Ngkoe Te Atua, ao bon akea riki Te Atua i Rarikim.”)

Also in: af, am, ar, bg, bi, bn, bs, ca, ch, cy, da, de, el, en, eo, es, fa, fj, fr, ha, ht, hu, hy, id, is, it, kl, kn, ky, ky, lo, lv, mg, ml, mn, mn, mr, mt, naq, naq, naq, naq, naq, naq, naq, naq, ne, nl, no, pl, pt, ro, ro, ru, sk, sne, sq, srn, ta, th, tk, tl, tvl, tvl, ur, zh-Hant

Marriage

BH03181

Te Mare

Te mare ni Baha'i bon te bonnano ao te iraorao imarenaia itera aika uoua. E ngae n anne ma a riai ni bwaina te rangi ni karaurau ao n riki n ikikinai anuaia i bon irouia. E riai te itoman ae e aki tootoki aio ni kamwaneauaaki n te boraraoi ae e nene, ao e riai n ae te kaantaninga bon te karikirakea te bonnano, te iraorao, ao te katiteuanaaki ao n roota te maiu ae akea tokina.

Bon te kainrou n te Bahá'í are te reita ae akea i aona ao kaotan raoi nanoia naaka uoman. Ao n aron anne, a riai ni kaota raoi nanoia ni koaua ma n atai nanoia ngaiia n tatabemaniia ao te berita are matoatoa are e karaoaki i marenaia e na riki bwa kabaeakiia n aki toki n iraorao ma n teimatoa n ti teuana n te maiu aei.

‘Abdu'l-Bahá

Te Berita ni Mare, n te kibu are e na atongaki irouia n tatabemaniia te tia mareaki te

aïne ao te tia mareaki te mwane i mataia taan kakoaua uoman ke n raka ake a kariaiakaki iroun te Botaki n Tamnei bon aio, are e riai man te Boki are Moan te Tabu (Kitáb-i-Aqdas) are e kaangai:

“TI NA BON MAMAEKA NI KOAUA N ARON NANON TE ATUA.”

Boni Ngaia te Aakoi, te Nanoanga!

E na neboaki Te Atua, are Ngkoangkoa are E aki maamate, are Akea Bibitakina, ao Akea tokina! Boni Ngaia are E a tia ni kakoaua n oin Arona bwa bon Ngaia ae ti Temanna, ae akea Tauan Arona, te Moa n Rietaata. Ti bon bane ni kakoaua bwa akea riki Te Atua bwa ti Ngaia ti ata Oioina n ti Ngaia, ni kaota Ngaia ae ti Temanna. E mamaeka n te tabo ae akea rotakina, n taubukin Rietaatana, man te mwaaka ae tataekin bwaai nako ma bon ti Ngaia, man te inaomata ni kaotii bwaai nako ma bon ti Ngaia. Ao ngke E iangoia n anga te raoiroi ao kakaraoan te raoiroi, ao ni baairea te aonaaba n etina, E rinanoi bwaai nako ao E karika Ana tua; mai buakon Ana tua E katea tuan te mare, bwa e na riki bwa te nono i bukin te mweraoi ao te kabwaia ao n riki bwa tabera are e na karaoaki nako naano man karawan te mwaaka are n Ana Boki are Moan te Tabu. E taku te mwaaka are bon Mimitongina: Iein, au aomata, bwa mairoumi ane e na kaoti ngaia are e na Uringai mai buakoia Au toro; bon aio teuana Au tua nakoimi; ongeaaba nako iai bwa te bwai n ibobuoki nakoimi.

Also in: am, ar, bs, de, el, en, et, ha, is, kgf, lg, lv, mg, ml, mt, pt, ro, ru, sk, tl, tpi

AB07158

Te Utu

Te Atua ae Atua! Am tabonibai te aine aio e Tabotaboiko, e Onimakiniko, e raira moana Nakoim, ma ni Bubutiiko bwa Ko na kabwaroi Am bwaintituaraoi mai karawa nako aona, ma ni kaotia nakoina Am bwai n tamnei aika a raba, ma ni kaootaa n ootan Aroarom n Atua.

Au Uea! Kamatairika matan buu te mwaane aio. Ko na kakukureia nanona man ootan Ataakim, Ko na katika ana iango nakon Tamaroam ae oota nako, kabebetee tamneina ni kaotakin Am raneanea aika bati nakoina.

Au Uea! Taeka nako te rabuna are i matana. Kabwaka ni karau Am bwainaakoi aika a bati nako aona, kamangingia ni wainin Tangiram, karikia bwa temanna mai buakoia Am anera ake a toua aon te aba aio ni waeia, ma tamneia ngkanne a kiba rinanon karawa ake rietakaei. Karikia bwa te taura ae e oota mwaaka, are e oota nako n ootan Wanawanam i buakoia aomata.

Ni koaua, boni Ngkoe te Kakaawaki, te Akitoki n Angaanga, Teuare E Ukuuki Baina.

Also in: bs, ca, ch, de, el, en, eo, es, et, fo, fr, fy, ha, ha, hi, hr, hu, hy, iba, iba, id, is, it, kgf, ksd, ky, ky, lb, lv, med, med, mh, ml, mn, mn, mr, ms, ms, naq, ne, ne, nl, no, pl, pt, ro, sk, sk, sm, sne, sne, sq, sv, sw, ta, tet, tl, tpi, tvl, uk, vi, zh-Hant

AB07158

Te Mare

Ngaia te Atua! O te Uea ae akea kabotauana! N Am niniwana ae korakora Ko a tia ni kataua te mare irouia aomata, bwa e aonga n oneaki mwiin te rorona ni botannaomata ma te rorona riki n te aonaaba n rabwata aio, n akea tokina, ai bon maanin tokin te aonaba, bwa aonga ni kona ni katabetabeia n Atibun Am kateuanaaki n te toronaki ao te taromauri, te kinaa, te mataiakinaki ao te nebo. “I aki kariki tamnei ao aomata, ma ibukin are a na Taromauriai.” Ngaia are, maare ngkami ni karawan Ana nanoanga naaka mannikiba aika uoman ni ngaon Ana tangira, ao ni karaoia bwa kawain te katikitiki n akoi ae akea tokin ririkirakena; bwa man te ikotaki irouia taari n tangira aika uoman aikai naon te atataiaomata e na uti ao ni kaoti bwaeao aika itiakiruru man tamaroa a na uotaki nakon biken te maiu. “E a tia ni kabwaranakoi taari aika uoua, bwa a na kaitiboaki: Imarenaia bon te oo are aki kona n riaolia. Kakabwaia raa ngkanne ae na aki angani ngkami ami Uea? Mai Irouia n tatabemania E uotirakei bwaeao aika korakora riki ao aika karako riki.”

O Ngkoe te Uea ae akoi! Karaoa te mare aio bwa e na kaotinakoi taian ane ma bwaeao. Bon ngkoe ni koaua te Kabanea ni Mwaaka, te Kabanea ni Korakora, Akea Tokin Ana Kakabwarabure.

Also in: bs, ca, ch, de, el, en, eo, es, et, fo, fr, fy, ha, ha, hi, hr, hu, hy, iba, iba, id, is, it, kgf, ksd, ky, ky, lb, lv, med, med, mh, ml, mn, mn, mr, ms, ms, naq, ne, ne, nl, no, pl, pt, ro, sk, sk, sm, sne, sne, sq, sv, sw, ta, tet, tl, tpi, tvl, uk, vi, zh-Hant

Morning

BH00009SHE

Te Katoki Aoraki

Atuau, bon katokan aorakiu Aram, ao bon au bwai n aoraki Uringam. Tikum i rarikiu bon au kaantaninga ao Tangiram bon iriau. Bon kamarurungau Am atataiaomata ao otangau n te maiu aei ao ae e na roko. Bon ti Ngkoe te Atataiaomata, Wanawanaia wanawana ao Rabakauia rabakau.

Also in: af, ar, az, be, bg, bi, bn, bs, ca, ch, cnr, cy, da, de, diu, el, en, eo, es, et, fi, fr, fy, hr, ht, hu, hz, id, ik, is, kj, kl, kl, kn, ky, lb, lg, mg, ml, mt, naq, ne, nl, no, ny, pl, pt, ro, ru, se, sk, sne, sne, sq, srn, st, sv, sw, tl, tpi, tvl, vi

BH00009SHE

Katoki aoraki

O te Atua, Atuau! I bubutiko man marawan Am katoki aoraki, ao n otanakon tamaroan Itoiningainan Am tituaraoi, ao n Aram are rinanona Ko bon karauia Am toro, man man te korakora ae e rootii taabo nako man Am Taeka ae e karietaaki ao ni mwaakan Am Kainikoroboki ae moan baan te rietaata, ao man Am nanoanga are e a tia ni kaman kaoti imwain karikaia nikabane ake i karawa ao iaon te aonaaba, ni kaaki mai irou ma ranin Am akoi man taian karawawata ao aoraki, ao man mamaara nikabane ao aki konabwai.

Ko noria, O au Uea, Am tia bubuti aio ae e tatanninga ni mataroan Am akoi, ao teuare e a tia ni katuka ana kantaninga Iaom n taua ni kamatoa roobun Am tituaraoi. Tai tukia,

I Bubutiko, man bwaai ake e ukoukori man marawan Am tituaraoi ao Itoiningainan Am tangira n akoi.

Ko korakora ni karaoa are Ko tangiria. Akea riki te Atua bwa ti Ngkoe, te Kabwaraibuure, Moan te Tituaraoi.

Also in: af, ar, az, be, bg, bi, bn, bs, ca, ch, cnr, cy, da, de, diu, el, en, eo, es, et, fi, fr, fy, hr, ht, hu, hz, id, ik, is, kj, kl, kl, kn, ky, lb, lg, mg, ml, mt, naq, ne, nl, no, ny, pl, pt, ro, ru, se, sk, sne, sne, sq, srn, st, sv, sw, tl, tpi, tvl, vi

BH00009AWA

Te Tataro are e Abwabwaki Ibukin te Katoki Aoraki

Ngaia te Tia Katoki Aoraki, te Tia Kataubobonga, te Tia Ibuobuoki, te Tia Kabwaraibuure Nako, Moan te Nanoanga.

I wewete Nakoim O Ngkoe ae Ko Karietataaki, O Ngkoe ae Ko Kakaonimaki, O Ngkoe ae Ko Mimitong! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Uea, O te Tia Uotiirarake, O te Tia Moti! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Akea Kabotauam, O Ngkoe ae Ko Maiu n Aki Toki, O Ngkoe ae Ti Temanna! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Kamoamoaki, O Ngkoe ae Ko Tabu, O Ngkoe ae Ko Ibuobuoki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Atai Bwaai ni Kabane, O Ngkoe ae Moan te Wanawana, O Ngkoe ae Moan te Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Nanoanga, O Ngkoe Ae Ko Mwaaka ni Uea, O Ngkoe ae te Tia Angaanga te Kaetieti! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Tangiraki, O Ngkoe Ae Ko Mwannanoaki, O Ngkoe ae Ko Kimwareirei! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Mwaaka, O Ngkoe te Tia Kateimatoai Bwaai Nako, O Ngkoe ae Ko Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe Ae Ko Tautaeka, O Ngkoe ae Ko Maiu bon Iroum, O Ngkoe ae Ko Atai Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe

te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tamnei, O te Ota, O Ngkoe ae Moan te Kaotiotaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Kainnanoaki irouia aomata nako, O Ngkoe ae Ko Ataaki irouia ni kabane, O Ngkoe Ae Ko Raba mai irouia ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Karabaaki, O Ngkoe ae Ko Tokanikai, O Ngkoe ae Ko Angaanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Mwaaka, O Ngkoe te Tia Ibuobuoki, O Ngkoe te Tia Karabai Bwaai Nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Karaoi Bwaai Nako, O Ngkoe te Tia Karaunano, O Ngkoe Te Tia Kamaunai Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko teimatoa n Ararake, O Ngkoe te Tia Ikoikotiira, O Ngkoe ae Ko Karietataaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Kakororaoi, O Ngkoe ae Ko Aki Kabaebaeaki, O Ngkoe Ae Ko Angaanga Bwaai Nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Tituaraoi, O Ngkoe ae Ko Mwaaka n Tau Bwaai mai iroura, O te Tia Karikibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan ni Kakannato, O Ngkoe ae Moan te Tamaroa, O Ngkoe ae Moan te Tituaraoi! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Motiraoi, O Ngkoe ae Ko Akoi, O Ngkoe te Tia Angaanga Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Katurutururaoi, O Ngkoe ae Ko Teimatoa n Aki Bibitaki, O Ngkoe ae Moan te Ataibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Tamaroa, O Ngkoe ae Bongin Ngkoangkoa, O

Ngkoe ae Moan te Karietataaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Tararuaaki, O Uean te Kimwareirei, O Ngkoe ae Moan te Tangiraki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Akoi nakoia ni kabane, O Ngkoe ae Ko Mwamwannano nakoia ni kabane, O Ngkoe te Tia Angaanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Kamanomano ibukia ni kabane, O Ngkoe te Tia Katantan! O Te Tia Kateimatoai Bwaai ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Ibuobuoki nakoia ni kabane, O Ngkoe ae Ko Bubutiaki irouia ni kabane, O Ngkoe te Tia Anga te Maiu! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tia Kaotiotii Bwaai ni kabane, O Te Tia Urui Bwaai ni kabane, O Ngkoe Ae Moan te Nanoanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe Ae Ko Teimatoa ma n Aki Bibitaki!

I wewete Nakoim O Ngkoe Tamneiu, O Ngkoe Au Tangira, O Ngkoe Au Onimaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Te Tia Katoki Taka, O te Uea ae e Rianako Arom, O Ngkoe ae Moanibaani te Kakaawaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Moan te Korakora aron Ururingakim, O Moan te Kakannato Aram, O te Kawai are Mangkoangkoa ae Moan te Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Moan te Tabotaboaki, O ae Moan te Tabu, O ae Moan te Itiaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tia Kabwaranakoi Bwaai ni Kabane, O te Tia Ibuobuoki, O te Tia Kamwawaira man taian Kabuanibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim, O Raraou, O te Tia Katoki Aoraki, O Ngkoe ae Ko Matennanoaki!
Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki
Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Ko Mimitong, O te Tamaroa, O Ngkoe Ae Ko Tituaraoi! Ngkoe te
Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O
Ngkoe Are Ko Teimatoa ma n Aki Bibitaki!

I wewete Nakoim O ae Moan te Onimakinaki, O te Tia Tangira ae te Kabanea n
Tamaroa, O Uean te Karangaina! Ngkoe te Tia Kataubobonga, Ngkoe te Tia Katoki
Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki
Bibitaki!

I wewete Nakoim O te Tia Kaura Ain te Tangira, O te Tia Kaotai Taabo nako, O te Tia
Uota te Kakukurei! Ngkoe te Tia Kataubobonga, Ngkoe te Tia Katoki Aoraki, Ngkoe te
Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Uean te Akoi, O Moan te Mwamwannano, O Moan te Nanoanga!
Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki
Bibitaki, O Ngkoe Are Ko Teimatoa ma n Aki Bibitaki!

I wewete Nakoim O Ngkoe ae E aki Bibitaki Arom, O Ngkoe ae Ko Anga te Maiu, O
Ngkoe Boton te Karikibwai ni kabane! Ngkoe te Tia Kataubobonga, Ngkoe te Tia Katoki
Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki
Bibitaki!

I wewete Nakoim O Ngkoe ae Ko Nininako bwai ni kabane, O te Atua ae Ko Noori
Bwaai ni Kabane, O Uean te Kakarabakau! Ngkoe te Tia Kataubobonga, Ngkoe te Tia
Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki
Bibitaki!

I wewete Nakoim O Ngkoe ae Ko Kaotiotaki ma Ko Raba, O Ngkoe ae Ko aki Noraki ma
Ko Ataaki irouia ni kabane, O Ngkoe te Tia Rimoa Am Taratara ae Ko Ukoukoraki
irouia aomata ni kabane! Ngkoe te Tia Kataubobonga, Ngkoe te Tia Katoki Aoraki,
Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe Ae Ko Tiringiia taan Tangira, O Atuan te Tituaraoi nakoia
ake a buakaka aroia!

O te Tia Kataubobonga, I wewete Nakoim, O te Tia Kataubobonga!

O te Tia Katoki Aoraki, I wewete Nakoim, O te Tia Katoki Aoraki!

O ae Ko Teimatoa ma n Aki Bibitaki, I wewete Nakoim O Ngkoe ae Ko Teimatoa ma n
Aki Bibitaki.

Ngkoe ae Ko Teimatoa n Aki Toki ma n Aki Bibitaki, O Ngkoe ae Ko Teimatoa ma n Aki
Bibitaki!

Ko Tabu Ngkoe, O Atua! I bubutiko n Am Tituaraoi, ike mataroan Am Akoi ao

Tamaroam a kaukakinako ike Temboran Tabum e a tia ni kateaki iaon bwaoniuean te aki totoki; ao man Am nanoanga ike Ko a tia ni kaoia ni kabane ake a karikaki nakon taiboran Am akoi ao Am bwaintangira; ao man Tamaroam ike Ko kaeka, i bon i Nanom ma Am taeka ae “Eng!” ibukii ni kabane ake i karawa ao iaon te aba, n te aoa are Ueam ao Kakannatom a tei ni kaotaki, n aoan te karangaina ngke mwaakan Am Tautaeka a kaotaki. Ao I a manga Butiko, rinanon aara aika a tamaroa aikai, rinanon anua aika a kakannato ao a kariatataaki aikai, ao n Uringakim ae moan te Bura i Eta, ao rinanon Tamaroam ae e itiaki ao n akea barekana, ao n Otam ae e karabaaki inanon te auti n rianna ae te kabanea n raba, ao rinanon Aram, are e rabunaki ni kamwarain te karawawataaki ni katoa ingabong ao te tairiki, ni kamanoa te tia uota te Tabureti ae e kakabwaiaki aio, ao are e warekia, ao are e noria, ao are e otabwaniniiia te auti are e kawakinaki iai. Ko na kamarurunga, ngkanne, mai iai naake a aoraki, ake a rotaki rabwataia ao ake a kainnano, man taian kanganga ao taian karawawata, man taian kabuanibwai aika a kammaira ao ni kananokawaki, ao rinanon te Tabureti aio Ko na kairia naake a nano iai bwa a na rinnako inanon kawain Am kairiiri, ao ni kawain Am kabwarabure ao Tamaroam.

Ngkoe ni koaua te Korakora, te Kabanea n Taubobonga, te Tia Katoki Aoraki, te Tia Kamanomano, te Tia Angaanga, te Tia Mwamwannano, te Kabanea n Tituaraoi, te Kabanea n Nanoanga.

Also in: af, az, az, bg, ca, da, el, en, es, fa, fr, fy, hi, ht, hy, hy, hz, hz, is, it, lv, mg, mi, ml, ne, nl, pl, pt, ro, ru, sne, sne, tl, tvl, uk, vi

BH00009AWA

Katoki aoraki

Ko kamoamoaki Ngkoe, O te Uea Atua! I bubuti Nakoim, n Aram ae Moanbaan te Tabu are rinanona Ko a tia ni kateirakeia Am toro ao ni katei Am kaawa aika a bubura, ao n Aram aika moan baan te rietaata, ao n Anuam aika moan baan te karineaki, ni buokia aomata bwa a na rairaki nakon Am tituaraoi aika a uuaanao, ao ni kainetii moaia nakon te Autinrianna ibukin Niniwanam. Kamarurung Ngkoe taian aoraki ake a tia ni buakaniia tamnei man itera nako, ao a tia ni katokiia man kainetakin aia taratara nakon te Bwaretaiti are e wene iaan te katantan are Aram ae e kanuuia, are Ko a tia ni kataua bwa Ueaia aara nikabane nakoia ake i karawa ao nikabane ake iaon te aonnaba. Ko bon mwaaka ni karaoa are Ko kukurei iai. Inanon Baim bon te embwaea ibukii aara nikabane. Akea riki te Atua bwa ti Ngkoe, te Mwaaka, te Wanawana.

Ngai bon te karikibwai ae e kainnano, O au Uea; I a tia ni kanim baiu nakon kamwarain Am kaubwai. I rangin aoraki; I a tia n taua ni kamatoa kaon Am katoki aoraki. Kamwawai man taian aoraki ake a otabwaniniiai, ao tebokai raoi ma ranin Am karaoiroi ao Am nanoanga, ao kunnikainai ma kunnikain te katabwaninaki, rinanon Am kabwarabure ao Am akoi. Katurua, ngkanne, matau Iaom, ao kaitiakai man te

nimtaki nakon bwaai nako ma ti Ngkoe. Buokai ni karaoa are Ko tangiria, ao ni kakoroa bukin are Kukureim.

Ngkoe ni koaua Uean te maiu aei ao are e na roko. Ngkoe, ni koaua, te Tia Kabwarabure n aki toki, Moan te Nanoanga.

Also in: af, az, az, bg, ca, da, el, en, es, fa, fr, fy, hi, ht, hy, hy, hz, hz, is, it, lv, mg, mi, ml, ne, nl, pl, pt, ro, ru, sne, sne, tl, tvl, uk, vi

BH02848

Katoki aoraki

Te Kamimitongaki Nakoim, O te Uea Atuau! I Bubutiko n Aram, rinanona are Ko a tia ni mwemwekarake taian kanikinaa ibukin Am kairiiri, ao n tia ni kaotaanako otamwaakan Am tangira n akoi, ao n tia ni kaota uean Nakoam ni Uea; are rinanona ao tauran Aram a tia ni kaoti inanon nnen Anuam aika a raraoi, ao Teuare Ngaia te Umwanrianna ibukin Am katiteuana ao Te Tia Kaotioti ibukin taian kamwawaaki e a tia n otanako; rinanon kawain Am kairiiri a kona n ataaki, ao kawain Kukurein Nanom a kataneiaki raoi; rinanon taian aa ibukin te kairua a tia ni karikaki bwa a na rurubenebene, ao kanikinaean te iowawa a tia ni kamaunanakoaki; rinanon te koburake n ran ibukin te niniwana a tia n urubekeaki, ao taiboran karawa e a tia ni karuoaki; rinanona are Ko a tia ni kawakiniia Am toro ao n tia n anga Am kamarurung; are rinanona Ko a tia ni kaota te nanoanga ae e akoakoi nakoi Am toro ao ni kaota Am kabwarabure ibuakoia Am karikibwai – I bubuti ni kamaanoa teuare e a tia ni kamatoa n taua ao oki Nakoim, ao n nimtia nakon Am nanoanga, ao ni katika kamwarain Am tangira ni karawa. Karuo, ngkanne, nako aona Am katoki aoraki, ao kabwanina arona, ao anganna te kateimatoaaki are e reke mai Iroum, ao te kukurei are e karuoaki man Rietaatam.

Bon Ngkoe, ni koaua, te Tia Katoki Aoraki, te Tia Kakaawakin, te Tia Ibuobuoki, te Kabanea ni Mwaaka, te Korakora, te Kabanea ni Mimitong, te Atai Bwaainako.

Also in: af, az, bg, bi, de, el, en, en, fi, fr, ht, hu, id, lb, lv, mh, mr, ms, nl, no, pl, pt, ro, ru, sk, st, tl, uk, ur, vi

BH02777RIS

Ingaabong

Atuau ao au Toka! Bon Ngai Am toro ao ana nati te mwaane Am toro. I a tia n teirake mai aon nneu ni wene n te ai oota aio ngke e a tia n oota nako iai Itoin Ngainan Arom ae ti teuana man Koburaken Ngainan Nanom, ma n tia ni kaotaorababa nako ootana i aon te aonaaba ni kabutaa, n ai aron are e a tia ni motikaki bukina i nanon Bokin nako Am Kaetieti.

Te nebonebo nakoim Ngkoe, Atuau, ngkai ti a tia ni uti i nanon mimitongin ootan Am ataibwai. Karuo, ngkanne i aora, au Uea, are e na konaa ni buokiira ni kaaki taekan temanna i Rarikim, ao e na taeinako ni kabane mairoura mwaninganakora n te bwai teuana ma ti Ngkoe. Ao i aon riki anne korobokiia i bukiu, ao i bukiia ake a tangiraki

irou, ao i bukiia naba au utuu, te mwaane ma te aine ni kaboraoiia iai, raoiroin te aonaaba aio ao te aonaaba are e na roko. Kakamauriira ngkanne rinanon Am kakaawakin ae akea tootokina, Ngkoe ae Moan te Tangiraki irouia karikibwai nako ao are Maamatananoia aonaaba ni bwaniniia, mairouia ake Ko a tia ni karaoia bwa kaotiotan te tia wiwi ae e Buakaka, ake a wirikiriki i nanon bwanibwaniia aomata. Ko bon mwaaka ni karaoa are Ko kani karaoia. Boni Ngkoe, ni koaua te Kabanea ni Mwaaka, te Buoka n te Kanganga, te Maiu i bon Irouna.

Ngkoe te Uea ae Atuau, karaoiroa Teuare Ko na tia ni kateia i aona Aram aika a moamoa, ao Rinanona Ko a tia ni kaokoroia aika a raoiroi ma aika a buakaka, ao aakoira ni buokiira ni karaoa are Ko tangiria ma n nano iai. Kakabwaiaia, riki, Atuau, naake bon Am Taeka ao Manin Am Taeka, ao naake a tia ni kainetii moaia Nakoim, ao n tia n rairaki nako Moam, ma n tia ni kakauongo n Am wewete.

Boni Ngkoe, ni koaua, aia Uea ao aia Toka aomata ni kabane, ao Ko Mwaaka i aon bwaai ni kabane.

Also in: ar, ca, da, es, fj, gu, hz, hz, id, is, it, ja, kn, lg, lo, ne, pt, sm, uk

Praise and Gratitude

BH03111

Kabwarabure

Bon Ngaia te Atua! Ko Norira ngkai, te Uea, ni ikotaki n te taibora aio, ni karabwaa Am akoi, ao ara taratara e rairaki nakon Abanueam. O te Uea! Karuo a nako aora Am amwarake mai karawa ao te kakabwaia mai Iroum. Ni koaua, Bon Ngkoe te Aakoi, ao ni koaua, bon Ngkoe te Tia Angaanga, te Ataataiaomata Atataiaomata.

Also in: af, ar, ca, da, de, el, en, eo, es, fr, ha, ht, hu, hz, is, it, kj, kj, kj, kl, lb, lg, lv, ml, nl, pl, pt, ro, sk, sm, st, tl

BH09960

Kaanian te Atua

Au Uea, ao Atuau ao au Tabo ni Motirawa man korakaiu! Otangau ao te Tia Kakaawakin man korakaiu! Au nono ao au Tabo ni Kakaawakin n tain te kangaanga ao n tain te maroaa bon iriau, n au tai n rawawata bon karauan nanou ao ngkana ti ngai bon raou ae e tangiraki. Te Tia Kamwaawai kananokaawaki nako ao te Tia Kabwarai au bure!

I bon rairaki raoi Nakoim, ao ni bubutii n tataro Nakoim ma nanou ni kabanea, ma au iango ma neweu, bwa Ko na kamanoai man bwaai nako ake aki bootau ma Nanom, n te tai aei, ae bon Tain Waakin Am katiteuana n Tamnei, ao ni kaitiakai man aeka ni kabarekareka ake a na tuukai man Ukoukoram, n itiaki ao n aki bareka, are nunikain Am raoiroi.

Au Uea, nanoangaiia aika a kainnano, ao kamarurungiia aoraki, ao tiringa uran te taka.

Kakukureia te nano are e mena iai ain Am tangira are e bae n ura iai ain Am tangira n tamnei.

Kabaea Umwan Am katiteuana n Tamnei ma bwain kabaebaen te katabuaki ao kamena a i aon atuu baunuean Nanom.

Kaootaa moau n ootan Matan Am Tituaraoi ao kairiirai n ukoukoran Am mataroa ae tabu.

Karika nanou bwa e na onrake n tangiran Am karikibwai nako ao katauai bwa I aonga n riki bwa kanikinaean Am nanoanga, ao kanikinaean Am bwai-n-aakoi, te tia karikirakeiia aika a tabu i buakoia aika ko tangiriia, bwa e na bane nanou Nakoim n atoatong Arom nako, ao ni mwaninga arou ma n ti ururing ake bon Am bwai.

Atuau, Atuau, tai tuuka nakoiu kamaeun angin Am kabwarabure ao Am aakoi ao tai kamwaawaai man koburaken ranin Am ibuobuoki ao Nanom.

I aan nuun bain Am kakaawakin kamenaai bwa Nna motirawa, ao karekea nakoiu Am taratara ae e kakaawakin.

Kariaia neweu bwa e na takaruaa Aram i buakoia Am aomata, bwa e aonga n irakeaki i nanon baronga aika a korakora ao koburaken karaangan Neboam.

Bon Ngkoe, ni koaua, te Tamaroa, te Mimitong, te Mwaaka, te Konai Bwaai nako!

Also in: af, ar, az, az, bg, bn, bs, ca, de, de, el, en, eo, es, et, eu, fj, fr, hi, ht, it, kj, ko, ky, lv, mg, mt, nl, pl, pt, ro, sk, sl, sne, sne, ta, ta, ta, tl, vi, zh-Hant

BH09960

Kabwarabure

Ko noorai, au Uea, ma moau are e rairaki nakon karawan Am tituaraoi ao marawan Am bwain aakoi, ni bubai man bwaai ni kabane i Rarikim. I Butiiko, ni mimitongin Taa in Am Kaotioti i aon Tiinai, ao ni korakoran ootan Tobibin Am raoiroi are e ootanako man rabin karawan Aram, are te Kakabwarai buure ao ni bwaina te atataiaomata nakoiu. Korobokiia i bukiu, ngkanne, n Am kainikoroboki ni mimitong baike a na kariatataai rinanon Aram n aonaaban te karikibwai.

Buokai, au Uea, ni kaineti Nakoim, ao n ongoongo ni bwanaaia naake Ko tangiriia, ake mwaakan te aonaaba a tia n aki konaa ni kamamaraiia, ao tautaekan aaba nako a tia n aki konamaki n tauia Mairoum, ao naake a tia n taku ngke a waaki Nakoim: “Bon Te Atua ara Uea, Ueaia ni kabaneia ake i karawa ao ni kabane aika i aon te aonaaba.”

Also in: af, ar, az, az, bg, bn, bs, ca, de, de, el, en, eo, es, et, eu, fj, fr, hi, ht, it, kj, ko, ky, lv, mg, mt, nl, pl, pt, ro, sk, sl, sne, sne, ta, ta, ta, tl, vi, zh-Hant

AB11279

Kabwarabure

Ngkoe ae Ko mwaaka, bon ngai te tia bure ao bon te Tia Kabwarai buure Ngkoe. I onrake n te aki kakaonimaki ma bon te nanoanga Ngkoe. I memena n rotongitongin te bure ma bon Otan te kabwarabure Ngkoe, Atuan te Nanoanga! Kabwarai au bure ao

anganai Am bwaintangira, tai tarai au bure ma kamanoai ao kateboai i nanon
koburaken Am taotaonakinnano ao kamaiuai man mamaarau ao aorakiu.
Kaitiakai ao katabuai ao anganai, tibwangau man taonakon te Mimitong bwa aonga ni
kona ni mauna rawawata ma nanokaawaki ao bwa a na kaoti kukurei ao kimwareirei.
Onika te nakonnano ao te buannano nakon te kukurei ao te Onimaki ao karika te
nanokorakora n onea mwin te maaku.

Eng, Ngkoe te Tia Kabwarabure ao te Nanoanga ao bon Ngkoe te Akoi ao te Tangiraki.

Also in: en, kj, kj

AB11279

Kabwarabure

I bubutiko bwa Ko na kabwarai au bure, O au Uea, ibukin atongan bwaai tabeua ao
tiaki Atoatongakim, ao ibukin neboan bwaai nako ma tiaki Neboam, ao ibukin te
kukurei ni bwaai nako ma tiaki ibukin Kaaniam, ao ibukin te kimwareirei ni bwaai
nako ma tiaki te kimwareirei ibukin te itoman ma Ngkoe, ao ibukin te ebiebi ni bwaai
nako ma tiaki te ebiebi ibukin Am tangira ao kukurein Nanom, ao ibukin bwaai ni
kabane ake a kaineti nakoiu are akea irekerekeia Nakoim, O Ngkoe are Ueaia ueea,
Ngkoe are ko katauraoi bwaai ni kabane ao ni kauki rokan taian mataroa.

Also in: en, kj, kj

Protection

BH09872

Te Mare

Ko na neboaki Ngkoe Atuai! Bon Am toro ni koaua aei ao Am toro naba te aine aei,
ake a tia ni karikiia n ti te irikona i aan nuun Am nanoanga. Te Uea! Buokiira i nanon
te aonaaba aei ao n Abanueam ni karekea nakoia baika a raoiroi man Am
atataiaomata ao Am tangira. Te Uea! Kateimatoaiia i nanon aia beku i Bukim ao
buokiia n Am kairiiri. Karikiia bwa kanikinaaeen Aram n Am aonaaba ao kaawakiniia
i nanon Am kairiiri aika akea tiaia n te maiu aei ao n ae e na roko. Te Uea! A bubutii
nakon Abanuean Am aakoi, ma ni kan buokaki nakon te tabo ae Kaonotiko. E bon
koaua bwa a mareaki bwa a na ira nanon Am tua. Karikiia bwa a na riki bwa
kanikinaaeen te rau ma te iraorao ni karokoa tokin te tai.

Boni Ngkoe ae Moan te Mwaaka, Ko mena n taabo ni kabane ao Moan te Kakannato.

‘Abdu'l-Bahá

Also in: az, bg, bn, ca, da, de, el, en, es, es, fr, ht, id, it, lv, mt, nl, no, pl, pt, sne, sq, tl

Ridván

AB00048

Aine

Au Uea, au Tangira, Maamaten nanou! Raonai i nanon maroaau ao irai ni kanakoakiu nako mai abau. Kanakoa nanokaawakiu. Karekeai bwa Nna katabua maiu ibukin Tamaroam. Kakerikaakai man bwaai nako ma ti Ngkoe. Kariiai n Am boiarara ae e tabu. Karikai bwa Nna irekenrao i nanon Ueam ma naake a mwaawa man bwaai nako ma a aki mwaawa Mai iroum, naake a ingainga ni bekua atiibun Am mataroa ae e tabu ao naake a tei ibukin te mwakuri i nanon Am Waaki. Karikai bwa temanna i buakoia Am tabonibai aika aine ake a tia n roota kakukurein Nanom. Bon Ngkoe ni koaua te Raoiroi te Tituaraoi.

Also in: en, et, fi, fr, gu, hi, hi, hz, lb, mi, pt, sk, ta, te, tvl, uk, zh-Hans, zh-Hant

Short Obligatory Prayer

BH11209

Te Tataro ae Kabaebae ae Uarereke

E riai n anaaki te tataro aei te taina i nanon uabwi ma aua te aoa, n te tawanou Atua, I kaotia ma te koaua bwa Ko a tia ni karikai bwa Nna Ataiko, ao n Taromauiiko. Ao I kaotia n te tai aei bwa bon Moan te Mwaaka Ngkoe ao ngai bon moan te mangori. Moan te Korakora Ngkoe ao ngai bon moan te kainnano. Bon akea riki Te Atua temanna bwa ti Ngkoe, te Buoka n te kangaanga, ao te Maiu i bon Irouna.

Also in: af, am, apm, ar, az, be, bg, bi, bs, ca, chn, co, cr, cy, da, dak, de, dgz, diu, el, en, eo, es, fa, fi, fj, fo, fr, fy, ha, haw, ho, ht, hu, hur, hz, hz, iba, id, ik, is, it, ja, kiw, kl, km, kn, ksd, lb, lg, lkt, lkt, lt, lv, med, meu, meu, mg, mh, mi, ml, moh, mt, nal, naq, ne, nl, no, nv, ny, oj, pap, pl, pot, pt, ro, ru, se, shs, sk, sne, sq, srn, sv, sw, ta, te, th, thp, tl, tpi, tvl, ur

Spiritual Growth

BH05543

Te ririki ae e Boou

Naw-Ruz – Te Ririki ae Boou

(Naw-Ruz, Maati 20 ke 21, bon moan bongin te ririki ni Baha'i.)

Bon Am bwai te kamoamoaaki, Ngkoe Atua, bwa Ko a tia ni katabua Naw-Ruz bwa te tai ni kukurei irouia naake a tia ni mwannanoa te Aki Mamatam i bukin Tangiram, ma ni kaawakiniia man baike aki raraoi Iroum. Au Uea anganiia ain Am tangira, ao te kabuebue are e otinako man te Aki Mamatam are Ko anga, bwa a na konaa ni urarake iai i nanon Am Waaki ao karikiia bwa a na maeka ma Kamoamoaam ma Uringam.

Man te tai are Ko katamaroaiia Ngkoe au Uea, n tamaroan te Aki Mamatam are e katauraaki Iroum, Ko bon katamaroaiia n tamaroan Am kariaia rinanon Am Raoiroi ao Am Iraorao n tituaraoi. Ma aia mwakuri aomata a kawenei i aon Kukureim ae e raoiroi, ma ni buran Am tua. Ko bia mutiakinna ngkai e a toki ana Aki Mamatam ae e a toki aei, ao bwa e na warekaki teuae ma neiei bwa naake a tia ni karika kuneakin Am Kaotioti ni kamemeaaki ni bubun te tano ao ma ni kamwawaaki nako man te ran

ae ai aron atibu aika a kakawaki n te Koburake n ran ni kamaiu aei.

Boni Ngkoe Te Atua, te Manua are e a tiotio i aora ao ti noora iai ae kaanga Ko bon riai n neboaki n Am mwakuri ao te waaki ae kaangai E na ongeaaba te aba nakon Am tua, are e taekinaki. Katanoata taekan Am tabo, Ngkoe Atua, tuangiia Am toro, bwa a na atai raoi kakannaton bwaai nako bwa a bon tine i aan Am tua ao Am taeka, ao raoiroin mwakuri ao are e tamaroa n te kukurei ni motin nanoia are e na kinaaki bwa te kairiiri man aia beku aomata bon man Am kariaia, ao maaniia ni kainaki n Am raoiroi, i nanon boong aikai are E taku iai Kristo: Boni Ngkoe Uean tautaeka nako, Ngkoe are Taman te Tamnei (Iesu); ao Raom (Mwaometa) are E takaarua: Boni Ngkoe te Mimitong, Ngkoe are Moan te Tangiraki, bwa Ko a tia n aki rabuna Tamaroam, ao ni korei baike a na riki naake Ko rineia bwa a na karekea kaintekatekan kaotiotin Aram ae moan te Kakannato, are mai iai aomata ni kabane a tanginiwenei ma ti ngkana a motiki bukiia man bwaai nako ma ti Ngkoe ao ni waaki Nakoina Ngaia ae te Tia Kaotiotiko ao te Tia Kaotai Arom nako.

Teuare bon Ngaia Am Mwaanga ao Am botaki ni kabane, Ngkoe au Uea, a tia ni katoka aia Aki Mamatam n te bong aei, i mwiin tian tauana irouia i aon robwan Am botaki, ma ingaingaia ni Kakukureiko. Ko na kataua i bukina ao i bukiia ni kabane ake a tia ni bane n rin ni Kaaniam ni boong akekei ake a bane n raraoi are Ko a tia ni baaireia n Am Boki. Anganiia ngkanne baike a tau i bukiia, i bukin te maiu ae e na roko.

Boni Ngkoe ni koaua, te Ataibwai ni kabane, te Kabanea ni Wanawana.

Also in: az, bg, bs, ca, da, de, en, es, gu, hi, ht, hy, is, ky, ky, mg, nl, pt, sne, ta, tk, tvl, tvl

BH05543

Aan te Waaki

Te Atua, ae Atua! Kaotai moaia Am koraki ake a Tatangiriko ni koaua, ao buokiia ni barongaia anera n te tokanikai ae e koaua raoi. Kamatoai waeia i aon Kawaim ae e eti, ao man Am tituaraoi are mangkoa kauki i mwaaiia mataroan Am kakabwaia; bwa a kaakabanea i aon Kawaim baike Ko a tia n anganiia, n tararuaa Am Aro, ni katutuka aia mwioko i nanon aia Ururingko, n angaanga nanoia i bukin Tangiram, ma n aki tauanibwai ni kaubwaiia i bukin neboan Tamaroam, ao ni kakaaei aanga i bukin Kakukureiam.

Au Uea! Baairea i bukiia te tibwa ae mwaiti, te kabomwi are e kaman katauaki ao te kanuwanga ae koaua.

Boni Ngkoe, ni koaua, te Tia Angaanga te Maiu, te Tia Buobuoki, te Aakoi, te Tituaraoi, te Angaanga n taai nako.

Also in: az, bg, bs, ca, da, de, en, es, gu, hi, ht, hy, is, ky, ky, mg, nl, pt, sne, ta, tk, tvl, tvl

BH04744

Kamanomano

Au Uea! Ko bon ataia bwa aomata a bane n otabwaniniaki n taian kammaraki ao n

taian tekebuaka ao ni katomimiaki ma kangaanga ao kakumekume. Ni katoa nako te kataitai ao e bon eweka te aomata, ao ni katoa nako te kangaanga aika a kakamaaku aikai n ai aron ana ewaewa te naeta. Bon akea te tabo ni kamanomano ao ni kaawakin ma ti i aan bain Am kakaawakin, Am kamanomano, Am kairiiri ao Am tararua.

Bon Ngkoe are Ko nanoanga! Ae Atuu! Am kamanomano bwa nanoangaeakiu! Atuu! Karika Am kakaawakin bwa au bwai ni katantan, Am kamanomano bwa otangau, karinanoau i matan mataroan Am katiteuana, ao Am tararua ma Am kakaawakin bwa au nono ao nneu. Kaawakinai man au iango nako ao nanou ao kairiirai man aeka n aoraki nako, kataitai, kangaanga ma aeka ni kataitai aika a korakora.

Ni koaua, bon Ngkoe te Tia Kakaawakin, te Tia kairiiri, te Tia Kateimatoa, te Tia Karauaki, ao ni koaua boni Ngkoe nanoangaia nanoanga.

Also in: en, eo, gu, hu, ms, sne, ta, tvl, tvl, zh-Hant

BH04744

Rikirake n Tamnei

Atuu! Atuu! Am toro aei, e a tia ni waaki Nakoim, n nanomatoa n tiotio nako n rereuan Am tangira, n nakonako ni kawain Am waaki, ni kakaantaninga Nanom, ni kariaria Am bwaintituaraoi, n onimakina Abanueam, ao ni kakukureiaki ni wainin Am bwaintangira. Atuu! Kamwaita karakaan arona n Am kananomatoa, ao karauakia n Neboam ao ingaingana n Am tangira.

Ni koaua, Bon Ngkoe Moan te Raoiroi are E onrake ni bwaintituaraoi aika a kakannato! Bon akea Te Atua bwa ti Ngkoe, te Tia Kabwarabure, ao te Nanoanga.

Also in: en, eo, gu, hu, ms, sne, ta, tvl, tvl, zh-Hant

BH04421HEA

Roronrikirake

O te Uea! Karika te roronrikirake aei bwa e na raneanea, ao anga Am bwaintituaraoi nako aon te karikibwai ae e kananoanga aio. Anganna te atatai, kariaia karakaan korakorana ni katoaa tabwenan te ingabong ao tararuaia inanoan kamanomanon Am kakaawakin bwa e aonga ni mwaawa man te kaairua, bwa e na kona ni kabanea nanona nakon te beku ibukin Am Aro, ni kona ni kairiia naake a tiotionako, ni kairiia ake a aki konabwai, ni kainaomataia ake a tauaki ni kabureaki ao ni kautiia ake a aki mwemweuti, bwa a na bane ni kakabwaiaaki ma Uringakim ao Neboam. Bon Ngkoe te Mwaaka ao te Korakora.

Also in: af, az, be, bg, bn, bs, ca, cnr, co, cs, da, de, diu, el, en, eo, eo, es, et, fi, fj, fo, fr, fy, gu, ha, ha, hi, hr, ht, hu, hy, hz, iba, iba, iba, is, it, ja, kj, kn, ko, ky, ky, lb, lg, lt, mg, mi, ml, ms, mt, ne, ne, nl, pl, pt, ro, ru, se, se, sm, sne, sne, sq, sr, st, sv, ta, ta, tet, tet, th, tl, tvl, tvl, tvl, vi, zh-Hans, zh-Hant

BH06296

Rikirake n Tamnei

Kamooai, O Ngkoe Atua, man karewen boiararan karaangan Am aki tootoki, ao katauai bwa Nna katoonga uanikain oioin Arom, O Ngkoe au Kaantaninga! Man itiakin nein Am tangira katauai bwa Nna nimma, O Ngkoe au Mimitong, ao kataua i bukiu bwa Nna maeka i aan nuun Am tabo ni kamanomano ae akea tokina O Ngkoe Ootau! Karikai bwa Nna aiwaa i nanon tawaanan Kaaniam, are bon i Matam, O Ngkoe are I rangi n tangiria, ao katekatekaai i angatain kaintokanuean Am nanoanga, , O Ngkoe are I nano Irouna! Kataua te ikeike bwa e na riaou man boiararan angin nako Kukureim, O Ngkoe au Katoki, ao katauai nakon rietan nako Baretaitin Oioim, O Ngkoe are I kamoamooa! Katauai bwa Nna ongo tangin bwanaan nako Taoben Arom ae ti teuana, O Ngkoe te Oota-mwaaka, ao rinanon tamnein Mwaakam ao Korakoram kamaiuai, O Ngkoe te Tia Kakatauraai i bukiu! Karikai bwa Nna teimatoa n tamnein Am tangira, O Ngkoe te Tia Kateimatoa, ao kamatoai waeu i nanon kawain Nanom are Ko tangiria. O Ngkoe are Ko karikai! Kataua bwa Nna maeka n akea tokina i nanon onarokan Arom n tamnei, i bon Matam, O Ngkoe are Ko bon nananoangaai, ao kateiraoai i aon kaintokan Mimitongim, O Ngkoe are te Tia Bwainai ni koaua! Tabekai rake nakon karawan Am tangira n aakoi, O Ngkoe te Tia Kamaiu, ao n Itoin Ngainan Am kairiiri kairiirai O Ngkoe are I matennanoia! Weteai bwa Nna mena i mwaaain kaotiotan nako Arom n tamnei are a aki nooraki, O Ngkoe are Rikiau ao rietaatan are I kainnanoia, ao karikai bwa Nna manga oki nakon oioin boiararan Tamaroam are Ko na bon kaotiotia, O Ngkoe are bon Atua!

Ko bon mwaaka ni karaoa are Ko nano iai. Boni Ngkoe, ni koaua, te kabanea n Rine, te Kabane ni Mimitong, te Kabane n Rietaata.

Also in: af, az, bg, ca, cy, da, de, el, en, es, et, fi, fj, fr, gu, ht, hu, is, it, ko, ky, mg, nl, no, pl, pt, ro, ru, se, sm, sm, sv, ta, ta, ta, tk, tl, tvl, tvl, tvl, tvl, uk

BH06296

Rikirake n Tamnei

Au Uea! Karaoa Tamaroam bwa kanau, ao ike iai Ngkoe iai bwa nimau, ao Kukureim bwa au kaantaninga, ao Neboam bwa au mwakuri, ao Ururingam bwa raraou, ao mwaakan Ebiehim n tautaeka bwa te tia buokai n tain kainnanou, ao Mweengam bwa mweengau, ao au tabo ni maeka bwa te tekateka are Ko a tia ni katabua ni kamwaawaa man tiia ake a katokaaki i aoia naake a kainaki i tinaniku kaanga ai aron te rabunanimata Mairoum.

Ngkoe, ni koaua, te Kabanea ni Korakora, te Kabanea ni Mimitong, Moan te Mwaaka.

Also in: af, az, bg, ca, cy, da, de, el, en, es, et, fi, fj, fr, gu, ht, hu, is, it, ko, ky, mg, nl, no, pl, pt, ro, ru, se, sm, sm, sv, ta, ta, ta, tk, tl, tvl, tvl, tvl, tvl, uk

BH06026

Kamanomano

Te Atua ae Atua! I a tia n teirake ao ni kitana mweengau, ao n teimatoa n taua roobun Am tangira ao I a tia n anga ngai ni kabanea nakon Am tararua ao Am

kakaawakin. I butiiko ni Mwaakam are Ko a tia iai ni kaawakiniia ake Ko tangiriia man tibanakoia man kawaiiia ao te katei nakon te raoiroi, ao man kakiriwean te tua, ao ni kabane taan karaoi aaro akanne aika a aki tau are a bon tia ni kararoaiia Mairoum, kaawakinai ao kamaurai n Am atataiaomata ao Am nanoanga.

Karikai bwa Nna manga oki nakon mweengau ni Korakoram ao Mwaakam. Boni Ngkoe ni koaua moan te Mwaaka, te Buoka n te kangaanga, ao te Maiu i bon Irouna.

Also in: af, az, bg, ca, cy, da, de, diu, en, es, fr, hi, iba, iba, is, it, ja, kj, ky, lo, lv, mn, nl, pl, pt, ro, sk, sne, sne, ta, ta, tk, tk, tvl, tvl, tvl, ur

Steadfastness

BH08244

Teimatoa i nanon te Boraraoi

Ko kamimitongaki, O Uean te aki tootoki, ao te Tia Karikii aono, ao te Tia Buabuai taian rii aika a tabe n mka! I tataro Nakoim, n Aram are rinanona Ko a tia ni weteia nikabane kaain aonaaba nakon oraitanin Ueam ao Mimitongim, ao ni kairiia Am toro nakon nanoaan oon Am kakatekeraoi ao Am akoi, warekai bwa temanna naba aroia ake a kaaki tangiran bwaai nikabane ma ti Ngkoe, ao n tia n tei ni waaki Nakoim, ao n aki tuukaki mwanangaia man taian kangaanga ake Ko a tia ni baireia ibukiia, man rairaki ni kaineti nakon Am bwaintangira.

I a tia n taua, O au Uea, bwain tauan Am kakabwaia, ao n teimatoa ni kanimwakaa baiu nakon rabin kamwarain Am bwaintituaraoi. Karuo, ngkanne, nako aou, man nangin Am tituaraoi, te bwai ae e na kaitiaka mai nanou uringakin riki temanna ma bon ti Ngkoe, ao karaoai bwa nna konaa n rairaki nakon Teuare Ngaia Boton nanoia te botannaomata nikabane, are E a tia ni kaitaraaki irouia taan teirake ni kakiriwe, ake a tia n urua Am boraraoi, ao n aki Kakoauako ao n Am kanikinaa.

Tai tuuka mai irou, O au Uea, boiararan Am kunnikai n Am Bong, ao tai kakeaa mai irou ikeiken Am Kaotioti ni kaotin otanakon tauran Moam. Ko bon mwaaka ni karaoa are Ko kukurei iai. Akea ae e konaa ni kaitaraa Nanom, ke ni katoka te bwai are Ko a tia ni kataua ni Korakoram.

Akea te Atua bwa ti Ngkoe, te Kabanea ni Mwaaka, te Kabanea ni Wanawana.

Also in: ar, az, bg, bn, ca, ceb, da, de, en, eo, es, es, fi, fr, hr, hr, id, it, ja, ky, ne, ne, no, pl, pt, pt, sm, sm, sv, sv, sv, ta, ta, th, tl

BH08244

Teimatoa

Kaanim Ngkoe i rarikiu, bon nanou ao Kaotim bon katokan botuu, Nnem ae mimitong bon au toki, Aram bon katokan aorakiu, Am tangira bon kaotaakin nanou, Am beku bon kakukureiau are i eta, i eta! I butiiko n Aram, are Ko a tia n anga iai nakoia aika a Kinako te konaa n roota Am iango ae moan te rietaata; ao ni kariaia ake a Neboiko n rierake nakon Am tabo are e tabu ae katauraaoaki i bukiia aika Ko akoia; ni buokai ni

kaaitara Moam, ni kareke matau Iroum, ao n taekina Mimitongim.

Au Uea, bon ngai temanna are e a tia n mwanuokin bwaai nako ma ti Ngkoe, ao ni kaitaraa moan kaotin Am tangira, ao are e a tia ni mwaawa man bwaai nako, ma bon ti Ngkoe, n te aro ae Nna konaa ni kaania Matam. Taraai ngkai I tabeki matau nakon Am kaintoka ae raneanea n ootan Matam. Karuoa, ngkanne nako aou, Ngkoe ae tangiraki irou, n te aro ae Nna teimatoa iai i nanon Am Waaki, n te aro ae a aonga n aki tuukai nanokokorakiia aika a aki kakoauaa rairakiia Nakoim.

Boni Ngkoe ni koaua Atuan te Mwaaka, te buoka n taiani kangaanga, Moan te Mimitong ao te Korakora.

Also in: ar, az, bg, bn, ca, ceb, da, de, en, eo, es, es, fi, fr, hr, hr, id, it, ja, ky, ne, ne, no, pl, pt, pt, sm, sm, sv, sv, sv, ta, ta, th, tl

BH07775

Teimatoa i nanon te Boraraoi

Ngkoe ae Atuan te Nanoanga! Bon Am bwai te karabwaaki bwa Ko a tia ni kautai ma n anganai te atatai. Ko a tia n anganai matau n taratara ao Ko aakoai n taningau n ongo, Ko a tia ni kairai nakon Abanueam ao ni kairai nakon Kawaaim. Ko a tia ni kaota nakoiu te kawaiu ae e eti ao ni karikai bwa nna rinnako inanon te aake ni kamaiu. O te Atua! Kaawakinai bwa Nna teimatoa ao karikai bwa nna nene ao n aki kona ni mwaing nako. Kamanoai man taian kataitai aika a korakora ao katanai inanon nonon Am Boraraoi ao Am Tetemanti ae e matoatoa ao n tia ni kamatoaaki. Ngkoe te Korakora. Ngkoe te Noraaba. Ngkoe te Tia Ongo.

O Ngkoe Te Atua ae Ko Nanoanga. Anganai nanou ae, ai aron te kiraati, ae e na kaotaaki n ootan Am tangira, ao kataua ibukiu taian iango ake a na kona n onika te aonaaba aio nakon te onaroka n rooti rinanon bwaronakon te karairoi mai karawa. Bon Ngkoe te Nanoanga, te Nanoanga. Bon Ngkoe te Atua ae Moan te Korakora Am Akoi.

Also in: af, am, ar, az, bg, bi, bs, ca, da, de, de, el, en, es, fi, fr, hi, hu, is, it, kl, ko, ky, ky, lb, lv, ml, mn, moh, mt, nl, nl, pl, pt, ro, sk, sne, sv, ta, ta, tk, tl, tvl, uk, vi, zh-Hant

BH08604

Teimatoa

O Ngkoe are Kaaniam bon nanou, are Ngkoe kaaniu Nakoim bon au kantaninga, Ngkoe are Uringam bon nanou ae I tangiria, are Am oo ae e mimitong bon au kouru, are Am tabo ni maeka bon au toko, are Aram bon katokan aorakiu, are Am tangira bon kaotaan nanou, are te beku Ibukim bon katokin rietan ingaingan nanou ae I tangiria! I Bubutiko n Aram, are rinanona Ko a tia ni karekea angaia naake a Kinako ni kibarake nakon rietaatan taubukin Ataakim ao ni kakorakoraia naake a Taromauriiko ma te kakaonimaki bwa e na waerake nakon nanooan oon Am bwaintituaraoi aika a tabu, ni buokai n raira moau nakon Moam, ni katuka au taratara nako Aom, ao n tataekina Mimitongim.

Bon ngai, O au Uea, are I a tia ni mwaninga bwaai nikabane ma ti Ngkoe, ao n rairaki nakon Bongin Aumarin Am tituaraoi, are e a tia ni kaaki bwai nikabane ma ti Ngkoe n te kantaninga bwa nna kaaniaki nakon Am oo ae e tabu. Taraai, ngkanne ma matau ae e tararake nakon te Kaintekateka are e otanako ma raneanean otan Moam. Karuoa, ngkanne, nako aou, O au Tangira te baere e na karekea angaraoiu bwa nna teimatoa inanon Am Waaki, bwa e aonga aia nanououa taan aki kakoaua n aki tuukai man rairakiu Nakoim.

Ngkoe, ni koaua, Atuan te Korakora, te Tia Ibuobuoki n tain te kangaanga, te Kabanea ni Mimitong, te Kabanea ni Korakora.

Also in: af, ar, az, bg, bn, bs, ca, de, el, en, es, fr, hu, id, is, lv, mh, ml, nl, no, pl, pt, ro, sk, sl, sm, tl, tvl, vi

BB00621

Teimatoa

Te neboaki ao te kamimitongaki Ngkoe, Te Atua! Kataua bwa e na konaa ni waekoa n ria te bong are rootan Nanoaam ae tabu. Kakukurei nanora man kakain Am tangira ma kukurein Nanom ao anganiira te teimatoa bwa ti na konaa n nano n tauraoi n ongeaaba n Nanom ma Am Moti. Ni koaua Am atatai e rabwati ni kabane bwaai ake Ko a tia ni karikii ke Ko na karikii ao Korakoram ni karawa e ririaon te bwai teuana ke teuana are Ko a tia n taneweia ke Ko na taneweia bwa e na riki. Akea ae e na taromauiaki bwa tii Ngkoe, akea ae e na neboneboaki i Rarikim ao akea ae e na tangiraki bwa tii kukurein Nanom.

N te koaua boni Ngkoe te Tia Tautaeka ae e moamoa, te Koaua ae riao, te Buoka n te Nibwa ni mate, te Maiu i bon Irouna.

Also in: az, bg, ca, da, de, el, en, es, fi, fr, ht, hu, is, it, ky, mg, ne, nl, no, pl, pt, ro, ru, uk, ur

BB00554

Tabonibain te Waaki

Te ota ao te mimitong, te kamauri ao te kamoamoa a na tikuriia Tabonibain Ana Waaki, rinanoia are e a tia ootan te nanomatoa n oota nako mai iai ao e a tia n toronibwai iai te koaua are e kangai mwaakan te rinerine e tiku iroun te Atua, te Mwaaka, te Aki-Eenaki, ao rinanoia e a tia marawan te akoi ni iarake, ao a tia ni buta nako boiararan Ana bwain akoi te Atua, are Ngaia Uean te botannaomata. Ti a Butia – ae Ngaia te Rietaata – bwa E na otangaia rinanon mwaakaia kaain Ana runga, E na kamanomanoia rinanon korakoran Ana tautaeka ao ni buokiia man Korakorana are e aki kokonaaki, are e toka iaon bwaai ni kabane ake a tia ni karikaki. Te mwaaka n uea bon Ana bwai te Atua, are Ngaia te Tia Karika karawa ao Uean te Abanuean Aara.

Also in: af, bg, ca, de, el, en, es, et, ht, iba, is, ky, ky, ky, lb, med, ml, mn, ms, ne, nl, no, pl, pt, ro, ru, ta, ta, ta, tk, tl, tpi, tvl, uk

BB00554

Teimatoa

Kamatoai waera, O te Uea, inanon Kawaim ao Ko na kakorakorai nanora inanon te ongotaeka Nakoim. Rairi moara nakon tamaroan Am katiteuana, ao kakukurei bwanibwanra ma kanikinaean Am katiteuana n tamnei. Katamaroai rabwatara ma kamwarain Am kakabwaia, ao kanakoa mai matara rabunanimatan kaakaraoan ae e bure, ao anganiira mwangkon Am karaoiroi; bwa oioia aomata nikabane a na kona n anenei Neboam i matan te kataratara ibukin Rianakon Taraakim. Kaotiko ngkanne Ngkoe, O te Uea, man Am taetaenikawai ae e nanoanga ao miterion Maium n tamnei, bwa e aonga angin te tataro ae e tabu n ninii tamneira—te tataro ae e na mwemwerake iaon taian taeka ao manintaeka ao n riaoi nako aabebeten tangin taian tiribware ao kakarongoa—bwa a aonga bwaai nikabane n ikotaki nakon te aakea i moan kaotiotin otanakon Tamaroam.

Te Uea! Aikai tooro ake a tia n tiku n teimatoa ni matoa ao n nene inanon Am Boraraoi ao Am Tetemanti, ake a tia n taua ni kamatoa nakon roobun te teimatoa inanon Am Aro ao ni kanimwakai baia nakon rabin kamwarain Kakannatom. Buokiia, O te Uea, n Am Karaoiroi, kamatoaia ni Korakoram ao kamarurunga nanoia n ongotaeka Nakoim. Bon Ngkoe te Tia Kabwarai Buure, te Tia Karaoiroi.

Also in: af, bg, ca, de, el, en, es, et, ht, iba, is, ky, ky, ky, lb, med, ml, mn, ms, ne, nl, no, pl, pt, ro, ru, ta, ta, ta, tk, tl, tpi, tvl, uk

AB00001FIR

Teimatoa

Te Uea ae Atuau! Buokiia aika a tangiraki Iroum bwa a na teimatoa n Am Aro, n nakonako ni Kawaim, ma n nene n Am Waaki. Anganiia Am tangira bwa a na tangira tuukan bwain te rabwata, bwa a na ira ootan te Kairiiri ae Tabu. Boni Ngkoe te Korakora, te Tangira, te Maiu i bon Irouna, te Tituaraoi, te Nanoanga ao Moan te Mwaaka ao Moan te Atataiaomata.

Also in: af, az, be, bg, bs, ca, ch, cy, da, diu, el, en, eo, es, fa, fi, fr, fy, ho, hr, ht, hu, hz, iba, id, is, it, kl, km, kn, lb, lg, lv, ml, mn, nl, pl, pt, ro, ru, sk, sm, sq, sv, sw, te, tl, vi

Tablet of Ahmad

BH02022

Te Tabureti Nakon Ahmad

Te Tabureti Nakon Ahmad

“Tataro aikai e bae te aba iai n te koraki n ikotaki ma tabeua aika a kaonoti aroia n aron Tataron te Katoki Aoraki, Te Bába ni Koroboki nakon Ahmad, a tia ni uarokoaki iroun Bahá’u’lláh n rakan te mwaaka iai ao te kakaawaki, aoa riai ngkanne ni butimwaeaki n aroia anne ao n anaaki irouia taan onimaki ma te onimaki ae akea te titiraki iai ao te kakoaua raoi, bwa mai iai a na kona n rin i nanon te itoman ae e kaan riki ma te Atua, ao ni kariki aroia bwa a na bwanin riki ma Ana tua ao Ana koaua”
(Man te reta are e Koreaki ibukin Shoghi Effendi)

Boni Ngaia te Uea, te Atatai ni kabane, te Wanawana!

Akea bwa e a anene Naitengkaren te Bwaretaiti i aon nako mwaangarengeren Kain te Aki Tootoki, n ee ni Kuuna aika a tabu ma n tangiraoi, ni kauekiia iai nakoia ake a koaua nanoia aaningin taeka aika a kakukurei ni uakaania te Atua, e a weeweteia taan onimakina te Katiteuanaaki n Atua nakon te o are iai Are E Tituaraoi iai, E a kaongoraiia naake a kamwawaaki te rongorongo are E a tia ni kakaotiotaki iroun te Atua, te Uea, te Mimitong, Akea n Aiarona, E a kairiia taan tatangira nakon kaintokan te rikia n tabu ao nakon te Tamaroa ae e kianako ootana.

Bon aio, ni koaua, te baere Katokin Kakannaton te Tamaroa, are E a Kaman tia n taekinaki i nanon aia Boki Taan Uarongorongo , bwa a buataki Irouna reken buuraroan te koaua man te kairua ao a na bane mamatan babaire tatabeua nako ni kataaki aroia. Boni Ngaia, ni koaua, Kain te Maiu are e bwebwe mai iai Ana uaa te Atua, te Neboaki, te Anginnano, te Kakannato.

Ahmad! Ko na kakakoauaa bwa boni Ngaia, ni koaua, te Atua ao akea te Atua bwa ti Ngaia, te Uea, te Tia Kakaawakin, Akea Kabotauana, te Konai Bwaai nako. Ao bwa iai Temanna are E a tia ni kanakomaia n te ara are Ali (Teuare E Tabu, Te Báb) bon Ngaia mai iroun te Atua n te koaua ao nakon Ana babaire ti a bane ni uarokoiria iai.

Ani kangai: Aomata an ongotaeka n Ana Otenanti te Atua, ake a tia ni motikaki bukiia i nanon te Bayan iroun te Mimitong, Are te Wanawana. Boni Ngaia, ni koaua aia Uea Taan Uarongorongo ao Ana Boki bon Tinaia Booki, ai teraana ngke ko ataia.

Ai anne iai are E a aboka bwanaana ni wewete nakoim te Naitengkare man te umwanikaikain aio. Akea riki tabena iai bwa ti te nikira te rongorongo ae e teretere aio. Ane e taku n ana iango, ke e rairaki nako man te taeka n ibuobuoki aio ao ane e nano iai ke e kataua te kawai nakon ana Uea.

Ngkami aomata, Ngkana kam a kakewei kiibu aikai, ao ai koaua raa aika kam a tia iai n onimakina te Atua? Katerea, ngkami bobotakiia taan kewe.

Bon te akea, bwa i matan Teuare e mena Tamneiu i nanoni baina, a bon aki kona a na aki kona ni karaoa aio, ke Ngkana tao a ikotaki n ibuobuoki temanna ma temanna.

Ahmad! Tai mwanuokin Au tituaraoi ngkai akea Ngai. Uring Au Bong nako i nanon am bong nako ao Kainnanou ma Kanakoakiu nako mai abau ni mena i nanon te umwanikaikain ae e kakiro nako aio. Ao riiki ngkoe n rangi n teimatoa i nanon Au tangira bwa e aonga n aki tiotio nanom, a ngae ngke a bwaka ni karau i aom wiin aia kabaang taan kairiribai ao ni kabane karawa ma aonnaaba a teirake ni kaaitarako.

Riiki ngkoe bwa kaanga te ura n ai nakoia Au kairiribai ao te karaanga n te maiu ae akea tokina nakoia ake Au tangira, ao tai riki n ai aroia naake a nanokokoraki.

Ao Ngkana tao ko a kauiaaki n te kangaanga i nanon Kawaiu, ke te katorotoroaki i Bukiu, ko na aki katabeko iai.

Onimakina te Atua, ae Atuaam ao aia Uea am bakatibu. Bwa a tiotio nako aomata i

nanon kawain te burebureaki, ao ma ni bon akea irouia te matairiki n nora te Atua n oin mataia, ke n ongo tangiraoi n Kunana n oin mataia, ke n oin tanningaia. Ti a tia ni kuneia n aron anne n ai aron naba are ko a tia ni kakoauaa.

N aron anne a riki aia koaua aika akea aaia bwa te rabunanimata i marenaia ma oin nanoia ao tauakiia nako man kawain te Atua, te Karietataaki, te Kakannato.

Ko na ataia i nanom bwa n te koaua, teure e rairaki nako man te Tamaroa aio e a tia naba iai n rairaki nako mai irouia Taan Uarongorongo ake ngkoa ao ni kaota te kainikatonga nakon te Atua man te aki tootoki ni kabane nakon te aki tootoki ni kabane.

Kamatenanoa raoi Te Bába ni Koroboki aio, Ahmad, Katakeia i nanon am bong nako ao tai tauraroako mai iai. Bwa n te koaua, E a tia te Atua ni motika kaniwangan are e katakenna n anaia maritire aika tebubua ao te beku n aonnaba ake uoua. Ti a tia n anganiko bwain akoi aikai bwa te bwai n tituaraoi ae te tibwa mai Iroua ao te ataataiaomata man ae iai Ngaira bwa ko aonga n raoniia ake a nano ni karabwarabwa.

N aran te Atua! Ngkana iai temanna are e rekenako n te rainanoanga ke te rangi n nanokawaki ao e wareka Te Bába ni Koroboki aio ma ni kabanea nanona iai, ao te Atua E na bon kamaenakoa nanokaawakina ma n nikoi ana kangaanga ao ni kamwaawai rainanoanga.

Bon Ngaia, ni koaua, te Ataataiaomata ao te Nanoanga. E na neboaki te Atua ae te Uea i Aonaaba ni kabane.

Also in: af, ar, az, bg, bi, bn, bs, ca, ceb, da, de, el, el, en, eo, fa, fi, fj, fo, fr, gu, ha, ht, hu, hy, id, is, it, kl, ko, lg, lo, lv, mg, ml, mr, mt, nal, naq, ne, nl, no, pl, pt, ro, ru, sk, sm, sne, sq, sr, sv, ta, tk, tl, tpi, tvl, ur, vi, zh-Hans

Tablet of the Holy Mariner

BH01026

Te tabureti ae moan te tabu

Te Tabureti ae Moan te Tabu

(E kona naba n Taekinaki bwa te Tabureti Nakoia Kiritian)

Aio te tabureti ae moan te tabu are karuoaki man te Abanuea ae tabu nakon temanna are e a tia ni kaineta moana nakon Mamatennanon te Aonnaba. Teure e a tia n roko man karawan te aki totoki, ni kaonaki ma te Mimitong ae moan te riettaata.

N aran te Uea, Te Uea ae moan te Mimitong.

Aio te reta ae moan te kakawaki nakon Teure e aki keerikaki n ai aron te Atua n taian Rabunanimata n Aara nako, Te Atua are te Tia karika aonnaba ma karawa, Teure e onrake n te kimwareirei n ana bong nako ana Uea, Te Buoka n te Kanganga, Te Maiu I bon Iroua.

Atonga, O ngkami taan Iriira te Nati! [IESU] Kam a tia ni kaini ngkami mai Irou “Ti

ibukin Arau? E aera kam aki karaaurau n iango Inanomi? Ni ngaina ao ni bong kam a tia ni wewete nakon ami Uea te Tia Tautaeka ni Bwaai nikabane, ma ngke e a kaoti man karawan te aki totoki ma Mimitongina ae moan te Korakora, kam rairaki nako mai Irouna ao n iinako man ami aki tatabeakin.

Iango aroia te koraki ake a kauntabaa te tamnei are [Iesu] ngke E roko nakoia ma te tautaeka ae mataata raoi. A mwaiti Bwaritaio ake a kainiia n okoro n aia tinakaoki nako n Arana n tanginiwenei ibukin raurenakoia mai Irouna, ma ngke a kaukaki mataroan te manga reitaki ao n Oota mai iai Bongin Rikiraken te Tamaroa, ao a aikoa kakoaua te Atua, te Karietataaki, Moaia Mwaaka. A baka n aki kina ao n aki ataia are Kaotina, E bon kaotaki n ana Boki Itaia ao n aia boki naba burabeti ao Taan Uarongorongo.

Akea mai ibuakoia ae e raira moana nakon Bongin Rikiraken te tituaraoi n tamnei, Ti koraki ake a mangori. Ma ni boong aikai, aomata aika iai te mwaaka ma te tautaeka irouia a kamoaiia n Arana.

Ao riki a kauringa Teuare e motika tiringan Iesu. Bon moaia wanawana n ana roro ao i abana, ma Teuare e kakoaua bon te tia akawa. Ongora raoi ao riiki bwa temanna ae kabonganaa raoi ongoraam.

Iango n aron anne, ai mwaitira n taai aikai taan kairiri n ekaretia aika a mwaiti aika a tia n tabui mauia ao ni wewetea te tamnei, ma ngke E kaoti nakoia rinanon Mwaakan te Koaua ao a baka n aki kaania Nakoina ao tokina a warekaki ma ake a bua kawaiia. Te kimwareirei nakoia akana a kitaniia naakanne ao ni kaineti moaia nakon Teuare ngaia Mamaten nanoia nikabane ake i karawa ao aika iaon te aonnaba. A wawareka te Euangkerio ma a bon aki butimwaea naba te Uea ae moan te Mimitong n aki tabeakina are e a tia n roko ma korakoran Neboana, Mwaakana ao ana tautaeka ae mwamwannano. Ti a tia n roko ibukimi ao n rinanon taian tekebuaka ibukin kamaiuami. Kam biiritana are e a tia ni kareana maiuna ibukin kamaiuami? Maaka te Atua, O ngkami taan iriira te tamnei ao tai touu mwanekaia taan kani maiu n tamnei bwa a tia ni bua kawaiia. N ami katautau kam taku bwa e karaoa oin nanona, E aki ma kairiribai a tia ni kataia ni kakamaaku n aia kabaang ke e ukoukora kamoamoana imwin kabureana n te karabuuti ae e raroanako ma ni kamaroa aei? Bwaina te Motiraoi n am babaire ao tai touu mwanekaia taani Motibuaka. Kaukii mataroan nanomi. Teuare Ngaia te Tamnei E tei i moaia. E aera ngkai kam tauararoa mai iroun Teuare e kataua bwa e na kaani ngkami nakon te tabo ae karaneaneaki? Atonga te koaua, Ti a tia ni kauka nakoimi mataroan te abanuea. Kam na kainii mataroan ami auti i Matau? Aio ni koaua bon te kaairua ae kakurakai.

Ni koaua e a manga tia riki n ruo mai karawa n aron naba ruona mai iai n te moantai. Iango raoi n aki kauntaba are e katanoataa n aroia aomata ake imwaimi ake a totokoi Ana kamataata.

Anne ana kairiri nakoim temanna ae e koaua, ai tera ngke ko namakina koauana. Karaangan Ioretan e a toma ngkai nakon te marawa ae moan te korakora ao te Nati are tatarua man te mwarua ae e Tabu n atonga; “Aio ngai, Aio ngai, O te Uea ae Atua.” Ao Tiinai e katobibia te auti, ao te buakonikai ae e urarake e tatarua, aei teuare Ngaia Mamatentenano E a roko ma te kakannangaki ae e koro raoi’.

Atonga, matakua bwa te Tama e a roko ao baike a tia ni beritaaki nakoimi ibukin te Abanuea a koro bukiia!! Aio te taeka are e karaba te Nati ngke E kangai nakoia ake a katobibia, Kam aki kona ni Kakoauai ke n ataai ngkai, ma ngkai, ma ngke e a koro te tai ao te aoa e a boo, te Taeka e otanako iaon oraitanin ana Kantanina te Atua.

Kaiangoraoi ngkami, O ngkami taan iriira te Nati tai akuuna te rongorongo aei. Taua ao nintia bwa e raoiroi riki ibukim nakon am bwai nikabane. E a kaan riki nakoia akana a kakaraoa ae e raoiroi. Te aua are ti kakaraba man aia atatai aomatan te aonnaba ma anera aika a nanonaki e a tia ni waaki nako. Atonga, Ni koaua e a tia ni kaotioti Ibukiu ao ngai Ibukina ni koaua bon akea riki ae e nanonna Irarikiu nakon aio. A kakoaua ake a raroai aia iango ao n oota raoi.

E ngae ngke e aki reke warekan kamarakara, Ti kaoiia aomata nakon te Atua, Uean Aara nako. Atonga, Kakorakoraingkami bwa e aonga n reke nakoimi te baere e a tia ni beritaaki n Ana boki nako te Atua ao tai nakonako ni kawain te tia aki ataibwai.

Rabwatau e a tia n rinanon te kabureaki bwa kam aonga ni bwara ma ni kabaebaen te rabwata.

Rairi moami ni kaitara Moamoana ao tai tou mwanekaia taani motibuaka. Ni koaua e a tia ni maeka n taabo aika a kiraroa ma ni kamaroa ibukimi, ma ngkami kam maeka n ami baereti nako.

Atonga, kam aki ongo Bwanaan te Tia Kaongoraa n tatarua man buakonikain te Bayan ni kaongoi ngkami rongorongo aika a kakukurei ibukin rokon ami Uea, Moaia Nanoanga? Noria! E a tia n roko n nuun kamanomanon te kaotioti ae e kaonaki ni koaua aika akea kairuaia, ao koraki ake a kakoaua raoi a taekina rokona bwa ai bon Rabwatan raoi abanuean te Atua.

E a kabwaia ane e raira moana Nakoina, te kanganga ma te raroa e na iriira ane e butikoroia ke n nanououa Irouna. Kaongoiia taama ma mitinare; bwa noria! Teuare te Tia Tautaeke E a roko. Otinako mai akuun te rabunanimata n Aran ami Uea, Teuare E karinanoi roroaia aomata nako. Katanoata nakoia te botanaomata Mwaakan ma Mimitongin te Kaotioti aei. Ni koaua, Teuare Tamnein te Koaua E a roko bwa E na kairi ngkami nakon taian koaua nikabane. E na aki taekina are bon taku ma E na taekina are E tuangaki iroun Teuare Moaia Ataibwai ao Moaia Wanawana. Atonga, ae Teuaei are E a tia ni kamimitonga te Nati ao n Neboa Ana Waaki. Karenakoi, ngkami aomatan te aonnaba baike iroumi ao nimta are E tuangi ngkami Moaia Korakora, Teuare Ngaia te Tia Uota ana mwioko te Atua. Kaitiaki taningami ao kainetii nanomi nakoina bwa

kam aonga n ongo te wewete ae moan te kamimi are e a tia n tabekakirake mai Tinai, Kainikatikun ami Uea, Moaia Mimitong. Ni koaua e na kairiko ni kaniiko nakon te tabo ike ko na konaa n namakina tamaroan Otan Moamoana are otanako iaon oraitan ae raitiiti. O ngkami mitinare! Katikui ami beero, ao otinako man ami umwantabu nako. Kam katauaki, n te bong aei, bwa kam na katanoata te Ara ae Moan te Kakannato nakoia aono nako. Kam kukurei ni kaabuingoingo, ao atiibu ma aroka a tatarakua ae te Uea e a roko ni Mimitongina ae moan te korakora !

E tekeraoi ane e ienikuri Nakoina. Ni koaua, E na warekaki ibuakoia ake a na kawakinaki Araia n aki totoki ao ni mwaneweaki irouia te Baronga ni karawa. Anne are e a tia te Tamnei ni kataua inanon te Tabureti ae kamimi aei. Teuare e weteia aomata n Arau, Ni koaua bon mai Irou, ao e na kaota te mwaaka ae e riaon korakoraia kain te aonnaba. Ira kawain te Uea ao tai toui mwanekaia koraki ake a iinako n aia aki kan ongongo, E tekeraoi te tia matu ane e kibe n ana Ang te Atua ao n uti mai ibuakoia maate ao ni kainetii mwanekana nakon Kawain te Uea. Ni koaua, te aomata anne ni katautauana i matan te Atua, ai aron te atiibu ae e kakawaki ao e na warekaki ibuakoia akana a kimwareirei. Atonga ae n te Itera mainiku Otan Ana kaotioti e a tia ni maibi. N te Itera Maeao kanikinan nako Ana tautaeka a kaoti. Iangoa raoi aio inanomi, O ngkami aomata ao tai katotongiia ake a tia n rang ni kaairua n rokon irouia kanuringau, Ma Ana kaumaki Moaia Mwaaka, te Katoki n Neboaki.

Ke kauti matami ana Ang te Atua, Ni koaua e a tia ni kabutaa te aonnaba, E tekeraoi ane e kunea Boiararana ao ni warekaki ma akana a koaua raoi.

O te botaki n Ebikobo! Ngkami bon itoin karawan au ataibwai, Au nanoanga e aki tangira bwakami nako aontano. E a tia au motiraoi ni katanoata ae aei, te baere e a tia te Nati ni baairei bwaai nikabane ake a otinako mai Wiina ae e kokoaua ao e onimakinaki raoi, n aki kona ni bitaki. Ni koaua, taian beero a tia n tatarakua n anenea Arau, ao n tanginiwenei i Aou, ma Tamneiu e tarere kimwareireina, Rabwatan temanna ae e tangiraki e ienikuri nakon te kaibangaki ao atuuna e ingainga nakon te kainiwai, inanon kawain Moaia Nanoanga.

Korakoran mwaakan te tia Motibuaka e aki kona ni bitia man ana kantaninga, Ti a tia ni weteia karikibwai nikabane bwa a na roota ike e mena iai ami Uea, Kingin Aara nako. E a kabwaia ane e kaineta moana nakon te Atua, Uean te bong ni motikitaeka. O te botaki n Tama! Ngkana kam kataua bwa kam na Iriirai, Nna kariki ngkami bwa taan bwaibwai n Abanueau, ma ngkana taan kaitaraai ngkami, Nna rinanon te karawawataaki ma te karaunano, ma ni koaua Bon Ngai te Mwamwanuokin buure ao Moaia Nanoanga.

O te Aba ae Tiiria, tera ae riki nakon etietim ? Ni koaua ko a bon tia ni kariatataaki ni mwanekan am Uea, Ko a tia n namakina boiararan te kaaitibo ni karawa, ke kan warekaki bwa taan aki mumuuti?

Betereem e a kakibeaki n Angin te Atua. Ti Ongo Bwanaana ae e kangai, Te Uea ae moan te tituaraoi ! E tei iia Mimitongim ae moan te korakora ? Bukarewerewen Rokom e a tia ni kautai, imwiin ingunakou man raurenakou mai Iroum. Ko na Neboaki bwa Ko a tia n irakei rabunanimata ao n roko ma te mwaaka ae e teretere Mimitongina. Ti weweteia mai akuun Baonikarean te kakannangaki ao te Tamaroa.

O Betereem te Ota aio E teirake man te Itera Mainiku ao E borau rio nakon te Itera Maeao ao n roko iroumi n tairikin Maiuna, Tuangai ngkanne! A kinaa te Tama Naati, ni butimwaia, ke a totokoia n aroia naba n totokoa Iesu ni moan rokona? Mai ikanne ao e taekina ae e kangai! Ni koaua, Moaia Ataibwai Ngkoe ao te Atai aron Bwaai nikabane. Ni koaua, Ti noori karikibwai nikabane ni mwaing bwa a na kakoauaira. Tabeman a ataira ao a kakoauaira, ma angiina a kakoaua ma a aki Ataira. Maungan Tiinai e a kibe ma te kukurei n Noran Moara e a tia n tabekarake Bwanaana ae e kakateke ke ni kamimitonga ana Uea, N atonga ae O te Uea! I namakina boiararan Am Kamwarai. I kakoaua bwa Ko bon kaan, ao Ko kaonaki ma Ana kanikina nako te Atua. Ko a tia ni karietaatai taabo aikai ni Mwanekam. A kabwaia Am aomata, ma tera ngke a kinako ao ni kerakea Am tituaraoi, ao te tekebuaka nakoia akana a reitanako matuiia. Ko na kukurei ngkoe are ko raira moam Nakoiu, n aron tiam n taekanako te rabunanimata, ao n urubekea maten nanom ao n tia ni kinaa am Uea ae akea tokina. Aomatan te Koran a tia n teirake ni Kaitaraira n akea aia koaua aika a teretere raoi ao ni kammarakiira ni katoa tai n ae e boou. Aia katautau ni kammarakara irouia bwa a na kabwarai nanora. N te koaua e bon rangi ni matebuaka are a katautaua. Ni koaua, ami Uea Bon Ngaia are e bairea are E bon nano iai.

I tuai man rirarikin te oina te kai n aki taekinna mai nanou nakoia aei: Ai tera ngke ko koreaki n Arau, ao ni katineaki Rabwatau iaom? Ti kaota te kibu ae nakon Tebitora nakon Uean Bootia bwa kaanga te kauring nakoia kain Aaro nako. Ni koaua, Te Uea bon te ataibwai, te Wanawana. Tai nanokawaki ni baike a karaoi aika a buakaka, ni koaua bon akea okoroia ma maate, ao a aki maiu, katikuia nakoia maate, ao raira moam nakon Teuare Ngaia te Tia Anga te maeu nakon te aonnaba. Tarataraike bwa a na aki kananokawakiko aia taeka taan aki mumuuti. Kanene waem n te Aro, ao reireiniia aomata ma te wanawana. Anne Ana kaetieti nakoim te Tia Tautaeke iaon aba ao i karawa. Ngaia ni koaua Moan te Mwaaka, Moaia Tituaraoi. N te tai ae e aki maan ao te Atua e na neboa uringam ao ni kabwarabwara ni kainikorobokin te Mimitong baike ko a tia n tataekin ibukin Ana tangira. Ni koaua, bon Ngaia te Tia Kamanoiia aika a kakaraoa ae e raoiroi.

Anga Au Ururing nakon temanna ae arana Murad ao kangai! Ko a kabwaia ngkoe Murad bwa ko a tia n taobarai baike ko tatangiri ao n tia n iriira, Teuare Ngaia Mamatennanon te botannaomata, Atonga, E a kabwaia te tia matu ane e uti n Angiu. E a kabwaia te mate ane e uti n Ikeikeu ae e kamarurung. E a kabwaia ane e rauaki

matana n taraakin Tamaroau. E a kabwaia te tia mwananga ane e na kainetii mwanekana nakon baonikarean Mimitongiu ao Au Tituaraoi. E a kabwaia ane e uruaki nanona ao n ukora katanana ian nuun Au katantan.

E a kabwaia ane e kaaki tinanikubekana ibukin Tangirau ao ni karekea kanana n te taibora n baka are I a tia ni karuoa man karawan te atataiaomata ibukiia ake I rineia. E a kabwaia ane e kamangoraki ao n nimta kaon Mimitongiu, Ao ane kainnano are e rinnako iaan nuun Au kaubwai. E a kabwaia ae nano ana ukeuke man koburaken ranin Au ataibwai, Ao te tia aki tatabeakin ane e nimta kaon Ururingau.

E a kabwaia ane e a tia ni kamaiuaki ni kakamaiun Ikeikeu ao n tia ni kariaiakaki rinna ni karawan Abanueau. E a kabwaia te aomata ane e a tia ni katonga te manga kaitibooaki ma Ngai ni kakibea nanona ao n tia ni katikia ni kaniia nakon Bongin Rikiraken Au Kaotioti.

E a kabwaia te taninga ane e a tia n ongo ma te newe are e a tia ni kakoaua ao te mata are e tia n noora ma ni kinaa Teuare bon Ngaia te Uea n arona ni koro ni Mimitong ao ni kakatika, ao ni kaonaki n te kakannangaki ao te kakannato n tautaeka.

A kabwaia akana a tia ni mena Irarikina, E a kabwaia te aomata ane e ukoukora raun nanona man Itoiningainan Au Taeka. E a kabwaia ane e unekenekea atuna ni baun tautaekan Au Tangira. E a kabwaia ane e a tia n ongo Rawawatau, ao n tia n teirake ni Buokai. E a kabwaia ane e a tia ni kawenea maiuna ni Kawaiu ao n tia n rinanon kammaraki aika a mwaiti kurikuri ti ibukin Arau. E a kabwaia te aomata ane e kakoaua au Taeka, ao n tia n teirake mai ibuakoia maate ni karinea Neboau. E a kabwaia ane e a tia ni kaonaki ma te kimwareirei ni kamimiin ma tangiraoin Bwanaau ao n tia n taeki rabunanimata rinanon korakoran Mwaakau.

E a kabwaia ane e tiku ni kakaonimaki nakon au Boraraoi, ao n aki kakerikaakaki man rootan Au O ae tabu ni bwain nako te aonnaba, E a kabwaia ane e a tia kamwaawa man bwaai nako Irarikiu, ao ni kikibakiba ni karinanin Au Tangira, ao n tia ni kariaiakaki rinna n Abanueau, n taraa Abanueau ae e mimitong, ni moo n ran ni kamaiun Au Tituaraoi, ao n tia ni kangaea ni karawan karaangan Au tatangira ae e tatauraoi, ni kakataneia ma Au waaki ni kunei baike I a tia ni karabai inanon Nnen kaubwain Au taeka nako, are e a tia n Ootanako man Oraitanin te Atatai ni karawa ni katabea ma Neboau ao Kamimitongau. Ni koaua, Bon mai Irou ngaia. Ke e mena iaona Au Nanoanga, Au Mwamwannano, Au Tituaraoi, ao Mimitongiu.

Also in: am, ar, az, bg, ca, ceb, da, de, el, en, es, fi, hu, is, kl, nl, pl, pt, ro, sk, sq, tvl, zh-Hant

BH01026

Tabureti Ibukin Te Tia Borau ae Tabu

“Kamatebwaia te Tabureti ibukin te Holy Mariner bwa ko aonga n at ate koaua, ao karaua iangoia bwa te Tamaroa Ae E Kakabwaiaki E a tia n taetae ni burabeti n tabwaninna taekan bwaai aika a na riki nakon taai aika a na roko. A riai naake a

noraba n taua bwa te kauring nakoia.” ’Abdu’l-Bahá
Ngaia te Tituaraoi, Moan te Tangiraki! O Mariner ae e Tabu!
Tuanga am ake ibukin te aki totoki bwa e na kaoti i moan te Runga Ni Karawa are
moan te Tabu,
E na kamimitongaki au Uea, te Kabanea ni Mimitong!
Kabwakaa iaon taari are ngkoangkoa, rinanon Arana, te Kabanea ni Kamimi,
E na kamimitongaki au Uea, te Kabanea ni Mimitong!
Ao kariaia riniia anera n tamnei, rinanon Aran te Atua, Moan te Rietata,
E na kamimitongaki au Uea, te Kabanea ni Mimitong!
Kabwaraa roona, ngkanne, bwa e aonga ni borau iaon marawan te mimitong,
A na kukurei kaaina ni karekea rokoia nakon nnen kaanian te tabo are akea tokina.
E na kamimitongaki au Uea, te Kabanea ni Mimitong!
Ngke a tia n roko ni bikenae e tabu, are mataniwiin biken taari are e mata uraura,
E na kamimitongaki au Uea, te Kabanea ni Mimitong!
Tuangiia bwa a na mwananga nako ao ni karekea nakoia te karinan ae e aki kona n
noraki ae man te itera n tamnei,
E na kamimitongaki au Uea, te Kabanea ni Mimitong!
Te karinan are i nanona E a tia te Uea inanon Ain Tamaroana ni kaoti inanon te kai ae
e aki kona ni mamate,
E na kamimitongaki au Uea, te Kabanea ni Mimitong!
Ike naake a rabwatana Ana Aro a kaitiakiia bon mai irouia ao bwaai ake a tangiri,
E na kamimitongaki au Uea, te Kabanea ni Mimitong!
N otabwaninia are Mimitongin Moote e bon katobibiia ma te runga ake a maiu n aki
toki,
E na kamimitongaki au Uea, te Kabanea ni Mimitong!
Are inanona ao Bain te Atua E kaienakoa man bwabwan Kakannatona,
E na kamimitongaki au Uea, te Kabanea ni Mimitong!
Are inanona aaken te Aro e a tiku n aki kakamwakuri e ngae ngke nakoia kaaina a
katanoataaki ibukia taian anua aika a raroai ni kabane.
E na kamimitongaki au Uea, te Kabanea ni Mimitong!
O Ngke Mariner! Reireiniia naake a mena inanon te ake bwaai ni kabane ake ti a tia n
reireini ngkami
i akuun te rabunanimata are e kamimi,
E na kamimitongaki au Uea, te Kabanea ni Mimitong!
Bwa a na aki tiku inanon te tabo are e takamainaina are e tabu,
E na kamimitongaki au Uea, te Kabanea ni Mimitong!

Ma a na rierake iaon bain te tamnei nakon te karinan are E a tia te Uea ni kariatataa
iaon bwaai ni kabana ake a tia ni mwaneweaki inanon te aonnaba are i nano,

E na kamimitongaki au Uea, te Kabanea ni Mimitong!

A bia kibarake i eta n aroia mannikiba ake a tatangiraki inanon aonnaban te manga
kaitiboaki are akea tokina;

E na kamimitongaki au Uea, te Kabanea ni Mimitong!

A na kona n atai taian miterio ake a karabaaki inanon Taarin te ota.

E na kamimitongaki au Uea, te Kabanea ni Mimitong!

A riaon karinanin tiatianakin te aonnaba ao a roko n te katiteuanaaki n tamnei, are
boton te kairiiri ni karawa.

E na kamimitongaki au Uea, te Kabanea ni Mimitong!

A tia n tangiria n rierake nakon te karinan are E a tia te Uea ni baireia bwa e riaon aia
karinan.

E na kamimitongaki au Uea, te Kabanea ni Mimitong!

Are Nei Tewenei are e ura e a karenakoia mai buakoia naake a mamaeka inanon
Abanuean Kaniana,

E na kamimitongaki au Uea, te Kabanea ni Mimitong!

Ao e ongo Bwanaa te Kakannato ni mwemwerake mai akuun te auti n rianna ae aki
noraki iaon Taubukin te Mimitong!

E na kamimitongaki au Uea, te Kabanea ni Mimitong!

Ngkai a tia ni kataua bwa a na waerake nako te mronron are bain ni kiban te taobe ae
e tabu a tuai man rooroko iai;

E na kamimitongaki au Uea, te Kabanea ni Mimitong!

“Are i aona ao kaibuken te katautau e tei n aki kakamwakuri ao are aia iango naake a
ota a aki kona n ataia.”

E na kamimitongaki au Uea, te Kabanea ni Mimitong!

Are mai iaona ao ainen karawa e tarataranako man ana ruu ae e kariatataaki,

E na kamimitongaki au Uea, te Kabanea ni Mimitong!

Ao a ana ari, e anga te kanikinaa nakon te Runga are e Tabu,

E na kamimitongaki au Uea, te Kabanea ni Mimitong!

N otan moana ao e kaotaa karawa ao aonteaba,

E na kamimitongaki au Uea, te Kabanea ni Mimitong!

N otan moana ao e kaotaa karawa ao aonteaba,

E na kamimitongaki au Uea, te Kabanea ni Mimitong!

Ao inanon ana tai ni kaotaia aomatan te bubuntano ma otanakon tamaroana,

E na kamimitongaki au Uea, te Kabanea ni Mimitong!

E tabeka te wewete are akea te tanninga rinanon nako te aki totoki ae e a tia n ongo mai mwaaia,

Ao ni katanoataa, “Iroun te Uea! Teuare nanona ae akea boiararan te tangira irouna ibukin te Roronrikirake mai Arabia ae e karietataaki ao ni kamimitongaki,

E na kamimitongaki au Uea, te Kabanea ni Mimitong!

“E na bon aki kona n rierake nakon mimitongin karawa are te kabanea n rietata.”

E na kamimitongaki au Uea, te Kabanea ni Mimitong!

Ikanne e wewetea temanna mai buakoia ana ataeinnaine nakoina,

E na kamimitongaki au Uea, te Kabanea ni Mimitong!

Ao e anga te kaetieti nakoina ni kangai: “Ruorikaaki nakon tinanikun te aonnaba man bwaretin te aki tootoki,

E na kamimitongaki au Uea, te Kabanea ni Mimitong!

“Ao rairaki nakon te baere a tia ni karabaa i kabin nanoia,

E na kamimitongaki au Uea, te Kabanea ni Mimitong!

“Ngkana ko ikerakea boiararan te kamwarai man te Roronrikirake are e a tia ni karabaaki inanon autin riannan te ota imwiin bwaai ake a tia ni karaoi baia naake a buakaka nakoina,

E na kamimitongaki au Uea, te Kabanea ni Mimitong!

“Tabeka te tang inanom, bwa a aonga naake a mamaeka inanon ruun te Bwaretaiti, ake a rabwatani kaubwai ake akea tokia, ni kona n ota ao n ongo nako iai;

E na kamimitongaki au Uea, te Kabanea ni Mimitong!

“Bwa a aonga n ruorikaaki man aia ruu ake akea tokia ao n ruru,

E na kamimitongaki au Uea, te Kabanea ni Mimitong!

“Ao ni kaboria ma baia ao waeia ibukina ngkai a tia ni waerake nakon rietan te kakaonimaki;

E na kamimitongaki au Uea, te Kabanea ni Mimitong!

“Bwa tao a na kona ni kunea man aia kamwarai boiararan Teuare E Tangiraki.”

E na kamimitongaki au Uea, te Kabanea ni Mimitong!

Ikanne ao moamoan te aine are e tangiraki riki e takiakia i etan taian ruu ake a karitataaki n ai aron te taura are e otanako man moamoan te Roronrikirake i etan Ana tembora are e mamate;

E na kamimitongaki au Uea, te Kabanea ni Mimitong!

Imwiina e ruorikaaki neiei ma katamaroan aona n te aro are e kaotanako karawa ao bwaai ni kabane ake i nanona.

E na kamimitongaki au Uea, te Kabanea ni Mimitong!

E teirake ao e kaboiararai bwaai nako iaon aban te katabuaki ao te karineaki.

E na kamimitongaki au Uea, te Kabanea ni Mimitong!

Ngke e roko n te tabo arei ao e mwemwerake nakon tokin abwakina i nukan buroon te karikibwai,

E na kamimitongaki au Uea, te Kabanea ni Mimitong!

Ao ni karekea angana n ikerakea boiararaia n te tai are e aki ataaki moana ao tokina.

E na kamimitongaki au Uea, te Kabanea ni Mimitong!

E aki kunea irouia te bwai are e tangiria, ao aio, ni koaua, bon teuana mai buakon ana karaka aika a rangin tamaroa.

E na kamimitongaki au Uea, te Kabanea ni Mimitong!

E a ti tang n takarua neierei, e mangoo n tang ao e oki nakon are bon oin ana karinan inanon ana bwareti are te kabanea n rietata,

E na kamimitongaki au Uea, te Kabanea ni Mimitong!

Ao ngkanne e mwanewea teuana te taeka ae e miterio, are e wirikirikiia i bon irouia n newena ae ai aron karewen te ani,

E na kamimitongaki au Uea, te Kabanea ni Mimitong!

Ao e tabeka te wewete ibuakon te Runga are e Rietata ao ainen karawa ake a maiu n aki toki:

E na kamimitongaki au Uea, te Kabanea ni Mimitong!

“Iroun te Uea! I aki kunea mai buakon taeka aika akea nanoia aikai aabebeten angin te Kakaonimaki!

E na kamimitongaki au Uea, te Kabanea ni Mimitong!

“Iroun te Uea! E a tia te Roronrikirake n tiku n ti ngaia ao ni maroa n te aba are e taeabaaki nako iai man tiku inanon baia naake akea atuaia.”

E na kamimitongaki au Uea, te Kabanea ni Mimitong!

E katinakoa tangina i bon i nanona neiei n te aro are a takarua ma n ruru kaain te Runga ni Karawa,

E na kamimitongaki au Uea, te Kabanea ni Mimitong!

Ao e bwaka nako aon te bubuntano ao e angarake te tamnei.

Titebo ma e weteaki neiei ao e kaeka nakon Teuare e kainaoa nakon te Tabo are e Rietata.

E na kamimitongaki au Uea, te Kabanea ni Mimitong!

E na kamimitongaki Teuare E karika neiei man oioin ana tangira I nukan nanon ana bwaretai are e kariatataki!

E na kamimitongaki au Uea, te Kabanea ni Mimitong!

Ikanne are ainen karawa a kawaekoaia n otinako man aia ruu, are moamoaia akea te mata teuana ae e mamaeka n te kabanea n rietata ni bwaretai ae e a tia n tirobaaia mai mwaaia.

E na kamimitongaki ara Uea, ae Moan te Rietata!

A bane n ikotaki n otabwaniniia ao akea, a kunea rabwatana ae e bwaka iaon te bubuntano;

E na kamimitongaki ara Uea, ae Moan te Rietata!

Ao ngke a noria n arona arei ao a ota n te taeka teuana man Ana karaka te Roronrikirake, a kanakoi rabunan atuuia, a taekii kunnikaia, a orooroï ubuia, a mwaninga kukureia, a bwaka rannimataia ao a orei tabaia ni baia, ao ni koaua aio teuana mai buakon taian karawawataki ae e miterio man rangi ni kaakaiaki arona –

E na kamimitongaki ara Uea, ae Moan te Rietata!

Also in: am, ar, az, bg, ca, ceb, da, de, el, en, es, fi, hu, is, kl, nl, pl, pt, ro, sk, sq, tvl, zh-Hant

Tablets of Visitation

BH02307

Tabureti ibukin te ritiwan

Tabureti ibukin te Ritiwan

N aran Teuare E a tia ni kaotaanako raneaneana iaon te karikibwai ae e bwandin!

Tain Aumarin te Tamnei e a roko, O te Kabanea n Rietaata ni Kainikoroboki, ibukin Bukamaruan te Kabanea n Nanoanga e a waekoa n roko. Kamwaingko ngkanne, ao kaotaa, i matan te karikibwai nikabane, aran te Atua, ao bukamarua Kamoamoaakina, n te aro are karikibwai nikabane a na kona ni manga karikaki ao ni kabouaki. Taetae, ao tai taua wiim. Itoiningainan te kimwareirei e otanako iaon oraitanin Arara, te Kimwareirei, n ai aron ae abanuean aran te Atua e a tia ni katamaroaaki ma bwainkatamaroan aran am Uea, te Tia Karika karawa. Teirake i matan aonon nako te aonnaba, ao katauraoiko ma mwaakan te Ara Ae Moan te Korakora aio, ao tai riki n aroia naake a baenikai.

I taku bwa ko a tia n tei ao n aki kakamwakuri iaon Au Tabureti. Tao bon otamwaakan Moan te Tamnei ae e rota am iango, ke aia taetae n aki akaaka naake a kanganga aroia ae ngaia ae ko a onrake iai ma te karawawataaki ao ni mwauku n aki kona ni kakamwakuri? Tarataraiko raoi bwa e raawa ni iai te bwai ae e totokoiko man kamoamoaakin korakoran te Bong aei – te Bong are iaon Tabonibain te mwaaka ni uea ao te korakora e a tia ni kauka Uainin te Manga Kaitiboaki, ao ni weteia nikabane ake i karawa ao nikabane ake iaon te aba. Ko tangiria riki ni baenikai ngke te ang ae e aabebete are e katanoataa ana Bong te Atua e a tia n ukaki nako aoia, ke ngkoe raoia naake a kainaki i tinaniku n ai aron te rabunanimata mai Irouna?

Akea te rabunanimata ae I a tia ni kariaia, O Uean aara nikabane ao te Tia Karika karawa, bwa e na kainai man kinaakin mimitongin Am Bong – te Bong are tauran te kairiiri nakon te aonnaba, ao kanikinaean Bongin Ngkoangkoa nakoia nikabane ake a maeka inanona. Au kainabwaabu bon ibukin taian rabunanimata ake a tia ni

kamatakii mataia Am karikibwai bwa a na Noriko, ao aki taetaeu bon ibukin bwaai n tutuki ake a tia n tukiia Am aomata bwa a na ataa Am koaua. Ko ataa ae inanou, ma I aki ataa ae i Nanom. Ngkoe te Kabanea n Ataibwai, te Ataibwaai nako. N Aram ae e rianako iaoia aara nikabane! Ngkana Am tua ae e na riaon tuua nako ao am kaetieti ae e aki kona ni kaitaraaki e roko irou, e na bon kakorakoraai bwa manga kamaiua tamneia aomata nikabane, rinanon Am Taeka ae te kabanea n rietaata, are I a tia n ongo ae e taekinaki n Newem ae e korakora inanon Am Abanuea ni mimitong. E na kangaraoi ni katanoataa te kaotioti ibukin Moam ae e katekemata are rinanona te bwai are e karabaaki mai mataia aomata e a tia ni kaotaki inanon Aram, te Kabanea n Teretere, Uean te Kamanomano, Te Maiu I bon Irouna.

Ko na kona ni kunea riki temanna bwa ti Ngai, O Kainikoroboki, n te Bong aei? Tera ae e a riki nakon te karikibwai ao kaotakina nako? Tera ae e a riki nakon aara ao aia abanuea? A nakea karikibwai nikabane, ake a noraki ao ake aaki? Tera ae e riki nakon taian karabaraba ake a karabaaki n te uniweeti ao ana kaotioti? Noria, te karikibwai ae e bwanin e a tia ni bua nako! Akea te bwai ae e tiku ma ti Moau, te Teimatoa n Aki Tootoki, te Otanako, te Kabanea ni Mimitong.

Aio te Bong are akea te bwai ae e kona n noraki ma ti raneanean te Taura are e otanako mai moan Am Uea, te Raoiroi, te Kabanea n Tituaraoi. Ni koaua, Ti a tia ni karikii tamnei nikabane bwa a na mate iaan aroaron Ueara ae e katikitiki ao n tabwanin ana tautaeka. Ti a tia, ngkanne, ni kateirakea te karikibwai ae e boou, bwa kanikinaean Ara tituaraoi nakoia aomata nako. Ngai, ni koaua, te Kabanea n Angaanga, Bongin Ngkoangkoa.

Aio te Bong are te aonnaba are e aki nonoraki e takarua: "E kakorakoraaki am kakabwaia, O aonteaba, bwa ko a tia ni karikaki bwa kaintokanwaen Atuam, ao n rineaki bwa nnen tekatekan Ana kaintokanuea ae moan te mwaaka." Aonnaban te mimitong e takarua: "E bia maiu ni kabureaki ibukim, bwa Teuare E tangiraki ae te Kabanea n Nanoanga e a tia ni katea Ueana iaom, rinanon korakoran Aram are e a tia ni beritaaki nakoia bwaai nikabane, e ngke n taai aika a tia n nako ke ibukin taai aika a na roko." Aio te Bong are bwaai nikabane aika a boiarara a tia ni karekea boiararaia man boin Au kunnikai – te kunnikai are e a tia ni kakiaa boiararana nako aon te karikibwai nikabane. Aio te Bong are taian ran ibukin te maiu ae akea tokina ae e butimwaaka a tiinako man Nanon te Kabanea n Nanoanga. Kawaekoako, ma nanom ao tamnei, ao nima are e na kanuaiko, O te Runga n te aonnaba are i eta!

Atonga: Teuare Ngaia te Tia Kaotiota Teuare E Aki Ataaki, te Aki Nonoraki ibuakoia ake A Aki Nonoraki, ke arona bwa ko noria. Teuare Ngaia are e katangainaa i matam te Atibu ae e Kakaawaki are e karabaaki ao ni moan te bobuaka, ke arona bwa ko ukeria. Ngaia Teuare te tia Tangiraki ibuakon bwaai nako, e ngae ngke n taai aika a nako ke taai aika a na roko. Ko bia katokaa nanom ao am kantaninga Nakoina!

Ti a tia n ongo bwanaan am bubuti, O Kainikoroboki, ao ni kabwaraa buren am kainabwaabu. Tera te bwai ae ko a rangi ni kainnanao ni karawawataaki iai?

Niniakiu ni Menam ikai, O ae Moan te Tangiraki n taian aonnaba nikabane, ae e a tia ni katikai ao ni bwainai.

Teirake, ao katanoataa nakon te karikibwai ae e bwanin taian rongorongoa aika a kakukurei bwa Teuare Ngaia te Kabanea n Nanoanga E a tia ni kainetii Mwanekana nakon te Ritiwaan ao E a tia n rinnako iai. Kairiia, ngkanne, aomata nakon te onaroka ni kukurei are E a tia te Atua ni karaoia bwa Kaintokanuean Ana Bwaretaiti. Ti a tia n rineiko bwa Ara kabanea ni mwaaka ni Buu, are katangakina e na kanikinaea manga kamaiuakiia aomata nikabane.

Atonga: Aio te Bwaretaiti are iaon arokana nako uainin te kakarabakau e a tia ni katuka mwanekan ana kaotioti: "Teuare e karabaaki mai mataia aomata e a kaotaki, ni katauraoki ma te mwaaka ni uea ao te korakora!" Aio te Bwaretaiti are baana aika a mwaingiing a katanoataa: "O ngkami ake kam maeka i karawa ao i aonteaba! E a tia ni kaoti ae e tuai ni kakaoti mai mwaaina. Teuare Ngaia, man te aki tootoki, e a tia ni karabaa Matana man aia taratara karikibwai e a roko ngkai." Man te ang ae e beebete are e wirikiriki are e ukaki ibuakon taian mwaanga e roko te takarua: "Teuare Ngaia Uean te tautaeka iaia nikabane e a kaotaki. Te Abanuea bon Ana bwai te Atua," ao man taian ran ake a wawaanako e kona n ongo te aba te maningoongoo: "A bane ni kakukureiaki maata nikabane, bwa Teuare Ngaia ae akea ae e a tia n noria, are te bwai are E karabaa akea ae e a tia ni kunea, e a tia ni mwemweka rabunanimatan te mimitong, ao ni kanakoa rabunan moan te Tamaroa."

Inanon te Bwaretaiti aio, ao man rietan taian ruu ake i eta, Ainen Karawa a tia n wewete ao n takarua: "Kukurei, ngkami taan maeka inanon aonnaba ake i eta, bwa tabonibain Teuare Ngaia are Bongin Ngkoangkoa a tangitang, inanon aran te Kabanea ni Mimitong, te Kabanea ni Korakora ni Beero, inanon nuukan buroon karawa. Bain te tituaraoi e a tia ni otabwaninia ni katobibia mwangkon te maiu ae akea tokina.

Kaaniia, ao moi kanuaiko. Nima ni marurung ma te kukurei, O ngkami ake bon taan karabwataa te ingainga, ngkami ake kam rabwatana te tangira ae e ingainga!"

Aio te Bong are Teuare Ngaia te Tia Kaotioti aran nako te Atua E a tia n otinako man Ana Auti n Rianna ae e mimitong, ao ni katanoataa nakoia nikabane ake i karawa ao nikabane ake iaon te aba: "Kamwaawai nako mwangko te Bwaretaiti ao nikabane taian ran ni kamaiu ake inanoia, bwa noria, aomatan Bahá' a tia n rinnako inanon te nne ae e kakukurei are Kaaniana ni Karawa, ao n tia n nima te uain ni manga kaitiboaki, man mwangkon tamaroan aia Uea, te Tia Bwaibwai ni Bwaai Nikabane, te Kabanea n Rietaata."

Mwaninga taekan te aonnaba ni karikibwai, O Kainikoroboki, ao raira moam nakon moan am Uea, Uean aara nikabane. Katamaroa, ngkanne, te aonnaba ma

bwainkatamaroan ana bwaintituaraoi am Uea, Kingin bong aika akea tokia. Bwa Ti nora boiararan te Bong are iaon Teuare Ngaia are E Tangiraki irovia aono nako e a tia ni kaotaa iaon abanuean te aki noraki ao te noraki otanakon tauran Arana aika a kabanea n rianako, ao n otabwaninia ma raneanean otan Ana bwaintituaraoi aika a kabanea n tatangira – taian bwaintituaraoi are akea ae e kona n atai ma ti Ngaia, Teuare te Tia Kamanomano ae te kabanea n rietaata ibukin te karikibwai ae e bwanin. Tai taraia ana karikibwai te Atua ma ti ma te mata n akoi ao n nanoanga, bwa ara kakaawakin n tamnei ae e tatangira e a tia n ninii karikibwai nikabane, ao Ara tituaraoi e a tia n otabwaninia te aonnaba ao karawa. Aio te Bong are ana toro te Atua ni koaua a na katonga te ran ni kamaiu ni manga kaitiboaki, te Bong are naake a kaan nakoina a na kona ni moi man te karaanga ibukin te maiu ae akea tokina ae e raanga ni karaaurau, ao naake a kakoauaa Ana katiteuanaaki, uainin Kaaniana, rinanon aroia ni kinaa Teuare Ngaia are Tokin bwaai ni kabane are te kabanea n Rietaata ao ni Kabanea, are Irouna Newen te Mwaaka ni Uea ao ni Mimitong ni bwanaa e taekina te wewete aio: "Te Abanuea bon Au Bwai. Ngai, i Bon Irou, bon, Ana Tia Tautaeka, ni Bon Inaomatau."

Katika nanoia aomata, rinanon te wewete Ibukina, te Tia Tangiraki n ti ngaia. Atonga: Aio Bwanaa te Atua, ngkana ngkoe ae ko kakauongo. Aio Bonginaumarin Ana Kaotioti te Atua, ke arona bwa ko ataia. Aio Nnen-Karangainan Ana Aro te Atua, ke arona bwa ko kinaa. Aio Boton Ana Kaetieti te Atua, ke arona bwa ko karaoa am moti n te aro ae e riai. Aio te Karaba are e kaotaki ao e raba; ke arona bwa ko na noria. O aomatan te aonnaba! Taea nako, inanon Arau are e rabunii nako aara nikabane, bwaai ake ami bwai, ao iinako inanon te Marawan aio are i kabina a wene n raba taian bwaeao n niniwana ao n taetaenikawai, te marawa are e uti n Arau, te Kabanea n Nanoanga. E anga te kaetieti aio nakoimi Teuare Ngaia Tinaia Booki.

Teuare Moan te Tangiraki E a roko. Inanon Angaataina bon te Uainin Arana ae e kainaki. E a kukurei te aomata are e rairaki Nakoina, ao n nima kanuaakina, ao n takarua: "Ko na neboaki, O te Tia Kaotii kanikinaean nako te Atua!" N etietin te Kabanea ni Korakora! Bwaai nikabane ake a karabaaki a tia ni kaotaki rinanon korakoran te koaua. Nikabane ana bwaintituaraoi te Atua a tia ni karuoaki, bwa kanikinaean Ana tituaraoi. Ranin te maiu ae akea tokina, inanon tabwaniniia, a tia n anganaki nakoia aomata. Ni katoai nako taian mwangko a tia n tauaki inanon bain te Kabanea n Tangiraki. Kaaniiko, ao tai baenikai, e ngae ngke ti inanon te tai ae e kimototo.

A kakabwaiaaki naake a tia ni kibarake iaon bainikiban te kamwawaaki ao ni karekea te karinan are, n aron ae e baireaki Iroun te Atua, e kanuui nako karikibwai nikabane, are aia kainikatonga taan rabakau n aia iango ni katautau, ke angia kaain te aonnaba a tia n tokanikai ni kabwaoua man Ana Aro. Antai mai buakomi, O aomata, ae e na

kaakeaa te aonnaba, ao ni katikaki ni kaaniaki nakon te Atua, Ueaia aara nako? E na kuneaki iaara te aomata are, rinanon mwaakan Arau are e rabunii karikibwai nikabane, e na karenakoi bwaai ake irouia aomata, ao n nimtia, ni kabanea korakorana, nakon bwaai ake e a tia te Atua, te Ataibwaai ake a aki noraki ao ake a noraki, bwa e na kona n norii? Ai ngaia are Ana tituaraoi e a tia ni karuoaki nakoia aomata nako, Ana kaotioti e a kakoroaki bukina, ao ana kakoaua a otanako i etan Oraitanin te nanoanga. E kaubwai te kanuanga are e na tokanikai n reke iroun te aomata are e kakoauaa ao n takarua: "Ko na kamoamoaaki Ngkoe, O ae Ko Tangiraki n taian aonnaba nako! E na kamoamoaaki Aram, O Ngkoe ae ko Tangiraki irouia naano nikabane ake a mataata!

Kimwareirei ma te katoki ni kimwareirei, O aomatan Bahá, ngkai kam wewete nakon uringakin te Bong are te katoki ni kakukurei, te Bong are Newen Bonging Ngkoangkoa e a tia n taetae, ngke E kitana Ana Auti, ni waaki nakon te Tabo are mai iai e kaotaa nako aon te karikibwai ae e bwanin raneanean Arana, te Kabanea n Nanoanga. Te Atua Ara Tia Kakoaua. Ke arona bwa ti na kaotii taian karaba ake a karabaaki ibukin te Bong arei, nikabane ake a maeka iaon te aonnaba ao i karawa a na tong nako ao ni mate, ma ti ake a kamaiuaki iroun te Atua, te Kabanea ni Mwaaka, te Kabanea n Ataibwaai nako, te Kabanea ni Wanawana.

Aio korakoran mwin niniakin nakon ana taeka te Atua iaon Teuare Ngaia are te Tia Kaota Ana kakoaua aika akea te nanououa iai, n te aro are Ana Kainikoroboki e aikoa kona ni kakamwakuri. Ma taeka aikai E a kaina iai Ana Tabureti: Akea te Atua bwa ti Ngai, te Kabanea n Rietaata, te Kabanea ni Korakora, te Kabanea n Rianako Tamaroana, te Kabanea n Ataibwai.

Also in: az, bg, bi, bn, bs, ca, ceb, da, el, en, fa, fi, fr, ha, ht, hu, id, is, it, kl, kn, mg, ml, nl, pl, pt, ro, sk, sne, sq, ta, tl, tpi, tvl, ur

BH02307

Te Tabureti ibukin Kawaran Bangota

(E wawarekaki te Tabureti aio i Bangotaia Bahá'u'lláh ao te Báb. E kakabonganaki naba n Aia bong ni kauring.)

Kamoamoaam are e a tia ni ing ootana man Rabwatam ae moan te kakannangaki, ao te mimitong are e a tia n ootanako man Tamaroam ae raneanea, e na mena Iroum, O Ngkoe ae riki-ni bwain te Kakannato, ao Uean te Aki-Totoki, ao aia Uea kaain karawa ni kabane ao kaain te aonaaba ni kabane! I kaotia ma te koaua bwa Rinanom are a kaotaki iai rietaatan te Atua ma Ana tautaeka, ao inauean te Atua ma Ana tamaroa, ao Itoiningainan nako taai ake a bwakanako a tia ni kaotanakoi ootaia aika a raneanea ni karawan Am babaaire ae aki kona ni bibitaki, ao Tamaroan te Aki-nooraki e a tia n ootanako iaon oraitanin te karikibwai. I manga kaotia riki ma te koaua, bwa ni ingin Am Kainikoroboki n anga Am kaetieti are “Riiki Ngkoe” e a bon tia ni kamatoaaki, ao Ana karaba te Atua e a tia ni kaotaki, bwaai ni kabane a bane ni karikaki, ao n tia naba

ni karuoaki Kaotioti nako ibukina.

I kaotia naba, bwa rinanon Tamaroam e a bon tia n oti iai tamaroan Teuare e Tangiraki, ao ni Moam e a bon tia ootanako moan Teuare Maaten-te-nano, ao rinanon Ana taeka Wiim Ko a bon tia ni motiki taekan bwaai ni kabane aika a karikaki, ni karikiia akana a Tangiriko bwa a na rierake nakon taubukin te mimitong, ao ake a aki bwa a na bwaka nako nanon te kinono ae akea tokin kabina.

I kaotia ma te koaua bwa ane e Kinako e boni kinaa te Atua, ao ane e roko Iroum ao e bon roko iroun te Atua. E korakora kakabwaiakin ane e Kakoauako, n Am kanikina nako, ao n tia ni kamangoria i matan Rietaatam, ao n tia n reke rinena ni kaaitibo ma Ngkoe, ao n tia naba ni karokoa ni kukurein Am kaantaninga, ma ni kakatobibia Rarikim, ao n tei i matan Am kaintokanuea. E na roko te tekebuaka nakon ane e a tia ni karitei Nakoim, ni kakeweko, n rawa n butimwai Am kanikina, ni kauntabaa Ueam, ao ni Kaaitarako, ni kaota te kainikatonga i Matam, ao ni kauntabai Am kaotioti nako, ao ni birinako man Am tua ao Am tautaeka, ao ni warekaki ibuakoia taan aki kakoauaa te Aro are a tia araia ni koreaki n tabonibain Am motikitaeka iaon Am Atinikoroboki aika a Tabu.

Uoti ma te aabebete nakoiu, Atua au ao Au Tangira, ikeiken Am nanoanga aika a tabu, n Angatain Am ataataiaomata, bwa a aonga ni kararoaai nako boni mairou ao man te aonaaba nakon oon Am tabo ike ko mena iai. Ko mwaaka ni karaoa are Ko bon taku Ni koaua, Ko a bon tia n rangi n rietaata iaon bwaai ni kabane.

Uringan te Atua ma Kamoamoana, Mimitongina ma Tamaroana, a tiku i Aom, Ngkoe ae bon Tamaroana! I kaotia ma te koaua bwa matan te karikibwai e tuai man tataraa temanna ae e a tia ni karaoaki te aki eti nakoina n ai Arom. Ni kabane bongin Maium ko a bon tia ni iinako ibuakon marawan te karawawataaki. N te taina Ko bon kabaekai n taian taurekereke; n te taina naba ao Ko taboraaki n aia kabaang Am kairiribai. N aki mutiakin baikai ni kabane, Ko bon waaki n tuangia aomata nako bwa a na karaoa are Ko a tia n tuangaki mairoun Teuare Ngaia Moaia Ataibwai, te Katoki ni Wanawana.

E bia riki tamneiu bwa te karea nakon aki-eti ake Ko a tia kamarakaki ibukiia, ao oin aomatau bwa boon mwiin kaangaanga ake ko a tia n rinanoi. I bubuti nakon te Atua, Rinanom ao rinanoia ake a tia ni kaootaki moaia n tamaroan ootan Moam, ao te koraki naba ake a tia ni irii nanon taeka ake a tuangaki, ibukin Tangiram, bwa a na bane ni kamwaawaaki rabuna ni mata ake a mena i Marenam ma Am aomata, ao ni kareerekea nakoiu raoiroin te aonaaba aei ao are e na roko. Boni Ngkoe ni koaua, Moan te Mwaaka, te Katoki ni Kamoamoaki, te Kabanea ni Mimitong te Kakabwara bure, te Karaunano.

Te Uea ae Atua, kakabwaiiaa te Kai-te-Rote ni Karawa ma baana nako, bwebwena ma mwangana nako ao tirina ni kabane, bwa a na teimatoa ni irii teimatoan Anuam nako

aika moan te Raraoi. Kamanoa man aia mwakuri ni ioawawa taani kakiriwe ma taani motibuaka. Ngkoe ni koaua, Moan te Mwaaka, te Kabanea ni Korakora. Te Uea ae Atua, kakabwaiaia naba Am toro mwaane ao am tabonibai aine ake a tia ni karokoia Iroum. Boni Ngkoe ni koaua, te Ataataiaomata, ae akea token Ana tituaraoi. Akea riki te Atua bwa bon ti Ngkoe, Moan te Nanoanga, te Katoki n Tituaraoi.

Also in: az, bg, bi, bn, bs, ca, ceb, da, el, en, fa, fi, fr, ha, ht, hu, id, is, it, kl, kn, mg, ml, nl, pl, pt, ro, sk, sne, sq, ta, tl, tpi, tvl, ur

Teaching

AB05805SER

Botannaomata

Ngkoe ara Uea ae e aakoi! Ko a tia ni karika te botannaomata nako man te riki ae ti te aekana, Ko a tia ni katauia bwa kaain te mweenga ae ti teuana, ao a tei i Matam ae Moan te Tabu, bwa Am toro ao te botannaomata a bane ni kaawakinaki i aan Umwam. Natim a uaia ni botaki i aon Am taibora n ataataiaomata ao n tia n riki n oota man tauran Am bwai ni kakaawakin.

Te Atua! Ko aakoi nakoia ni kabane, Ko a tia ni kakaawakiniia ni kabane. Ko anga te maiu nakoia ni kabane, Ko a tia n anganiia ni kabane aomata te konabwai ao te wanawana ao ni kateboa te botannaomata inanon marawan Am nanoanga.

Ngkoe ara Uea ae e aakoi! Kabooi nanoia Aaro nako ao aaba nako bwa teuana te aba, bwa a aonga n nooriia n tatabemaniia nako bwa te utuuna, ao te aonaaba ae bwanin bwa kaain te mweengana. Bwa a na kona ni kabane ni uaia ni maeka n te boraraoi ae e kororaoi.

Te Atua! Irakea ieta manuan te botannaomata ae ti teuana.

Te Atua! Katea te Raoi ae Moan te Kakannato.

Ko na katomai, te Atua, nanora ni kabane.

Ngkoe te Tama ae aakoi! Atua! Kakukurei nanora rinanon boiararan Am tangira.

Kaootai matara rinanon ootan Am kairiiri. Kakukurei taningara ma tangin Am Taeka, ao kamanoira ni kamanomanon Am kakaawakin.

Bon Ngkoe te Mwaaka ao te Korakora, bon Ngkoe te Tia Kabwarai-buure ao bon Ngkoe are E mamanuokin aia aki kororaoi botannaomata nako.

Also in: az, bg, bs, ca, de, el, en, eo, ha, ht, hu, hz, iba, is, kl, kn, ky, ky, ky, lb, lb, ml, ms, mt, ne, nl, pl, pt, ro, ru, sk, sm, sne, sne, sq, ta, ta, ta, ta, ta, zh-Hans

Tests and Difficulties

BH02524

Kataitai ao Kangaanga

Am bwai te mimitong; Atua! Ma ngke akea karawawata ake a uotaki ni Kawaim, ao e na kangaa iai ni kinaaki ake a Tangiraki ni koaua; ao ngke tao tiaki man taian kataitai

ake a tabekaki i bukin Tangiram, ao e na kanga riki ni kaotaki iai ngkanne rinea ake a Mateakiniko? Korakoram bon au tia kakoaua! Raoiroia ake a Maamateakiniko ni kabane bon te rannimata ake a kawaanakoi, ao raun nanoia ake a Ukoukoriko bon korakain nanoia naake a ngirangiraia, ao kanaia naake a kaaraki ni kan kaaitibo ma Ngkoe bon taribin nanoia aika a uruaki.

Ai kangkangira irou katoongan maon te mate ae e taonai i nanon Kawaim, ao ai bonganara n au katautau aia kainiwai Am kariribai ngkana kaaitaraai i bukin kariatataakin Am Taeka! Katauai Atua bwa Nna nima te baere Ko a tia ni matennanoia i nanon Am Waaki ao karua i aou rinanon Am tangira bwaai ni kabane ake Ko a tia ni motiki taekaia. Ni Mimitongim! I tii tangira are Ko tangiria, ao I nabenabea are Ko nabenabeia. I a tia n taai nako ni katuka au mwioke ae e bwanin ao au onimaki Iroum.

Kateirakeaa, I Bubutiiko Atua, bwa taan buoka te Kaotioti aio naake a na warekaki bwa a tau i bukin Aram ao Inaomatam n tautaeka, bwa a aonga n uringai i buakoia ake Ko a tia ni karikiia, ao a na irakei manuan Am tokanikai i Abam.

Ko konabwai ni karaoa are e Kakukureiko. Akea Te Atua bwa ti Ngkoe, te Buoka n te Nibwa ni mate, te Maiu i bon Irouna.

Also in: bs, ceb, da, de, de, el, en, es, fi, fr, ht, it, lv, mg, ne, nl, pl, pt, ru, sk, sr, sv, ta, tl, uk, vi

BB00001KNO

Kataitai ao Kangaanga

Ko ataia ni koaua, Ngkoe Atua, bwa a bon tia ni bwakarai taian kangaanga man itera nako, ao bon akea ae e kona ni kamaunai ke ni bitii ma bon ti Ngkoe. I ataia ni koaua, bwa ni koauan Tangiram irou, bwa Ko aki kona ni karika te kangaanga bwa e na bwakara te tamnei temanna ma ti ngkana Ko tangiria ni karietaata nnena inanon Am Baretaiti are i eta ma ni kanonoa nanona inanon te maiu i aon te aba aio n nonon Mwaakam ae rotii bwai nako, bwa e na aki katan nakon bwain te aonaaba aei ae akea nanoia. Ko bon ataia ni koaua i aan aroaro nako bwa I nabea riki Ururingam nakon bwainakin ni kabane ake n taian karawa ao i aon te aba.

Kamatoa nanou, Ngkoe Atua, n Am boraraoi ao n Am tangira, ao kariaia bwa I aonga ni mwaawa ni botakiia ni kabane ake a Kaitarako. Ni koaua, I kaotia ni Mimitongim bwa akea ae I tangiria i Rarikim, ke iai riki te bwai ae I kainnanoia ma ti Am nanoanga, ke n ingainga nakon te bwai teuana ma ti Am motiraoi. I a Butiiko bwa Ko na kabwarai au bure, ao aia bure naba naake Ko tangiria, n aron are Ko nano iai. Ni koaua, boni Ngkoe Moan te Mwaaka, te Atataiaomata.

Ko bon rangi ni kariatataaki riki Ngkoe, ae Uea ni karawa ma aon te aba, i aon aia nebonebo aomata nako, ao e na mena te raoi i aoia nako Am toro aika a kakaonimaki ao Ko kamimitongaki Ngkoe Te Atua, ae Uean aonaaba ni kabane.

Also in: az, bg, da, de, el, en, es, et, fr, ht, is, ky, lb, nl, pl, pt, ro, se, tl, tvl

BB00623

Kataitai ao Kangaanga

Ti Te Atua ke iai ae E konaa ni kanakoi kangaanga? Atongnga: E na neboaki Te Atua. Bon Te Atua Ngaia, ao aomata ni kabane bon Ana toro ake a bane n ira nanon Ana taeka.

Also in: ar, az, be, bg, bla, bla, bn, bn, bs, ca, ch, chn, cnr, co, cs, cy, da, de, dgz, dih, diu, el, en, es, eu, fi, fj, fo, fr, fy, ga, gu, ha, haw, hi, ho, hr, hu, hy, hz, iba, iba, id, ik, is, it, ja, kgf, kiw, kl, km, kn, kn, ko, ksd, ky, lb, lkt, lkt, lo, lv, meu, mg, mh, mi, ml, mn, moh, moh, moh, mr, ms, nal, ne, ne, no, nv, nv, ny, one, pap, pl, pt, ro, ru, se, se, sk, sl, sm, sne, sq, srn, st, sv, sw, ta, ta, ta, th, tk, tl, tpi, tvl, uk, wam, zh-Hans

The Fast

BH09621

Tataro ibukin te aki mamatam

O Atuaau ao au Matita! Ko norai ibuakoia Am karikibwai ake a karitei ao ni Kaitarako. Ni katoa te tai are I kaoia nakon marawan Am atatai, e rikirake aia totoko ao rawaia nakon Am Waaki ibukin Inginmainikun-te Nne ibukin Am Moti ae a korakora riki nimwakana. I Bubutiko, O Atuaau mairouia naake aki mamatam ibukin Tangiram ao a nima te ran ni kamaiu n ongeaba man bain Am kakabwaia, ni kataua ibukia ake Ko tangiria, ake iaan urabakan mronronin Am kataitai a taua robun te taotaonannano, ni kabane raoiroi Ko a tia ni kataui inanon Am Boki ao Am Tabureti. Korei, ngkanne, ibukia ake a karawawataaki ma korakai Ibukim, te kaniwanga nakoia ake a rinanon te matenimaritire ni kawain Kakukureiam. Karuoia rikaaki, moarariki, iaoia, O te Uea, te bwai are e na kakimwareireia nanoia, kamweraoa mataia, ao ni kakimwareirei tamneia. Bon Ngkoe, ni koaua, te Kabanea ni Mwaka, te Kabanea n Rietata, te Tia Buoka n te Kabuanibwai, te Kabanea n Ataibwai, te Kabanea ni Wanawana.

Also in: ar, de, en, es, fi, sne, sne, tvl

BH09621

Te Aki Mamatam

E mwakoro n te Kitáb-i-Aqdas: “Ti a tia ni motikia nakoimi bwa kam na bwaina te tataro ao te aki mamatam man moan koron te roro n ikawai; aio are e a baaireaki iroun te Atua, am Uea ao Ueaia am bakatibu... te tia mwananga, naake aoraki, a bikoukou ao naake a kamamma, a aki kabaeaki n te aki mamatam.. Tai bwaina te amwarake ao te moi man otin taai ni karokoa bungin taai, ao taratara bwa e raawa te kaibwabwaru n anaa mai iroum te raoiroi ae e a tia ni motikaki i nanon te Boki.”

Tain te aki mamatam bon man 1 ke 2 Maati ni karokoa 19 ke 20 ni Maati.

I onnoniiko, Ngkoe Atuaau, ni mwaakan Kanikinaeam, ao man kaotiotin Raoiroim i buakoia aomata, n aki katinanikuai man mataroan te kaawa are Ko mena iai, ao n aki urui au kaantaninga ake I a tia ni kawenei i bukin kaotiotan Raoiroim i buakoia Am botannaomata. Ko bon noorai, Atuaau, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te

Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe Atua, n moan baan karewerewen Bwanaam, ao man rietaatan Am Taeka, ni katikai ni kaaniai riki nakon matan Am mataroa, ao n aki karikai n raroa nako man nuun Am nanoanga ao katantanin Am kakabwaia. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe Atua, n ootan raneanean Am ari ao otamwaakan tauran Moamoam, are e oota man te kabanea n rietaata n oraitan, ao ni katikai ni boiararan Am kamwarai, katauai bwa N na mooi man te wain ae rineaki n Am taeka. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe ae Atua, n Iram are e mwaingiing i Moam, n ai aron mwaingiingin Am kainikoroboki i aon iteranibaan nako Am Tabureti, ni kakianakoa te rengarenga are e raba nanona nako i aon abanuean Am karikibwai, ni kateirakeai ni beku n Am Waaki bwa N na aki kerikaaki ke n tuukaki man aia iango naake a tia n totokoa Am kanikina nako ao n rairaki nako mai Moam. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe ae Atua, n Aram ae Ko a tia ni karaoia bwa Uean Aara, are mai iai a tia ni kimwareirei ni kabaneia ake i karawa ao i aon te aba, ni karikai bwa N na kona n taraa Itoin Ngainan Tamaroam, ao n anganai wainin Am taetae. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe ae Atua, n Umwan Am kaintokanuea mai i aon te kabanean n rietaata taubukin maunga, ao katantanin Am Kaotioti ni kabanean rietaatan tabuki, ni mwannanoai ni buokai ni karaoa are Ko tangiria ni karaoaki ao ni kaotiotaki Am kaantaninga. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko, Ngkoe ae Atua, n Tamaroam are e ootanako i aon oraitanin te aki

tootoki, te Tamaroa are i mwaain are E kaotaki n te tai naba anne abanuean te tamaroa e bobaraaki nako naano n taromauria, n neboneboia n tangitangin bwanaa, ni kataua bwa N na mate man bwaai ni kabane ake I bwaini ao ni maiu nakon bwaai ake Mairoum. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, ni Kaotiotan Aram, Moan Baan te Tangiraki, are Rinanona a bane nanoia naake E tangiriia ao a tia n rierake tamneia naake a maeka n te aonaaba, ni buokai n Uringko i buakoia Am karikibwai, ao ni Kamoamoako i buakoia Am aomata. Ko bon noorai, Atua, I taua Aram, te Kabanea n Tabu, te Kabanea n Oota, te Kabane ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, ni mwakaikain Kain te Rote ni Karawa ao maningongoon kamwemwen Taetaem man abanuean Aram nako, ni buutai nako man bwaai ake Ko ribai, ao ni katikai ni kaaniai nakon te karinan are E a tia n ootanako iai Teuare Ngaia Bongin Rikiraken Am kanikina nako ake a tia n oota nako. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, n te Man ni koroboki are, n te tai are e otinako man wiin motin Nanom, a tia ni koburake iai taian marawa, ao ni kare iai taian ang, ao ni kaotaki uaa, ao n teberake ni bwebwe kaai, ao ni mauna iai bwain ma rongorongo ni ikawai, ao n taeki nako aeka nako n rabunanimata, ao naake a bane nanoia Iroum a kawaekoaiia nakon ootan matan aia Uea, te Aakea Tokina, ni kaoti nakoiu baike a wene n raba i nanon kaubwain Am atatai ao ni kainaki i nanon te tabo are a karauaki ni kaawakinaki n Niniwanam. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, n ain Am tangira are e kamwaawa te matu man mataia naake Ko rineia ao ake Ko tangiriia, ao man aia ururing ao aia nebonebo nakoim n auan te karangaina, ni warekai i buakoia naake a tia ni karekei bwaai ake ko a tia ni karuoi rikaaki i nanon Am Boki ao ni Kaotiko rinanon motin Nanom. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, n ootan Moam are e kairoroia ake a kaan ma Ngkoe ni uarokoia ma waekoan Am tua, ao ake a bane nanoia Iroum ni kaaitarai aia kabaang Am kairiribai i nanon Kawaim, ni koroi nakoia n Am Kainikoroboki ae moan baan te rietaata bwaai ake Ko a tia ni koroi nakoia ake Ko onimakiniia ao ake ko rineia. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

I onnoniiko Ngkoe ae Atua, n Aram are Ko a tia n ongo n aia wewete naake a Tangiriko ao rawawataia ni kariaria naake a Kainnanoi, ao tangiia naake a tangira rokoia Iroum, ao ngirangiraia naake a bane nanoia Iroum, ao rinanona are Ko a tia ni kakoroi bukin baike a tangirii ao ni katokai aia kaantaninga Iroum, ao Ko a tia ni anganiia nanoia are a tangiria, rinanon Raoiroim ao Am mwamwannano, ao n Aram rinanon marawan Am kabwarabure a bwaro nako Moam, ao nanging Am tituaraoi ae bwaka ni karau i aoia Am toro, ni koroi i aoia n tatabemaniia ni kabane ake a tia n rairaki Nakoim, ao n taua bukin te Aki Mamatam are e kamatoaaki Iroum, te kabomwi are e katauaki i bukiia ake a aki taetae ma ti man Am kariaia, ao ake a tia ni katikui i nanon Kawaim aia bwai ake irouia i bukin Tangiram.

I onnoniiko Ngkoe ae Atua ao au Uea, i Iroum ao n Am kanikina nako, ao n itiakin Am kanikina nako, ao raneanean ootan Itoin Ngainan Tamaroam, ao Mwaangam, ni kamaunai aia bure naake a tia n taua ni kamatoa Am tua, ao n tia ni karaoa nanon are Ko a tia ni baaireia i bukiia i nanon Am Boki. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tinea rabin te kamwarai are a bane n tinea kaain te aonaaba aei ao ake n te aonaaba ae e na roko.

Also in: ar, de, en, es, fi, sne, sne, tvl

BH00778

Te Aki Mamatam

Te mimitong Nakoim, O te Uea Atua! Aikai bong are Ko a tia ni kataua bwa ni kabane aomata a na katabua te aki mamatam, bwa rinanona a na kona ni kaitiaki tamneia ao ni kakeaa mai irouia taian kabaebae nakoia aomata ma ti Ngkoe, ao bwa man nanoia e na kona n rierake te baere e na botau ma nnen Karineam ao ni katauaki nakon kaintekatekan kaotiotin Am katiteuana. Kariaia, O au Uea, bwa te karemo aio e na riki n ai aron te karanga are e anga te ran ni kamaiu ao ni kona ni kaotinakoa te anua ni maiu ae e tamaroa are e Ko a tia ni kaonrakea iai. Rinanona ao Ko na kaitiaka nanoia Am toro are a tia buakakan te aonnaba ni konaaki n totokoia man rairakiia nakon Aram ae te kabanea ni mimitong, ao man tiku n aki kamwaingaki ni kaberoia ao kakiriweia naake a tia ni kaitarai Am kanikina aika a rangin otanako ake irian kaotin

Am Tia Uarongorongo are Ko a tia ni kanoaia ni Ueam, Mwaakam, Karineam ni Uea ao Mimitongim. Aikai tooro ake, n te tai are e roko te wewete irouia, a kawaekoaia ni kaineta Am nanoanga ao a aki totokoaki mai Iroum ni bibitakin ao bwaai aika a riki n te aonnaba aio ke man tiatianakin aia konabwai n aomata.

Ngai teuare, O Atuaui, are I kakoaua nakon Am katiteuana, are I kakoaua ae ti temanna Ngkoe, are I bobaraaki ma te kamangori i matan kaotiotin Rinem ni Uea, ao are I kina ma moamoau ae e bobaraki tamaroan otanakon tauran Mimitongim ae e rianako. I a tia ni Kakoauako ngkai Ko a tia ni kariaiakai bwa Nna Kinako, Ngkoe are Ko a tia ni Kaotiko nako mataia aomata rinanon mwaakan Ueam ao Korakoram. I rairaki Nakoina, ni kamwawaai n te aro ae e tabwanin man bwaai nako, ao n nimtaki ni kamatoaki nakon kaon Am bwaintangira ao bwaai ake Ko tangiri. I a tia n rabwatii Ana koaua, ao koauan tuua ao reirei ni kabane aika a rangin tamaroa ake a tia ni karuoaki Nakoina. I a tia n aki mamatam ibukin Tangiram ao ibukin uaiakinan Am moti, ao n urua au aki mamatam ma Kamoamoakim iaon neweu ao ni kaboraoia ma are Nanom. Tai karawawataai, O a Uea, bwa Nna warekaki ibuakoia naake a tia n aki mamatam n aoan te ngaina, ao ake n te tairiki a tia ni bobaraaki i Matam, ao ake a tia ni kakeaa Am koaua, n aki kakoauai Am kanikinaa, ni kaokoroia ma Am kakoaua, ao ni kaitarai Am taetaenikawai.

Ko na kauka, O au Uea, matau ao mataia ni kabane ake a Ukoukoriko, bwa ti aonga ni Kinako n oin Matam. Aio Am kaetieti are ti anganaki inanon te Boki are Ko karuoaki Nakon Teuare Ko a tia n rinea iaan Am babaire, are Ko a tia ni katebenakoa ni kaineti ma Nanom are Ko tangiria iaomia nako Am kairiribai, are Irouna Ko a tia ni kukurei ni kaonrakea ma Ueam, ao Irouna are Ko a tia ni karaka tangirana ao ni mwiokoia ma Am Rongorongo nakoia Am aomata. Ai ngaia are, Ko na kamoamoaki Ngkoe, O Atuaui, ngkai Ko a tia, rinanon Am tituaraoi, ni kariaia bwa ti na kina Teuarei ao n atai bwaai ni kabane ake a tia ni karuoaki Nakoina, ao n anganira karineara ni karekea rokora irarikin Teuare Ngaia are Ko beritaia inanon Am Boki ao inanon Am Tabureti.

Ko norai ngkanne O Atuaui, ma moau ae e rairaki Nakoim, n taua ni kamatoa kaon Am tituaraoi ni karawa ao Am akoi, ao n tineka kamwarain Am nanoanga ae e tatangira ao Am tituaraoi aika a wawanako. Tai urua, I bubutiko, au kantaninga ibukin karekean rokou nakon are Ko a tia ni kataua ibukiia Am toro ake a tia n rairaki nakon mwakoron Am tabo ao kamanomanon Kaaniam. I kaotia ma te kabwarabure, O Atuaui, bwa te bwai are e wai mai irou e bon aki botau ma Ueam ao e memeere iaan Kakannatom ni Uea. Ma e ngae n anne ao I ononiiko n Aram are Rinanona Ko a tia ni Kaotiko, inanon mimitongin aran nakoam aika a rianako tamaroia, nakoia karikibwai ni kabane, inanon te Kaotioti aio ike Ko a tia, rinanon Aram ae e ota nako, ni kaotioti Tamaroam, n anganai bwa Nna moi ni wainin Am nanoanga ao n te ninima ae e itiaki are Nanom, ake a tia ni wawanako man angatain Am moti, bwa I aonga ni

kona ni katuruturua au taratara nako Aom, bwa e aonga te aonnaba ao bwaai ni kabane ake a karikaki inanona n taraaki irou bwa ai aron te ngaina ae e kai toki are Ko a tia n kataua aki botauna Nakoim ibukin karikakina.

Iaon riki aio ao I bubuti Nakoim, O Atuau, ni kabwaka karaun, man karawan Nanom ao nangin Am nanoanga, te baere e na kaitiakira man kammairan boin ara bure. O Ngkoe are Ko Araniko bwa Atuan te Nanoanga! Ngkoe, ni koaua, Moan te Mwaaka, te Kabanea ni Mimitong, te Tituaraoi.

Tai karenakoa, O au Uea, teuare e a tia n rairaki Nakoim, ke ni karawawata teuare e a tia ni katikaki ni kaaniaki Nakoim bwa e na kamwawaki nako ni kararoaaki man Am tabo. Tai kabwara ana kantaninga te tia Matennanoiko are e a tia ma te ingainga n takini nako baina ni ukoukoura Am tituaraoi ao Nanom, ao tai kaakea mai Iroum Am toro ake a kakaonimaki man tamaroan Am nanoanga ae e tatangira ao Am tangira n akoi. Ngkoe te tia Kabwarai bure ao Moan te Tituaraoi, O au Uea! Ko mwaaka ni karaoa are Ko tangiria. Bwaai ni kabane ma ti Ngkoe bon akea korakoraia i matan kaotiotin Korakoram, a bon bua i matan taian kakoaua ibukin Kaubwaim, bon akea warekakia ngkana a kabotauaki ma kaotiotan Ueam ae e roti tabo nako, ao akea korakoraia ni kabane ngkana a aitara ma taian kanikinaa ao taribin Korakoram. Ia riki te tabo ni kamanomano Irarikim, O au Uea, are Nna kona ni biri nako iai, ao e nga te tabo ni katantan are I kona ni kawaekoaia nako iai? Akea te tia kakawakin bwa ti Ngkoe, akea te tabo ae ti kona ni biri nako iai bwa ti Ngkoe, akea te tabo ni kamaiu ae ti na kona n ukoria bwa ti Ngkoe. Karikai bwa Nna katonga O au Uea, karewerewen tamnein Uringakim ao Kamoamoakim. I berita ni Korakoram! Te aomata are e katomamiia karewerewena e na bon kakeaa mai irouna kabaebaeana ni kabane nakon te aonnaba ao bwaai ni kabane ake inanona, ao e na kaitara moana Nakoim, ni kaitiakaki man uringakin temanna bwa ti Ngkoe.

Kaota ngkanne nanou, O Atuau, n Uringakim ae e kakukurei, bwa I aonga ni kamimitonga Aram. Tai warekai ibuakoia naake a wareka Am taeka ao a aki roko n te kunea Am bwaintangira ae e karabaaki are, n aron ae e motikaki mai Iroum, e mena inanona, ao are e kamaiua tamneia Am karikibwai ao nanoia Am toro. Karikai, O au Uea, bwa Nna warekaki ibuakoia naake a tia n rangi ni kamwaingaki ni karewen boiararaia ake a tia n ukukaki inanon Am bong n te aro are a tia n anga maiuia Ibukim ao ni kawaekoaia nakon aia tabo ni mate ibukin ingaingan nanoia ni kan kabanea aia tai n taratara Tamaroam ao ibukin korakoran nanoia ni kan karekea rokoia Irarikim. Ao ngkana iai temanna ae e na taekina aio nakoia iaon kawaia, "Ia te tabo ae ko na nako iai?" a na kangai, "Nakon te Atua, te Tia Bwaibwai ni bwai ni kabane, te Tia Ibuobuoki n tain te Kanganga, te Taubobonga i bon Irouna!"

Taian bure ake a tia ni karaoaki irouia naake a tia n tannako mai Iroum ao n tia ni kaota te kamoamo Nakoim a tuai man reke angaia n tukiia naakai man Tangirakim,

ao man kainetan moaia Nakoim ao man rairaki ni kaitara Am nanoanga. Aikai naake a tia ni kakabwaiaki iroun te Runga are i Eta, ake a kamimitongaki irouia taan maeka ni Kaawa ake a Bubura ake akea tokia, ao i akuun riki anne naake i aon ramwaia e a tia te Kainikoroboki are moan te karietataki ni korobokia ni kangai: “Naakai! Aomatan Bahá. Rinanoia e a tia ni kaotaaki otan tauran te kairiiri.” Aio are e a tia ni baireaki, man Am tuatua ao Am moti, inanon te Tabureti are e mena iai Am kaetieti ae e aki kona ni kaitaraaki.

Katanoata, ngkanne, O Atua, rianakoia ao rianakoia naba naake inanon aia tai ni maiu ke imwin mateia a tia n otabwaniniia. Anganiia tibwangaia n te baere Ko a tia ni baireia ibukia ake a etieti ibuakoia Am karikibwai. Ko mwaaka ni karaoi bwaai ni kabane. Akea te Atua bwa ti Ngkoe, te Moan te Mwaaka, te Tia Ibuobuoki n tain te Kanganga, Moan te Korakora, Moan te Tituaraoi.

Tai karokoi n tokia ara aki mamatam ma te tai n aki mamatam aio, O au Uea, ao tai karokoi n tokia taian boraraoi ake Ko a tia ni karaoi ma te boraraoi aio. Butimwaai bwaai ni kabane ake ti a tia ni karaoi ibukin Tangiram, ao ibukin Kakukureiam, ao bwaai ni kabane ake ti tuai karaoi ibukin tautaekanakira iaan nanora ake a bubuaka ao ni kaibwabwaru. Kariaiakiira ngkanne, bwa ti na teimatoa n nimtaki nakon Am tangira ao Kukurein Nanom, ao kawakiniira man aia mwakuri buaka naake a tia ni kakeweko ao ni kaitarai Am kanikinaa ake a otanako. Ngkoe, ni koaua, Uean te aonnaba aio ao ae e na roko. Akea te Atua Irarikim, moan te Karineaki, Moan te Rietata.

Ko na kamoamo, O te Uea Atua, Teuare Ngaia Boton te Kakannato, te Miterio n Tamnei, te Oioi ae e aki Nonoraki, Ngainanaumarin te Tamnei, ao Kaotiotin Arom ni Uea, are Rinanona ao taian ataibwai ibukin taai ake a nako ao ataibwai ibukin taai ake a na roko a bane ni kaotaki, are Rinanona ao taian bwaeao ibukin te atatai ae e karabaaki a bane ni katangainaaki, ao miterion Aram ae e tangiraki a kaotaaki, Are Ko a tia n rineia bwa te tia katanoata Teuare Arana a tia ni katomaaki ao ni katiteuanaaki te manintaeka ae B ao te manintaeka ae E, are rinanon Arom ae e Karineaki, Ueam ao Korakoram a riki n ataaki, Rinanom a tia ni karuoaki Am taeka, ao Am tua a kaotinakoaki n teretere ao Am kanikinaa a kabutaki nakon taabo nako, ao Am taeka e a kateakira, Rinanom are nanoia naake a rineaki Iroum a katangainaaki, ao ni kabane ake i karawa ao ni kabane ake iaon te aba a bane n ikotaki, Teuare Ko a tia n aranna bwa ‘Ali-Muhammad inanon aonnaban Aram nako, ao Tamneia Tamnei inanon Taburetin nako Am tua ae e aki kona ni kauntabaaki, are Ko a tia ni katokaa iaona oin Aram, are nakon Aram ao a tia aara ni kabane iaan am moti ao rinanon mwaakan Korakoram a bane ni kaokaki, ao Rinanom are Ko a tia ni karikii Anuam ao Aram nako bwa a na karokoia n tokin aroia. Ana bwai naba aara ake a karabaaki inanon Umwam ake akea memeaia, inanon Am aonnaba ae e aki kona n nonoraki ao

Am kaawa aika a katabuaki.

Ko na kamoamoa, iaon riki bwaai ni kabane, naake a tia ni kakoaua Teuarei ao Ana kanikinaa ao n tia n rairaki Nakoina, mai buakoia naake a tia ni kakoauaa Am katiteuana inanon Am Tia Uarongorongo ae E a tibwa tia ni kaoti – te Tia Uarongorongo are E a tia ni mwaneweia inanon Ana Tabureti, ao inanon Ana Boki, ao inanon Ana Koroboki, ao inanon kiibu nako aika a tamaroa ao taetaenikawai ae ai aron momi ake a tia n ruo nako Aona. Bon te Tia Uarongorongo naba aio are Ana Boraraoi Ko a tia n tuanga bwa E na kateia imwaain ae e katea oin Ana boraraoi. Bon ngaia are E kamoamoaaki inanon te Bayan. Inanona are Tamaroana e a tia ni kamoamoaaki, ao koauana e a tia ni kateaki, ao Ueana e katanoataki, ao Ana Aro e kakororaoaki. E a kakabwaiaaki teuare e a tia n rairaki Nakoina ao ni kakoroi bukin bwaai ake E a tia n anga Ana kaetieti iaomia, O Ngkoe are Uean te aonnaba ao aia Tangira naake a tia ni Kinako!

Ko na kamoamoaaki, O Atuau, ngkai Ko a tia ni buokiira bwa ti na kinaa ao n tangiria. Ai ngaia are, I bubutiko Iroun ao Irouia Naake Ngainanaumarin Tamneim, ao Kaotiotin Ueam, ao Kaubwain nako Am Kaotioti, ao Taan Uouoti Am kairiiri, ni buokiira bwa ti na beku ao n ongeaba Nakoina ao kakorakoraira bwa ti na riki bwa taan buoka Ana Aro ao taan kamaenakoia Ana kairiribai. Ko mwaaka ni karaoa are Ko nano iai. Akea te Atua Irarikim, te Kabanea ni Korakora, te Kabanea ni Mimitong, Teuare E ukoukoraki te ibuobuoki mai Irouna irouia aomata ni kabane!

Also in: af, ar, az, bg, ca, da, el, en, es, fi, ht, is, it, ja, ky, mg, ne, nl, pl, pt, ro, st

BH00778

Tataro ibukin te aki mamatam

Ko na neboaki, O te Atua, Atuau! Aikai boong ike Ko a tia n anga te kaetieti nakoia ake Ko rineia, naake Ko tangiria ao Am toro bwa a na taua bukin te Aki Mamatam, are Ko a tia ni karaoia bwa te kaetieti nakoia aomata n Am abanuea, n aron are Ko a tia ni karaoa te tataro ni kabaebae bwa te kaintamwarake ni waerake irouia naake ata Am katiteuana. I Bubutiko, O Atuau, man boua ake uaai aika korakora aikai, ike Ko a tia ni kataua bwa te mimitong ao te rine nakoia ni kabane te botanaomata, ni kawakina Am aro bwa e na mano man taian iowawa aika buakaka ao man aia kamwane ni kabane taan burebureaki. O te Uea, tai kaina te oota are Ko a tia ni kaotia rinanon Korakoram ao Mwakam ae Akea Tiana. Buokia, ngkanne, naake a Kakoauako raoi ma te runga ibukia aika noraki ao aika aki noraki man Am kaetieti ao Am tautaeka. Akea te Atua bwa tii Ngkoe, te Korakora, te Kabanea ni Mwaaka.

Also in: af, ar, az, bg, ca, da, el, en, es, fi, ht, is, it, ja, ky, mg, ne, nl, pl, pt, ro, st

BH10127

Tataro ibukin te aki mamatam

N Arana Ngaia Are e beritaaki n Ana Boki nako te Atua, te Kabanea n Atatai, te

Kabanea n Ataibwai! Bongin te aki mamatam a roko ike tooro ake a katobibia Am kaintokanuea ao a tia ni karekea Kaaniam a karaoa te aki mamatam. Atonga: O Atuan aara ao te tia karika karawa ma aonteaba! I Bubutiko n Aram, te Kabanea n Mimitong, ni butimwaea aia aki mamatam naake aki mamatam ibukin Tangiram ao ibukin Kakukureiam ao a tia ni karaoia ni kaineti ma are Ko tua ibukina n Am Boki ao Am Tabureti. I Onnoniko, ibukia bwa ko na buokai ni katanoata Am Waaki ao ni karikai ni matoa ibukin Tangiram, bwa aonga mwanekau n aki marannako man aia kabero Am karikibwai nako. Ni koaua, Ngkoe te mwaaka iaon are Ko bon taku. Akea te Atua Irarikim, te Taenoa, te Kabanea ni Mwaaka, te Kabanea ni Kakabwaia, Bongini Ngkoangkoa.

Also in: ar, az, ca, de, el, en, es, fr, gu, gu, ht, is, mn, nl, pl, pt, sk, sne, sr

BH07657

Te Aki Mamatam

Ko na neboaki, te Uea ae Atua. I bubutii Nakoim ma te nanorinano n te Kaotioti aei are e bitaki iai te ro nakon te oota are e kateaki iai te Tembora ma n ataaki iai Koroboki aika a Tabu ma n taorababaa iai Taekam, bwa e na reke irou ao irouia aika a raoiroi, te aro ae ti na konaa n rierakea iai karawa nakon Mimitongim are akea tiana ao are e na kamaunai ara nanokokoraki are e tauira man namakinan rinra ni mwaneaban te ikotaki.

Bon ngai temanna, au Uea, are e a tia n taua roon Am aakoi, ma ni kanim baina nakon Am nanoanga ma Am tangira. Ko na anganai ma raou aika a tangira raoiroin te maiu aei ao are e na roko. Anganiia Am bwaintangira ae e raba are Ko kataua i bukiia aika a moa riki mai buakoia Am karikibwai.

Bon aikai, au Uea, boong ake Ko tuangiia iai Am toro bwa a na taua iai te Aki Mamatam. E na karaoiroaki are e taua raoi te aki mamatam ma te koaua, ma n taubaang man bwaai nako i Bukim. Buokai ao buokiia, au Uea, bwa a na ongo Iroum ma n taua Am tua, bwa Ko bon mwaaka ni karaoa oin Nanom.

Akea Te Atua bwa ti Ngkoe, te Ataibwai, ao te Wanawana. E na neboaki Te Atua, te Uea n aonaaba ni kabanea.

Also in: ar, bg, bn, ca, de, de, en, eo, es, fi, fi, fr, hi, hr, ja, ja, mg, mn, pl, pt, ro, ro, ta, th, tl, tl, tvl, tvl

BH01888

Tataro ibukin te aki mamatam

Tataro ibukin te Aki Mamatam

Aikai, O Atua, moan boong ike Ko a tia katauia naaka a tangiraki Irom bwa a na ira tuan te Aki Mammam. I Bubutiko bon Mairoum ao mairouia naake aki mamatam ibukin Tangiram ao ibukin Kakukureiam – ao tiaki bon mairouia ma nanoia, ke man maakuia ke Am kataere – ao bon man Aram ao kakannangakin Anuam aika moa tamaroia, bwa Ko na kaitiakia Am toro man tangiran akea riki Irarikim ao ni katikia

ni kaania nakon Inginimainikun-te Nne ibukin ootan Moam ao Kaintekatekan baunuean Am kateuana. Kaotai nanoia, O Atuuu, ma otan Am atatai ao kaotamwakai moaia ma buraenmatan Ngainanitoi ake a oota man oraitanin Am Moti. Ko bon karaoa are Kakukureiko. Akea te Atua temanna Irarikim, te Kabanea ni Mimitong, are Ana buoka e ukeraki irouia aomata ni kabane.

Buokia, O Atuuu, angania Am tokanikai ao ni karieta Am Taeka. Karikia, ngkanne, bwa a na riki bwa bain Am Waak ibuakoia Am toro, ao karikia bwa taan kaotiota Am aro ao Am kanikina ibuakoia botanaomata, n te aro bwa te aonaba ae bwanin e na kaonaki ma Ururingam ao Kamoamooan ao ma Am kakoaua ao koauana nako. Bon Ngkoe, ni koaua, te Kabanea ni Kakabwaia, te Kabanea ni Karietataki, te Mwaaka, te Korakora, ao te Nanoanga.

Also in: af, ar, ar, az, bg, bs, ca, da, de, el, en, es, es, fr, ha, ht, hu, iba, is, it, it, lb, lv, mg, mt, nl, no, pl, pt, ro, sm, sne, ta, tk, tl, tvl, tvl

BH01888

Te Aki Mamatam

Aikai boong, Atuuu, are Ko a tia ni katauia Am toro bwa a na taua bukin te akimamatam. Are iai are Ko katamaroa iai moan abokan Am Boki n Tua ake a karuoaki i bukiia Am karikibwai, ao ni kaota tamaroan Umwan Am kaetieti nako i mataia ni kabane ake n Am karawa ao ni kabane aika i aon te aonaaba. Ko a tia ni kataua auan nako boong aikai ma te anua ae e okoro, are e aki kona ni warekaki irouia ni kabane ma ti Iroum, are Rabakauna e rabwati karikibwai ni kabane. Ko a bon tia, naba, ni kataua mwakoron te anua aei n aron taekan Taburetin Am kaetieti ma Am koroboki are Ko a tia iai, n aron anne, n reke tibwaia iai n tatabemaniia aomatan nako ma utuun nako te aonaaba.

I bukiia taan tangira aika a babane nanoia Ko a bon tia, n taekin Am kaetieti, ni kaawakinna i bukiia, ni katoaa te karangaina, ma mwangkon Uringam, O Ngkoe te Tia Tautaeakaniia taan tautaeaka! Bon naakai ake a tia ni manging ni wainin Niniwanam aika a bati ngaia are a kaaki aia tabo ni wene i bukin nanoia ni kan karaoa Neboam ao ni kaotiotii Anuam nako, ao ni mwaawa man matuuia ni korakoran nanoia ni kan waaki nakon Kaaniam ao ni uataboa Am kakabwaia. N taai nako a bon tia ni kabaraakii mataia nakon Rikiraken Bongin Am tangira n aakoi, ao ni katokai moaia nako Taberan Koburaken ranin Am Nanoanga are e tau n Am kakabwaia ni karawa ao te raoiroi.

E na kamoamoaaki Aram, Atuuu! Bon aio te aua are Ko a tia iai ni kauki iai rokan mataroan nako Am kakabwaia nako moaia Am karikibwai nako, ao ni kauki mataroan Am nanoanga aika a tamaroa nakoia ni kabane ake a maeka n Am aonaaba. I bubuti Nakoim, irouia ake a tia ni kabwaroi raraia i nanon Kawaim, are, ma nanoia Nakoim, a kamwawaiia man kabaebae nako mairouia ake Am karikibwai, ao are a tia n rangi ni matenako n karewen Am kakaunga bwa bwain rabwataia nako a taekina Neboam

ao n atoatonga Ururingam, ao n aki taua mairoura bwaai ake Ko a tia ni kataua n tain te Kaotioti aei - te Kaotioti are iai te korakora are e a tia ni kariki taian kai bwa a na atonga are e a tia ni karaaia te Kai are Ura n te tai are e a tia n nako ni kaotioti iai Moote, are E taetae ma Ngkoe, n te Kaotioti are a tia ni katauia ni kabane ni katoai atama aika a mronron nako bwa a na manga atonga riki Neboam, n aroia atiibu ake a Kamimitongko n Ana bong Mwaometa, are Raraom.

Bon naakai, Atuaui, ake Ko a tia ma te tamaroa ni karikiia n itamwaomwao ao n itoman ma Teuare boni Ngaia te Tia Kaotiko. Angin nako Nanom a tia ni maenikun n taorababa nako ni karokoa Ko na manga ikotiia i aan Nuum, ao ni karikiia n rin n aban nako Am botaki. Ao ngkai Ko a tia ni karikiia n tiku ni maeka i aan nuun umwan Am nanoanga, Ko na buokiia bwa a na karekea are e bon tau i bukiia ma te karinan ae rine. Tai kakorakaia, Atuaui, bwa a na warekaki i buakoia naake, e ngae ngke a kukurei ni kaan ma Ngkoe, ma a tia n tauaki man kinaakin Moam, ao e ngae ngke a bobo ma Ngkoe, ma a bon kamwawaaki man Kaaniam.

Naakai bon Am taan beku, Atuaui, ake a tia n rin ma Ngkoe n te Karabuuti ae Moan te Kakannato aei, are a tia n taua ni kamatoa i nanon oona are Ko a tia n tuangiia n Taburetin Am kaetieti ao Bokin nako Am babaaire. Ngaia are, karua ngkanne, nako aia are e na karua raoi ni kaitiakiia man baike Ko aki kataui, bwa a aonga ni baabanennano Iroum, ao ni kona ni kamwawaiia man bwaai nako ma ti Ngkoe.

Kabwaka ni karua ngkanne i aora, Atuaui, are e bootau ni koaua ma Am raoiroi ao ni bootau ma Am kakabwai. Karikiira, ngkanne, Atuaui, bwa ti na maiu n Ururingko ao ni mate i bukin Am tangira, ao kakarekea nakoira te bwaintangira are Kaaniam n am aonaaba nako aika i mwiin ngkai—aonaaba ake a aki kona n ataaki ma ti Iroum. Boni Ngkoe ara Uea ao te Uea n aonaaba nako, ao Atuaia ni kabane ake i karawa ao aika i aon te aonaaba

Ko bon noora, Atuaui, are a tia ni bwaka iai ake a tangiraki Iroum n Am bong nako. Mimitongim are I kakoaua iai! Bwanaia ni bwaebwaeti naake a tangiraki Iroum e a bon tia ni mwemwe rake nakon Ueam. Tabeman ake a irarang irovia naake a nanoro i nanon Baim, ao a bon tuukiia i bon irovia n roko ni kaan Nakoim ao man karekean botakin Mimitongim. Ake tabeman ake a kona ni waaki Nakoim, ma a tauaki man nooran Moam. Iai riki ake tabeman ake a katauaki, n ingaingaia ni kan taraa Moam, n rin n aban nako Am botaki, ma a bon kataui taian rabunanimata are bon katautauaiia iai Am karikibwai ao kaairua ake a reke mairouia taan kamangao i buakoia Am aomata bwa a na roko i marenaia ma Ngkoe.

Bon aio te aua, Au Uea, are ko a tia ni karikia bwa e na raka i aon aua nako, ao n tia ni kaitomanna bwa ngaia are e rineaki i buakoia Am karikibwai. I bubuti Nakoim, Ngkoe Atuaui, i bon Iroum ao irovia, ni kataua waakin te ririki aei bwa e na karietaia ake Ko tangiriia. Ko na baairia, ngkanne, i nanon te ririki aei ni kataua n, Itoin Ngainan

Mimitongim, ao ni kaoota, ni Mwaakam ni uea, n te aonaaba ae bwanin.

Karika Am Waaki bwa e na totokanikai, au Uea, ao kamangoriia Am kairiribai. Koroia, ngkanne, i bukira are e raoiroi n te maiu aei ao te maiu ae e na roko. Boni Ngkoe te Koaua, are Ko atai bwaai aika a raba. Bon akea riki Te Atua bwa ti Ngkoe, te Tia Kakabwarai buure, te Kabanea ni Kakabwaia.

Also in: af, ar, ar, az, bg, bs, ca, da, de, el, en, es, es, fr, ha, ht, hu, iba, is, it, it, lb, lv, mg, mt, nl, no, pl, pt, ro, sm, sne, ta, tk, tl, tvl, tvl

BH10581

Tataro ibukin te aki mamatam

Ko na Neboaki, O te Uea Atua! Ti karaoa te Aki Mamatam ni kaineti ma are Ko tua ao n urua ngkai rinanon Am tangira ao Am kukurei-n-nano. Kataua butimwaeana, O Atua, mwakuri ake ti karaoi ni Kawaim ni bwanin ibukin akea riki irarikin Tamaroam ao ma moara aika kaineti nakon Am Waaki, a inaomata man akea riki bwa tii Ngkoe. Kataua, ngkanne, Am kakabwarabure nako aora, nako aoia ara bakatibu, ao nako aoia ni kabane ake a Kakoauako ao n Am kanikina aika korakora n te tai ae rangi ni korakora aei, te Kaotioti ae moan te mimitong aei. Ko bon karaoa are Ko rinea. Boni Ngkoe, ni koaua, te Kabanea n Rietata, te Korakora, te Aki Eenaki.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

BH10581

Ngkana ko na urua am aki mamatam

Te nebonebo nakoim O te Uea ae Atua. Ti a tia n ira nanon te Aki Mamatam ni kaeineti ma am kaetieti ao n urua ngkai inanon Am tangira ao Kukureim ae raoiroi. Butimwaea ma te nanonaki O Atua, taian mwakuri ake ti a tia ni karaoi inanon Kawaim ni bwaninia bon ti ibukin Tamaroam, ao moara aika ineti nakon Am Waaki, n inaomata man bwaai nako ma ti Ngkoe. Kataua ngkanne Am kabwarabure nako aora, nakoaoia ara bakatibu ao nakoaoia ni kabane ake a tia ni Kakoauako ao inanon am Kanikina nako aika korakora inanon te Kaotioti aio ae te kabanea ni korakora ma ni mimitong. Ko bon korakora ni karaoa are Ko rinea. Bon Ngkoe ni koaua Te Kabanea n rietata, te Korakora, Te aki kona n tauaki Eena.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

BH10581

Tataro ibukin te aki mamatam

Ko kariatataaki, O te Uea Atua! I onnoniko mairouia naake Ko a tia ni katauia bwa a na ira nanon te Aki Mamatam ibukin aia tangira Ibukim ao Kakukureiam, naake a tia ni kaota ongotaekaia nakon Am tua ao ni iri nanon Am kibu ao reirei, ao naake a tia n urua aia aki mamatam n aia tai n ebiebi ni kaan ma Ngkoe ao n taratara Moam. Ni Mimitongim! Ngkai a rairia nakon maraen Kakukureiam, ni kabane aia bong bon boong n aki mamatam. Ngke arona bwa wiin Am moti e kaekaia ni kangai: “Taua, ibukin Tamaroau, te aki mamatam, O aomata, ao katea akea te tia nakon taina,” I

berita ni kakannaton Am mimitong, bwa ni kabane ngaiia n tatabemania a na taua bukina ma te onimaki raoi, a na tauia man karaoan are e na kaitara Am tua, ao a na reitinako ni karaoia ni karokoa a angarake tamneia Nakoim,⁴ bwa are a tia ni katomamwia karewerewen Am wewete, ao n riki n ebiebi man Ururingam ao Neboam ma taeka ake a otinako man rian Am kaetieti.

I onnoniko Ngkoe, O te Uea, bwa Ngkoe, te Karietaaki, te Kabanea n Rietata, ao man Am Tia Kaotioti ae Tibwa Ngkai rinanon Ana abanuea n ara ao n anua n tautaeka a tia n ioaki, ao kaain te aonaba ao karawa a kamangingaki, ao ni kabane ake a maeka n abanuean te Kaotioti ao karikibwai a ruru ma tii ake a karaoa te aki mamatam man bwaai ni kabane ake a boira nakon Kakukureiam ao n tauia man rairakia nakon bwaai ni kabane ma tii Ngkoe, ni mwannanoai ibuakoia nakanne ao ni korei arara iaon Tabureti ake Ko a tia ni korei iai araia. O te Atua, rinanon kamimiin Korakoram ao kanikinaean Am tautaeka ao Korakoram, Ko a tia n kanakoi araia man marawan Am ara, ao ko karika oioin nanooaia man bwain Am tangira, ao kabin nanon maiuia man angin Am Waaki. Aia bwa te manga ikotaki tiaki katokanikaian te raure nako, te kaan are e ata akea te tionako, ao te akea tokina ae akea tokina. Ni koaua, tooro aikai ake taan Karakiniko, ake a Katobibiiko n akea tokina, ao a raunia Kainikatikum ao te Kaaba (te auti te baoki ae a kakaitara Muslim ngkana a tataro) ibukin te manga kaitiboaki ma Ngkoe. Ko a tia ni kataua, O Atua, bwa akea te kaokoroaki imarenaia ao Ngkoe, ma tii ngkana a nora otan Moam, a na katokai moaia Nakoim, ao ni katorobubua imatan Am tamaroa, n ongotaeka nakon Korakoram ao ni koreia man bwaai ni kabane Irarikim.

Ti a tia ni karaoa te karemo n te bong aei, O au Uea, n ira Am kaetieti ao Am tua ni kaineti ma are Ko a tia ni kaotia n Am Boki ae bwarabwara raoi. Ti a tia n tau i tamneira man kaibwabarua ao man bwaai nako ake Ko ribai ni karokoa e a roko n tokina te bong ao e a roko te tai n urua te Karemo. Ai ngaia are, I Bubutiko, O te Kakukure nakon nanoia taan tangira ao Banennanoia tamnei ake a katauaki ma te matata. O te Tia Kakimwareirei bwabwaaia naake a Bwaruiko ao Boton aia tangira naake a Ukoriko, ni karikira bwa ti na kibarake ni mwawan Kaniam ao karawan are Ko mena iai, ao ni butimwai mairoura bwaai ake ti a tia ni karaoi inanon kawain Am tangira ao Kakukureiam. Korei arar, ngkanne, ibukaoia naake a kina Am kateuana ao ni kakoaua Am temanna ao ake a karinanoia imatan kakoauaan Kakannatom ao kanikinaean Korakoram, naake a tia ni mena ni katantanin Kaniam ao n ukora kawakinaia Iroum, ake a tia ni kabanea maiuia ni ingainga ni kan kaitibo ma Ngkoe ao ni karekea maraen are iai Ngkoe, ao naake a tia ni kaaka te aonaba iakuia ibukin aia tangira Ibukim ao ni koro i kabaebae ni kabane ma tii Ngkoe n aia iangainga ni kania Nakoim. Aikai tooro ake nanoia a mara ni banen nanoia ibukin Tamaroan mwaneawean Aram, ao naake mataia ao taonako n te rannimata n aia kariaria n

Ukoukoram ao n rin n oon Am marae.

Aio, O au Uea, neweu are e kakoaua Am katiteuana ae akea aron kabotauana, matau are e nora kaintekatekan Am tituaraoi ao kakabwaia aika korakora mwaitin aroia, ao tanningau are e tauraai n ongora nakon Am wewete ao Am taetaenikawai, bwa I onimaki, O Atuaui, bwa Ko a tia kanakoi taeka aika aki babane taiia ake a waanako mai wiin Am moti, ao nakon tanningaia ake Ko a tia ni katabui bwa a na ongo Am taeka ao kiibu a bon kakauongo ni katoatai. Ao aikai baiu, O au Uea, a mwemwerake nakon karawan Am nanonaki ao Am nanoanga n akoi. Ko na tai rairakinako, ngkanne man te kananoanga aio are e a tia n anaia nakoina ana tangira ae akea riki Irarikim, akea te tia anganga Irarikim, ke te uea Irarikim, akea te katantan ma tii inanoaan nuun Am nanoanga, akea te nne ni katantan ma tii imatan Am mataroa, ike Ko a tia ni kaukia nakoia nikabane ake a maeka n Am karawa ao n Am aonaba? Tiaki, ni Mimitongim! Bon ngai are ana onimaki n Am tangira n akoi e na tiku n aki kerikaaki e ngae ngkana Ko na kaikuakai ma kamaraki inanon maanin Am tautaeka; and ngkana temanna e titirakinai Ibukim, ni kabane bain ao waen rabwatau e na katanoata: “E rangi n tangiraki n Ana mwakuri ao e ongotaeka te aba n Ana tautaeka, Anuana te nanoanga ao te mwamwannano nakoi Ana karikibwai!”

I kaotia ma te koaua ni Mwakam, O te Rangi-n-Tangiraki inanoia naake a Bwaruiko, ngkana arona bwa Ko kanakoi man Am mataroa ao ni kaaki taekau nakon aia kabang taan kateibuaka ibuakoi Am toro ao nakon aia kai n oro buakaka ibuakoi Am karikibwawi, ao ngkana temanna e titirakinai Ibukim, nikabane iran rabwatau n tatabeua a na bon teimatoa ni katanoata: “Ngaia, ni koaua, te Kabanea n Tangiraki n aonaba ni kabane; Ngaia te Kabanea ni Kakabwaia; Ngaia te Akea-Tokina! E katikai ni kaaniai ngke I kararoai Mairouna; E anganai Mwengana ae tabu ngke I kainai man Menana irarikiu. Akea ae I a tia ni kune ae te kabanea n akoi Nakoina, are Mairouna I a riki ngkai ni katan Irouna ni bwaai ni kabane ao n tia n kaikawaaki ietan akea riki Irarikina.”

Eng e a bon nakon temanna, O Atuaui, ngaia are a bon tia ni kaubwaiaki Iroum bwa e na inaomata man abanuean te aonaba ao karawa. E kaubwai temanna are e taumatoa robun Am kaubwai, e ongotaeka Imatam, ao ibukina Ko bon taubobonga iaon bwaai ni kabane. E raarikin temanna are e kamwawa Mairoum, e nimataki n te kainikatonga Imatam, e tannako man Kaniam, e kakewei Am kanikina. Karaoai, ngkanne, O Atuaui ao au Tangira, bwa nna warekaki ma naake ike angin Am moti e mwaing n aia tai ni karinania, tiaki ma naake angina te nano ao te kaibwabwaru a kibe ao a kairiri n aron are bon nanoia. Akea riki te Atua ma tii Ngkoe, te Mwaaka, te Karietaaki, te Kabanea n Kakabwaiaki.

Nikabane mimitong Nakoim, O Atuaui, bwa Ko a tia n akoai bwa nna kona n aki mamatam n te namwakaina aio ike Ko a tia ni reitia nakon Aram, te Kabanea n

Rietata, ao n aranna bwa `Alá (Rietata). Ko a tia n tua bwa Am toro nako ao Am aomata a riai n aki mamatam n te tai anne ao n ukora aron kaniaia Nakoim. Boong ao namwakaina n te ririki a roko n riettaia ma te Aki Mamatam, n aron naba te moan namwakaina e moanaki ma Aram, Bahá, bwa aonga ni kabane ni kakoaua bwa Ngkoe te Moan ao te Kabanea, te Kaota ao te Raba, ao n riki n rauaki bwa mimitongin aara ni kabane e katauaki tii rinanon mimitongin Am Waaka ao te taeka e kabwarabwaraaki man Am moti ao ni kaotaki rinanon Am oi ni kantaninga. Ko a tia ni kataua te namwakaina aio bwa te kauring ao Karineam, ao te kanikina are Ko bon mena ibuakoia, bwa a na aki mwaninga Korakoram ao Kakannatom, Am tautaeka ao Mimitongim, ao n onimaki are man taai ngkoangkoa Ko a bon tia ao n aki toki n Tia Tautaeka iaon te karikibwai ni kabane. Ake ate bwai ae karikaki i karawa ke iaon te aba are e kona n Tukiko n Am tautaeka, ke temanna n aonaban te Kaotioti ao te karikibwai n Totokoiko man kakoroan bukin Am oi ni kantaninga.

I Bubutiko, O Atua, n Aram ike nikabane kaain te aonaba a tanginiwenei, ma ti naake Ko kawakinia n Am kamanomano ae etiruru ao ni kania iaan nuun Am akoi ae korakora riaona, ni karaoira bwa ti na matoa n Am Waaki ao n teimatoa n Am tangira bwa ngkana Am toro a teirake ni Kaitarako ao Am aomata a tannako Mai Iroum, ao akea ae tiku iaon te aba ni wetea Aram ke ni katoka moana nakon te nne ni itabon ma Ngkoe ao te Kaaba (te auti te baoki ae a kakaitara Muslim ngkana a tataro) are nnem ae Tabu, Nna bon teirake naba n tii ngai n takarere ni mwakuria ni katokanikaia Am Waaki, ni karieta Am taeka, ni katanoata Am tautaeka, ao ni bukamarua neboan Kakannangakim. Ao aio, O te Uea, e ngae ngkana ni katoa tai I tangaina nakon te kanganga ibukin Karietaam n aara nako, I bon kaonaki ma te mangaongao, ma I bon rangi n ataia are ni kabane Anuam aika rietata ao ni kabane kororaoin aara ake I rereitaki iai ma Ngkoe ni Menam ae tabu I Bubutiko, n rinanoa akea ma tii uakoraan oin matatau, n aron are n te tai are I iangoa te ara ae tau ibukin te neboaki, I bon katoma ma Ngkoe.

E burewarekan mwaitin karietaan Am rinan ni koaua ietan te kabwarabwara ke aia atatai nako aomata Irarikim, ao Ko na katabuaki man kamimitongaia Am karikibwai ao neboaia Am toro n aia kekeiaki n rierake Nakoim. Bwa tera are e kaoti mai irouia Am toro a bon tiatianaki man tianakin oin rabwataia ao ni karikaki bon man oin aia iango ni katautau ao n akea uaaia.

Ai kawara, ai kawara, O au Tangira, bwa au aki konabwai n tau n Neboiko ao ibukin au kabwaka inanon Am bong aikai! Ngkana I Kamoamoako, O Atua, bwa Teuare Ngaia e atai bwaai ni kabane, I a kaman tauraoin ataia are ngkana Ko kotea te bwaa ae aki ngongoongo ma teuana tabonibain Am motinnano, Ko na bon kona ni karikia n taakina te atatai ni kabane ake rimoa ao n roro ake imwina; ao ngkana I Neboiko ae te Kabanea ni Mwaaka, I kunea bwa teuana te taeka are e nako mai wiin Am oi ni

kantaninga e bon tau ni ioa karawa ao aonteaba.

Mimitongim e kaingai ni kakoaua, O te Tangiraki irouia ake a Kinako, ngkana te wanawana e kabwaka ni kaota bangabwaina imoan taian kaotioti ibukin Am atatai, e na warekanaki bwa te kabanea n roonnano ibuakoia Am aomata; ao ngkana are e mwaaka e rawa ni kariaia mamarana imatan kakoaua ibukin Mwakam, e na taraaki bwa te kabanea ni ngore ao te kabanea n aki mumuti ni karikibwai. N tein au atatai ao koauana raoi aio, nna kanga ni Karietako ke ni kabwarabwara ao Neboiko? Ai ngaiare, ngkai I bon ata mamarau, I a tia ni kawaekoai nakon nuun Korakoram; ao man ataakin raarikiniu, I a tia ni ukera te katantan iaan nuun Kaubwaim; ao ngke I kina ngoreu, I a tia n teirake imoan umwan Mwakam ao Korakoram. Ko na kanga n taea nako te kainnana aei imwin are ko a tia n aki ana temanna ma Ngkoe bwa ana tia kamaiu, ke ni karairaka nako te ianena aio imwin are kunea akea riki bwa Ngkoe bwa ana tangira ni koaua?

Ko bon atai bwaai ni kabane ake irou, O te Uea, ma I aki ata tera are Iroum.

Nanoangaai ngkanne rinanon Am tangira ni kamanomano ao kaungaai ma are te bwai are e na rau iai nanou inanon Am bong ao kamwanioa tamneiu rinanon taian kaotioti man tabun ae iai Ngkoe. Ni kabane karikibwai a tia ni kaotaki ma raneanean ootan Moam, O te Uea, ao kaain aonaba ao karawa a raneanea otaia n karakin kaotioti Ibukim ae akea kabotauan kakannatona, n te aro I nora te aakea n akean moan norakin nanoan te kaotioti Ibukim, te kaotioti ae karabaaki man mataia naake ibukoia Am toro ake a mwanionako ni matu.

Tai tuukai, O au Uea, man Am akoi are rabwati ni kabane aonaban te karikibwai, bwa a noraki ke aki. Tai tiku ni kararoako, O Atuau, ngkai Ko a tia ni kaoia botanaomata ni kabane bwa a na oki ao ni katikaki ni Kaaniko, ao kaumakia bwa a na taua ni kamatoa Am roobu? Tai kaakai, O au Tangira, e ngae ngke Ko a tia ni berita n Am Boki ae aki mamane ma Am kibu aika kamimi ni ikotia ni kabane ake a rangi ni Bwarua rokoia ni mwengan Am akoi ni kamanomano, ao naake a Tangiriko iaan nuun Am kakabwaia nanonaki, ao naake a Ukoukoriko iaan umwan Am nanoanga ao n tangira-n-akoi?

I berita ni Mwakam, O Atuau, bwa tanginiweneu e a taua au Kainikroboki, ao, ni koaua, tangin nanou e a tia ni buriti roobu mai baiu. Bwa te tai raa are I karua rabwatau ao ni kakukureia tamneiu ma kamimiin nako Am nanoanga, kanikinaean Am akoi ni kakawakin, ao kakoauan Am tituaraoi, I ruru imatan taian kaotioti n Am motiraoi ao kanikinaean Am kataere. I ataia ae Ko kinaki n aara aika uoua aikai ao ni kabwarabwaraaki man anua aika uoua aikai, e ngae n anne Ko aki tabe bwa Ko weteaki n Aram te Akea Tokin te Kakabwarabure, ke n Aram ni Unuun. Ni Mimitongim, ngke arona bwa I aki ataiwai are Am nanoanga e riaon bwaai ni kabane, waen ao bain rabwatau a na bon toki ni maiu, au oioi e na maunanako ao nanoau e na kauarerekeaki nakon bon te akea n akea. Ma ngke I nora Am akoi e

tobwai bwaai ni kabane ao Am nanoanga e rabwata te karikibwai ni bwaninna, tamnei ao kabin rabwatau e riki ni karauakaki.

Ai kawara, ai kawara O Atua, bwa bwaai ake a buanako mairou inanon Am bong, ao ai kawara, ai kawara riki, O Mamaten nanou, bwa te bwai are e tiku n aki tia inanon te beku ao te ongotaeka Nakoim inanon boong aikai kanga aron mataia naake Ko rineaia ao Ko onimakinia ma aki kakoaua. I Bubutiko, O au Uea, bon Mairoum ao mairouia Taan Kaotioti ibukin Am Waaki Ngaia are e tekateka iaon kaintokanuean Am nanoanga, ni kamatoai inanon Am beku ao Kakukureiam. Tararuai, ngkanne, mairouia naake a tannako Mairoum ao n aki kakoauai Am kibu, ake a tia ni kakewea Am koaua, n rawa nakon Am kakoaua, ao n urua Am Boraraoi ma tetemanti.

Ni kabane nebonebo, O te Uea Atua, Nakoim Teuare Ngaia te Tia Kaotioti Oioim, Ngainanmwanibwan Am kateuana, te Nne ni Keniken ibukin Am Atatai; Boton Am Kaotioti, Nnen Am kaungaunga, Kaintekatekan Am tautaeka, Inginmainikun-te-Nnen Am Karawa – Teuare Ngaia te Moan te Biriari, te Moamoa ae te Kabanea n Rietata, te Waka are Mangkoakoa, te Tia Kautia aono; ao te mimitong e bia mena iaona ngaia are te moan ni Kakoaua⁵ ao n Ana kibu, are Ko a tia ni karaoa te kaintokanuea ibukin rieraken AM Taeka aika moan baan te kakannangaki, boton te taratara ibukin kaotiotan aram aika moan baan te tamaroa, mwanibwan raneanean Taain Am anganga, inginmainikun-te nne ibukin kaotin Aram ao anua nako, ao te kaubwai ni bwaeao n Niniwanam ma Am kaetieti. Ao ni kabane riine ake iaom⁶ ngaia are te kabanea n roko Irouna, are rokona kanga Rokona, ao Am kaotioti irouna⁷ kanga Am kaotioti are Irouna⁸, ma bon tii are e kaotaaki ma ootan Moana ao ni bobaraaki Imoana ao ni kakoaua toronakina Irouna; ao te mimitong iaomia ake a mate ni maritire ni Kawaina ao ake angarake maiuia ibukin tangiran Tamaroana.

Ti kakoaua, O Atua, bwa tooro aikai a tia ni Kakoauako ao n Am kanikina nako, ake a ukera ten ne ni kamanomano are bon Irarikim ao n rairia nakon Moam, are e a tia ni kaineti moaia nakon maraen Kaanim ao n nakonako ni kawain Kakukureiam, ake a Taromauriko ni kaineti ma are Ko tangiria ao ni kamwawaia man bwaai ni kabane ma tii Ngkoe. O te Uea, kataua nakon angiaa ao rabwataia n taainako mwakoron kamimiin Am nanoanga ae rarabwati. Bon ni Ngkoe, ni koaua, te mwaaka ni karaoa are Ko kukurei iai. Ake ate Atua bwa tii Ngkoe, te Korakora, te Kabanea ni Mimitong, are Ana buoka e ukeraki irouia aomata ni kabane.

I onnoniko, O te Uea, Rirouna ao rirouia, ao riroun Teuare Ngaia are Ko kateia iaon kaintokanuean Am Aro ao ni karikia bwa e na kanuuia ni kabane ake a maeka n te aonaba ao i karawa, ni kaitiakira man ara bure, ni katauia te kaintekateka ni koaua are Irarikim ao ni karikiira n reitaki ma naake kanganga n te aonaba ao kabuanibwai nako aki tauia man rairakia Nakoim. Boni Ngkoe, ni koaua, te Kabanea ni Mwaaka, te Kabanea n Rietata, te Tia Kamanomano, te Akea Tokin Ana Kabwarabure, te Kabanea

n Nanoanga.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

Triumph of the Cause

BH11278RIV

Katiteuanaaki

Atuau! Atuau! Katiteuanai nanoia Am toro, ao kaoti nakoia bukin Am Waaki ae e kakannato. A bia toua mwiin Am moti ao ni mena i nanon Am tua. Buokiia, Te Atua, n aia kekeiaki, anganiia te korakora ni beku i Bukim. Te Atua! Tai katikuiia n ti ngaiia, ma kairi ingin waeia n ootan Am atatai, ao kaungai nanoia n Am tangira. Ngkoe, ni koaua, aia Tia Ibuobuoki ao aia Uea.

Also in: bs, el, en, hu, is, it, ml, nl, sv

Women

BH09162

Aine

O Ngkoe te Uea ae moan te mimitong! Karika am toro te aine ae e uarereke aio bwa e na kakabwaiaaki ao ni kukurei; karikia bwa e na tangiraki n Atibunmataroan Am katiteuanaaki ao kariaia bwa e na moo man mwangkon Am tangira bwa e aonga neiei ni kaonrakeaki ma te kimwareirei ao te kukurei ao ni kabutanakoa te boiarara ae e karewerewe. Ngkoe ni koaua te Mwaaka ao te Korakora, ao Ngkoe te Kabanea n Ataibwai, te Kabanea n Noraba.

Also in: az, bi, bs, ca, de, el, en, es, fr, ha, ht, hu, id, is, it, ja, kl, nl, no, pl, pt, ro, ta, tk, tl, uk, vi, zh-Hant

AB11249

Aine

O te Uea! Buoka te nati te aine man te Abanuea bwa e na kariatataaki inanon aonnaba aika uoua; karikia bwa e na tannako man te aonnaba ni bubuntano ae e kai mate aio ao mai irouia naake a tia ni katurua nanoia nako iai ao karekea angaraoina bwa e na reitaki ao ni karekea kaaniana ma te aonnaba are e aki maamate. Angan neiei te korakora ni karawa ao kamatoaa rinanon ikeiken te Tamnei ae e Raoiroi bwa e aonga n teirake ni beku Ibukim. Ngkoe te Kabanea ni Korakora.

Also in: de, en, en, en, es, nl, pt

Other prayers by Bahá'u'lláh (research)

BH07453

Te Tabureti ibukin Kawaran Bangota

(Te tataro aio ae e kaotaki iroun ‘Abdu’l-Bahá e wawarekaki ni Bangotana. E kona ni kabonganaaki naba n te tataro iroun te aomata i bon irouna).

Ane atonga te tataro aio ma te nanorinano ao Te Bábanennano e na uota te kukurei ao te rauaki nakon nanon te Tia Beku aio; e na riki n ai aron te kaitibo ma Ngaia, te mata nakon te mata.

Boni Ngaia te Mimitong ni kabane.

Te Atua ae Atua! Ma te nanorinano ao te matan-tang, I tabeki baiu ni bubuti Nakoim ao I rabuna moau ni bubuntanon matan Am mataroa arei, ni karietataaki nakon rabakauia naake a atai-bwai, ao iaon naba neboaia ni kabane ake a Neboiko. Ma Am taratara ae e raoiroi, an taraa ma kaninganingan matan Am nanoanga Am tia beku aio, ae nanorinano ma ni mangori i matan Am mataroa, ao katebonakoa inanon Marawan Am raoiroi ae e aki totoki.

Te Uea! Boni ngaia Am toro ae akea arona, ae e mangori, ae e mamatenanona Iroum, ae e Bububutiko, ae e tauaki inanon Baim, ae e Onimakiniko, ae e tang i Moam, ae e Weweteiko ma ni Bubutiko ma ni kangai:

O te Uea, ae Atua! Anganai Am raoiroi bwa Nna beku ibukiia naake a tangiraki Iroum, kamatoai n au beku Ibukim, kaota ramau ma te ota n taromauri inanon Am kabowi ae e tabu ma te tataro nakon Abanueam ae mimitong. Buokai bwa Nna kaakeai i karawan tabon-rinin Am mataroa, ao buokai bwa Nna mwaawa man bwaai nako ake a mena inanon ike iai Ngkoe. Te Uea! Anganai bwa Nna moi man mangkon te aki-tabeakinai i bon irou; kaunikaai ma kunikaina, ao kateboai inanon marawana. Karikai bwa te bubu-n-tano are e mena inanon kawaii naake a tangiraki Iroum, ao kariaia bwa Nna anga tamneiu ibukin aon tanon are e a tia ni kateretereaki man tarinwaeia naake a tia n rineaki Iroum inanon kawaim, O Ngkoe Uean te Mimitong ae te katoki n Rietata.

E Weweteiko Am toro n te tataro aio, n te aiota ao te tairiki. Kakoroa bukin nanona, O te Uea! Kaotaa nanona, kakukurei bwabwana, kauraa otana, bwa e aonga ni beku ibukin A Waaki ma Am tabonibai.

Boni Ngkoe te Tia Angaanga, te Tangiri matanaomata, te Katoki n Akoi, te Raoiroi, te Nanoanga, te Atataiaomata.

Also in: el, fj, haw, mi, ms, sne, ta, tpi

TMP00360

Te Buoka ao te Ibuobuoki

Atua, Boton au tangira, Kourun nanou, te Kabanea n Tituaraoi, te Kabanea n Nanoanga! Te maiu ni kabane bon mai Iroum, ao taian mwaaka ni kabane a wene inanon Baim ae akea tokin mwaakana. Ane Ko karietaata e bon kawaerakeaki iaioia riki anera, ao ni karekea te karinan are: ‘Ni koaua, Ti mwemwekia nakon te tabo ae e rietataa!; ao ane ko kamaemaea e bon karinanoaki riki iaan te bubuntano, bon tiaki, e kee riki iaan te aakea. O Te Tia Tararua ni Karawa! E ngae ngke ti buakaka, a bati ara bure, ao ti aki kona n taubaang, ma ti bon ukoukora mai Iroum te ‘kaintekatekan te

koaua,’ ao n ingainga nanora ni kan nora moan Te Uea ae akea tokin Mwaakana. Bon Am bwai te tautaeka, ao te tautaeka ni uea ni kabane bon Am bwai, ao tian te mwaaka e bobaraaki i matan Am tua. Bwaai ni kabane ake Ko karaoi bon te motiraoi ae e itiaki, bon tiaki naba, bon oioin te tangira. Ti teuana takian te ota mai buakon tamaroan Aram, te Kabane n Nanoanga, e a tau ibukin kamaunanakoan ao kamaunaan tanetanen nako te bure man te aonnaba, ao ti teuana te ikerake man angin Bongin Am Kaotioti e bon tau ibukin katamaroaakin te botanaomata ni kabane ma kunnikaina ae e boou. Aanga Korakoram, O Ngkoe ae Ko Mwaaka, nako aoia am karikibwai ake a mamaara, ao kamaiuia naake ai aroia maate, bwa a aonga ni kukurei ni Kuneko, ao bwa a na kona ni kairaki nakon marawan Am kakaawakin, ao n teimatoa n nene inanon Am Aro. Ngkana arona bwa boiararan Kamoamoaakim e kaotaki nakon taabo aika a raroanako rinanon taian newe aika a kakaokoro, i tinanikun te aono ni Mainiku ke i tinanikun te aono ni Maeao, ni koaua, ao e na bon, korakora tangirana ao ni mwannanoaki. E ngae n anne, ngkana neewe akanne, a kamwaawaia man te boiarara anne, ao ni koaua a na bon aki karekea tibwangaia ni kona ni mwaneweaki n te taeka ke tao n te iango. Ti bubutiko, O te Tia Tararua, ni kaota Am kawai nakoia ni kabane aomata, ao ni kairiia n te kawai ae ineti. Ngkoe, ni koaua, te Kabanea ni Mwaaka, te Kabanea n Ataibwai, te Kabanea n Noraaba.

AB00001FIR

Teimatoa

Te Uea ae Atuau! Buokiia aika a tangiraki Iroum bwa a na teimatoa n Am Aro, n nakonako ni Kawaim, ma n nene n Am Waaki. Anganiia Am tangira bwa a na tangira tuukan bwain te rabwata, bwa a na ira ootan te Kairiiri ae Tabu. Boni Ngkoe te Korakora, te Tangira, te Maiu i bon Irouna, te Tituaraoi, te Nanoanga ao Moan te Mwaaka ao Moan te Atataiaomata.

Also in: af, az, be, bg, bs, ca, ch, cy, da, diu, el, en, eo, es, fa, fi, fr, fy, ho, hr, ht, hu, hz, iba, id, is, it, kl, km, kn, lb, lg, lv, ml, mn, nl, pl, pt, ro, ru, sk, sm, sq, sv, sw, te, tl, vi

AB00073SER

Te Buoka ao te Ibuobuoki

O Ngkoe te Uea ae Akoi! Ngaira am toro n Atibun Am Mataroa, ae I kamanoai n Am Mataroa ae e Tabu. Ti ukoukora kamanoara man akea riki bwa ti te boua ae e aintoa aio, n aki rairaki nakon te bwai teuana ibukin kamanoau ma bon ti Nakoim ibukin kamanoau. Kamanoira, kakabwaiaira, boutokaira, ao karikiira bwa ti na ti tangira kukurein Nanom, n tabotaboa Kamoamoaakim, n ti ira kawain te koaua, bwa ti aonga ni karekei kaubwaira ae e tau n te aro bwa ti na kaaki bwaai ni kabane bwa ti Ngkoe, ao ni karekei ara bwaintangira man marawan Am akoi, bwa ti aonga ni kekeiaki n taai nako ni karietaata Am Aro ao n tibwatibwai nako boiararan Kukurein Nanom, bwa ti aonga ni mwaninga taekara ao n ti katabeira ma Ngkoe, ao ni kaakeai bwaai ni kabane

ao n ti karekerekeira ma Ngkoe.

O te Tia Katauraoi Bwaai ni kabane, O Ngkoe te Tia Nanoanga! Anganiira Am tituaraoi ao Am tangira n akoi, Am bwaintangira ao Am tibwatibwa, ao kateimatoaira, bwa ti aonga ni karokoiri n ara kouru. Bon Ngkoe te Korakora, te Konai bwaai nako, te Ataibwai, te Tia Noori bwaai ni kabane, ao, ni koaua, Bon Ngkoe te Tituaraoi, ao ni koaua, Bon Ngkoe te Kabanea n Nanoanga, ao ni koaua, Bon Ngkoe te Tia Kabwarai Buure, Are Nakoim a na riai ni kabwaraaki bure, Are Ko kabwarai naba buure ake kabanean te rawawata.

Also in: az, bg, bs, ca, da, de, en, es, fa, fi, fr, hi, ht, hu, hy, iba, id, is, it, ja, ko, lb, lb, lv, nl, no, pl, pt, pt, ro, ru, sk, sne, sne, sne, sne, tet, tl, tvl, uk

AB00388COM

Kabutireirei

O te Atua ae Atua! Buokiiia Am toro aika Ko onimakiniia bwa a na tatangira ma n akoako nanoia. Buokiiia ni kataorababa, i buakioia natannaomata nako n te aonaaba, ootan te kairiiri are e roko man Botakiiia naake a ririeta. Ni koaua, boni Ngkoe te Matoa, te Mwaaka, te Korakora, te Kabanea ni Konabwai, te Tia Angaanga. Ni koaua, boni Ngkoe te Moamoaomata, te Maem, te Raoiroi, ao te Kabanea n Atataiaomata.

Also in: az, bg, ca, da, de, el, en, eo, eo, es, es, fi, fr, ht, hu, hy, is, it, ja, kn, ky, ky, ky, ml, ne, nl, pl, pt, ro, ru, sk, sk, sl, sm, sne, sne, ta, tk, tl, tpi, tpi, tvl, ur

AB00431PIT

Te Buoka ao te Ibuobuoki

O te Uea! Ti bon ngore; kakorakoraira. O te Atua! Ti bon bangabwaa; karikiira bwa ti na ataibwai. O te Uea! Ti bon maiu ni kainnano; karikiira bwa ti na kaubwai. O te Atua! Ti bon mate; kamaiuiira. O te Uea! Ti bon bwainrang; kamimitongiira inanon Am Abaniuea. Ngkana Ko buokiira, O te Uea, ti na bon riki n ai aron itoi aika a otamwaaka. Ngkana Ko aki buokiira, ti na riki n rinano riki nakon te aonnaba. O te Uea! Kakorakoraira. O te Atua! Karikiira bwa ti na tokanikai. O te Atua! Kariaia bwa ti na tokanikai iaon oin nanora ao ni kaakeai ara kaibwabwaru. O te Uea! Kabwaraira man kabaebaen te aonnaba n rabwata. O te Uea! Kamaiuiira man ikeiken te Tamnei ae e Tabu n te aro bwa ti na kona n teirake ao ni beku Ibukim, ni karaoa Neboakim ao ni kakorakoraira inanon Am Abaniuea ma te kokoaua ae e tabwanin. O te Uea, Ngkoe te Korakora. O te Uea! Ngkoe te Nanoanga. O te Uea! Ngkoe te Nanoanga.

Also in: af, az, bg, bi, ca, ch, cnr, da, el, en, eo, es, et, fi, fr, gu, hr, ht, hu, hz, it, ja, lv, mt, ne, nl, pap, pl, pt, ro, ru, sk, sne, sne, sq, sv, sw, ta, tk, tl, tvl

AB00431PIT

Te Buoka ao te Ibuobuoki

Te Uea! Ti nanorawawata, anganiira nanom; ti kainnano, kamenaa i aora te tibwanga man marawan Am kaubwai; ti tangira buokara, Ko na bon karauakiira; ti mangori, anganiira Mimitongim. Mannikiba i eta ao maan n te tawaana a karekei kanaia

Mairoum ni katoa bong ao are a bon bane n reke i aan Am kakaawakin ao Am tangira n tituaraoi.

Tai kamwaawa ae e tangira buokana man Am Raoiroi ae kamiimi ao kawakiniia ni Mwaakam tamnei aika a kainnanao Am Ataataiaomata.

Anganiira kanara n te bong ae koraki ao kariaia rikiraken baika a tangiraki n te maiu aei, bwa e aonga n ae akea ae ti kainnanaoia irarikim, bwa ti aonga n itabon ma Ngkoe ni bwaninra, bwa ti aonga n nakonako ni Kawaim ao ni kaotioti Kamimiim nako. Bon Ngkoe Moan te Mwaaka ao te Aakoi ao te Tia Katituaraoi i bukin te botannaomata.

Also in: af, az, bg, bi, ca, ch, cnr, da, el, en, eo, es, et, fi, fr, gu, hr, ht, hu, hz, it, ja, lv, mt, ne, nl, pap, pl, pt, ro, ru, sk, sne, sne, sq, sv, sw, ta, tk, tl, tvl

AB00963IMP

Botaki n Tamnei

(N te tai are kam rin iai n te ruu ni bowii, anaa te tataro aio ma te manawa ae e bukitabuki n tangiran Te Atua ao te newe ae e itiaki ni kaakeai bwaai ni kabane i rarikin Ururingana, bwa e bia te Kabanea ni Mwaaka n aakoi ni buokingkami ni karekea te tokanikai ae e riao.)

Te Atua ae Atuau! Boni ngaiira Am toro ake ti a tia ni kamwawaira man bwaai ni kabane i Rarikim i nanon te Bong ae e mimitong aei. Ti a tia n ikotaki i nanon te Botaki n Tamnei aio, ni katiteuanaaki n ara taratara ma ara iango, ao ni kaboraoaki aan ara kaantaninga i bukin kamoamoan Am Taeka i buakoia botannaomata. Te Uea, ae Atuara! Karaoiira bwa kanikinaaeen Am kairiiri ni karawa, bwa manuan Am Aro ae e kariatataaki i buakoia aomata, bwa tabonibai i bukin Am mwioko ae korakora. Ngkoe ara Uea ae Moan te Rietaata, bwa kaotiotan Am katiteuana n Atua i nanon Am Abanuea ni Mimitong, ao itoi aika a raneanea n ootanako n aono ni kabane. Te Uea! Buokiira n riki bwa taari aika a ing man naouean Am raoiroi ae e otabwanin, raanga n ran aika a waanako man Am Tabuki aika a moanibaa ni mimitong, uaa aika a raraoi i aon Kain Am Waaki ni karawa, kaai aika a mwaeiei n angin Am Tituaraoi i nanon Am Onaroka ni Kureebe mai karawa.

Te Atua! Karaoi tamneira bwa a na tineia Kibun Am katiteuana n Atua, kakimwareireian nanora n raanganakon Am Raoiroi, bwa ti aonga n ti teuana n aron naoni marawa ae teuana ao n riki ni botaki n aron buraenimatan Am oota ae e raneanea; bwa a aonga ara iango, ara taratara, ara namakin n riki iai bwa koauan aroia ae teuana, ni kaotiota angin te bonnano ni kabutaa te aonaaba. Boni Ngkoe te Raoiroi, te Tituaraoi, te Tia Aanga, Moan te Mwaaka, te Atataiaomata, te Nanoanga.

Also in: bs, de, en, es, fi, ht, id, no, pt, ro, sq, tvl

AB01578

Betebeke

Te Betebeke

Ngkoe Te Atua ae Moan te Itiaki ao te Katoki ni Mwaaka! Bon au Uea Ngkoe ae moan te Aakoi! Anganiira te aeka ni korakora are ti na kona iai ni kaaitarai aeka ni kanganga nako ni katabwanina te aonaaba, ao kariaia anganakira te aeka ni mwaaka teuana are e na tabeki naon ara kekeiaki mwaaka n aron naon Marawan te Betebeke, ni kona n rooti aon biken te itera Mainiku ao te itera Maeao.

Also in: haw, haw, kgf, mi, tpi

AB05367

Te Buoka ao te Ibuobuoki

O te Tia Kakaawakin n Tamnei! Karikibwai ni kabane a bon rereitinako man Am tituaraoi; tai kamwaawaa man ranin Am tituaraoi, ao tai taua mai irouia marawan Am nanoanga. I bubutiko bwa Ko na raonai ao ni buokai n taai nako ao iaan itera nako, ao n ukoukora man karawan Am tituaraoi Am akoi are mangkoa. Bon Ngkoe, ni koaua, Uean te tituaraoi, ao te Tia Tautaeka n abanuean te aki tootoki.

Bahá'u'lláh

N ana reta te Auti ni Motiraoi n te Aonnaba, Naw-Rúz 2020, inanon tain butin te aoraki ae e roota te aonnaba ae te Covid-19, ao e taku:)

"Ti rairaki nakon Ana taeka 'Abdu'l-Bahá, Are oin Maiuna bon te banna ni katoto ibukin babanen Nanona ae e kakeaa i bon Irouna ibukin mauriia aomata tabeman:"

O Te Tia Kataubobonga! Ko na buokiia raao aika a kakannato aikai bwa a na tokanikai ni karekea kukurein Nanom, ao karikiia bwa taan kakatekeraoia ianena ao raao n titebo aroia. Kariniia inanon te aonnaba are e teimatoa n aki totoki; kariaia bwa e na reke nakoia te tibwa man tituaraoi karawa; karikiia bwa kaain te Bahá'í ni koaua, are ni koaua bon mai Iroun te Atua; kamaiuiia man bwaai aika akea uaaia, ao katea aaia ae e matoatoa inanon te koaua. Karikiia bwa taian kanikinaa ao taan kaotiota te Abanuea, itoi aika a otanako i etan oraitanin te maiu ae i nano aio. Karikiia bwa a na riki bwa taan karaunano ao taan kabebete nakoia te botannaomata ao tooro nakon te raoi n te aonnaba.

Also in: de, en, es, gu, ho, ky, ms, nl, sne, sne, sne, sne, tet, tet, tpi

AB05805SER

Botannaomata

Ngkoe ara Uea ae e aakoi! Ko a tia ni karika te botannaomata nako man te riki ae ti te aekana, Ko a tia ni katauia bwa kaain te mweenga ae ti teuana, ao a tei i Matam ae Moan te Tabu, bwa Am toro ao te botannaomata a bane ni kaawakinaki i aan Umwam. Natim a uaia ni botaki i aon Am taibora n ataataiaomata ao n tia n riki n oota man tauran Am bwai ni kakaawakin.

Te Atua! Ko aakoi nakoia ni kabane, Ko a tia ni kakaawakiniia ni kabane. Ko anga te maiu nakoia ni kabane, Ko a tia n anganiia ni kabane aomata te konabwai ao te wanawana ao ni kateboa te botannaomata inanon marawan Am nanoanga.

Ngkoe ara Uea ae e aakoi! Kabooi nanoia Aaro nako ao aaba nako bwa teuana te aba, bwa a aonga n nooriia n tatabemaniia nako bwa te utuuna, ao te aonaaba ae bwanin bwa kaain te mweengana. Bwa a na kona ni kabane ni uaia ni maeka n te boraraoi ae e kororaoi.

Te Atua! Irakea ieta maniuana te botannaomata ae ti teuana.

Te Atua! Katea te Raoi ae Moan te Kakannato.

Ko na katomai, te Atua, nanora ni kabane.

Ngkoe te Tama ae aakoi! Atua! Kakukurei nanora rinanon boiararan Am tangira.

Kaootai matara rinanon ootan Am kairiiri. Kakukurei taningara ma tangin Am Taeka, ao kamanoira ni kamanomanon Am kakaawakin.

Bon Ngkoe te Mwaaka ao te Korakora, bon Ngkoe te Tia Kabwarai-buure ao bon Ngkoe are E mamanuokin aia aki kororaoi botannaomata nako.

Also in: az, bg, bs, ca, de, el, en, eo, ha, ht, hu, hz, iba, is, kl, kn, ky, ky, ky, lb, lb, ml, ms, mt, ne, nl, pl, pt, ro, ru, sk, sm, sne, sne, sq, ta, ta, ta, ta, zh-Hans

AB06528MID

Ingaabong

Atua! I a tia ni uti i nanon Am katantan, ao I a riki bwa teuare e bubutii katanana ni maeka i nanon Am tabo ni kaawakin ma korakoran Am totoko. Au Uea, kaotaa nanou n raoiroin kanoan Bongin Ataakim n ai aron naba ae Ko kaotaa iai au taratara n ootan ngainan Am aakoi.

Also in: af, az, be, bg, bn, ca, cy, da, el, en, eo, fr, gu, hi, hr, ht, hu, hy, hy, hz, hz, id, is, it, ja, ja, kl, kn, ko, ko, ko, ky, lo, lv, ml, ms, nl, no, pl, pt, ro, ru, sk, sm, sm, sm, sq, sv, ta, ta, te, tet, th, tl, tpi, tvl, tvl, tvl, tvl, uk, vi, zh-Hans, zh-Hant, zh-Hant

AB06528MID

Tairiki

(Te tia ukora te Koaua! Ngkana ko tangira kaurean matam n tamnei iroon Te Atua, ko na riai n tangi Nakoina, tataro ao Kaaitaraa n te nukanibong ao kaangai:)

Te Uea, I a tia n taraa Abanueam n te Nano teuana ni moau ao e a bua nanou i nanon marawan Am tangira! Te Uea! Kaotaa matau bwa Nna noora Am oota n roon te tairiki aei, ao kakukureiai ni kanenein Am tangira nakon te roro ae e raoiroi aei! Te Uea, kaongoai n Am wewete, ao kauka mataroan Am karawa i matau, n te burimauniaki nakon Mimitongim ma te katikaki nakon Tamaroam!

Boni Ngkoe te Tia Anga te Aakoi, te Atataiaomata ao te Tia Kabwarai buure.

Also in: af, az, be, bg, bn, ca, cy, da, el, en, eo, fr, gu, hi, hr, ht, hu, hy, hy, hz, hz, id, is, it, ja, ja, kl, kn, ko, ko, ko, ky, lo, lv, ml, ms, nl, no, pl, pt, ro, ru, sk, sm, sm, sm, sq, sv, ta, ta, te, tet, th, tl, tpi, tvl, tvl, tvl, tvl, uk, vi, zh-Hans, zh-Hant, zh-Hant

AB07158

Te Utu

Te Atua ae Atua! Am tabonibai te aine aio e Tabotaboiko, e Onimakiniko, e raira moana Nakoim, ma ni Bubutiiko bwa Ko na kabwaroi Am bwaintituaraoi mai karawa nako aona, ma ni kaotia nakoina Am bwai n tamnei aika a raba, ma ni kaotaa n ootan

Aroarom n Atua.

Au Uea! Kamatairika matan buu te mwaane aio. Ko na kakukureia nanona man ootan Ataakim, Ko na katika ana iango nakon Tamaroam ae oota nako, kabebetea tamneina ni kaotakin Am raneanea aika bati nakoina.

Au Uea! Taeka nako te rabuna are i matana. Kabwaka ni karau Am bwainaakoi aika a bati nako aona, kamangingia ni wainin Tangiram, karikia bwa temanna mai buakoia Am anera ake a toua aon te aba aio ni waeia, ma tamneia ngkanne a kiba rinanon karawa ake rietakaei. Karikia bwa te taura ae e oota mwaaka, are e oota nako n ootan Wanawanam i buakoia aomata.

Ni koaua, boni Ngkoe te Kakaawaki, te Akitoki n Angaanga, Teuare E Ukuuki Baina.

Also in: bs, ca, ch, de, el, en, eo, es, et, fo, fr, fy, ha, ha, hi, hr, hu, hy, iba, iba, id, is, it, kgf, ksd, ky, ky, lb, lv, med, med, mh, ml, mn, mn, mr, ms, ms, naq, ne, ne, nl, no, pl, pt, ro, sk, sk, sm, sne, sne, sq, sv, sw, ta, tet, tl, tpi, tvl, uk, vi, zh-Hant

AB07158

Te Mare

Ngaia te Atua! O te Uea ae akea kabotauana! N Am niniwana ae korakora Ko a tia ni kataua te mare irouia aomata, bwa e aonga n oneaki mwiin te rorona ni botannaomata ma te rorona riki n te aonaaba n rabwata aio, n akea tokina, ai bon maanin tokin te aonaba, bwa aonga ni kona ni katabetabeia n Atibun Am kateuanaaki n te toronaki ao te taromaui, te kinaa, te mataiakinaki ao te nebo. “I aki kariki tamnei ao aomata, ma ibukin are a na Taromaui.” Ngaia are, maare ngkami ni karawan Ana nanoanga naaka mannikiba aika uoman ni ngaon Ana tangira, ao ni karaoia bwa kawain te katikitiki n akoi ae akea tokin ririkirakena; bwa man te ikotaki irouia taari n tangira aika uoman aikai naon te atataiaomata e na uti ao ni kaoti bwaeao aika itiakiruru man tamaroa a na uotaki nakon biken te maiu. “E a tia ni kabwaranakoi taari aika uoua, bwa a na kaitiboaki: Imarenaia bon te oo are aki kona n riaioia. Kakabwaia raa ngkanne ae na aki angani ngkami ami Uea? Mai Irouia n tatabemania E uotirakei bwaeao aika korakora riki ao aika karako riki.”

O Ngkoe te Uea ae akoi! Karaoa te mare aio bwa e na kaotinakoi taian ane ma bwaeao. Bon ngkoe ni koaua te Kabanea ni Mwaaka, te Kabanea ni Korakora, Akea Tokin Ana Kakabwarabure.

Also in: bs, ca, ch, de, el, en, eo, es, et, fo, fr, fy, ha, ha, hi, hr, hu, hy, iba, iba, id, is, it, kgf, ksd, ky, ky, lb, lv, med, med, mh, ml, mn, mn, mr, ms, ms, naq, ne, ne, nl, no, pl, pt, ro, sk, sk, sm, sne, sne, sq, sv, sw, ta, tet, tl, tpi, tvl, uk, vi, zh-Hant

AB07304

Naae a tia ni Mate

O Ngkoe te Atua ae kakabwarabure! Kabwarai ana bure nako tinau ae tatangira, nanoangaia n ana kairua nako, anganna Am taratara ae e akoi man niniwana, ao buokia karekea rinna n Am Abanuea. O te Atua! Man moan bongin maiu e kaireireiai ao e tararuaai, e ngae n anne I bon aki kona ni kaboi mwin korakaina ma ana mwakuri korakora. Kaniwanganna n anganna te maiu ae akea tokina ao karikia bwa e

na karietaaki n Am Abanuea. Ni koaua, Ngkoe te Tia Kabwarabure, te Tituaraoi, ao te Akoi.

Also in: az, be, bg, ca, cnr, co, de, el, en, es, fi, fr, ht, hy, iba, is, lt, mg, nl, pl, pt, ru, sk, ta, tk, tl

AB10275

Te Buoka ao te Ibuobuoki

Tai kamwawaanako, O te Uea, te taibora ni kimwareirei are e a tia ni katauraaoaki inanon Aram, ao tai tiringa te ai ae e ura are e a tia ni kauraaki man Am ai ae e aki maamate. Tai tuuka waanakon Am ran ni kamaiu ae e waawanako ma tangiraoi Mimitongim ao Ururingakim, ao tai kaakeai mai irouia Am toro taian boiarara man karewerewen Kukurein Nanom bwa a na ikeikena boiararan Am tangira.

Te Uea! Onikii taian tatabeakin aika a karawaawata ake irouia Am aomata ake a tabu nakon te karauakaki, aia kanganga nakon te mwengaraoi, kamaemaeakiia nakon te mimitong, nanokawakiia nakon te kukurei ae moan te bati, O Ngkoe are Ko taua inanon Baim kaon te botanaomata ni kabane!

Ngkoe, ni Koaua, Bon Ngaia, n Ti Ngaia, te Mwaaka, te Kabanea n Atatai, te Kabanea ni Wanawana.

Also in: af, az, bg, ca, cnr, da, de, el, en, es, eu, fi, fr, hr, hu, hy, id, is, it, ja, kl, ky, lb, lv, mg, ml, ne, nl, pl, pt, ro, ru, sk, sne, ta, tl, tpi, tvl

AB10714

Ataei

O Ngkoe te Uea ae e Akoi! Ataei aika a rangin tamaroa aikai bon taian karikibwai man bain Mwaakam ao kanikina aika a kamimi ibukin Korakoram. O te Atua! Kamanoia ataei aikai, n Am tituaraoi buokiia bwa a na reiakinaki ao karekea angaraioia bwa a na anga aia beku nakon te aonnaba ni botannaomata. O te Atua! Ataei aikai bon bwaeao, karikiia bwa a na kaikawaaki inanon nanan Am tangira n akoi.

Ngkoe te Kabanea n Tituaraoi, te Moan te Tatangira.

Also in: az, be, bg, bs, ca, da, el, en, es, fa, fr, ht, hu, hy, id, is, ja, kl, ky, lg, lt, med, ml, mn, naq, nl, pl, pt, ro, ru, sk, sq, sw, ta, tet, th, tl, tvl, zh-Hans, zh-Hant

AB11094

Naake a tia ni Mate

Atuau! Ngkoe ae te Tia Kabwarai buure, te Tia Tituaraoi, ao te Tia Kabebetei naano.

I a bubutii Nakoim ma te nanorinano bwa Ko na kabwarai bureia naake a tia ni mate rabwataia, ao tamneia a waerake nakon te maiu are akea tokina.

Te Uea, kaitiakiia man taian bure, katoki raraomaia ao onea te ro ane irouia nakon te oota. Kariniia ni barongan te kukurei, kaitiakiia n te ran are moanibaan te itiaki, ao katauia bwa a na noora Mimitongim ike e moa n te Rietaata.

Also in: af, az, bg, bi, bn, bs, ca, ch, cy, da, de, diu, diu, el, en, eo, es, et, eu, fi, fr, fy, hr, hu, hz, id, ik, is, it, ja, kgf, kj, kl, kn, ko, ky, lg, lv, mg, mh, ml, mr, mt, naq, naq, ne, nl, no, pl, pt, ro, se, sk, sl, sq, srn, st, sv, ta, te, tet, tl, ur

AB11249

Aine

O te Uea! Buoka te nati te aine man te Abanuea bwa e na kariatataaki inanon aonnaba aika uoua; karikia bwa e na tannako man te aonnaba ni bubuntano ae e kai mate aio ao mai irouia naake a tia ni katurua nanoia nako iai ao karekea angaraoina bwa e na reitaki ao ni karekea kaaniana ma te aonnaba are e aki maamate. Angan neiei te korakora ni karawa ao kamatoaa rinanon ikeiken te Tamnei ae e Raoiroi bwa e aonga n teirake ni beku Ibukim. Ngkoe te Kabanea ni Korakora.

Also in: de, en, en, en, es, nl, pt

ABU0003DIS

Kabutireirei

Kaotaki nakoia kaain te Bahá'í n Aonon Maeao

Te maroro ae inano e kona ni warekaki irouia ni katoa bong:

O te Atua! O te Atua! Aio te mannikiba ae mwaoto baina ao kibana e rangi ni karaaurau – buokia n te aro bwa e na kona ni kiba nakon taubukin te tabomoa ao te kamaiuaki, ni kibarakea kawaina ma te kabanea ni kimwareirei ao ni kukurei rinanon te mwaawa ae akea tiana, ni mwemwekaarakea tangiraoin Aram ae te Kabanea n Rietata inanon mwakoro n aono ni kabane aikai, ni kakimwareirei tanninga ma te wewete aei, ao ni kakukurei maata man noorakin taian kanikina ibukin te kairiri.

O te Uea! I bon toara, tii ngai ao man rinano. Irou bon akea te korakora ma tii Mairoum, akea te ibuobuoki ma tii Ngkoe ao akea te tia kaneneai Irarikim.

Kateimatoaai n au beku Ibukim, buokai ma te taanga n anera ake Mairoum, ao karaoui n tokanikai ni kakatanoataan Am Taeka ao kariaiaai bwa Nna taetae iaon Niniwanam ibuakoia Am karikibwai nako. Ni koaua, bon Ngkoe te tia ibuobuoki nakoia aika mamara ao te tia kamanoia aika merimeri, ao ni koaua bon Ngkoe te Mwaaka, te Korakora ao te Aki Kona ni Ineaki.

Also in: az, be, bi, bs, ca, co, cy, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

ABU0003DIS

Kabutireirei

Kaotaki nakoia kaain te Bahá'í n Aonon te United States ao Canada

O te Atua, Atua! Ko noora aron roroon te rotongitong ae rabuni mwakoro n aono ni kabane, aroia ni kabane aono aika a urarake ma ain te kauntaeka, ao ain te buaka ao te tiritiri e a urababa rinanon nako te aono ni Mainiku ao Maeao. Rara a waanako, maate a raea iaontano, taian ata aika korouaaki a bwaka iaon bubuntanon te marae ni buaka.

O te Uea! Nanoangaiia roonano aikai ao taraiia ma te mata n kakabwarabure ao n nanoanga. Tiringa te ai aei, n te aro bwa naang aika matenten aikai aika a rabuna te oraitan a kona ni kauamaeaki, Taain te Oioi e na oota nako ma buraen matan te inanoi, te bwarannao ae ribu e na taekaki ao ootan te raoi ae katekemata e na

kaotanakoa raneaneana iaon aono ni kabane.

O te Uea! Katikiia rake aomata man te nono ni marawa ae akea kabina ibukin te riribai ao te kairiribai, ao kaotinakoia man te rotongitong ae matoaninging niniakina. Kabooi nanoia, ao kaotai mataia ma ootan te raoi ao te inanoi. Kabwaraia man kabin te buaka ao te tiritiri, ao kainaomataia man roon te bure. Kamwaawai rabuna ake imataia, ao kaotai nanoia ma ootan te kairiri. Bwainaorakia n Am nanoanga ae abebete man mwamwannano, ao tai angania are bon riaina ni kaineti ma Am motiraoi ao Am katuua ake a kariki bwain nako te rabwata n rurubenebene.

O te Uea! Buaka a bon reitinako. Kamaraki ao nakonnano a bon korakora rikirakeia ao ni katoai mwakoro n aono aika rangi ni marurung a wene n aki bongana.

O te Uea! A tinebu naano, ao tamnei a kaonaki n te rawawata. Nanoangaia tamnei aika kananonaga aikai ao tai katikuia n aroia man taonakon are bon oin nanoia.

O te Uea! Kaoti nakon Abam aikai tamnei aika kamangori ao n ongotaeka, moaia a otanako ma buraenmatan te kairiri, a koreaki man te aonaba, neboneboa Aram, mwanewenewea Neboam, ao a kauamaea boiararan Am katabuaki ibuakoia botanaomata.

O te Uea! Kakorakorai nukaia, kabaei rooia, ao kaoni nanoia ma kanikinaean Am tangira ae korakora.

O te Uea! Ni koaua, a bon mamara, ao Ngkoe bon te Mwaaka ao te Korakora; akea aia konabwai, ma bon Ngkoe te Tia Buokia ao te Nanoanga.

O te Uea! Marawan te kaitara a uti naoia, ao taian mangaongao aikai a na bon aki taona rongoana ma tii rinanon Am Tamaroa ae Akea Tiana are e rabwatii mwakoro n aono ni kabane.

O te Uea! Ni koaua, aomata a bon mena inanon te nono ni kaibwabwaru ae akea kabina, ao akea riki ae na kamaiuia ma bon tii Am kakabwaia aika akea tokia.

O te Uea! Taenakoa te rotongitong man naano aika bakairae aikai, ao kaotai naano nako ma tauran Am tangira rinanona ike ni kabane aono n te tai ae aki maan a na kaotaaki. Kamatoaia, e a moamoa riki, naake Ko tangiria, naake, a kitani abaia, aia utu ao natiia, a tia, ibukin tangiran Tamaroam, a mwananga nakon aono aika ianena ni kauamaea Am boiarara ao ni katanoatai Am reirei nako. Riiki Ngkoe bwa raoia inanon maroia, aia tia ibuobuoki inanon aaba aika a ianena, te tia kanakoi rawawataia, te tia kamwengaraoia inanon tain te kanganga. Riiki Ngkoe bwa te tia ukiia n te ang ni kamaiu ibukin takaia, te bwai n aoraki ibukin aorakia ao te kabira nakon buen korakain nanoia.

Also in: az, be, bi, bs, ca, co, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

ABU0003DIS

Te Katebwimaruaia ni Bong n Tabu

Te Katebwimaruaiua ni Bong n Toa

O te Atua! Kamaunai nako nikabane erementi ake ngaai bukin reken te aki inanoi, ao katauraoi ibukira bwaai nikabane ake ngaai bukin reken te katiteuanaaki ao te inanoi! O te Atua! Karuo a nako aora Boiarara ni Karawa ao bita te ikotaki aio nakon te ikotaki ni Karawa! Kariaia anganakira bwaai nikabane aika a uaana ao amwarake nikabane. Katauraoi ibukira Amwarake n Tangira! Anganira te Amwarake n Atatai! Kataua nako aora te Amwarake ni Kaotaota ni Karawa!

Also in: az, be, bi, bs, ca, co, cy, cy, da, de, el, en, ht, hu, id, kl, lg, lo, lv, ml, nl, no, pl, pt, ro, ru

ABU0070GAT

Kabutireirei

Kaotaki nakoia kaa in te Bahá'í n Aonon te United States ao Canada

O Ngkoe te Atua ae akea Kabotauana, O Ngkoe Uean te Abanuea! Tamnei aikai, bon kaa in Am taanga ni buaka ni karawa. Buokia ao n raonaki irouia kaa in te Runga mai Ieta, anganiia te tokanikai bwa aonga n riki n tatabemaniia nako bwa ai aron te taanga ni buaka man tauu aba aikai rinanon Ana tangira te Atua ao kaotanakoan taian reirei n tamnei.

O te Atua, riiki Ngkoe bwa aia tia boutoka ao aia tia ibuobuoki ao, n taabo nako aika aki maekanaki, iaon maunga, inanon mwarua, ibuakonikai, inanon tawaana ao riaon marawa, riiki Ngkoe bwa te Tia Onimakinaki irouia bwa aonga n tatarakua, rinanon mwaakan te Abanuea ao ikeiken te Tamnei ae Raoiroi.

Ni koaua bon Ngkoe te Mwaaka, te Korakora ao te Tia Konai Bwaai nako, ao bon Ngkoe te Wanawana, te Tia Ongongo ao te Matairiki.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl, ny, pl, pt, ro, ru, sk, sm, sne, ta, tet, tl, tpi, tvl, uk

ABU0070GAT

Botaki

Ngkoe Te Atua ae te atataiaomata! Ngkoe are Ko korakora ma ni mwaaka! Ngkoe are te Tama ae moan te aakoi! Tooro aikai a tia n ikotaki n rairaki Nakoim, ni bubutii ma te mangori n atiibun Am mataroa, n tangira Am tituaraoi are akea tokina man Am karaunano ae kakannato. Akea aia oi ma ti kukurein Nanom. Akea nanoia bwa ti te beku i bukin ana aonaaba te botannaomata.

Te Atua! An karaneanea te ikotaki aio. Kariki naano bwa a na atataiaomata.

Katoamauiia n Ana tituaraoi te Tamnei ae Raoiroi. Kaburea taekan te mwaaka teuana mai karawa nakoia. Kakabwaiaia n iango ni karawa. Karikirakea kokoauaia bwa aonga iai ngaiia n rairaki nakon Abanueam ma te nanorinano ae bwanin ao te nano maraki ao tabeakinan te beku i bukin ana aonaaba ni botannaomata. A bia ngaiia n tatabemaniia nako n riki bwa taura nenea aika a oota nako. A bia ngaiia n tatabemaniia nako n riki bwa itoi aika a kateke mata. A bia ngaiia n tatabemaniia nako n riki bwa tamaroan matamataia ao kianakon boiarara i nanon Uean Te Atua.

Te Tama ae Aakoi! Aanga Am karaoiroi nako. Tai mwannanoi ara aki rokoraoi. Kataniia i aan Am kamanomano. Tai uring ara bure. Katoki aorakira n Am atataiaomata. Ti bon ngore; Ko bon mwaaka. Bon akea arora; Ko bon kaubwai. Ti bon aoraki; boni Ngkoe te Tia Katoki aoraki. Ti bon tangira buokara; boni Ngkoe te kabanea n tituaraoi.

Te Atua! Kanonoira n Am katoronibwai. Boni Ngkoe te Mwaaka. Boni Ngkoe te Tia Angaanga. Boni Ngkoe te Raoiroi.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl, ny, pl, pt, ro, ru, sk, sm, sne, ta, tet, tl, tpi, tvl, uk

ABU0070GAT

Kabutireirei

Kaotaki nakoia kaain te Bahá'í n Aonon Meangmainiku

Te bubuti ae inano e kona ni warekaki irouia taan reirei ao raao ni katoa bong:

O Ngkoe te Uea ae akoi! Ko na neboaki bwa Ko a tia ni kaota te kawai ae ineti ibukin te kairiri, ni kauki mataroan abanuea ao ni Kaotiko rinanon Taain te Oioi. Nakon te mataki Ko a tia n anganna te noraba; nakon te bonokau Ko a tia n anganna te ongo; Ko a tia ni kamaiua te mate; Ko a tia ni kaubwaia te kainnana; Ko a tia ni kaota te kawai nakoia ake a tia ni mwaninga nako; Ko a tia ni kairia ake a ure riaia nakon mwanibwan te kairiri; Ko a tia ni kariaia te ika ae takaroro bwa e na roko ni marawan te oioi; ao Ko a tia ni kaoia mannikiba aika tiotionako nakon rootin arokan te nanoanga.

O Ngkoe te Kabanea ni Korakora! Bon Am toro ngaira aika kananoanga; ti raroa nako ao ti ririkana Menam irarikira, ti bon takaroroa ranin Am mwanibwa, ti aoraki, ti bwarua Am kakamaiu. Ti nakonako inanon Kawaim ma bon akea ara oi ke oin ara kantaninga ma tii kabutanakoan Boiararam, n te aro bwa tamnei ni kabane a na kona n irakea bwanaaia: O te Atua, “Kairira nakon te kawai ae ineti.”² A bia kaureaki mataia bwa a na nora te oota ao a bia kainaomataaki man rotongitongin te roonnano. A bia ikotaki ni katobibia tauran Am kairiri. A bia taan aki kabwaibwaiaki aikai ni katoaki ma te tibwa. A bia kananoanga aikai n riki n onimakinaki n taekan Kamiimiim.

O te Kabanea ni Korakora! Taraira ma te mata n nanoanga. Anganiira te kamatoaki ni karawa. Kataua nako aora ikeiken te Tamnei ae Raoiroi, n te aro bwa ti na buokaki inanon ara beku Ibukim ao, n ai aron itoi aika raneanea, kaotai mwakoro n aono aikai ma ootan Am kairiri.

Ni koaua, bon Moan te Mwaaka Ngkoe, te Korakora, te Wanawana ao te Nooraba.

Also in: af, ar, az, bg, bs, ca, de, el, en, eo, fr, gu, gu, hu, hy, hy, iba, is, it, kn, ko, ky, ky, lv, mg, mn, mn, mr, ne, ne, ne, nl, ny, pl, pt, ro, ru, sk, sm, sne, ta, tet, tl, tpi, tvl, uk

ABU0129EDU

Ataei

Te Atua! Reireiniia ataei aikai. Ataei aikai bon aroka n Am onaroka, Ueen Am tawaana, rootin Am onaroka. Kabwaka Am karau i aoia; kaootaa Taain te Tamnei i aoia ma Am tangira. Kareiia n Angim bwa a na kaitiakiiia bwa aonga n reireiaki, n rikirake ao ni waakirake ao ni karekea moan tamaroia. Bon Ngkoe te Tia Angaanga! Bon Ngkoe te Tia Ibuobuoki!

Also in: af, az, bg, bi, bs, ceb, ch, cnr, co, cy, da, de, diu, el, en, eo, es, et, eu, fa, fi, fo, fr, ha, haw, hi, hr, ht, hu, hy, hz, is, it, ja, kj, kl, kn, ko, ky, lb, lg, lv, mg, mh, mi, mn, mr, ms, nal, ne, nl, no, ny, pap, pl, pt, ro, se, sk, sm, sq, st, sv, sw, ta, te, tet, th, tl, tpi, tvl, uk, vi, zh-Hans, zh-Hant

ABU0188TUR

Kabutireirei

Kaotaki nakoia kaain te Bahá'í n Aonon te United States ao Canada

Are e mwamwananga nakon iteran mwakoro nako ni kabuta te reirei, iaon maunga, rereua, aaba ao taari ke wareka raoi te bubuti aei:

O te Atua! O te Atua! Ko nora mamarau, rinanou, ao mangoriu imataia Am karikibwai nako; e ngae n anne, I bon katuka au onimaki Iroum ao I teirake ni kabuta nakoia Am reirei nako ibuakoia Am toro aika korakora, ni katan iaon Mwaakam ao Korakoram.

O te Uea! Bon ngai te mannikiba ae mwaoto baina ao e kan kibarakea Am mwaawa ae akea tiana. E na kanga n reke nakoiu aei ma bon tii rinanon Am ibuobuoki ao Am nanoanga, Am kamatoa ao Am ibuobuoki.

O te Uea! Nanoangai ni mamarau, ao kakorakoraai ni Mwaakam. O te Uea! Nanoanga au aki konabwai, ao buokai ni Korakoram ao Kakannatom.

O te Uea! Ngkana ikeiken te Tamnei ae Raoiroi e kamatoa te karikibwai ae bon te kabanea ni ngore, e karekei bwaai ni kabane nakon are tangiria ao ni bwaini bwaai nako ake e nano iai. Ni koaua, Ko a bon tia ni buokia Am toro n taai aika nako ao, e ngae ngke kabanean ngoreia Am karikibwai, kabanean rinanoia Am toro ao kabanean aki kakawaki ibuakoia ake a maeka n te aba, rinanon Am katabuaki ao Korakoram a tia ni moan bwai iaomia kabanea ni mimitong ibuakoia Am aomata ao kabanea ni kakannato ibuakoia botanaomata. Aongkoa ngkekei bon taian manibeti, a riki bwa ai bwanuean mannikiba aika falcons, ao ngkekei ngkoa bon taian ranga n ran aika uarereke, a riki bwa ai taari, rinanon Am tituaraoi ao Am nanoanga. A riki, rinanon Am akoi ae korakora mwaitina, itoi aika raneanea iaon oraitanin te kairiri, mannikiba anene inanon rootin te onaroka ae akea tokina, raian a bekorara inanon buakonikain te atatai ao te niniwana, ao kuua a uaua inanon marawan te maiu.

Ni koaua, bon Ngkoe te Nanoanga, te Mwaaka, te Korakora, ao Katokia Nanoanga.

Also in: ar, bg, ca, da, de, el, en, fa, fi, fo, fr, ht, hy, is, it, ja, kj, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

ABU0188TUR

Kabutireirei

Kaotaki nakoia kaain te Bahá'í n Aonon te United States ao Canada

Ibukiia aika a mwananga i bukin te kabuti reirei nakon taabo nako ma ni mwamwananga n taabo aika a ia-nena; e kona n atonga te tataro aei ni bong ao ni ngaina.

Te Atua, Atua! Ko noorai ngkai e otab-wanini-aki nanou ao ni katikaki nakon Abanueam ae e mimi-tong, n urarake n ain Am tan-gira i buakoia ao-mata, bwa te tia uataeka i bukin Abanueam n taabo aika a bati ao ni ua-maae aikai, ni ko-re-aki man bwaai ni ka-bane ma ti ngkoe, ni kaakeaa te moti-rawa ao te mwen-garaoi, n raroa nako man mweengau are I ma-maeka iai, n riki bwa te tia ti-o-tio n taabo aikai, te ia-nena ae e bwakara aon-tano, ni kari-nanoai i matan at-i-bun Am Mataroa ae e ka-ri-etataaki, n ongeaaba nakon Am karawa ae e ri-etaata mimi-tong-ina, ma n Taromauiiko n auan te tairiki ao n tab-we-nan te ingabong, ao n Bubu-ti-iko man onnon Nakoim n te in-gaabong ao n te tairiki bwa Ko na buokai ri-nanon am titu-araoi ni beku i nanon Am Waaki, ni kataorababaa nako ki-raroa Am reirei ma ni ka-ri-etataa Am taeka n it-eran te aon-aaba aika i mainiku ao i maeao.

Te Uea! Kako-rakora nuukau ao karikai bwa Nna kona ni beku Ibukim ma te nanoko-rakora, ao tai katukai n ti ngai, ni maroaa ao n aki kon-ab-wai n taabo aikai. Te Uea! Kari-aia bwa Nna ireken-rao ma Ngkoe n tain maroaa, ao riiki bwa Raou n taabo aika a ia-nena aikai.

Ni koaua, bon Ngkoe te Tia kam-a-toaia naake Ko bon taku bwa Ko nano irouia ake ko bon tan-giria ao ni koaua, bon Ngkoe te Ko-rakora, te Maiu i bon Irouna.

Also in: ar, bg, ca, da, de, el, en, fa, fi, fo, fr, ht, hy, hy, is, it, ja, kj, kl, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

ABU0188TUR

Kabutireirei

Kaotaki nakoia kaa'in te Bahá'í iaon Canada ao i Greenland

Ko na neboaki Ngkoe, O Atua! Aikai Am toro aika a katikaki nakon boiararan Am nanoanga, a kakiaki man ain te aroka are ura are bon Mairoum n tii Ngkoe, ao mataia a kakukureiaki man taraakin raneanean te oota are otanako mai Sinai are bon Mairoum n tii Ngkoe.

O te Uea! Kabwaranakoi neweia bwa a na atoatongko ibuakoia Am aomata, kariaiia bwa a na taetaekina nako Neboam rinanon Kukureim ao Am tangira n akoi, buokia ma Am tanga n anera, kamatoai nukaia inanon Am beku, ao karaoia bwa kanikinaean nako Am kairiri ibuakoia Am karikibwai.

Ni koaua, bon Ngkoe te Kabanea ni Mwaaka, Taubukin te Rietata, Akea Tokin Am Kakabwarabure, te Kabanea n Nanoanga.

Also in: ar, bg, ca, da, de, el, en, fa, fi, fo, fr, ht, hy, hy, is, it, ja, kj, kl, kl, kn, lv, mt, ne, nl, no, pl, pt, ro, ru, sk, sne, sne, sv, ta, tpi, uk, zh-Hans, zh-Hans, zh-Hant

ABU3291

Botaki n Tamnei

(An botaki ngkami n te kimwareirei ae akea renganana, ao ni moanakin te bowi, atonga te tataro aio):

Ngkoe Uean te Abanuea! E ngae n are rabwatara a botaki ikai, ma nanora a mwaneraoi ni uotakinako n Am tangira, ao ti a tabekaki nako n ootan Moam ae e oota nako. E ngae n are ti ngore ma ti a tataninga kaotiotakin Mwaakam ao Korakoram. E ngae n are ti a kainnano n akea ara bwai ao akea angara, ma ti bon anaanai baike a bobuaka man kaubwain Abanueam. E ngae n are timtim ngaira, ma ti bon tootoom man kabin nanon Am marawa. E ngae ngke ngaira bubuntano, ma ti bon raitiiti man mimitongin Am Taai are raneanea.

Ngkoe ae te Tia Angaanga! Karuoa Am buoka, bwa ni kabane aika a botaki ikai a na riki n tatabemaniia bwa te taura te nenea ae ura, boton te kariirii, te tia weewete nakon Abanueam ake i karawa, bwa n tokina ao ti na karika te aonaaba ae ai moone aio bwa katootongan Am Bwaretaiti.

Also in: az, bi, ceb, en, eo, sne, tvl

ABU3291

Botaki

Te Atua ae E Nanoanga! Tooro aikai a rairaki nakon Am abanuea n ukoukora Am tituaraoi ao am bwai n aakoi. Te Atua! Karikii nanoia bwa a na raoiroi ao n itiaki n te aro bwa a aonga ni kona n butimwaea Am tangira. Kaitiaki ao katabui tamnei bwa e aonga otan Taain te Koaua n otanako irouia. Kaitiakii ao kamwawai maata bwa a aonga n nora Otam. Kaitiakii ao kamwawai taninga bwa a aonga n ongo ana wewete Am abanuea.

Te Uea! Ti bon ngore, ma ko bon korakora. Ni koaua, ti bon kainnano, ma ko bon kaubwai. Ngaira taan ukeuke, ao Ngkoe bon Ngaia are ti Ukoukoriko. Te Uea! Nanoangaira ao kabwarai ara bure, anganira te konabwai ao te nano n tauraoi bwa ti aonga n tau ni butimwaea nanom ao ni katikaki nakon Am abanuea, bwa ti aonga ni moi man Am ran ni kamaiu ae akea tokina, bwa ti na niniaki n ain Am tangira, ao ni kamaiuaki man ikeiken te Tamnei ae e Raoiroi n te tienture ae e ota aio.

Te Atua, Atuu! Karuoa am taratara n tangira n akoi nako aon te ikotaki aio,. Kamanoia n tatabemaniia ao ni kabane inanon Am tararua ao iaan Am kamanomano. Karuoa nako aon tamnei aikai taian kakabwaia ni karawa. Kateboia inanon marawan Am nanoanga, ao kamaiuia n ikeiken te Tamnei ae e Raoiroi.

Te Uea! Anga am buoka ae e tituaraoi ao am kamatoa nako aon te tautaeka ae e motiraoi aio. Te aono aio e wene iaan nuun Am kamanomano, ao aomatana a beku Ibukim. Au Uea! Kataua ibukiia te tibwanga mai karawa ao karekea waanakon Am tituaraoi ao Am mwamwannano ae e taonako man bwakanako. Kataua ibukin te aono ae e kariatataaki aei bwa e na teimatoa te karinerine nako aona, ao kariaia bwa e na karinaki inanon Am abanuea.

Bon Ngkoe te Mwaaka, Kabanea ni Korakora, te Nanoanga ao bon Ngkoe te Tituaraoi, te Akoi ao Uean te Tamaroa ae e aki kona n toki.

Also in: az, bi, ceb, en, eo, sne, tvl

ABU3291

Kabutireirei

Atuau, buoka Am toro aei bwa e na karietaa te Taeka, ao n ekanakoa are akea nanona ao are e kaairua, ni katea raoi te koaua, ni kabutinakoi taian kiibu aika a tabu, ni kaotai te oota, ao ni karika ootan te ingaabong n ingi i nanoia ake a etieti. Boni Ngkoe, ni koaua, te Moamoaomata, te Kabwarabure.

Also in: az, bi, ceb, en, eo, sne, tvl

ABU3291

Kabutireirei

Kaotaki nakoia kaain te Bahá'í iaon Canada ao i Greenland

Taan kauamaea boiararan nako te Atua a kona n atonga te tataro aei ni katoa ingabong:

O te Atua, Atuau! Ko nora te mamara aei e bubuti ibukin te kakorakora ni karawa, te kainnano aei e bwarua kaubwain nako Am karawa, te takaroro aei e korakai nanona nakon mwanibwan te maiu ae akea tokina, te ikuaki aei, e ririkanaa Am berita ni kamarurung rinanon Am nanoanga ae akea tiana are Ko a tia ni motikia ibukia Am toro ake Ko rineiai inanon Am abanuea are ieta.

O te Uea! Bon akea te tia buokai ma bon tii Ngkoe, bon akea umwau Irarikim, ao akea te tia kanuaai ma bon tii Ngkoe.

O au Uea! Kariaiaai bwa Nna kamwawaaki man bwaai nako ma tii Ngkoe, n taua ni kamatoa rabin Am kakabwaia, ni babanennano raoi nakon Am Aro, n tiku ni matoa ao n teimatoa inanon Am tangira ao ni ira raoi are Ko a tia ni koreia inanon Am Boki.

Ni koaua, bon Ngkoe te Mwaaka, te Korakora, Akea Tian Mwakana.

Also in: az, bi, ceb, en, eo, sne, tvl

BB00001KNO

Kataitai ao Kangaanga

Ko ataia ni koaua, Ngkoe Atuau, bwa a bon tia ni bwakarai taian kangaanga man itera nako, ao bon akea ae e kona ni kamaunai ke ni bitii ma bon ti Ngkoe. I ataia ni koaua, bwa ni koauan Tangiram irou, bwa Ko aki kona ni karika te kangaanga bwa e na bwakara te tamnei temanna ma ti ngkana Ko tangiria ni karietaata nnena inanon Am Baretaiti are i eta ma ni kanonoa nanona inanon te maiu i aon te aba aio n nonon Mwaakam ae rotii bwai nako, bwa e na aki katan nakon bwain te aonaaba aei ae akea nanoia. Ko bon ataia ni koaua i aan aroaro nako bwa I nabea riki Ururingam nakon bwainakin ni kabane ake n taian karawa ao i aon te aba.

Kamatoa nanou, Ngkoe Atuau, n Am boraraoi ao n Am tangira, ao kariaia bwa I aonga

ni mwaawa ni botakiia ni kabane ake a Kaitarako. Ni koaua, I kaotia ni Mimitongim bwa akea ae I tangiria i Rarikim, ke iai riki te bwai ae I kainnanoia ma ti Am nanoanga, ke n ingainga nakon te bwai teuana ma ti Am motiraoi. I a Butiiko bwa Ko na kabwarai au bure, ao aia bure naba naake Ko tangiria, n aron are Ko nano iai. Ni koaua, boni Ngkoe Moan te Mwaaka, te Atataiaomata.

Ko bon rangi ni kariatataaki riki Ngkoe, ae Uea ni karawa ma aon te aba, i aon aia nebonebo aomata nako, ao e na mena te raoi i aoia nako Am toro aika a kakaonimaki ao Ko kamimitongaki Ngkoe Te Atua, ae Uean aonaaba ni kabane.

Also in: az, bg, da, de, el, en, es, et, fr, ht, is, ky, lb, nl, pl, pt, ro, se, tl, tvl

BB00018DET

Te Buoka ao te Ibuobuoki

O Atua, au Uea ao Au Mwatita! I a tia ni kamwawaai mai irouia au utu ao ni ukoukora Riroum bwa Nna inaomata man bwaai ni kabane ake a maeka iaon te aba ao n tauraoi n taainako ni butimwaea are e kakukurei i Matam. Anganai bwaai aika a raraoi n te aro bwa e na karikai n inaomata man bwaai nako ma ti Ngkoe, ao kataua nakoiu te tibwanga ae e mwaiti man Am tituaraoi ae akea tiana. Bon Ngkoe, ni koaua, Uean te tituaraoi ae akea tiana.

Also in: am, az, bs, ca, ceb, da, de, el, en, fi, fr, hi, ho, hu, hy, is, ja, kl, lo, mi, ml, mn, nl, pl, pt, ro, ru, sk, sm, sm, sne, sq, ta, tl, zh-Hans

BB00018DET

Te Buoka ao te Ibuobuoki

Ni kaineti ma tabeaiangana nako, ke e kaokioka tebwimaruaiwa te tai:

"Ko norai, O Atua, ni kamwawaaki man bwaai nako ma ti Ngkoe ao n Tauko ni Kamatoako. Kairai, ngkanne, n tabeaiangau ni kabane bwa a na bongana nakoiu ibukin kamimitonga Am Waaki ao karietaan aia karinan taan tangiraki Iroum."

Ke e rinanoa te bwai are e riki ao ni karaoa are e roko n ana iango. Te kaitara mai irouia taan riribai ae e korakora e na bon koaua ni kauki kawai nakon taberan kakabwaia.

Also in: am, az, bs, ca, ceb, da, de, el, en, fi, fr, hi, ho, hu, hy, is, ja, kl, lo, mi, ml, mn, nl, pl, pt, ro, ru, sk, sm, sm, sne, sq, ta, tl, zh-Hans

BB00553

Te Buoka ao te Ibuobuoki

First line: Laude be Thy Name, O Lord, our God! Thou art in truth the Knower

E na kamoamoaaki Aram, O te Uea Atua! Ngkoe ni koaua te Tia Atai bwaai aika a aki noonoraki. Kataua ibukira bwaai aika a tamaroa n aron ae Ko kona ni baireia man Am atatai ae e rabwatii bwaai ni kabane. Ngkoe ni koaua te Uea ae tautaekanii bwaai nako, te Kabanea ni Korakora, Moan te Tangiraki.

Kamoamo ni kabane e bon Nakoim, O te Uea! Ti na ukoukora Am tituaraoi n te Bong are e a tia n rineaki ao ni katuka ara onimaki ae e bwanin Iroum, Are Ngkoe Ara Uea,

Ko na Kamimitongaki, O te Atua! Kataua ibukira te bwai ae e raoiroi ma n tau bwa ti aonga ni kamwaawaira man bwaai ni kabane ma Ngkoe. Ni koaua, Ngkoe te Uea iaon aonnaba ni kabane.

Te Atua! Kabooi mwiin aia mwakuri naake a waaki inanon te taotaona n nano inanon Am bong, ao kamatoai nanoia bwa a na nakonako n aki tibanako inanon kawain te Koaua. Kataua ngkanne, O te Uea, taian bwaintangira aika a tamaroa are e na kona ni kariaia riniia inanon Am Bwaretaiti ae e tabwanin kakukureina. Ko kariatataaki Ngkoe, O te Uea te Atua. Kariaia Am kakabwaia ni karawa bwa a na ruonii mwenga ike kaaina a tia ni Kakoauako. Ni koaua, bon akea ae e Riaom ni karuoi taian kakabwaia n tamnei. Anganako, O te Atua, kaain te runga ake a na kona ni katokanikaiia Am toro aika a kakaonimaki. Ko bon karioi bwaai ake a karikaki rinanon mwaakan Am taeka n Aron ae Ko bon tangiria. Ngkoe ni koaua bon te Tia Tautaaeka, te Tia Karikibwai, te Kabanea ni Wanawana.

Atonga: Te Atua bon te Tia Karaoi bwaai ni kabane. E anga kamarikeaia n te mwaiti ae e taonako nakoia naake E bon kataua ibukiia. Bon Ngaia te Tia Karikibwai, Boton bwaai ni kabane, te Tia Karioi bwaai nako, te Kabanea ni Korakora, te Karaoi bwaai nako, te Kabanea ni Wanawana. Ngaia te Tia Uouotii aara aika moan te rianako rinanon karawa ao aonteaba ao bwaai ake a wene i marenaia. Ni kabane a karaoa are E taku, ao ni kabane taan maeka iaon te aba ao i karawa a neboa Kamoamoakina, ao Nakoina are ni kabane a na Okiria.

Also in: ar, az, ca, da, en, es, et, fi, fr, ht, is, it, ja, kj, mn, nl, no, pl, pt, ro, ru, sk, sne, sne, tet, tet, th, th, th, tvl, vi

BB00553

Kamwaawaaki

Atongnga: Te Atua bon mwiokon bwaai ni kabane. Akea i karawa ke i aon te aba ae e konaa n anga bwaai nako ma bon ti Ngaia. Mangaia ae bon Ngaia Irouna te Tia Ataibwai, te Tia Buokiira ao Ana bwai te Mwaaka.

Also in: ar, az, ca, da, en, es, et, fi, fr, ht, is, it, ja, kj, mn, nl, no, pl, pt, ro, ru, sk, sne, sne, tet, tet, th, th, th, tvl, vi

BB00554

Tabonibain te Waaki

Te ota ao te mimitong, te kamauri ao te kamoamo a na tikuriia Tabonibain Ana Waaki, rinanoia are e a tia ootan te nanomatoa n oota nako mai iai ao e a tia n toronibwai iai te koaua are e kangai mwaakan te rinerine e tiku iroun te Atua, te Mwaaka, te Aki-Eenaki, ao rinanoia e a tia marawan te akoi ni iarake, ao a tia ni buta nako boiararan Ana bwain akoi te Atua, are Ngaia Uean te botannaomata. Ti a Butia – ae Ngaia te Rietaata – bwa E na otangaia rinanon mwaakaia kaain Ana runga, E na kamanomanoia rinanon korakoran Ana tautaeka ao ni buokiia man Korakorana are e aki kokonaaki, are e toka iaon bwaai ni kabane ake a tia ni karikaki. Te mwaaka n uea bon Ana bwai te Atua, are Ngaia te Tia Karika karawa ao Uean te Abanuean Aara.

Also in: af, bg, ca, de, el, en, es, et, ht, iba, is, ky, ky, ky, lb, med, ml, mn, ms, ne, nl, no, pl, pt, ro, ru, ta, ta, ta, tk, tl, tpi, tvl, uk

BB00554

Teimatoa

Kamatoai waera, O te Uea, inanon Kawaim ao Ko na kakorakorai nanora inanon te ongotaeka Nakoim. Rairi moara nakon tamaroan Am katiteuana, ao kakukurei bwanibwanra ma kanikinaean Am katiteuana n tamnei. Katamaroai rabwatara ma kamwarain Am kakabwaia, ao kanakoa mai matara rabunanimatan kaakaraoan ae e bure, ao anganiira mwangkon Am karaoiroi; bwa oioia aomata nikabane a na kona n anenei Neboam i matan te kataratara ibukin Rianakon Taraakim. Kaotiko ngkanne Ngkoe, O te Uea, man Am taetaenikawai ae e nanoanga ao miterion Maium n tamnei, bwa e aonga angin te tataro ae e tabu n ninii tamneira—te tataro ae e na mwemwerake iaon taian taeka ao manintaeka ao n riao i nako aabebeten tangin taian tiribware ao kakarongoa—bwa a aonga bwaai nikabane n ikotaki nakon te aakea i moan kaotiotin otanakon Tamaroam.

Te Uea! Aikai tooro ake a tia n tiku n teimatoa ni matoa ao n nene inanon Am Boraraoi ao Am Tetemanti, ake a tia n taua ni kamatoa nakon roobun te teimatoa inanon Am Aro ao ni kanimwakai baia nakon rabin kamwarain Kakannatom. Buokiia, O te Uea, n Am Karaoiroi, kamatoaia ni Korakoram ao kamarurunga nanoia n ongotaeka Nakoim. Bon Ngkoe te Tia Kabwarai Buure, te Tia Karaoiroi.

Also in: af, bg, ca, de, el, en, es, et, ht, iba, is, ky, ky, ky, lb, med, ml, mn, ms, ne, nl, no, pl, pt, ro, ru, ta, ta, ta, tk, tl, tpi, tvl, uk

BB00621

Teimatoa

Te neboaki ao te kamimitongaki Ngkoe, Te Atua! Kataua bwa e na konaa ni waekoa n ria te bong are rootan Nanoaam ae tabu. Kakukurei nanora man kakain Am tangira ma kukurein Nanom ao anganiira te teimatoa bwa ti na konaa n nano n tauraoi n ongeaaba n Nanom ma Am Moti. Ni koaua Am atatai e rabwati ni kabane bwaai ake Ko a tia ni karikii ke Ko na karikii ao Korakoram ni karawa e ririaon te bwai teuana ke teuana are Ko a tia n taneweia ke Ko na taneweia bwa e na riki. Akea ae e na taromauiaki bwa tii Ngkoe, akea ae e na neboneboaki i Rarikim ao akea ae e na tangiraki bwa tii kukurein Nanom.

N te koaua boni Ngkoe te Tia Tautaeaka ae e moamoa, te Koaua ae riao, te Buoka n te Nibwa ni mate, te Maiu i bon Irouna.

Also in: az, bg, ca, da, de, el, en, es, fi, fr, ht, hu, is, it, ky, mg, ne, nl, no, pl, pt, ro, ru, uk, ur

BB00623

Kataitai ao Kangaanga

Ti Te Atua ke iai ae E konaa ni kanakoi kangaanga? Atongnga: E na neboaki Te Atua. Bon Te Atua Ngaia, ao aomata ni kabane bon Ana toro ake a bane n ira nanon Ana

taeka.

Also in: ar, az, be, bg, bla, bla, bn, bn, bs, ca, ch, chn, cnr, co, cs, cy, da, de, dgz, dih, diu, el, en, es, eu, fi, fj, fo, fr, fy, ga, gu, ha, haw, hi, ho, hr, hu, hy, hz, iba, iba, id, ik, is, it, ja, kgf, kiw, kl, km, kn, kn, ko, ksd, ky, lb, lkt, lkt, lo, lv, meu, mg, mh, mi, ml, mn, moh, moh, moh, mr, ms, nal, ne, ne, no, nv, nv, ny, one, pap, pl, pt, ro, ru, se, se, sk, sl, sm, sne, sq, srn, st, sv, sw, ta, ta, ta, th, tk, tl, tpi, tvl, uk, wam, zh-Hans

BH00009AWA

Te Tataro are e Abwabwaki Ibukin te Katoki Aoraki

Ngaia te Tia Katoki Aoraki, te Tia Kataubobonga, te Tia Ibuobuoki, te Tia Kabwaraibuure Nako, Moan te Nanoanga.

I wewete Nakoim O Ngkoe ae Ko Karietataaki, O Ngkoe ae Ko Kakaonimaki, O Ngkoe ae Ko Mimitong! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Uea, O te Tia Uotiirarake, O te Tia Moti! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Akea Kabotauam, O Ngkoe ae Ko Maiu n Aki Toki, O Ngkoe ae Ti Temanna! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Kamoamoaaki, O Ngkoe ae Ko Tabu, O Ngkoe ae Ko Ibuobuoki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Atai Bwaai ni Kabane, O Ngkoe ae Moan te Wanawana, O Ngkoe ae Moan te Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Nanoanga, O Ngkoe Ae Ko Mwaaka ni Uea, O Ngkoe ae te Tia Angaanga te Kaetieti! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Tangiraki, O Ngkoe Ae Ko Mwannanoaki, O Ngkoe ae Ko Kimwareirei! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Mwaaka, O Ngkoe te Tia Kateimatoai Bwaai Nako, O Ngkoe ae Ko Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe Ae Ko Tautaeka, O Ngkoe ae Ko Maiu bon Iroum, O Ngkoe ae Ko Atai Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tamnei, O te Ota, O Ngkoe ae Moan te Kaotiotaki! Ngkoe te Tia

Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Kainnanoaki irouia aomata nako, O Ngkoe ae Ko Ataaki irouia ni kabane, O Ngkoe Ae Ko Raba mai irouia ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Karabaaki, O Ngkoe ae Ko Tokanikai, O Ngkoe ae Ko Angaanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Mwaaka, O Ngkoe te Tia Ibuobuoki, O Ngkoe te Tia Karabai Bwaai Nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Karaoi Bwaai Nako, O Ngkoe te Tia Karaunano, O Ngkoe Te Tia Kamaunai Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko teimatoa n Ararake, O Ngkoe te Tia Ikoikotiira, O Ngkoe ae Ko Karietataaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Kakororaoi, O Ngkoe ae Ko Aki Kabaebaeaki, O Ngkoe Ae Ko Angaanga Bwaai Nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Tituaraoi, O Ngkoe ae Ko Mwaaka n Tau Bwaai mai iroura, O te Tia Karikibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan ni Kakannato, O Ngkoe ae Moan te Tamaroa, O Ngkoe ae Moan te Tituaraoi! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Motiraoi, O Ngkoe ae Ko Akoi, O Ngkoe te Tia Angaanga Bwaai nako! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Katurutururaoi, O Ngkoe ae Ko Teimatoa n Aki Bibitaki, O Ngkoe ae Moan te Ataibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Moan te Tamaroa, O Ngkoe ae Bongin Ngkoangkoa, O Ngkoe ae Moan te Karietataaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki

Bibitaki!

I wewete Nakoim O Ngkoe ae Moan te Tararuaaki, O Uean te Kimwareirei, O Ngkoe ae Moan te Tangiraki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Akoi nakoia ni kabane, O Ngkoe ae Ko Mwamwannano nakoia ni kabane, O Ngkoe te Tia Angaanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Kamanomano ibukia ni kabane, O Ngkoe te Tia Katantan! O Te Tia Kateimatoai Bwaai ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe te Tia Ibuobuoki nakoia ni kabane, O Ngkoe ae Ko Bubutiaki irouia ni kabane, O Ngkoe te Tia Anga te Maiu! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tia Kaotiotii Bwaai ni kabane, O Te Tia Urui Bwaai ni kabane, O Ngkoe Ae Moan te Nanoanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe Ae Ko Teimatoa ma n Aki Bibitaki!

I wewete Nakoim O Ngkoe Tamneiu, O Ngkoe Au Tangira, O Ngkoe Au Onimaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Te Tia Katoki Taka, O te Uea ae e Rianako Arom, O Ngkoe ae Moanibaani te Kakaawaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Moan te Korakora aron Ururingakim, O Moan te Kakannato Aram, O te Kawai are Mangkoangkoa ae Moan te Korakora! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Moan te Tabotaboaki, O ae Moan te Tabu, O ae Moan te Itiaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tia Kabwaranakoi Bwaai ni Kabane, O te Tia Ibuobuoki, O te Tia Kamwawaira man taian Kabuanibwai! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim, O Raraou, O te Tia Katoki Aoraki, O Ngkoe ae Ko Matennanoaki! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki

Bibitaki, O Ngkoe ae Ko Teimatoa ma n Aki Bibitaki!

I wewete Nakoim O ae Ko Mimitong, O te Tamaroa, O Ngkoe Ae Ko Tituaraoi! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe Are Ko Teimatoa ma n Aki Bibitaki!

I wewete Nakoim O ae Moan te Onimakinaki, O te Tia Tangira ae te Kabanea n Tamaroa, O Uean te Karangaina! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O te Tia Kaura Ain te Tangira, O te Tia Kaotai Taabo nako, O te Tia Uota te Kakukurei! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Uean te Akoi, O Moan te Mwamwannano, O Moan te Nanoanga! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe Are Ko Teimatoa ma n Aki Bibitaki!

I wewete Nakoim O Ngkoe ae E aki Bibitaki Arom, O Ngkoe ae Ko Anga te Maiu, O Ngkoe Boton te Karikibwai ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Nininako bwai ni kabane, O te Atua ae Ko Noori Bwaai ni Kabane, O Uean te Kakarabakau! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe ae Ko Kaotiotaki ma Ko Raba, O Ngkoe ae Ko aki Noraki ma Ko Ataaki irouia ni kabane, O Ngkoe te Tia Rimoa Am Taratara ae Ko Ukoukoraki irouia aomata ni kabane! Ngkoe te Tia Kataubobonga, Ngkoe te Tia Katoki Aoraki, Ngkoe te Teimatoa ma n Aki Bibitaki, O Ngkoe ae Ko Teimatoa ma n Aki Bibitaki!

I wewete Nakoim O Ngkoe Ae Ko Tiringiia taan Tangira, O Atuan te Tituaraoi nakoia ake a buakaka aroia!

O te Tia Kataubobonga, I wewete Nakoim, O te Tia Kataubobonga!

O te Tia Katoki Aoraki, I wewete Nakoim, O te Tia Katoki Aoraki!

O ae Ko Teimatoa ma n Aki Bibitaki, I wewete Nakoim O Ngkoe ae Ko Teimatoa ma n Aki Bibitaki.

Ngkoe ae Ko Teimatoa n Aki Toki ma n Aki Bibitaki, O Ngkoe ae Ko Teimatoa ma n Aki Bibitaki!

Ko Tabu Ngkoe, O Atua! I bubutiko n Am Tituaraoi, ike mataroan Am Akoi ao Tamaroam a kaukakinako ike Temboran Tabum e a tia ni kateaki iaon bwaoniuean te aki totoki; ao man Am nanoanga ike Ko a tia ni kaoia ni kabane ake a karikaki nakon

taiboran Am akoi ao Am bwaintangira; ao man Tamaroam ike Ko kaeka, i bon i Nanom ma Am taeka ae “Eng!” ibukii ni kabane ake i karawa ao iaon te aba, n te aoa are Ueam ao Kakannatom a tei ni kaotaki, n aoan te karangaina ngke mwaakan Am Tautae a kaotaki. Ao I a manga Butiko, rinanon aara aika a tamaroa aikai, rinanon anua aika a kakannato ao a kariatataaki aikai, ao n Uringakim ae moan te Bura i Eta, ao rinanon Tamaroam ae e itiaki ao n akea barekana, ao n Otam ae e karabaaki inanon te auti n rianna ae te kabanea n raba, ao rinanon Aram, are e rabunaki ni kamwarain te karawawataaki ni katoa ingabong ao te tairiki, ni kamanoa te tia uota te Tabureti ae e kakabwaiaki aio, ao are e warekia, ao are e noria, ao are e otabwaniniia te auti are e kawakinaki iai. Ko na kamarurunga, ngkanne, mai iai naake a aoraki, ake a rotaki rabwataia ao ake a kainnana, man taian kanganga ao taian karawawata, man taian kabuanibwai aika a kammaira ao ni kananokawaki, ao rinanon te Tabureti aio Ko na kairia naake a nano iai bwa a na rinnako inanon kawain Am kairiiri, ao ni kawain Am kabwarabure ao Tamaroam.

Ngkoe ni koaua te Korakora, te Kabanea n Taubobonga, te Tia Katoki Aoraki, te Tia Kamanomano, te Tia Angaanga, te Tia Mwamwannano, te Kabanea n Tituaraoi, te Kabanea n Nanoanga.

Also in: af, az, az, bg, ca, da, el, en, es, fa, fr, fy, hi, ht, hy, hy, hz, hz, is, it, lv, mg, mi, ml, ne, nl, pl, pt, ro, ru, sne, sne, tl, tvl, uk, vi

BH00009AWA

Katoki aoraki

Ko kamoamoaki Ngkoe, O te Uea Atua! I bubuti Nakoim, n Aram ae Moanbaan te Tabu are rinanona Ko a tia ni kateirakeia Am toro ao ni katei Am kaawa aika a bubura, ao n Aram aika moan baan te riettaata, ao n Anuam aika moan baan te karineaki, ni buokia aomata bwa a na rairaki nakon Am tituaraoi aika a uuaanao, ao ni kainetii moaia nakon te Autinrianna ibukin Niniwanam. Kamarurung Ngkoe taian aoraki ake a tia ni buakaniia tamnei man itera nako, ao a tia ni katokiia man kainetakin aia taratara nakon te Bwaretati are e wene iaan te katantan are Aram ae e kanuuia, are Ko a tia ni kataua bwa Ueaia aara nikabane nakoia ake i karawa ao nikabane ake iaon te aonnaba. Ko bon mwaaka ni karaoa are Ko kukurei iai. Inanon Baim bon te embwaea ibukii aara nikabane. Akea riki te Atua bwa ti Ngkoe, te Mwaaka, te Wanawana.

Ngai bon te karikibwai ae e kainnana, O au Uea; I a tia ni kanim baiu nakon kamwarain Am kaubwai. I rangin aoraki; I a tia n taua ni kamatoa kaon Am katoki aoraki. Kamwawai man taian aoraki ake a otabwaninii, ao tebokai raoi ma ranin Am karaoiroi ao Am nanoanga, ao kunnikainai ma kunnikain te katabwaninaki, rinanon Am kabwarabure ao Am akoi. Katurua, ngkanne, matau Iaom, ao kaitiakai man te nimtaki nakon bwaai nako ma ti Ngkoe. Buokai ni karaoa are Ko tangiria, ao ni kakoroa bukin are Kukureim.

Ngkoe ni koaua Uean te maiu aei ao are e na roko. Ngkoe, ni koaua, te Tia Kabwarabure n aki toki, Moan te Nanoanga.

Also in: af, az, az, bg, ca, da, el, en, es, fa, fr, fy, hi, ht, hy, hy, hz, hz, is, it, lv, mg, mi, ml, ne, nl, pl, pt, ro, ru, sne, sne, tl, tvl, uk, vi

BH00009HOW

Tairiki

Atuau! Atuau! Nna kanga n rinea matuu ngkai a taratara mataia naake a mate ni kan Nooriko i bukin raureia ma Ngkoe ao Nna kanga ni wene ni motirawa ngkai a maraki n raraoma tamneia naake a Tangiriko i bukin Raroam mairouia?

Au Uea, I anga tamneiu ma rabwatau nakon angatain Mwaakam ao Am kaawakin, ao I a kawenea atuu i aon uningau i nanon Korakoram, ao n tabekia n aron Nanom ma Kukureim. Boni Ngkoe ni koaua te Tia Kamaiu, te Tia Tararua, te Mwaaka, ao Moan te Korakora.

Ni Mwaakam, I aki bubutii i nanon matuu ke n taratarau bwaai nako ma ti ake Ko tangiri. Bon Am toro ngai i nanon Baim. Buokai n Am tangira ni karaoa te bwai are e na kataorababaa boiararan Kakukureiam. Aio ni koaua ae bon au kaantaninga ao aia kaantaninga naba naake a kukurei ni kaan ma Ngkoe. Ko na neboaki, Ngkoe te Uea n aonaaba.

Also in: af, ar, az, bg, bi, bs, ca, ceb, cnr, cnr, cy, da, de, el, en, es, et, fi, fj, fr, ha, hi, hr, ht, hu, hu, id, is, it, kl, kn, ko, lb, lg, lv, mg, ml, nl, no, pl, pt, ro, ru, sk, sq, srn, sv, ta, tl, tvl, zh-Hans

BH00009HOW

Toara ni Bong

Ayyám-i-Ha – Toara ni Bong

Atuau au Ai ao au Oota! Boong ake ko a tia n ingoanii bwa te Ayyám-i-Ha inanon am boki a bon tia ni moanaki O Ngkoe teure Ueia Aara ni Kabane, ao te aki mamatam are am Been ae moan baan te rietata e a tia ni kawenei kaetieti nakoia ni kabane ake inanon abanuean Am karikibwai bwa a na karaoa nanona e a uakaan. I bubuti nakoim, O au Uea, bwa man boong aikai ao mairouia ni kabane inanon te tai ae a bane n tineka kaon am kaetieti nako, ao n taua bain am kanoa n reirei, ni kataua nako aia n tatabemaniia tamnei bwa a na anganaki te tabo inanon Oon am Marae, ao te kaintekateka n te Kaotioti ibukin raneanean Ootan Moam.

Aikai O au Uea, bon am toro ake akea te aananga ni babakaniwai are tauia rikaaki man are ko a bon tia ni karuoi inanon am boki. A bon tia ni boobaraaki Imatan am Waaki, ao ni karekea am boki ma te angimatoa are bungiaiki mai iroum, ao ni karaoa nanon are ko a tia ni koreia nakoia ao rinea bwa a na iria n aron are ea tia ni karuoaki Mairoum.

Ko bon nooria, O au Uea, aroia ni Kinaa ao n taakinakoi ni kabane ake ko a tia Kaoti inanon am Koroboki. Anganiia bwa a na moo, O au Uea, man bain am akoi te ran Mairoum ae akea tokina. Koreia ngkanne ibukin te kabomwi are katauaki ibukina are

e a tia ni kainakoa inanon Marawan ae iai Ngkoe iai, ao ni karekea te wain ae te kabanea ni kangkang n te kaitibo ma ngkoe.

I bubuti nakoim, O Ngkoe Ueia Ueea ao te tia nanoangaiia aika kataorikaakaki ni kataua nakoia raoiroin te aonnaba ae na roko. Koroia ibukia ao moarariki te bwai ae akea irouia am karikibwai ae e a tia ni kunea, ao warekia ibuakoia naake a tia ni katobibiiko ao are e mwamwainging irarikin am Kaintoka-n-uea ni katoai aonnaba n am aonnaba nako. Ngkoe ni koaua, Te Kabanea ni Mwaaka, te kabanea n atatai, te kabanea n ataibwai.

Also in: af, ar, az, bg, bi, bs, ca, ceb, cnr, cy, da, de, el, en, es, et, fi, fj, fr, ha, hi, hr, ht, hu, id, is, it, kl, kn, ko, lb, lg, lv, mg, ml, nl, no, pl, pt, ro, ru, sk, sq, srn, sv, ta, tl, tvl, zh-Hans

BH00009SHE

Te Katoki Aoraki

Atuau, bon katokan aorakiu Aram, ao bon au bwai n aoraki Uringam. Tikum i rarikiu bon au kaantaninga ao Tangiram bon iriau. Bon kamarurungau Am atataiaomata ao otangau n te maiu aei ao ae e na roko. Bon ti Ngkoe te Atataiaomata, Wanawanaia wanawana ao Rabakauia rabakau.

Also in: af, ar, az, be, bg, bi, bn, bs, ca, ch, cnr, cy, da, de, diu, el, en, eo, es, et, fi, fr, fy, hr, ht, hu, hz, id, ik, is, kj, kl, kn, ky, lb, lg, mg, ml, mt, naq, ne, nl, no, ny, pl, pt, ro, ru, se, sk, sne, sq, srn, st, sv, sw, tl, tpi, tvl, vi

BH00009SHE

Katoki aoraki

O te Atua, Atuau! I bubutiko man marawan Am katoki aoraki, ao n otanakon tamaroan Itoiningainan Am tituaraoi, ao n Aram are rinanona Ko bon karauia Am toro, man man te korakora ae e rootii taabo nako man Am Taeka ae e karietaaki ao ni mwaakan Am Kainikoroboki ae moan baan te rietaata, ao man Am nanoanga are e a tia ni kaman kaoti imwain karikaia nikabane ake i karawa ao iaon te aonaaba, ni kaaki mai irou ma ranin Am akoi man taian karawawata ao aoraki, ao man mamaara nikabane ao aki konabwai.

Ko noria, O au Uea, Am tia bubuti aio ae e tataninga ni mataroan Am akoi, ao teuare e a tia ni katuka ana kantaninga Iaom n taua ni kamatoa roobun Am tituaraoi. Tai tukia, I Bubutiko, man bwaai ake e ukoukori man marawan Am tituaraoi ao Itoiningainan Am tangira n akoi.

Ko korakora ni karaoa are Ko tangiria. Akea riki te Atua bwa ti Ngkoe, te Kabwaraibuure, Moan te Tituaraoi.

Also in: af, ar, az, be, bg, bi, bn, bs, ca, ch, cnr, cy, da, de, diu, el, en, eo, es, et, fi, fr, fy, hr, ht, hu, hz, id, ik, is, kj, kl, kn, ky, lb, lg, mg, ml, mt, naq, ne, nl, no, ny, pl, pt, ro, ru, se, sk, sne, sq, srn, st, sv, sw, tl, tpi, tvl, vi

BH00074BLE

Kabutireirei

Kaotaki nakoia kaain te Bahá'í n Aonon Maiaki

Ni kabane tamnei ake a mwananga inanon kaawa aika bubura, kaawa aika uarereke

ao bwariko n auti tabeua n aono aikai ao e katabea ma kakianakoan boiararan te Atua, e na wareka aio ni karaaurau ni katoa ingabong:

O Atua! O Atua! Ko noorai n au kabanea n rinano ao ni mamara, katabeaki ma te mwakuri ae rangi ni korakora, nanomwaaka n irakea Am taeka ibuakoia te mwaiti ae korakora ao ni kauamaea Am reirei nako ibuakoia Am aomata. Nna kanga n tokanikai ma tii man Am ibuobuoki nakoia ao ikeiken te Tamnei ae Raoiroi, buokai n tokanikai man te runga are n Am abanuea ae mimitong, ao kabwaka ni karau nako aou Am kamatoa nako, are bon tii mai iai e kona ni bita te manibeti nakon te ikare, ao te tim n ran nakon taian karanga ao taian taari, ao te atom nakon taian oota ao taian taai? O au Uea! Buokai ma Am tokanikai ae rianako ao korakoram ae kakai, n te aro bwa neweu e na kona n tataekina Neboneboam ma Aroarom nako ibuakoia ni kabane aomata ao e na taonako tamneiu ni wainin Am tangira ao Am atatai.

Bon Ngkoe te Korakora ao te Tia Karaoi Bwaai nako nakon Kukureim.

Also in: be, bla, bla, bs, ca, chr, co, cy, de, dgz, en, et, fa, fr, fy, ga, gwi, gwi, gwi, haw, ht, hu, hur, hur, hur, hur, iba, ik, is, kgf, kiw, kl, km, ksd, lg, lkt, lkt, lt, lut, med, meu, ml, moh, moh, ms, nv, nv, ny, oj, oj, oj, oj, one, pap, ro, se, shh, slh, slh, slh, sm, sq, srn, tet, tk, ttm

BH00074BLE

Tataro aika a Taabangaki

E kakabwaiaaki te tabo, ma te auti, ma te nne, ma te kaawa, ma te nano, ma te maunga, ma te tabo ni katantan, ma te bwanga ni Imatang, ma te mwarua, ma te aba, ma taari, ma te abamwakoro, ma te tawaana, ike e a tia ni taboaki iai Aran te Atua, ma ni kamimitongaki Neboana.

Also in: be, bla, bla, bs, ca, chr, co, cy, de, dgz, en, et, fa, fr, fy, ga, gwi, gwi, gwi, haw, ht, hu, hur, hur, hur, hur, iba, ik, is, kgf, kiw, kl, km, ksd, lg, lkt, lkt, lt, lut, med, meu, ml, moh, moh, ms, nv, nv, ny, oj, oj, oj, oj, one, pap, ro, se, shh, slh, slh, slh, sm, sq, srn, tet, tk, ttm

BH00438

Te Buoka ao te Ibuobuoki

Atua, Maamaten Nanou, Au Uea, Au Tangira! Te newe ra ae e kona n atong au karabwarabwa Nakoim? I bon aki mwemweeuti, Ko bon kautai. I a tia n rairaki nako mai Iroum, Ko kaota te tituaraoi ni buokai n rairaki Nakoim. I riki n ai aron temanna ae e mate, Ko bon kamaiuai ma te ran ni kamaiu. I bon rai, ko a manga kamaiuai ma te raanga n ran man karawan Am taetaenikawai are e a tia ni wawaanako man Ana Kainikoroboki te Kabanea n Nanoanga.

O te Tia Kakaawakin n Tamnei! Karikibwai ni kabane a bon rereitinako man Am tituaraoi; tai kamwaawaa man ranin Am tituaraoi, ao tai taua mai irouia marawan Am nanoanga. I bubutiko bwa ko na raonai ao ni buokai n taai nako ao iaan itera nako, ao n ukoukora man karawan Am tituaraoi Am akoi are mangkoa. Bon Ngkoe, ni koaua, Uean te tituaraoi, ao te Tia Tautaeka n abanuean te aki tootoki.

Also in: af, az, az, bg, bi, bs, ca, ceb, de, el, en, es, et, fr, hi, ho, hr, ht, iba, is, it, kl, kn, ky, lv, ml, mn, ne, nl, pl, pt, ro, ru, sk, sl, sl, sne, sq, sv, ta, th, tl, tvl, uk, ur, vi, zh-Hans, zh-Hans

BH00662FLO

Te Buoka ao te Ibuobuoki

O Ngkoe Atua! I butiko, n Aram ae moan te mimitong, ni buokai ni bwaai ake a na kona ni buoka aia mwakuri Am toro bwa a na rikirake, ao Am kaawa ake a bubura bwa a na baikoa n rikirake. Ngkoe, ni koaua, iai mwaakam iaon bwaai ni kabane!

Also in: ar, be, bi, bn, bs, ch, cnr, cy, da, de, diu, en, es, fi, fr, ho, ht, hu, is, kl, kn, lt, lv, ml, ne, no, pt, ro, ru, sk, sm, sne, sne, sne, sne, sne, sne, sne, sne, sq, sv, tl

BH00662FLO

Te Tataro ae Kabaebae ae Abwabwaki

(Are e tangiria n atonga te tataro aio, ke e tei ao n rairaki nakon Te Atua, ao, ngke e tei i aon ana tabo, e na taraa te angatai ao te angamaing, n aron ae e tataninga Ana nanoanga te Uea, te Kabanea n Nanoanga, te Moamoaomata. Ngkanne ke e atonga aei:)

O Ngkoe aia Uea aara nako ao te Tia karaoi taian karawa! I Butiiko irouia Naake Ngaiia Bongin-Rikiraken Oioim ae e aki nooraki, te Kabanea n Rietaata, te Kabanea ni Mimitong, ni karaoa au tataro bwa te ai are e na kabueki rabunanimata nako ake a kainai man Tamaroam, ao te oota are e na kairai nakon marawan Kaaniam.

(Ke e tabeki baina n ai aron ae e bubuti nakon Te Atua—are e kakabwaiaaki ao ni kariatataaki Ngaia—ao n atonga aei):

O Ngkoe are e kainnanaoia te aonaaba ao are E tangiraki irouia aaba nako! Ko noorai ngkai n rairaki Nakoim, ao n taua Am roobu, are ni kakamwakurina e a tia ni mwaing iai te karikibwai. Boni ngai am toro, Ngkoe au Uea, ao natin Am toro. Ko noorai ngkai I tei n tauraoi ni karaoa are Nanom ao are Ko tangiria, ao n akea te bwai ae I tangiria bwa ti are Kukureim. I Butiiko ni Marawan Am nanoanga ao n Itoi ni Ngainan Am raoiroi bwa e na karaoia Am toro are Ko nano iai ma n tangiria. Ni korakoram are e riaon bwaai ni kabane ake a taekinaki ao n neboaki! O Ngkoe Te Atua, ae Atua! Tai taratarai au kaantaninga ma au mwakuri, ma ko na tara Nanom are e a tia n otabwanini karawa ma aon te aba. N Aram ae Moan te Kakannato, O Ngkoe aia Uea aaba nako! I ti nano n are Ko nano iai, ao n tangira are Ko tangiria.

(Ke katorobubua, ni bobaraaki ni kaboa ramwana ma aontano, e atonga aei):

Ko bon kariatataaki i aon aia kabwarabwara tabeman ma ti Ngkoe, ao akea riki aia atatai ma ti Ngkoe.

(Ke e tei ao n atonga aei):

Karika au tataro, Ngkoe te Uea, bwa te koburakenran ae maiu, are I kona ni maiu iai ni maanin Am tautaeka, ao n Atoatongko ni katoai nako aonaaba ake Am aonaaba.

(Ke e tabeki baina ni bubutii, ao n atonga aei):

O Ngkoe are Mwaawam man naano ao tamnei are a rannako iai, ao n ain Am tangira are e a tia ni urarake te aonaaba ae bwanin! I Butiiko n Aram are rinanona Ko a tia iai ni kateimatoa Am karikibwai, n aki taua nakoiu are bon iai Iroum, O Ngkoe are E

tautaekan aroia aomata! Ko noora te ianena, O Ngkoe au Uea, are e kawaekoa nakon mwengana ae kabanean te rietaata i aan umwan Ueam ao i nanoaan Am tabo n nanoanga, ao ae e aki kororaoi aei ae e ukoukora marawan Am kabwarabure; ao ae e rinano aei botakin Mimitongim, ao te karikibwai ae e kainnano aei ae e kan ataa Kaubwaim. Bon Am bwai te tautaeka n aron are Ko tangiria. I kaotia ma te koaua bwa Ko na bon neboaki n Am mwakuri nako, ao n iraki nanon Am kaetieti, ao n teimatoa n inaomata n Am tua.

(Ke e tabeki baina, ao ni kaokiokia n atonga te Ara are Moan te Kakannato [Alláh'u'Abhá] tenea te tai. Ke e bobaraaki ni katokai baina i aon bubuanwaena i matan Te Atua—Te kakabwaiaaki ao te kariatataaki—ao n atonga aei):

Ko noora, O Ngkoe Atua, aron tamneiu ngke e kamwaingaki i nanon bwain nako rabwatau, ma ingaingana ni kan Taromauriiko, ma nanona ni kan Uringko ao n Neboiko; arona ni kakoauaa are e a tia ni kakoaua iai Newen Am Kaetieti n abanuean Am taeka ao karawan Am atatai. I tangiria, n arou aei, O Ngkoe au Uea, ni Butiiko bwaai ni kabane ake Iroum, bwa I aonga ni kaotiota kainnanou, ao ni kabubura Am kakabwaia ma Am kaubwai, ao ni kona ni kaota mamaarau, ao ni kaotiota Mwaakam ao Korakoram.

(Ke e teirake ao n tabeki baina ni bubuti uoua te tai ni bubutii, ao ni kaangai):

Bon akea Te Atua bwa ti Ngkoe, Kabanean te Mwaaka, te Kabanea n Atataiaomata. Bon akea Te Atua bwa ti Ngkoe, te Tia Katabu, ni kauatabo n te moa ao n te toki. O Ngkoe, Atua! Am kabwarabure are e a tia ni kamatoaai, ao Am nanoanga e a tia ni kakorakoraai, ao e a tia ni kautai Am wewete, ao e a tia ni kateirakeai Nakoim Am raoiroi. Antai ngai, ngkana tiaki, are e na kona n tei ni mataroan kaawan Kaaniam, ke ni katoka matau nakon oota ake a ootanako man karawan Nanom? Ko bon noora, Ngkoe au Uea, te karikibwai ae e rawawata aei ni karebwerebwe ni mataroan Am raoiroi, ao te tamnei ae tiotio nako aei are e ukoukora karaangan te maiu are akea tokina man bain Am kakabwaia. Bon Am bwai te tautaeka n taai nako, O Ngkoe are Uean aara ni kabane, ao au bwai butimwaeen ao te angarake nanou nakon Nanom, Ngkoe te Tia Kariki taian karawa!

(Ke e teirake ao n tabekarake baina tenea te tai, ao ni kaangai):

E korakora riki Te Atua nakon bwaai nako ake a korakora!

(Ke e katorobubua ao, ni kabobaraaka ramwana nako aontano, ao ni kaangai):

Ko bon rangin rietaata i bukin aia nebo naake a kaan Nakoim bwa a na rierake nakon karawan Kaaniam, ke mannikiban nanoia naake a baabanennano Nakoim ni karekean mataroan te kawai n rin Nakoim. I kaotia ma te koaua bwa ko a bon tia ni kamimitongaaki i aon aroaro nako ao n tabu i aon aara nako. Bon akea riki Te Atua bwa ti Ngkoe, te Kabanea ni Kariatataaki, te Kabanea ni Mimitong.

(Ke e tekateka ao ni kaangai):

I kaotia ma te koaua nakon are a tia ni kakoaua iai karikibwai ni kabane, ao te Runga ni Karawa are e rietaata, ao kaain nako te Baretaiti are te kabanea n rietaata, ao i aoia riki bon te Newe are E Mimitong man te Oraitan are te kabanea ni mimitong, bwa boni Ngkoe Te Atua, ao bon akea riki Te Atua bwa ti Ngkoe, ao Teuare E a tia ni kaotaki bon te Kamiimi are e Raba, te Kanikina are e Kakaawaki, are rinanona manintaeka aika B ao E are a tia ni uaia n rarangaaki. I kaotia ma te koaua bwa Teuare Arana are e a tia ni koreaki iroun Kainikorobokin te Kabanea n Rietaata, ao are E a tia ni mwaneweaki n Ana Boki nako Te Atua, Uean te Kaintokanuea are e rietaata ao te aonaaba i nano.

(Ke e kainetia ao n atonga aei):

O Ngkoe are Uean taian maiu nako ao te Tia Bwain bwaai nako aika a nooraki ao aika a aki nooraki! Ko bon noori rannimatau ma nanokaawakiu, ao n ongo au bwaebwaeti, ao tanginiweneiu, ao tangin nanou. Ni Mwaakam! Au kabwaka nako ake a tia n tauai man Kaaniam; ao a tia ni kararoaai au bure man Am botaki ae tabu. E a bon tia Am tangira ni karikirakeai, O Ngkoe au Uea, ao raurenakou Mairoum are e a tia n uruanai, ao raroau Mairoum are I a tia n rootaki iai. I Butiiko ni kawaim nako n te rereua aei, n taeka ake “Bon aei ngai. Bon aei ngai” are a tia n taekinna n te otabwanin aei, ao n ikeiken nako Am Kaotioti, ao karauraun angin nako Ingaabongin Kaotiotam, ni kataua bwa I aonga n tara Tamaroam ao n iri nanon baike i nanon Am Boki.

(Ke e kaokioka atongan te Ara are Moan te Kakannato tenua te tai, ao ni bobaraaki ni katikui baina i aon bubuanwaena, ao e atonga aei):

Te nebonebo Nakoim, O Ngkoe Atua, bwa Ko a tia ni buokai bwa Nna Ururingko ao n Neboiko, ao Ko a tia ni karekea ataakina irou Teuare Ngaia Rikiraken Bongin Am kanikina nako, ao Ko a tia ni karikai bwa Nna bobaraaki i matan Rikiam ni Uea, ao ni kamangorai i matan Arom n Atua, ao ni manga taekin baike a taekinaki n Newen Mimitongim.

(Ke teirake ao n atonga aei):

Te Atua, ae Atua! E a bwaoua nuukau n rawawatan au bure, ao e a uruanai au aki tatabeakin. N te tai are I iangoi iai au mwakuri aika a bubuaka ao Am moamooaomata, e ran nako buroou i nanou, ao e a buro raraau i nanon iau. N Tamaroam, O Ngkoe are E kainnanaoia te aonaaba! I maamaa n tabekaarake matau Nakoim, ao a nuka baiu aika a kariaria n taakin nakon karawan Am kakabwaia. Ko bon noora, Atua, aron rannimatau ngke a tuukai man Uringam ma neboan Aroarom nako aika a raroai, O Ngkoe Uean te Kaintokanuea are e Rietaata ao i aon te aonaaba are i nano! I Butiiko ni kanikinaean nako Ueam ao kamimiin nako Am tautaeka bwa ko na karaoia nakoia ake Ko tangiriia are e na riki bwa Am kakabwaia nakoia, O Ngkoe Uean taian maiu nako, ao e tau i bukin Am raoiroi, O Ngkoe Uean te nooraki ao te aki nooraki!

(Ke e kaokiokia n atonga te Ara are Moan te Kakannato tenua te tai, ao ni katorobubua

ao ni kaboa ramwana ma aontano, ao e kaangai:):

Te nebonebo Nakoim, O Ngkoe Atuara, bwa Ko a tia ni karuoa nakoiira are e na uotiira ni kaniira Nakoim, ao ni kakatauraoi i bukira ma baike a raraoi ake a tia ni karuoaki mai Iroum n Am Boki nako ao Am Reirei. Kamanoira, ti Butiiko, O Ngkoe au Uea, mairouia naake akea nanon aia koaua ma aia katautau aika akea uaaia. Boni Ngkoe, ni koaua, te Korakora, te Kabanea n Ataibwai.

(Ke e tabekarake atuuna, ao ni kainetia n tekateka, ao e atonga aei):

I kakoaua, O Ngkoe Atuau, nakon are a tia ni kakoaua naba iai naake Ko rineia, ao are a tia ni kaota kakoauaan are a tia ni kakoauaa naba naake kaain te Baretaiti are te kabanea n rietaata ao naake a rarauniia Am Kaintokanuea ae mwaaka. Bon Am bwai abanuean te aonaaba ao karawa, Ngkoe Uean aonaaba nako!

Also in: ar, be, bi, bn, bs, ch, cnr, cy, da, de, diu, en, es, fi, fr, ho, ht, hu, is, kl, kn, lt, lv, ml, ne, no, pt, ro, ru, sk, sm, sne, sne, sne, sne, sne, sne, sne, sne, sq, sv, tl

BH00687

Taburetin te Ai

N aran te Atua, Bwain Ngkoa Ngkoa, te Kabanea ni Korakora.

Ni koaua ao nanoia naake a kokoaua a kanaki n ain te raurenako: E nga raitiitin otan Moamoam, O ae Ko Tangiraki irouia aonnaba? Naake a uakaan Nakoim a tia ni kitanaki inanon rotongitongin te urubeke: Enga raneanean ingabongin te manga kaitiboaki ma Ngkoe, O Ae Ko Tangiraki irouia aonnaba?

Rabwataia ake Ko rineia a wene n ruru iaon taian tano i kiraroa: e nga marawan Menam ikai, O te Tia Katiki Nanoia aonnaba?

Baai aika a ingainga a mwemwekaki nakon karawan Am akoi ao Am tituaraoi: E nga karaun Am Angaanga, O te Tia Kaekai aonnaba?

Taan iowawa a tia n teirake ni kakiriwe ni katoai taabo nako: E nga korakoran Am kainikoroboki ae e katabuaki, ae e aki kona ni kaaitaraki, O Ngkoe Te Tia Tokanikai iaon aonnaba nako?

Kaukauia kamea e nene n itera nako: E nga raianin te buakonikai ni Mwaakam, O te Tia Kaetietii aonnaba nako?

Te mwaitorotoro e a tia ni komakii aomata nako: E nga kabuebuen Am tangira, O Ain taian aonnaba?

Te kabuanibwai e a roko n rietaatana: A nga kanikinaean Am ibuobuoki, O Te Tia Kamaiuia taian aonnaba?

E a tia te rotongitong n otabwaniniia angia aomata: E nga otamwaakan Raneaneam, O Otanakon taian aonnaba?

Roroaia aomata a reena nako n te kairiribai: A nga kabaangin Am karekekai, O Te Tia Urui taian aonnaba?

Te kamaemaeaki e a roko ni kabin rinanona: A nga kanikinaean Mimitongim, O

Mimitongin taian aonnaba?

Taian karawawata a tia n kaikuaka te Tia Kaotioti Aram, te Kabanea n Nanoanga: E nga kakukurein Ngainan aomarin Am Kaotioti, O Kakukurein taian aonnaba?

Te nakonnano e a tia ni bwakariia aomata n te aonnaba: A nga kanikinaean Am kakukurei, O te Tia Kakukureia taian aonnaba?

Ko nora Karangainan te Tabo ibukin Am kanikina n rabunaki n taian kaoti aika a riaboro: A nga tabonibain Mwaakam, O Korakoran taian aonnaba?

Te takaroro e a tia n taoniianako aomata ni kabane: E nga karaangan Am tituaraoi, O Te Tia Nanoangaia kaa'in taian aonnaba?

Te mwangainrang e a tia ni kabaeia aomata nako: A nga karabwataakin te kamwawaaki, O Uean taian aonnaba?

Ko nora Temanna ae E Aranaki bwa E Kaairua aio ae E maroaa inanon kakionakoana mai abana: A nga taan kairuwaa ni karawan Am Kaetieti, O Uean Taian aonnaba?

I a tia ni katioaki n te aba ae ianena: A nga kanikinaean Am kakaonimaki, O Te Tia Onimakinaki n Taian aonnaba?

Kammarakin te mate e a tia n tauia aomata nako: E nga utin Am marawa ibukin te maiu ae akea tokina, O Maiun taian aonnaba?

Ana wirikiriki Tatan, e a tia n ikeikenaki nakoia karikibwai ni kabane: E nga nei tewenei n Am ai, O Otan taian aonnaba?

Mangigin te kaibwabwaru e a tia ni kabarekaia angia te botanaomata: A nga ngainan aumarin te itiaki, O ae Ko Tangiraki n taian aonnaba?

Ko nora Temanna ae E Aranaki bwa E Kaairua aio n rabunaki moana n taian mwakuri ni iowawa ibuakoia kaa'in Syria: E nga otanakon Am taura n te karangaina? O Ngkoe Tauran taian aonnaba?

Ko norai ae I katabuaki n taetaenikawai: Ao ngkanne mai ia ae e na bwebwerake Eenikunam, O Naitengkaren taian aonnaba?

Angia aomata a otabwaniniaki n taian katautau ao iango aika akea nanoia: A nga kanikinaean Am kakaonimaki, O Te Tia Kakoaua ibukin taian aomata?

E a bwabwa Bahá inanon marawan te kabuanibwai: E nga te Aake ibukin Am Kakamaiu, O te Tia Kamaiuia taian aonnaba?

Ko nora Ngainan aumarin Am taetaenikawai inanon rotongitongin te karikibwai: E nga taain karawan Am tituaraoi, O te Tia Anga te Ota nakon taian aonnaba?

Tauran te koaua ao te itiaki, te kakaonimaki ao te karineaki, a tia n tiringaki: A nga kanikinaean Unim ni Kabomwi, O te Tia Kamwaingi taian aonnaba?

Ko kona n nora temanna ae e tei n tiambion Ibukim, ke ae ni karau n iangoi bwaai ake a tia ni Bwakaria inanon kawain Am tangira? Ngkai ao e tei moa Au kai-ni-koroboki, O ae Ko Tangiraki n taian aonnaba.

Mwaangan nako te Kai te Rote ni Karawa a wene ni mwaoto ni korakoran ukin angibuakan te katauaki ibukia: A nga taian baena n Am ibuobuoki, O Te Tiambion n taian aonnaba?

Te Ubu aio e raba ibuakon bubun tanon te taetae n aki akaaka: A nga beebeten angin Am nanoanga, O Te Tia Nanoangaia taian aonnaba?

Kamwarain te maiu ae katabuaki e kabarekarekaaki irouia aomata aika a babakanikawai: E nga te kunnikai ae e tabu, O te Tia Katamaroai taian aonnaba?

Marawan te tituaraoi e aki kakamwakuri ibukin aia mwakuri ake a karaoi aomata: A nga naon Am Tituaraoi, O ae Ko Tangiraki n taian aonnaba?

Te mataroa are e kaineti nakon Kaaniam ni Karawa e rokanaki ibukin aia iowawa Am kairiribai: E nga kiingin Am angaanga, O te Tia Kauki Rokan taian aonnaba?

A kababoboaki taian banikai man boitinin angin te kakaaaitara: E nga ngonakon karaun nanging Am tituaraoi, O te Tia Angaanga nakon taian aonnaba?

E karooaki te aonnaba man bubun te bure; A nga beebeten angin Am kabwarabure, O te Tia Kabwarai bureia kaain te aonnaba?

Te Roronrikirake aei e maroaa n te aba ae e urubeke: E nga karaun Am tituaraoi mai karawa, O te Tia angaanga nakon taian aonnaba?

O te Kabanea n Rietaata ni Kainikoroboki, ti a tia n ongo Am kabanea ni karewerewe ni wewete inanon te aonnaba ae akea tokina: Anga taningam nakon te bwai are e atonga Newen te Karietataaki, O Temanna ae E Aranaki bwa E Kaairua n taian aonnaba!

Ke arona bwa akea te mwaitoro, e na kanga kabuebuen Am taeka n teimatoa, O Te Tia Katanoata n taian aonnaba?

Ke arona bwa akea te kabuanibwai, ao e na kanga taain Am taotaonannano n otanako, O Otan taian aonnaba?

Tai bwaebwaeti ibukiaa aika a buakaka. Ko a tia ni karikaki bwa ko na aonnangai ao ni keiakina uotam, O te Tia Taotaonanano n taian aonnaba.

Ai karewerewera Kaotim n te karangaina iaon oraitanin te Boraraoi ibuakoia taan kauekea te kakiriwe, ao Am ingainga nakon te Atua, O ae ko Tangiraki n taian aonnaba.

Iroum ao te baena ibukin te inaomata e unikaki iaon taubuki aika a kabanea n ririeta, ao marawan te tituaraoi e uti, O te Tia Kakukureia taian aonnaba.

Man Tikum i bon Iroum ao Taai n te Katiteuanaaki e otanako, ao man Kanakoam mai abam, aban te Katiteuanaaki e a katamaroaki. Taotaona Nanom, O Ngkoe te Tia Kanakoaki Mai Abam n taian aonnaba.

Ti a tia ni karaoa te kamaemaeaki bwa te kunnikai ni mimitong, ao te kammarakaki bwa katamaroan Am tembora, O te Tia Kamoamoaki n taian aonnaba.

Ko noori nano a onrake n te kairiribai ao tarariaoakiia bon Am Bwai, O te Tia Rabuni
buren te aonnaba.

Ngkana a kia taian kabaang, waakirake! Ngkana a kibanako rabunaia, mwananga
nako! O Ngkoe Te Tia Kaburearo n taian aonnaba.

Ko na tang, ke Nna tang? Ni bon arona, Nna tang ibukin karakoia Am tiambion, O
Ngkoe are Ko karika tanginiwenein taian aonnaba.

Ni koaua ao I a tia n ongo Am Wewete, O Ngkoe ae te Kabanea ni Tangiraki ae Ko
Mimitong; ao ngkai moamoan Bahá e urarake ni kabuebuen taian kabuanibwai ao ma
ain Am taeka ae raneanea, ao E a tia n teirake ma te kakaonimaki n ana tabo ni
kaburearo, ni kariariai Kakukureiam, O Ngkoe te Tia Kataui Bwai nako n taian
aonnaba.

O Ali Akbar, karabwa am Uea ibukin te Tabureti aio are ko kona n ikeikena iai
boiararan Au kamangori, ao n atai bwaai ni kabane ake a Bwakariira inanon kawain
te Atua, te Rangin Tangiraki ibuakon taian aonnaba nako.

Ngkana a bane tooro nako ni wareka ao ni karaua n iangoa aio, ao e na kakiaaki
inanon iaia te ai ae e na kaurarakei taian aonnaba.

Also in: ar, az, bg, bn, bs, ca, da, de, el, en, es, fi, fr, fr, hy, it, kn, lv, mg, nl, no, pl, pt, ru, sv, tl, tvl, ur, vi

BH00778

Te Aki Mamatam

Te mimitong Nakoim, O te Uea Atua! Aikai bong are Ko a tia ni kataua bwa ni kabane
aomata a na katabua te aki mamatam, bwa rinanona a na kona ni kaitiaki tamneia ao
ni kakeaa mai irouia taian kabaebae nakoia aomata ma ti Ngkoe, ao bwa man nanoia e
na kona n rierake te baere e na botau ma nnen Karineam ao ni katauaki nakon
kaintekatekan kaotiotin Am katiteuana. Kariaia, O au Uea, bwa te karemo aio e na riki
n ai aron te karanga are e anga te ran ni kamaiu ao ni kona ni kaotinakoa te anua ni
maiue ae e tamaroa are e Ko a tia ni kaonrakea iai. Rinanona ao Ko na kaitiaka nanoia
Am toro are a tia buakakan te aonnaba ni konaaki n totokoia man rairakiia nakon
Aram ae te kabanea ni mimitong, ao man tiku n aki kamwaingaki ni kaberoroia ao
kakiriweia naake a tia ni kaitarai Am kanikina aika a rangin otanako ake irian kaotin
Am Tia Uarongorongo are Ko a tia ni kanoaia ni Ueam, Mwaakam, Karineam ni Uea ao
Mimitongim. Aikai tooro ake, n te tai are e roko te wewete irouia, a kawaekoaia ni
kaineta Am nanoanga ao a aki totokoaki mai Iroum ni bibitakin ao bwaai aika a riki n
te aonnaba aio ke man tiatianakin aia konabwai n aomata.

Ngai teuare, O Atua, are I kakoaua nakon Am katiteuana, are I kakoaua ae ti temanna
Ngkoe, are I bobaraaki ma te kamangori i matan kaotiotin Rinem ni Uea, ao are I kina
ma moamoau ae e bobaraki tamaroan otanakon tauran Mimitongim ae e rianako. I a
tia ni Kakoauako ngkai Ko a tia ni kariaiakai bwa Nna Kinako, Ngkoe are Ko a tia ni
Kaotiko nako mataia aomata rinanon mwaakan Ueam ao Korakoram. I rairaki

Nakoina, ni kamwawaai n te aro ae e tabwanin man bwaai nako, ao n nimtaki ni kamatoaki nakon kaon Am bwaintangira ao bwaai ake Ko tangiri. I a tia n rabwatii Ana koaua, ao koauan tuua ao reirei ni kabane aika a rangin tamaroa ake a tia ni karuoaki Nakoina. I a tia n aki mamatam ibukin Tangiram ao ibukin uaiakinan Am moti, ao n urua au aki mamatam ma Kamoamoakim iaon neweu ao ni kaboraoia ma are Nanom. Tai karawawataai, O a Uea, bwa Nna warekaki ibuakoia naake a tia n aki mamatam n aoan te ngaina, ao ake n te tairiki a tia ni bobaraaki i Matam, ao ake a tia ni kakeaa Am koaua, n aki kakoauai Am kanikinaa, ni kaokoroia ma Am kakoaua, ao ni kaitarai Am taetaenikawai.

Ko na kauka, O au Uea, matau ao mataia ni kabane ake a Ukoukoriko, bwa ti aonga ni Kinako n oin Matam. Aio Am kaetieti are ti anganaki inanon te Boki are Ko karuoan Nakon Teuare Ko a tia n rinea iaan Am babaire, are Ko a tia ni katebenakoa ni kaineti ma Nanom are Ko tangiria iaia nako Am kairiribai, are Irouna Ko a tia ni kukurei ni kaonrakea ma Ueam, ao Irouna are Ko a tia ni karaka tangirana ao ni mwiokoia ma Am Rongorongo nakoia Am aomata. Ai ngaia are, Ko na kamoamoaki Ngkoe, O Atua, ngkai Ko a tia, rinanon Am tituaraoi, ni kariaia bwa ti na kina Teuarei ao n atai bwaai ni kabane ake a tia ni karuoaki Nakoina, ao n anganira karineara ni karekea rokora irarikin Teuare Ngaia are Ko beritaia inanon Am Boki ao inanon Am Tabureti.

Ko norai ngkanne O Atua, ma moau ae e rairaki Nakoim, n taua ni kamatoa kaon Am tituaraoi ni karawa ao Am akoi, ao n tinea kamwarain Am nanoanga ae e tatangira ao Am tituaraoi aika a wawanako. Tai urua, I bubutiko, au kantaninga ibukin karekean rokou nakon are Ko a tia ni kataua ibukia Am toro ake a tia n rairaki nakon mwakoron Am tabo ao kamanomanon Kaaniam. I kaotia ma te kabwarabure, O Atua, bwa te bwai are e wai mai irou e bon aki botau ma Ueam ao e memeere iaan Kakannatom ni Uea. Ma e ngae n anne ao I ononiiko n Aram are Rinanona Ko a tia ni Kaotiko, inanon mimitongin aran nakoam aika a rianako tamaroia, nakoia karikibwai ni kabane, inanon te Kaotioti aio ike Ko a tia, rinanon Aram ae e ota nako, ni kaotioti Tamaroam, n anganai bwa Nna moi ni wainin Am nanoanga ao n te ninima ae e itiaki are Nanom, ake a tia ni wawanako man angatain Am moti, bwa I aonga ni kona ni katuruturua au taratara nako Aom, bwa e aonga te aonnaba ao bwaai ni kabane ake a karikaki inanona n taraaki irou bwa ai aron te ngaina ae e kai toki are Ko a tia n kataua aki botauna Nakoim ibukin karikakina.

Iaon riki aio ao I bubuti Nakoim, O Atua, ni kabwaka karaun, man karawan Nanom ao nanging Am nanoanga, te baere e na kaitiakira man kammairan boin ara bure. O Ngkoe are Ko Araniko bwa Atuan te Nanoanga! Ngkoe, ni koaua, Moan te Mwaaka, te Kabanea ni Mimitong, te Tituaraoi.

Tai karenakoa, O au Uea, teuare e a tia n rairaki Nakoim, ke ni karawawata teuare e a tia ni katikaki ni kaaniaki Nakoim bwa e na kamwawaki nako ni kararoaaki man Am

tabo. Tai kabwara ana kantaninga te tia Matennanoiko are e a tia ma te ingainga n takini nako baina ni ukoukoura Am tituaraoi ao Nanom, ao tai kaakea mai Iroum Am toro ake a kakaonimaki man tamaroan Am nanoanga ae e tatangira ao Am tangira n akoi. Ngkoe te tia Kabwarai bure ao Moan te Tituaraoi, O au Uea! Ko mwaaka ni karaoa are Ko tangiria. Bwaai ni kabane ma ti Ngkoe bon akea korakoraia i matan kaotiotin Korakoram, a bon bua i matan taian kakoaua ibukin Kaubwaim, bon akea warekakia ngkana a kabotauaki ma kaotiotan Ueam ae e roti tabo nako, ao akea korakoraia ni kabane ngkana a aitara ma taian kanikinaa ao taribin Korakoram. Ia riki te tabo ni kamanomano Irarikim, O au Uea, are Nna kona ni biri nako iai, ao e nga te tabo ni katantan are I kona ni kawaekoai nako iai? Akea te tia kakawakin bwa ti Ngkoe, akea te tabo ae ti kona ni biri nako iai bwa ti Ngkoe, akea te tabo ni kamaiu ae ti na kona n ukoria bwa ti Ngkoe. Karikai bwa Nna katonga O au Uea, karewerewen tamnein Uringakim ao Kamoamoakim. I berita ni Korakoram! Te aomata are e katomamiia karewerewena e na bon kakeaa mai irouna kabaebaeana ni kabane nakon te aonnaba ao bwaai ni kabane ake inanona, ao e na kaitara moana Nakoim, ni kaitiakaki man uringakin temanna bwa ti Ngkoe.

Kaota ngkanne nanou, O Atuau, n Uringakim ae e kakukurei, bwa I aonga ni kamimitonga Aram. Tai warekai ibuakoia naake a wareka Am taeka ao a aki roko n te kunea Am bwaintangira ae e karabaaki are, n aron ae e motikaki mai Iroum, e mena inanona, ao are e kamaiua tamneia Am karikibwai ao nanoia Am toro. Karikai, O au Uea, bwa Nna warekaki ibuakoia naake a tia n rangi ni kamwaingaki ni karewen boiararaia ake a tia n ukukaki inanon Am bong n te aro are a tia n anga maiuia Ibukim ao ni kawaekoia nakon aia tabo ni mate ibukin ingaingan nanoia ni kan kabanea aia tai n taratara Tamaroam ao ibukin korakoran nanoia ni kan karekea rokoia Irarikim. Ao ngkana iai temanna ae e na taekina aio nakoia iaon kawaia, “Ia te tabo ae ko na nako iai?” a na kangai, “Nakon te Atua, te Tia Bwaibwai ni bwai ni kabane, te Tia Ibuobuoki n tain te Kanganga, te Taubobonga i bon Irouna!”

Taian bure ake a tia ni karaoaki irouia naake a tia n tannako mai Iroum ao n tia ni kaota te kamoamo Nakoim a tuai man reke angaia n tukiia naakai man Tangirakim, ao man kainetan moaia Nakoim ao man rairaki ni kaitara Am nanoanga. Aikai naake a tia ni kakabwaiaki iroun te Runga are i Eta, ake a kamimitongaki irouia taan maeka ni Kaawa ake a Bubura ake akea tokiia, ao i akuun riki anne naake i aon ramwaia e a tia te Kainikoroboki are moan te kariatataki ni korobokiia ni kangai: “Naakai! Aomatan Bahá. Rinanoia e a tia ni kaotaaki otan tauran te kairiiri.” Aio are e a tia ni baireaki, man Am tuatua ao Am moti, inanon te Tabureti are e mena iai Am kaetieti ae e aki kona ni kaitaraaki.

Katanoata, ngkanne, O Atuau, rianakoia ao rianakoia naba naake inanon aia tai ni maiu ke imwin mateia a tia n otabwaniniia. Anganiia tibwangaia n te baere Ko a tia ni

baireia ibukiia aika a etieti ibuakoia Am karikibwai. Ko mwaaka ni karaoi bwaai ni kabane. Akea te Atua bwa ti Ngkoe, te Moan te Mwaaka, te Tia Ibuobuoki n tain te Kanganga, Moan te Korakora, Moan te Tituaraoi.

Tai karokoi n tokiia ara aki mamatam ma te tai n aki mamatam aio, O au Uea, ao tai karokoi n tokiia taian boraraoi ake Ko a tia ni karaoi ma te boraraoi aio. Butimwaai bwaai ni kabane ake ti a tia ni karaoi ibukin Tangiram, ao ibukin Kakukureiam, ao bwaai ni kabane ake ti tuai karaoi ibukin tautaekanakira iaan nanora aika a bubuaka ao ni kaibwabwaru. Kariaiakiira ngkanne, bwa ti na teimatoa n nimtaki nakon Am tangira ao Kukurein Nanom, ao kawakiniira man aia mwakuri buaka naake a tia ni kakeweko ao ni kaitarai Am kanikinaa aika a otanako. Ngkoe, ni koaua, Uean te aonnaba aio ao ae e na roko. Akea te Atua Irarikim, moan te Karineaki, Moan te Rietata.

Ko na kamoamoa, O te Uea Atua, Teuare Ngaia Boton te Kakannato, te Miterio n Tamnei, te Oioi ae e aki Nonoraki, Ngainanaumarin te Tamnei, ao Kaotiotin Arom ni Uea, are Rinanona ao taian ataibwai ibukin taai aika a nako ao ataibwai ibukin taai aika a na roko a bane ni kaotaki, are Rinanona ao taian bwaeao ibukin te atatai ae e karabaaki a bane ni katangainaaki, ao miterion Aram ae e tangiraki a kaotaaki, Are Ko a tia n rineia bwa te tia katanoata Teuare Arana a tia ni katomaaki ao ni katiteuanaaki te manintaeka ae B ao te manintaeka ae E, are rinanon Arom ae e Karineaki, Ueam ao Korakoram a riki n ataaki, Rinanom a tia ni karuoaki Am taeka, ao Am tua a kaotinakoaki n teretere ao Am kanikinaa a kabutaki nakon taabo nako, ao Am taeka e a kateakiraai, Rinanom are nanoia naake a rineaki Iroum a katangainaaki, ao ni kabane ake i karawa ao ni kabane ake iaon te aba a bane n ikotaki, Teuare Ko a tia n aranna bwa 'Ali-Muhammad inanon aonnaban Aram nako, ao Tamneia Tamnei inanon Taburetin nako Am tua ae e aki kona ni kauntabaaki, are Ko a tia ni katokaa iaona oin Aram, are nakon Aram ao a tia aara ni kabane iaan am moti ao rinanon mwaakan Korakoram a bane ni kaokaki, ao Rinanom are Ko a tia ni karikii Anuam ao Aram nako bwa a na karokoia n tokin aroia. Ana bwai naba aara ake a karabaaki inanon Umwam aika akea memeaia, inanon Am aonnaba ae e aki kona n nonoraki ao Am kaawa aika a katabuaki.

Ko na kamoamoa, iaon riki bwaai ni kabane, naake a tia ni kakoaua Teuarei ao Ana kanikinaa ao n tia n rairaki Nakoina, mai buakoia naake a tia ni kakoauaa Am katiteuana inanon Am Tia Uarongorongo ae E a tibwa tia ni kaoti – te Tia Uarongorongo are E a tia ni mwaneweia inanon Ana Tabureti, ao inanon Ana Boki, ao inanon Ana Koroboki, ao inanon kiibu nako aika a tamaroa ao taetaenikawai ae ai aron momi ake a tia n ruo nako Aona. Bon te Tia Uarongorongo naba aio are Ana Boraraoi Ko a tia n tuanga bwa E na kateia imwaain ae e katea oin Ana boraraoi. Bon ngaia are E kamoamoaaki inanon te Bayan. Inanona are Tamaroana e a tia ni

kamoamoaaki, ao koauana e a tia ni kateaki, ao Ueana e katanoataki, ao Ana Aro e kakororaoaki. E a kakabwaiaaki teuare e a tia n rairaki Nakoina ao ni kakoroi bukin bwaai ake E a tia n anga Ana kaetieti iaomia, O Ngkoe are Uean te aonnaba ao aia Tangira naake a tia ni Kinako!

Ko na kamoamoaaki, O Atua, ngkai Ko a tia ni buokiira bwa ti na kinaa ao n tangiria. Ai ngaia are, I bubutiko Iroun ao Irouia Naake Ngainanaumarin Tamneim, ao Kaotiotin Ueam, ao Kaubwain nako Am Kaotioti, ao Taan Uouoti Am kairiiri, ni buokiira bwa ti na beku ao n ongeaba Nakoina ao kakorakoraira bwa ti na riki bwa taan buoka Ana Aro ao taan kamaenakoia Ana kairiribai. Ko mwaaka ni karaoa are Ko nano iai. Akea te Atua Irarikim, te Kabanea ni Korakora, te Kabanea ni Mimitong, Teuare E ukoukoraki te ibuobuoki mai Irouna irouia aomata ni kabane!

Also in: af, ar, az, bg, ca, da, el, en, es, fi, ht, is, it, ja, ky, mg, ne, nl, pl, pt, ro, st

BH00778

Tataro ibukin te aki mamatam

Ko na neboaki, O te Atua, Atua! Aikai boong ike Ko a tia n anga te kaetieti nakoia ake Ko rineia, naake Ko tangiria ao Am toro bwa a na taua bukin te Aki Mamatam, are Ko a tia ni karaoia bwa te kaetieti nakoia aomata n Am abanuea, n aron are Ko a tia ni karaoa te tataro ni kabaebae bwa te kaintamwarake ni waerake irouia naake ata Am katiteuana. I Bubutiko, O Atua, man boua ake uaai aika korakora aikai, ike Ko a tia ni kataua bwa te mimitong ao te rine nakoia ni kabane te botanaomata, ni kawakina Am aro bwa e na mano man taian iowawa aika buakaka ao man aia kamwane ni kabane taan burebureaki. O te Uea, tai kaina te oota are Ko a tia ni kaotia rinanon Korakoram ao Mwakam ae Akea Tiana. Buokia, ngkanne, naake a Kakoauako raoi ma te runga ibukia aika noraki ao aika aki noraki man Am kaetieti ao Am tautaeka. Akea te Atua bwa tii Ngkoe, te Korakora, te Kabanea ni Mwaaka.

Also in: af, ar, az, bg, ca, da, el, en, es, fi, ht, is, it, ja, ky, mg, ne, nl, pl, pt, ro, st

BH00987

Te Tataro ae Kabaebae ae Buburatau

Te Tataro ae Kabaebae ae Nuka-n-abwabwaki

E na anaaki ni katoa bong, n te ingaabong, te tawanou ao te tairiki

(Are e kan tataro, e na teboki baina, ao ngke e tabe n teboki, e atonga aei):

Kamatoai baiu, O Ngkoe Atua, bwa e aonga n taua Am Boki ma aron te baabanennano bwa a aonga n akea korakoraia kaain te aonaaba i aona. Kaawakinna, ngkanne, man karaoan baike e aki katauaki iai. Boni Ngkoe, ni koaua, Moan te Mwaaka, te Kabanea ni Korakora.

(Ao ngke e tabe n teboki matana, ke e atonga aei):

I a tia n raira matau Nakoim, O Ngkoe au Uea! Karikia n oota man Moamoam.

Kamanoa, ngkanne, man rairakina nakon temanna riki ma ti Nakoim.

(Ke e teirake, ao ni kaaitara te Qiblih—Boton te Nebonebo, are i Aakora, ao ke e atonga aei):

E a tia ni kaotia Te Atua bwa akea riki Te Atua ma ti Ngaia. Bon Ana bwai abanuean nako te Kaotioti ao te karikibwai. E a bon tia, ni koaua, ni kaotioti Teuare Ngaia Bongin Rikiraken te Kaotioti, are E taetae i aon Tinai, are Rinanona are E a tia ni karikaki te Oraitan ae Kakannato bwa e na oota, ao e a tia n taetae iai Kain te Rote are e aki kona n riaooki, ao Rinanona are e a tia n tabekaki te wewete nakoia ake i karawa ao aika i aon te aba: “Nooria, E a roko Teuare te Kabanea ni bwaibwai. Te aonaaba ao karawa, te mimitong ao te tautaeka bon Ana bwai Te Atua, aia Uea aomata nikabane, te Tia Bwaina te Kaintokanuea are i eta ao n te aonaaba are i nano!”

(Ngkanne, ke e bobaraaki, ma baina ni kawenei i on bubuanwaena, ao n atonga aei):

Ko bon kariatataaki i aon au nebo ao aia nebo naaka i rarikiu, i aon riki au kabwarabwara ao aia kabwarabwara nikabane ake i karawa ao nikabane aika i aon te aba!

(Ngkanne, e tei ma baina aika e taakin, nanon baina n tararake nakon matana, ke e atonga aei):

O Ngkoe Te Atua, tai kabwara nanon teuare e a tia ma tabonibaina ni bubuti, n nimta kaon Am nanoanga ao Am raoiroi, O Ngkoe are Ko bon kaota te nanoanga ao bon Ngkoe te Kabanea n Nanoanga!

(Ngkanne, ke e tekateka, ao n atonga aei):

I kaotia ni kakoaua Am katiteuana ao ae ti temanna Ngkoe, ao bwa boni Ngkoe Te Atua, ao bon akea riki Te Atua temanna i Rarikim. Ni koaua, ko a bon tia ni kaota Am Waaki, ni kakoroa nanon Am Boraraoi, ao ni kaukaa nako mataroan Am raoiroi nakoia nikabane ake a maeka i karawa ao i aon te aba. Te kakabwaia ao te rau, te kamauri ao te mimitong, bwa e na mena i aoia ake Ko tangiriia, ake a tia n aki rootaki man rairakiia nako Mairoum man bibitaki ao angaraoi n te aonaaba, ao n tia n anga bwaai nako, n te kaantaninga ni karekean are iai iroum. Boni Ngkoe, ni koaua, te Kakabwarabure, te Kabanea n Ataataiaomata.

(Ngkana iai temanna are e rineia n atonga te kibu aei nakon are te kibu are e abwabwaki n taekana aei: “E a tia ni kaotia Te Atua bwa bon akea riki Te Atua ma ti Ngaia, te Buoka n te Kanganga, ao te Maiu i bon Irouna,” e na bon tau. Ao n te aro anne, e na bon tau naba ike e mena iai, ngke e tekateka, n rineia n atonga te kibu aei: “I kaotia ma te koaua n Am katiteuana ao n ti temanna Ngkoe, bwa boni Ngkoe Te Atua, ao bon akea riki Te Atua i Rarikim.”)

Also in: af, am, ar, bg, bi, bn, bs, ca, ch, cy, da, de, el, en, eo, es, fa, fj, fr, ha, ht, hu, hy, id, is, it, kl, kn, ky, ky, lo, lv, mg, ml, mn, mn, mr, mt, naq, naq, naq, naq, naq, naq, naq, ne, nl, no, pl, pt, ro, ro, ru, sk, sne, sq, srn, ta, th, tk, tl, tvl, tvl, ur, zh-Hant

Te Tabureti ae Moan te Tabu

(E kona naba n Taekinaki bwa te Tabureti Nakoia Kiritian)

Aio te tabureti ae moan te tabu are karuoaki man te Abanuea ae tabu nakon temanna are e a tia ni kaineta moana nakon Mamatennanon te Aonnaba. Teuare e a tia n roko man karawan te aki totoki, ni kaonaki ma te Mimitong ae moan te rietaata.

N aran te Uea, Te Uea ae moan te Mimitong.

Aio te reta ae moan te kakawaki nakon Teuare e aki keerikaki n ai aron te Atua n taian Rabunanimata n Aara nako, Te Atua are te Tia karika aonnaba ma karawa, Teuare e onrake n te kimwareirei n ana bong nako ana Uea, Te Buoka n te Kanganga, Te Maiu I bon Irouna.

Atonga, O ngkami taan Iriira te Nati! [IESU] Kam a tia ni kaini ngkami mai Irou “Ti ibukin Arau? E aera kam aki karaaurau n iango Inanomi? Ni ngaina ao ni bong kam a tia ni wewete nakon ami Uea te Tia Tautaeka ni Bwaai nikabane, ma ngke e a kaoti man karawan te aki totoki ma Mimitongina ae moan te Korakora, kam rairaki nako mai Irouna ao n iinako man ami aki tatabeakin.

Iango aroia te koraki ake a kauntabaa te tamnei are [Iesu] ngke E roko nakoiia ma te tautaeka ae mataata raoi. A mwaiti Bwaritaio ake a kainiia n okoro n aia tinakaoki nako n Arana n tanginiwenei ibukin raurenakoia mai Irouna, ma ngke a kaukaki mataroan te manga reitaki ao n Oota mai iai Bongin Rikiraken te Tamaroa, ao a aikoa kakoaua te Atua, te Karietataaki, Moaia Mwaaka. A baka n aki kina ao n aki ataia are Kaotina, E bon kaotaki n ana Boki Itaia ao n aia boki naba burabeti ao Taan Uarongorongo.

Akea mai ibuakoia ae e raira moana nakon Bongin Rikiraken te tituaraoi n tamnei, Ti koraki ake a mangori. Ma ni boong aikai, aomata aika iai te mwaaka ma te tautaeka irouia a kamoaiia n Arana.

Ao riki a kauringa Teuare e motika tiringan Iesu. Bon moaia wanawana n ana roro ao i abana, ma Teuare e kakoaua bon te tia akawa. Ongora raoi ao riiki bwa temanna ae kabonganaa raoi ongoraam.

Iango n aron anne, ai mwaitira n taai aikai taan kairiri n ekaretia aika a mwaiti aika a tia n tabui mauia ao ni wewetea te tamnei, ma ngke E kaoti nakoiia rinanon Mwaakan te Koaua ao a baka n aki kaania Nakoina ao tokina a warekaki ma ake a bua kawaiia. Te kimwareirei nakoia akana a kitaniia naakanne ao ni kaineti moaia nakon Teuare ngaia Mamaten nanoia nikabane ake i karawa ao aika iaon te aonnaba. A wawareka te Euangkerio ma a bon aki butimwaea naba te Uea ae moan te Mimitong n aki tabeakina are e a tia n roko ma korakoran Neboana, Mwaakana ao ana tautaeka ae mwamwannano. Ti a tia n roko ibukimi ao n rinanon taian tekebuaka ibukin kamaiuami. Kam biiritana are e a tia ni kareana maiuna ibukin kamaiuami? Maaka te Atua, O ngkami taan iriira te tamnei ao tai touu mwanekaia taan kani maiu n tamnei

bwa a tia ni bua kawaia. N ami katautau kam taku bwa e karaoa oin nanona, E aki ma kairiribai a tia ni kataia ni kakamaaku n aia kabaang ke e ukoukora kamoamoana imwin kabureana n te karabuuti ae e raroanako ma ni kamaroa aei? Bwaina te Motiraoi n am babaire ao tai touu mwanekaia taani Motibuaka. Kaukii mataroan nanomi. Teuare Ngaia te Tamnei E tei i moaia. E aera ngkai kam tauararoa mai iroun Teuare e kataua bwa e na kaani ngkami nakon te tabo ae karaneaneaki? Atonga te koaua, Ti a tia ni kauka nakoimi mataroan te abanuea. Kam na kainii mataroan ami auti i Matau? Aio ni koaua bon te kaairua ae kakurakai.

Ni koaua e a manga tia riki n ruo mai karawa n aron naba ruona mai iai n te moantai. Iango raoi n aki kauntaba are e katanoataa n aroia aomata ake imwaimi ake a totokoi Ana kamataata.

Anne ana kairiri nakoim temanna ae e koaua, ai tera ngke ko namakina koauana. Karaangan Ioretan e a toma ngkai nakon te marawa ae moan te korakora ao te Nati are tatarakua man te mwarua ae e Tabu n atonga; “Aio ngai, Aio ngai, O te Uea ae Atuu.” Ao Tiinai e katobibia te auti, ao te buakonikai ae e urarake e tatarakua, aei teuare Ngaia Mamatentenano E a roko ma te kakannangaki ae e koro raoi’.

Atonga, matakua bwa te Tama e a roko ao baike a tia ni beritaaki nakoimi ibukin te Abanuea a koro bukiia!! Aio te taeka are e karaba te Nati ngke E kangai nakoia ake a katobibia, Kam aki kona ni Kakoauai ke n ataai ngkai, ma ngkai, ma ngke e a koro te tai ao te aoa e a boo, te Taeka e otanako iaon oraitanin ana Kantaninga te Atua. Kaiangoraoi ngkami, O ngkami taan iriira te Nati tai akuuna te rongorongo aei. Taua ao nimtia bwa e raoiroi riki ibukim nakon am bwai nikabane. E a kaan riki nakoia akana a kakaraoa ae e raoiroi. Te aua are ti kakaraba man aia atatai aomatan te aonnaba ma anera aika a nanonaki e a tia ni waaki nako. Atonga, Ni koaua e a tia ni kaotioti Ibukiu ao ngai Ibukina ni koaua bon akea riki ae e nanonna Irarikiu nakon aio. A kakoaua ake a raroai aia iango ao n oota raoi.

E ngae ngke e aki reke warekan kamarakara, Ti kaoiia aomata nakon te Atua, Uean Aara nako. Atonga, Kakorakoraingkami bwa e aonga n reke nakoimi te baere e a tia ni beritaaki n Ana boki nako te Atua ao tai nakonako ni kawain te tia aki ataibwai. Rabwatau e a tia n rinanon te kabureaki bwa kam aonga ni bwara ma ni kabaebaen te rabwata.

Rairi moami ni kaitara Moamoana ao tai tou mwanekaia taani motibuaka. Ni koaua e a tia ni maeka n taabo aika a kiraroa ma ni kamaroa ibukimi, ma ngkami kam maeka n ami baereti nako.

Atonga, kam aki ongo Bwanaan te Tia Kaongoraa n tatarakua man buakonikain te Bayan ni kaongoi ngkami rongorongo aika a kakukurei ibukin rokon ami Uea, Moaia Nanoanga? Noria! E a tia n roko n nuun kamanomanon te kaotioti ae e kaonaki ni koaua aika akea kairuaia, ao koraki ake a kakoaua raoi a taekina rokona bwa ai bon

Rabwatan raoi abanuean te Atua.

E a kabwaia ane e raira moana Nakoina, te kanganga ma te raraoma e na iriira ane e butikoroia ke n nanououa Irouna. Kaongoiia taama ma mitinare; bwa noria! Teuare te Tia Tautaeka E a roko. Otinako mai akuun te rabunanimata n Aran ami Uea, Teuare E karinanoi roroaia aomata nako. Katanoata nakoia te botanaomata Mwaakan ma Mimitongin te Kaotioti aei. Ni koaua, Teuare Tamnein te Koaua E a roko bwa E na kairi ngkami nakon taian koaua nikabane. E na aki taekina are bon taku ma E na taekina are E tuangaki iroun Teuare Moaia Ataibwai ao Moaia Wanawana. Atonga, ae Teuaeie are E a tia ni kamimitonga te Nati ao n Neboa Ana Waaki. Karenakoi, ngkami aomatan te aonnaba baike iroumi ao nimta are E tuangi ngkami Moaia Korakora, Teuare Ngaia te Tia Uota ana mwioko te Atua. Kaitiaki taningami ao kainetii nanomi nakoina bwa kam aonga n ongo te wewete ae moan te kamimi are e a tia n tabekakirake mai Tinai, Kainikatikun ami Uea, Moaia Mimitong. Ni koaua e na kairiko ni kaniiko nakon te tabo ike ko na konaa n namakina tamaroan Otan Moamoana are otanako iaon oraitan ae raitiiti. O ngkami mitinare! Katikui ami beero, ao otinako man ami umwantabu nako. Kam katauaki, n te bong aei, bwa kam na katanoata te Ara ae Moan te Kakannato nakoia aono nako. Kam kukurei ni kaabuingoingo, ao atiibu ma aroka a tatarakua ae te Uea e a roko ni Mimitongina ae moan te korakora !

E tekeraoi ane e ienikuri Nakoina. Ni koaua, E na warekaki ibuakoia ake a na kawakinaki Araia n aki totoki ao ni mwaneweaki irouia te Baronga ni karawa. Anne are e a tia te Tamnei ni kataua inanon te Tabureti ae kamimi aei. Teuare e weteia aomata n Arau, Ni koaua bon mai Irou, ao e na kaota te mwaaka ae e riaon korakoraia kain te aonnaba. Ira kawain te Uea ao tai toui mwanekaia koraki ake a iinako n aia aki kan ongongo, E tekeraoi te tia matu ane e kibe n ana Ang te Atua ao n uti mai ibuakoia maate ao ni kainetii mwanekana nakon Kawain te Uea. Ni koaua, te aomata anne ni katautauana i matan te Atua, ai aron te atiibu ae e kakawaki ao e na warekaki ibuakoia akana a kimwareirei. Atonga ae n te Itera mainiku Otan Ana kaotioti e a tia ni maibi. N te Itera Maeao kanikinan nako Ana tautaeka a kaoti. Iangoa raoi aio inanomi, O ngkami aomata ao tai katotongiia ake a tia n rang ni kaairua n rokon irouia kanuringau, Ma Ana kaumaki Moaia Mwaaka, te Katoki n Neboaki.

Ke kauti matami ana Ang te Atua, Ni koaua e a tia ni kabutaa te aonnaba, E tekeraoi ane e kunea Boiararana ao ni warekaki ma akana a koaua raoi.

O te botaki n Ebikobo! Ngkami bon itoin karawan au ataibwai, Au nanoanga e aki tangira bwakami nako aontano. E a tia au motiraoi ni katanoata ae aei, te baere e a tia te Nati ni baairei bwaai nikabane ake a otinako mai Wiina ae e kokoaua ao e onimakinaki raoi, n aki kona ni bitaki. Ni koaua, taian beero a tia n tatarakua n anenea Arau, ao n tanginiwenei i Aou, ma Tamneiu e tarere kimwareireina, Rabwatan temanna ae e tangiraki e ienikuri nakon te kaibangaki ao atuuna e ingainga nakon te

kainiwai, inanon kawain Moaia Nanoanga.

Korakoran mwaakan te tia Motibuaka e aki kona ni bitia man ana kantaninga, Ti a tia ni weteia karikibwai nikabane bwa a na roota ike e mena iai ami Uea, Kingin Aara nako. E a kabwaia ane e kaineta moana nakon te Atua, Uean te bong ni motikitaeka. O te botaki n Tama! Ngkana kam kataua bwa kam na Iriirai, Nna kariki ngkami bwa taan bwaibwai n Abanueau, ma ngkana taan kaitaraai ngkami, Nna rinanon te karawawataaki ma te karaunano, ma ni koaua Bon Ngai te Mwamwanuokin buure ao Moaia Nanoanga.

O te Aba ae Tiiria, tera ae riki nakon etietim ? Ni koaua ko a bon tia ni karietataaki ni mwanekan am Uea, Ko a tia n namakina boiararan te kaaitibo ni karawa, ke kan warekaki bwa taan aki mumuuti?

Betereem e a kakibeaki n Angin te Atua. Ti Ongo Bwanaana ae e kangai, Te Uea ae moan te tituaraoi ! E tei iia Mimitongim ae moan te korakora ? Bukarewerewen Rokom e a tia ni kautai, imwiin ingunakou man raurenakou mai Iroum. Ko na Neboaki bwa Ko a tia n irakei rabunanimata ao n roko ma te mwaaka ae e teretere Mimitongina. Ti weweteia mai akuun Baonikarean te kakannangaki ao te Tamaroa.

O Betereem te Ota aio E teirake man te Itera Mainiku ao E borau rio nakon te Itera Maeao ao n roko iroumi n tairikin Maiuna, Tuangai ngkanne! A kinaa te Tama Naati, ni butimwaia, ke a totokoia n aroia naba n totokoa Iesu ni moan rokona? Mai ikanne ao e taekina ae e kangai! Ni koaua, Moaia Ataibwai Ngkoe ao te Atai aron Bwaai nikabane. Ni koaua, Ti noori karikibwai nikabane ni mwaing bwa a na kakoauaira. Tabeman a ataira ao a kakoauaira, ma angiina a kakoaua ma a aki Ataira. Maungan Tiinai e a kibe ma te kukurei n Noran Moara e a tia n tabekarake Bwanaana ae e kakateke ke ni kamimitonga ana Uea, N atonga ae O te Uea! I namakina boiararan Am Kamwarai. I kakoaua bwa Ko bon kaan, ao Ko kaonaki ma Ana kanikina nako te Atua. Ko a tia ni karietaatai taabo aikai ni Mwanekam. A kabwaia Am aomata, ma tera ngke a kinako ao ni kerakea Am tituaraoi, ao te tekebuaka nakoia akana a reitanako matuiia. Ko na kukurei ngkoe are ko raira moam Nakoiu, n aron tiam n taekanako te rabunanimata, ao n urubekea maten nanom ao n tia ni kinaa am Uea ae akea tokina. Aomatan te Koran a tia n teirake ni Kaitaraira n akea aia koaua aika a teretere raoi ao ni kammarakiira ni katoa tai n ae e boou. Aia katautau ni kammarakara irouia bwa a na kabwarai nanora. N te koaua e bon rangi ni matebuaka are a katautaua. Ni koaua, ami Uea Bon Ngaia are e bairea are E bon nano iai.

I tuai man rirarikin te oina te kai n aki taekinna mai nanou nakoia aei: Ai tera ngke ko koreaki n Arau, ao ni katineaki Rabwatau iaom? Ti kaota te kibu ae nakon Tebitora nakon Uean Bootia bwa kaanga te kauring nakoia kain Aaro nako. Ni koaua, Te Uea bon te ataibwai, te Wanawana. Tai nanokawaki ni baike a karaoi aika a buakaka, ni koaua bon akea okoroia ma maate, ao a aki maiu, katikuia nakoia maate, ao raira

moam nakon Teuare Ngaia te Tia Anga te maeu nakon te aonnaba. Tarataraiako bwa a na aki kananokawakiko aia taeka taan aki mumuuti. Kanene waem n te Aro, ao reireiniia aomata ma te wanawana. Anne Ana kaetieti nakoim te Tia Tautaeaka iaon aba ao i karawa. Ngaia ni koaua Moan te Mwaaka, Moaia Tituaraoi. N te tai ae e aki maan ao te Atua e na neboa uringam ao ni kabwarabwara ni kainikorobokin te Mimitong baike ko a tia n tataekin ibukin Ana tangira. Ni koaua, bon Ngaia te Tia Kamanoiia aika a kakaraoa ae e raoiroi.

Anga Au Ururing nakon temanna ae arana Murad ao kangai! Ko a kabwaia ngkoe Murad bwa ko a tia n taobarai baike ko tatangiri ao n tia n iriira, Teuare Ngaia Mamatennanon te botannaomata, Atonga, E a kabwaia te tia matu ane e uti n Angiu. E a kabwaia te mate ane e uti n Ikeikeu ae e kamarurung. E a kabwaia ane e rauaki matana n taraakin Tamaroau. E a kabwaia te tia mwananga ane e na kainetii mwanekana nakon baonikarean Mimitongiu ao Au Tituaraoi. E a kabwaia ane e uruaki nanona ao n ukora katanana ian nuun Au katantan.

E a kabwaia ane e kaaki tinanikubekana ibukin Tangirau ao ni karekea kanana n te taibora n baka are I a tia ni karuo a man karawan te atataiaomata ibukiia ake I rineiia. E a kabwaia ane e kamangoraki ao n nimta kaon Mimitongiu, Ao ane kainnano are e rinnako iaan nuun Au kaubwai. E a kabwaia ae nano ana ukeuke man koburaken ranin Au ataibwai, Ao te tia aki tatabeakin ane e nimta kaon Ururingau.

E a kabwaia ane e a tia ni kamaiuaki ni kakamaiun Ikeikeu ao n tia ni kariaiakaki rinna ni karawan Abanueau. E a kabwaia te aomata ane e a tia ni katonga te manga kaitibooaki ma Ngai ni kakibea nanona ao n tia ni katikia ni kaniia nakon Bongin Rikiraken Au Kaotioti.

E a kabwaia te taninga ane e a tia n ongo ma te newe are e a tia ni kakoaua ao te mata are e tia n noora ma ni kinaa Teuare bon Ngaia te Uea n arona ni koro ni Mimitong ao ni kakatika, ao ni kaonaki n te kakannangaki ao te kakannato n tautaeaka.

A kabwaia akana a tia ni mena Irarikina, E a kabwaia te aomata ane e ukoukora raun nanona man Itoiningainan Au Taeka. E a kabwaia ane e unekenekea atuna ni baun tautaeakan Au Tangira. E a kabwaia ane e a tia n ongo Rawawatau, ao n tia n teirake ni Buokai. E a kabwaia ane e a tia ni kawenea maiuna ni Kawaiu ao n tia n rinanon kammaraki aika a mwaiti kurikuri ti ibukin Arau. E a kabwaia te aomata ane e kakoaua au Taeka, ao n tia n teirake mai ibuakoia maate ni karinea Neboau. E a kabwaia ane e a tia ni kaonaki ma te kimwareirei ni kamimiin ma tangiraoin Bwanaau ao n tia n taeki rabunanimata rinanon korakoran Mwaakau.

E a kabwaia ane e tiku ni kakaonimaki nakon au Boraraoi, ao n aki kakerikaakaki man rootan Au O ae tabu ni bwain nako te aonnaba, E a kabwaia ane e a tia kamwaawa man bwaai nako Irarikiu, ao ni kikibakiba ni karinanin Au Tangira, ao n tia ni kariaiakaki rinna n Abanueau, n taraa Abanueau ae e mimitong, ni moo n ran ni

kamaiun Au Tituaraoi, ao n tia ni kangaea ni karawan karaangan Au tatangira ae e taturaaoi, ni kakataneia ma Au waaki ni kunei baike I a tia ni karabai inanon Nnen kaubwain Au taeka nako, are e a tia n Ootanako man Oraitanin te Atatai ni karawa ni katabea ma Neboau ao Kamimitongau. Ni koaua, Bon mai Irou ngaia. Ke e mena iaona Au Nanoanga, Au Mwamwannano, Au Tituaraoi, ao Mimitongiu.

Also in: am, ar, az, bg, ca, ceb, da, de, el, en, es, fi, hu, is, kl, nl, pl, pt, ro, sk, sq, tvl, zh-Hant

BH01026

Tabureti Ibukin Te Tia Borau ae Tabu

“Kamatebwaia te Tabureti ibukin te Holy Mariner bwa ko aonga n at ate koaua, ao karaua iangoia bwa te Tamaroa Ae E Kakabwaiaki E a tia n taetae ni burabeti n tabwaninna taekan bwaai aika a na riki nakon taai aika a na roko. A riai naake a noraba n taua bwa te kauring nakoia.” ’Abdu’l-Bahá

Ngaia te Tituaraoi, Moan te Tangiraki! O Mariner ae e Tabu!

Tuanga am ake ibukin te aki totoki bwa e na kaoti i moan te Runga Ni Karawa are moan te Tabu,

E na kamimitongaki au Uea, te Kabanea ni Mimitong!

Kabwakaa iaon taari are ngkoangkoa, rinanon Arana, te Kabanea ni Kamimi,

E na kamimitongaki au Uea, te Kabanea ni Mimitong!

Ao kariaia riniia anera n tamnei, rinanon Aran te Atua, Moan te Rietata,

E na kamimitongaki au Uea, te Kabanea ni Mimitong!

Kabwaraa roona, ngkanne, bwa e aonga ni borau iaon marawan te mimitong,

A na kukurei kaaina ni karekea rokoia nakon nnen kaanian te tabo are akea tokina.

E na kamimitongaki au Uea, te Kabanea ni Mimitong!

Ngke a tia n roko ni bikenae e e tabu, are mataniwiin biken taari are e mata uraura,

E na kamimitongaki au Uea, te Kabanea ni Mimitong!

Tuangiia bwa a na mwananga nako ao ni karekea nakoia te karinan ae e aki kona n noraki ae man te itera n tamnei,

E na kamimitongaki au Uea, te Kabanea ni Mimitong!

Te karinan are i nanona E a tia te Uea inanon Ain Tamaroana ni kaoti inanon te kai ae e aki kona ni mamate,

E na kamimitongaki au Uea, te Kabanea ni Mimitong!

Ike naake a rabwatana Ana Aro a kaitiakiia bon mai irouia ao bwaai ake a tangiri,

E na kamimitongaki au Uea, te Kabanea ni Mimitong!

N otabwaninia are Mimitongin Moote e bon katobibiia ma te runga ake a maiu n aki toki,

E na kamimitongaki au Uea, te Kabanea ni Mimitong!

Are inanona ao Bain te Atua E kaienakoa man bwabwan Kakannatona,

E na kamimitongaki au Uea, te Kabanea ni Mimitong!

Are inanona aaken te Aro e a tiku n aki kakamwakuri e ngae ngke nakoia kaaina a katanoataaki ibukia taian anua aika a raraoi ni kabane.

E na kamimitongaki au Uea, te Kabanea ni Mimitong!

O Ngke Mariner! Reireinii naake a mena inanon te ake bwaai ni kabane ake ti a tia n reireini ngkami

i akuun te rabunanimata are e kamimi,

E na kamimitongaki au Uea, te Kabanea ni Mimitong!

Bwa a na aki tiku inanon te tabo are e takamainaina are e tabu,

E na kamimitongaki au Uea, te Kabanea ni Mimitong!

Ma a na rierake iaon bain te tamnei nakon te karinan are E a tia te Uea ni kariatataa iaon bwaai ni kabana ake a tia ni mwaneweake inanon te aonnaba are i nano,

E na kamimitongaki au Uea, te Kabanea ni Mimitong!

A bia kibarake i eta n aroia mannikiba ake a tatangiraki inanon aonnaban te manga kaitiboaki are akea tokina;

E na kamimitongaki au Uea, te Kabanea ni Mimitong!

A na kona n atai taian miterio ake a karabaaki inanon Taarin te ota.

E na kamimitongaki au Uea, te Kabanea ni Mimitong!

A riaon karinanin tiatianakin te aonnaba ao a roko n te katiteuanaaki n tamnei, are boton te kairiiri ni karawa.

E na kamimitongaki au Uea, te Kabanea ni Mimitong!

A tia n tangiria n rierake nakon te karinan are E a tia te Uea ni bairea bwa e riaon aia karinan.

E na kamimitongaki au Uea, te Kabanea ni Mimitong!

Are Nei Tewenei are e ura e a karenakoia mai buakoia naake a mamaeka inanon Abanuean Kaniana,

E na kamimitongaki au Uea, te Kabanea ni Mimitong!

Ao e ongo Bwanaan te Kakannato ni mwemwerake mai akuun te auti n rianna ae aki noraki iaon Taubukin te Mimitong!

E na kamimitongaki au Uea, te Kabanea ni Mimitong!

Ngkai a tia ni kataua bwa a na waerake nako te mronron are bain ni kiban te taobe ae e tabu a tuai man rooroko iai;

E na kamimitongaki au Uea, te Kabanea ni Mimitong!

“Are i aona ao kaibuken te katautau e tei n aki kakamwakuri ao are aia iango naake a ota a aki kona n ataia.”

E na kamimitongaki au Uea, te Kabanea ni Mimitong!

Are mai iaona ao ainen karawa e tarataranako man ana ruu ae e kariatataaki,
E na kamimitongaki au Uea, te Kabanea ni Mimitong!
Ao a ana ari, e anga te kanikinaa nakon te Runga are e Tabu,
E na kamimitongaki au Uea, te Kabanea ni Mimitong!
N otan moana ao e kaotaa karawa ao aonteaba,
E na kamimitongaki au Uea, te Kabanea ni Mimitong!
N otan moana ao e kaotaa karawa ao aonteaba,
E na kamimitongaki au Uea, te Kabanea ni Mimitong!
Ao inanon ana tai ni kaotaia aomatan te bubuntano ma otanakon tamaroana,
E na kamimitongaki au Uea, te Kabanea ni Mimitong!
E tabeka te wewete are akea te tanninga rinanon nako te aki totoki ae e a tia n ongo mai mwaaina,
Ao ni katanoataa, “Iroun te Uea! Teuare nanona ae akea boiararan te tangira irouna ibukin te Roronrikirake mai Arabia ae e kariatataaki ao ni kamimitongaki,
E na kamimitongaki au Uea, te Kabanea ni Mimitong!
“E na bon aki kona n rierake nakon mimitongin karawa are te kabanea n rietata.”
E na kamimitongaki au Uea, te Kabanea ni Mimitong!
Ikanne e wewetea temanna mai buakoia ana ataeinnaine nakoina,
E na kamimitongaki au Uea, te Kabanea ni Mimitong!
Ao e anga te kaetieti nakoina ni kangai: “Ruorikaaki nakon tinanikun te aonnaba man bwaretin te aki tootoki,
E na kamimitongaki au Uea, te Kabanea ni Mimitong!
“Ao rairaki nakon te baere a tia ni karabaa i kabin nanoia,
E na kamimitongaki au Uea, te Kabanea ni Mimitong!
“Ngkana ko ikerakea boiararan te kamwarai man te Roronrikirake are e a tia ni karabaaki inanon autin riannan te ota imwiin bwaai ake a tia ni karaoi baia naake a buakaka nakoina,
E na kamimitongaki au Uea, te Kabanea ni Mimitong!
“Tabeka te tang inanom, bwa a aonga naake a mamaeka inanon ruun te Bwaretaiti, ake a rabwatani kaubwai ake akea tokiiia, ni kona n ota ao n ongo nako iai;
E na kamimitongaki au Uea, te Kabanea ni Mimitong!
“Bwa a aonga n ruorikaaki man aia ruu ake akea tokiiia ao n ruru,
E na kamimitongaki au Uea, te Kabanea ni Mimitong!
“Ao ni kaboria ma baia ao waeia ibukina ngkai a tia ni waerake nakon rietan te kakaonimaki;
E na kamimitongaki au Uea, te Kabanea ni Mimitong!

“Bwa tao a na kona ni kunea man aia kamwarai boiararan Teuare E Tangiraki.”

E na kamimitongaki au Uea, te Kabanea ni Mimitong!

Ikanne ao moamoan te aine are e tangiraki riki e takiakia i etan taian ruu ake a karitataaki n ai aron te taura are e otanako man moamoan te Roronrikirake i etan Ana tembora are e mamate;

E na kamimitongaki au Uea, te Kabanea ni Mimitong!

Imwiina e ruorikaaki neiei ma katamaroan aona n te aro are e kaotanako karawa ao bwaai ni kabane ake i nanona.

E na kamimitongaki au Uea, te Kabanea ni Mimitong!

E teirake ao e kaboiararai bwaai nako iaon aban te katabuaki ao te karineaki.

E na kamimitongaki au Uea, te Kabanea ni Mimitong!

Ngke e roko n te tabo arei ao e mwemwerake nakon tokin abwakina i nukan buroon te karikibwai,

E na kamimitongaki au Uea, te Kabanea ni Mimitong!

Ao ni karekea angana n ikerakea boiararaia n te tai are e aki ataaki moana ao tokina.

E na kamimitongaki au Uea, te Kabanea ni Mimitong!

E aki kunea irouia te bwai are e tangiria, ao aio, ni koaua, bon teuana mai buakon ana karaka aika a rangin tamaroa.

E na kamimitongaki au Uea, te Kabanea ni Mimitong!

E a ti tang n takarua neierei, e mangoo n tang ao e oki nakon are bon oin ana karinan inanon ana bwareti are te kabanea n rietata,

E na kamimitongaki au Uea, te Kabanea ni Mimitong!

Ao ngkanne e mwanewea teuana te taeka ae e miterio, are e wirikirikiia i bon irouia n newena ae ai aron karewen te ani,

E na kamimitongaki au Uea, te Kabanea ni Mimitong!

Ao e tabeka te wewete ibuakon te Runga are e Rietata ao ainen karawa ake a maiu n aki toki:

E na kamimitongaki au Uea, te Kabanea ni Mimitong!

“Iroun te Uea! I aki kunea mai buakon taeka aika akea nanoia aikai aabebeten angin te Kakaonimaki!

E na kamimitongaki au Uea, te Kabanea ni Mimitong!

“Iroun te Uea! E a tia te Roronrikirake n tiku n ti ngaia ao ni maroa n te aba are e taeabaaki nako iai man tiku inanon baia naake akea atuaia.”

E na kamimitongaki au Uea, te Kabanea ni Mimitong!

E katinakoa tangina i bon i nanona neiei n te aro are a takarua ma n ruru kaain te Runga ni Karawa,

E na kamimitongaki au Uea, te Kabanea ni Mimitong!

Ao e bwaka nako aon te bubuntano ao e angarake te tamnei.

Titebo ma e weteaki neiei ao e kaeka nakon Teuare e kainaoa nakon te Tabo are e Rietata.

E na kamimitongaki au Uea, te Kabanea ni Mimitong!

E na kamimitongaki Teuare E karika neiei man oioin ana tangira I nukan nanon ana bwaretaiti are e kariatataki!

E na kamimitongaki au Uea, te Kabanea ni Mimitong!

Ikanne are ainen karawa a kawaekoaia n otinako man aia ruu, are moamoaia akea te mata teuana ae e mamaeka n te kabanea n rietata ni bwaretaiti ae e a tia n tirobaaia mai mwaaina.

E na kamimitongaki ara Uea, ae Moan te Rietata!

A bane n ikotaki n otabwaniniia ao akea, a kunea rabwatana ae e bwaka iaon te bubuntano;

E na kamimitongaki ara Uea, ae Moan te Rietata!

Ao ngke a noria n arona arei ao a ota n te taeka teuana man Ana karaka te Roronrikirake, a kanakoi rabunan atuuia, a taekii kunnikaia, a orooro i ubuia, a mwaninga kukureia, a bwaka rannimataia ao a orei tabaia ni baia, ao ni koaua aio teuana mai buakon taian karawawataki ae e miterio man rangi ni kaakaiaki arona –

E na kamimitongaki ara Uea, ae Moan te Rietata!

Also in: am, ar, az, bg, ca, ceb, da, de, el, en, es, fi, hu, is, kl, nl, pl, pt, ro, sk, sq, tvl, zh-Hant

BH01888

Tataro ibukin te aki mamatam

Tataro ibukin te Aki Mamatam

Aikai, O Atua, moan boong ike Ko a tia katauia naaka a tangiraki Irom bwa a na ira tuan te Aki Mamatam. I Bubutiko bon Mairoum ao mairouia naake aki mamatam ibukin Tangiram ao ibukin Kakukureiam – ao tiaki bon mairouia ma nanoia, ke man maakuia ke Am kataere – ao bon man Aram ao kakannangakin Anuam aika moa tamaroaia, bwa Ko na kaitiakia Am toro man tangiran akea riki Irarikim ao ni katikia ni kaania nakon Inginimainikun-te Nne ibukin ootan Moam ao Kaintekatekan baunuean Am kateuana. Kaotai nanoia, O Atua, ma otan Am atatai ao kaotamwakai moaia ma buraenmatan Ngainanitoi ake a oota man oraitanin Am Moti. Ko bon karaoa are Kakukureiko. Akea te Atua temanna Irarikim, te Kabanea ni Mimitong, are Ana buoka e ukeraki irouia aomata ni kabane.

Buokia, O Atua, angania Am tokanikai ao ni karieta Am Taeka. Karikia, ngkanne, bwa a na riki bwa bain Am Waak ibuakoia Am toro, ao karikia bwa taan kaotiota Am aro ao Am kanikina ibuakoia botanaomata, n te aro bwa te aonaba ae bwanin e na kaonaki ma Ururingam ao Kamoamoan ao ma Am kakoaua ao koauana nako. Bon

Ngkoe, ni koaua, te Kabanea ni Kakabwaia, te Kabanea ni Karietataki, te Mwaaka, te Korakora, ao te Nanoanga.

Also in: af, ar, ar, az, bg, bs, ca, da, de, el, en, es, es, fr, ha, ht, hu, iba, is, it, it, lb, lv, mg, mt, nl, no, pl, pt, ro, sm, sne, ta, tk, tl, tvl, tvl

BH01888

Te Aki Mamatam

Aikai boong, Atua, are Ko a tia ni katauia Am toro bwa a na taua bukin te akimamatam. Are iai are Ko katamaroa iai moan abokan Am Boki n Tua ake a karuoaki i bukiia Am karikibwai, ao ni kaota tamaroan Umwan Am kaetieti nako i mataia ni kabane ake n Am karawa ao ni kabane aika i aon te aonaaba. Ko a tia ni kataua auan nako boong aikai ma te anua ae e okoro, are e aki kona ni warekaki irovia ni kabane ma ti Iroum, are Rabakauna e rabwati karikibwai ni kabane. Ko a bon tia, naba, ni kataua mwakoron te anua aei n aron taekan Taburetin Am kaetieti ma Am koroboki are Ko a tia iai, n aron anne, n reke tibwaia iai n tatabemaniia aomatan nako ma utuun nako te aonaaba.

I bukiia taan tangira aika a babane nanoia Ko a bon tia, n taekin Am kaetieti, ni kaawakinna i bukiia, ni katoaa te karangaina, ma mwangkon Uringam, O Ngkoe te Tia Tautakaniiia taan tautaka! Bon naakai ake a tia ni manging ni wainin Niniwanam aika a bati ngaia are a kaaki aia tabo ni wene i bukin nanoia ni kan karaoa Neboam ao ni kaotiotii Anuam nako, ao ni mwaawa man matuuia ni korakoran nanoia ni kan waaki nakon Kaaniam ao ni uataboa Am kakabwaia. N taai nako a bon tia ni kabaraakii mataia nakon Rikiraken Bongin Am tangira n aakoi, ao ni katokai moaia nako Taberan Koburaken ranin Am Nanoanga are e tau n Am kakabwaia ni karawa ao te raoiroi.

E na kamoamoaki Aram, Atua! Bon aio te aua are Ko a tia iai ni kauki iai rokan mataroan nako Am kakabwaia nako moaia Am karikibwai nako, ao ni kauki mataroan Am nanoanga aika a tamaroa nakoia ni kabane ake a maeka n Am aonaaba. I bubuti Nakoim, irovia ake a tia ni kabwaroi raraia i nanon Kawaim, are, ma nanoia Nakoim, a kamwawaiia man kabaebae nako mairouia ake Am karikibwai, ao are a tia n rangi ni matenako n karewen Am kakaunga bwa bwain rabwataia nako a taekina Neboam ao n atoatonga Ururingam, ao n aki taua mairoura bwaai ake Ko a tia ni kataua n tain te Kaotioti aei - te Kaotioti are iai te korakora are e a tia ni kariki taian kai bwa a na atonga are e a tia ni karaomia te Kai are Ura n te tai are e a tia n nako ni kaotioti iai Moote, are E taetae ma Ngkoe, n te Kaotioti are a tia ni katauia ni kabane ni katoai atama aika a mronron nako bwa a na manga atonga riki Neboam, n aroia atiibu ake a Kamimitongko n Ana bong Mwaometa, are Raraom.

Bon naakai, Atua, ake Ko a tia ma te tamaroa ni karikiia n itamwaomwao ao n itoman ma Teuare boni Ngaia te Tia Kaotiko. Angin nako Nanom a tia ni maenikun n taorababa nako ni karokoa Ko na manga ikotiia i aan Nuum, ao ni karikiia n rin n

aban nako Am botaki. Ao ngkai Ko a tia ni karikiia n tiku ni maeka i aan nuun umwan Am nanoanga, Ko na buokiia bwa a na karekea are e bon tau i bukiia ma te karinan ae rine. Tai kakorakaiia, Atuau, bwa a na warekaki i buakoia naake, e ngae ngke a kukurei ni kaan ma Ngkoe, ma a tia n tauaki man kinaakin Moam, ao e ngae ngke a bobo ma Ngkoe, ma a bon kamwawaaki man Kaaniam.

Naakai bon Am taan beku, Atuau, ake a tia n rin ma Ngkoe n te Karabuuti ae Moan te Kakannato aei, are a tia n taua ni kamatoa i nanon oona are Ko a tia n tuangiia n Taburetin Am kaetieti ao Bokin nako Am babaaire. Ngaia are, karua ngkanne, nako aoi are e na karua raoi ni kaitiakiia man baike Ko aki kataui, bwa a aonga ni baabanennano Iroum, ao ni kona ni kamwawaiia man bwaai nako ma ti Ngkoe.

Kabwaka ni karau ngkanne i aora, Atuau, are e bootau ni koaua ma Am raoiroi ao ni bootau ma Am kakabwai. Karikiira, ngkanne, Atuau, bwa ti na maiu n Ururingko ao ni mate i bukin Am tangira, ao kakarekea nakoiri te bwaintangira are Kaaniam n am aonaaba nako aika i mwiin ngkai—aonaaba ake a aki kona n ataaki ma ti Iroum. Boni Ngkoe ara Uea ao te Uea n aonaaba nako, ao Atuaia ni kabane ake i karawa ao aika i aon te aonaaba

Ko bon noora, Atuau, are a tia ni bwaka iai ake a tangiraki Iroum n Am bong nako. Mimitongim are I kakoaua iai! Bwanaaia ni bwaebwaeti naake a tangiraki Iroum e a bon tia ni mwemwe rake nakon Ueam. Tabeman ake a irarang iroiia naake a nanoro i nanon Baim, ao a bon tuukiia i bon iroiia n roko ni kaan Nakoim ao man karekean botakin Mimitongim. Ake tabeman ake a kona ni waaki Nakoim, ma a tauaki man nooran Moam. Iai riki ake tabeman ake a katauaki, n ingaingaia ni kan taraa Moam, n rin n aban nako Am botaki, ma a bon kataui taian rabunanimata are bon katautauaiia iai Am karikibwai ao kaairua ake a reke mairouia taan kamangao i buakoia Am aomata bwa a na roko i marenaia ma Ngkoe.

Bon aio te aua, Au Uea, are ko a tia ni karikia bwa e na raka i aon aua nako, ao n tia ni kaitomanna bwa ngaia are e rineaki i buakoia Am karikibwai. I bubuti Nakoim, Ngkoe Atuau, i bon Iroum ao iroiia, ni kataua waakin te ririki aei bwa e na karietaia ake Ko tangiriia. Ko na baairia, ngkanne, i nanon te ririki aei ni kataua n, Itoin Ngainan Mimitongim, ao ni kaoota, ni Mwaakam ni uea, n te aonaaba ae bwanin.

Karika Am Waaki bwa e na totokanikai, au Uea, ao kamangoriia Am kairiribai. Koroia, ngkanne, i bukira are e raoiroi n te maiu aei ao te maiu ae e na roko. Boni Ngkoe te Koaua, are Ko atai bwaai aika a raba. Bon akea riki Te Atua bwa ti Ngkoe, te Tia Kakabwarai buure, te Kabanea ni Kakabwai.

Also in: af, ar, ar, az, bg, bs, ca, da, de, el, en, es, es, fr, ha, ht, hu, iba, is, it, it, lb, lv, mg, mt, nl, no, pl, pt, ro, sm, sne, ta, tk, tl, tvl, tvl

Te Tabureti Nakon Ahmad

“Tataro aikai e bae te aba iai n te koraki n ikotaki ma tabeua aika a kaonoti aroia n aron Tataron te Katoki Aoraki, Te Bába ni Koroboki nakon Ahmad, a tia ni uarokoaki iroun Bahá’u’lláh n rakan te mwaaka iai ao te kakaawaki, aoa riai ngkanne ni butimwaeaki n aroia anne ao n anaaki irouia taan onimaki ma te onimaki ae akea te titiraki iai ao te kakoaua raoi, bwa mai iai a na kona n rin i nanon te itoman ae e kaan riki ma te Atua, ao ni kariki aroia bwa a na bwanin riki ma Ana tua ao Ana koaua”
(Man te reta are e Koreaki ibukin Shoghi Effendi)

Boni Ngaia te Uea, te Atatai ni kabane, te Wanawana!

Akea bwa e a anene Naitengkaren te Bwaretaiti i aon nako mwaangarengeren Kain te Aki Tootoki, n ee ni Kuuna aika a tabu ma n tangiraoi, ni kauekiia iai nakoia ake a koaua nanoia aaningin taeka aika a kakukurei ni uakaania te Atua, e a weeweteia taan onimakina te Katiteuanaaki n Atua nakon te o are iai Are E Tituaraoi iai, E a kaongoraiia naake a kamwawaaki te rongorongo are E a tia ni kakaotiotaki iroun te Atua, te Uea, te Mimitong, Akea n Aiarona, E a kairiia taan tatangira nakon kaintokan te rikia n tabu ao nakon te Tamaroa ae e kianako ootana.

Bon aio, ni koaua, te baere Katokin Kakannaton te Tamaroa, are E a Kaman tia n taekinaki i nanon aia Boki Taan Uarongorongo , bwa a buataki Irouna reken buuraroan te koaua man te kairua ao a na bane mamatan babaire tatabeua nako ni kataaki aroia. Boni Ngaia, ni koaua, Kain te Maiu are e bwebwe mai iai Ana uaa te Atua, te Neboaki, te Anginnano, te Kakannato.

Ahmad! Ko na kakakoauaa bwa boni Ngaia, ni koaua, te Atua ao akea te Atua bwa ti Ngaia, te Uea, te Tia Kakaawakin, Akea Kabotauana, te Konai Bwaai nako. Ao bwa iai Temanna are E a tia ni kanakomaia n te ara are Ali (Teuare E Tabu, Te Báb) bon Ngaia mai iroun te Atua n te koaua ao nakon Ana babaire ti a bane ni uarokoira iai.

Ani kangai: Aomata an ongotaeka n Ana Otenanti te Atua, ake a tia ni motikaki bukiia i nanon te Bayan iroun te Mimitong, Are te Wanawana. Boni Ngaia, ni koaua aia Uea Taan Uarongorongo ao Ana Boki bon Tinaia Booki, ai teraana ngke ko ataia.

Ai anne iai are E a aboka bwanaana ni wewete nakoim te Naitengkare man te umwanikaikain aio. Akea riki tabena iai bwa ti te nikira te rongorongo ae e teretere aio. Ane e taku n ana iango, ke e rairaki nako man te taeka n ibuobuoki aio ao ane e nano iai ke e kataua te kawai nakon ana Uea.

Ngkami aomata, Ngkana kam a kakewei kiibu aikai, ao ai koaua raa aika kam a tia iai n onimakina te Atua? Katerea, ngkami bobotakiia taan kewe.

Bon te akea, bwa i matan Teuare e mena Tamneiu i nanoni baina, a bon aki kona a na aki kona ni karaoa aio, ke Ngkana tao a ikotaki n ibuobuoki temanna ma temanna.

Ahmad! Tai mwanuokin Au tituaraoi ngkai akea Ngai. Uring Au Bong nako i nanon am bong nako ao Kainnanou ma Kanakoakiu nako mai abau ni mena i nanon te

umwanikaikain ae e kakiro nako aio. Ao riiki ngkoe n rangi n teimatoa i nanon Au tangira bwa e aonga n aki tiotio nanom, a ngae ngke a bwaka ni karau i aom wiin aia kabaang taan kairiribai ao ni kabane karawa ma aonnaaba a teirake ni kaaitarako. Riiki ngkoe bwa kaanga te ura n ai nakoia Au kairiribai ao te karaanga n te maiu ae akea tokina nakoia ake Au tangira, ao tai riki n ai aroia naake a nanokokoraki. Ao Ngkana tao ko a kauiaaki n te kangaanga i nanon Kawaiu, ke te katorotoroaki i Bukiu, ko na aki katabeko iai.

Onimakina te Atua, ae Atuaam ao aia Uea am bakatibu. Bwa a tiotio nako aomata i nanon kawain te burebureaki, ao ma ni bon akea irouia te matairiki n nora te Atua n oin mataia, ke n ongo tangiraoin Kunana n oin mataia, ke n oin taningaia. Ti a tia ni kuneia n aron anne n ai aron naba are ko a tia ni kakoauaa.

N aron anne a riki aia koaua aika akea aaia bwa te rabunanimata i marenaia ma oin nanoia ao tauakiia nako man kawain te Atua, te Karietataaki, te Kakannato.

Ko na ataia i nanom bwa n te koaua, teure e rairaki nako man te Tamaroa aio e a tia naba iai n rairaki nako mai irouia Taan Uarongorongo ake ngkoa ao ni kaota te kainikatonga nakon te Atua man te aki tootoki ni kabane nakon te aki tootoki ni kabane.

Kamatenanoa raoi Te Bába ni Koroboki aio, Ahmad, Katakeia i nanon am bong nako ao tai tauraroako mai iai. Bwa n te koaua, E a tia te Atua ni motika kaniwangan are e katakenna n anaia maritire aika tebubua ao te beku n aonnaba ake uoua. Ti a tia n anganiko bwain akoi aikai bwa te bwai n tituaraoi ae te tibwa mai Iroua ao te ataataiaomata man ae iai Ngaira bwa ko aonga n raoniia ake a nano ni karabwarabwa.

N aran te Atua! Ngkana iai temanna are e rekenako n te rainanoanga ke te rangi n nanokawaki ao e wareka Te Bába ni Koroboki aio ma ni kabanea nanona iai, ao te Atua E na bon kamaenakoa nanokaawakina ma n nikoi ana kangaanga ao ni kamwaawai rainanoanga.

Bon Ngaia, ni koaua, te Ataataiaomata ao te Nanoanga. E na neboaki te Atua ae te Uea i Aonaaba ni kabane.

Also in: af, ar, az, bg, bi, bn, bs, ca, ceb, da, de, el, el, en, eo, fa, fi, fj, fo, fr, gu, ha, ht, hu, hy, id, is, it, kl, ko, lg, lo, lv, mg, ml, mr, mt, nal, naq, ne, nl, no, pl, pt, ro, ru, sk, sm, sne, sq, sr, sv, ta, tk, tl, tpi, tvl, ur, vi, zh-Hans

BH02307

Tabureti ibukin te ritiwan

Tabureti ibukin te Ritiwan

N aran Teure E a tia ni kaotaanako raneaneana iaon te karikibwai ae e bwanin!

Tain Aumarin te Tamnei e a roko, O te Kabanea n Rietaata ni Kainikoroboki, ibukin Bukamaruan te Kabanea n Nanoanga e a waekoa n roko. Kamwaingko ngkanne, ao kaotaa, i matan te karikibwai nikabane, aran te Atua, ao bukamarua Kamoamoakina,

n te aro are karikibwai nikabane a na kona ni manga karikaki ao ni kabouaki. Taetae, ao tai taua wiim. Itoiningainan te kimwareirei e otanako iaon oraitanin Arara, te Kimwareirei, n ai aron ae abanuean aran te Atua e a tia ni katamaroaaki ma bwainkatamaroan aran am Uea, te Tia Karika karawa. Teirake i matan aonon nako te aonnaba, ao katauraioiko ma mwaakan te Ara Ae Moan te Korakora aio, ao tai riki n aroia naake a baenikai.

I taku bwa ko a tia n tei ao n aki kakamwakuri iaon Au Tabureti. Tao bon otamwaakan Moan te Tamnei ae e rota am iango, ke aia taetae n aki akaaka naake a kanganga aroia ae ngaia ae ko a onrake iai ma te karawawataaki ao ni mwauku n aki kona ni kakamwakuri? Tarataraiko raoi bwa e raawa ni iai te bwai ae e totokoiko man kamoamoaakin korakoran te Bong aei – te Bong are iaon Tabonibain te mwaaka ni uea ao te korakora e a tia ni kauka Uainin te Manga Kaitiboaki, ao ni weteia nikabane ake i karawa ao nikabane ake iaon te aba. Ko tangiria riki ni baenikai ngke te ang ae e aabebete are e katanoataa ana Bong te Atua e a tia n ukaki nako aoia, ke ngkoe raoia naake a kainaki i tinaniku n ai aron te rabunanimata mai Irouna?

Akea te rabunanimata ae I a tia ni kariaia, O Uean aara nikabane ao te Tia Karika karawa, bwa e na kainai man kinaakin mimitongin Am Bong – te Bong are tauran te kairiiri nakon te aonnaba, ao kanikinaean Bongin Ngkoangkoa nakoia nikabane ake a maeka inanona. Au kainabwaabu bon ibukin taian rabunanimata ake a tia ni kamatakii mataia Am karikibwai bwa a na Noriko, ao aki taetaeu bon ibukin bwaai n tutuki ake a tia n tukiia Am aomata bwa a na ataa Am koaua. Ko ataa ae inanou, ma I aki ataa ae i Nanom. Ngkoe te Kabanea n Ataibwai, te Ataibwaai nako. N Aram ae e rianako iaioia aara nikabane! Ngkana Am tua ae e na riaon tuua nako ao am kaetieti ae e aki kona ni kaitaraaki e roko irou, e na bon kakorakoraai bwa manga kamaiua tamneia aomata nikabane, rinanon Am Taeka ae te kabanea n rietaata, are I a tia n ongo ae e taekinaki n Newem ae e korakora inanon Am Abanuea ni mimitong. E na kangaraoi ni katanoataa te kaotioti ibukin Moam ae e katekemata are rinanona te bwai are e karabaaki mai mataia aomata e a tia ni kaotaki inanon Aram, te Kabanea n Teretere, Uean te Kamanomano, Te Maiu I bon Irouna.

Ko na kona ni kunea riki temanna bwa ti Ngai, O Kainikoroboki, n te Bong aei? Tera ae e a riki nakon te karikibwai ao kaotakina nako? Tera ae e a riki nakon aara ao aia abanuea? A nakea karikibwai nikabane, ake a noraki ao ake aaki? Tera ae e riki nakon taian karabaraba ake a karabaaki n te uniweeti ao ana kaotioti? Noria, te karikibwai ae e bwanin e a tia ni bua nako! Akea te bwai ae e tiku ma ti Moau, te Teimatoa n Aki Tootoki, te Otanako, te Kabanea ni Mimitong.

Aio te Bong are akea te bwai ae e kona n noraki ma ti raneanean te Taura are e otanako mai moan Am Uea, te Raoiroi, te Kabanea n Tituaraoi. Ni koaua, Ti a tia ni karikii tamnei nikabane bwa a na mate iaan aroaron Ueara ae e katikitiki ao n

tabwanin ana tautaeka. Ti a tia, ngkanne, ni kateirakea te karikibwai ae e boou, bwa kanikinaean Ara tituaraoi nakoia aomata nako. Ngai, ni koaua, te Kabanea n Angaanga, Bongin Ngkoangkoa.

Aio te Bong are te aonnaba are e aki nonoraki e takarua: "E kakorakoraaki am kakabwaia, O aonteaba, bwa ko a tia ni karikaki bwa kaintokanwaen Atuam, ao n rineaki bwa nnen tekatekan Ana kaintokanuea ae moan te mwaaka." Aonnaban te mimitong e takarua: "E bia maiu ni kabureaki ibukim, bwa Teuare E tangiraki ae te Kabanea n Nanoanga e a tia ni katea Ueana iaom, rinanon korakoran Aram are e a tia ni beritaaki nakoia bwaai nikabane, e ngke n taai aika a tia n nako ke ibukin taai aika a na roko." Aio te Bong are bwaai nikabane aika a boiarara a tia ni karekea boiararaia man boin Au kunnikai – te kunnikai are e a tia ni kakiaa boiararana nako aon te karikibwai nikabane. Aio te Bong are taian ran ibukin te maiu ae akea tokina ae e butimwaaka a tiinako man Nanon te Kabanea n Nanoanga. Kawaekoako, ma nanom ao tamnei, ao nima are e na kanuaiko, O te Runga n te aonnaba are i eta!

Atonga: Teuare Ngaia te Tia Kaotioti Teuare E Aki Ataaki, te Aki Nonoraki ibuakoia ake A Aki Nonoraki, ke arona bwa ko noria. Teuare Ngaia are e katangainaa i matam te Atibu ae e Kakaawaki are e karabaaki ao ni moan te bobuaka, ke arona bwa ko ukeria. Ngaia Teuare te tia Tangiraki ibuakon bwaai nako, e ngae ngke n taai aika a nako ke taai aika a na roko. Ko bia katokaa nanom ao am kantananga Nakoina!

Ti a tia n ongo bwanaan am bubuti, O Kainikoroboki, ao ni kabwaraa buren am kainabwaabu. Tera te bwai ae ko a rangi ni kainnano ni karawawataaki iai?

Niniakiu ni Menam ikai, O ae Moan te Tangiraki n taian aonnaba nikabane, ae e a tia ni katikai ao ni bwainai.

Teirake, ao katanoataa nakon te karikibwai ae e bwanin taian rongorongo aika a kakukurei bwa Teuare Ngaia te Kabanea n Nanoanga E a tia ni kainetii Mwanekana nakon te Ritiwaan ao E a tia n rinnako iai. Kairiia, ngkanne, aomata nakon te onaroka ni kukurei are E a tia te Atua ni karaomia bwa Kaintokanuean Ana Bwaretaiti. Ti a tia n rineiko bwa Ara kabanea ni mwaaka ni Buu, are katangakina e na kanikinaea manga kamaiuakiia aomata nikabane.

Atonga: Aio te Bwaretaiti are iaon arokana nako uainin te kakarabakau e a tia ni katuka mwanekan ana kaotioti: "Teuare e karabaaki mai mataia aomata e a kaotaki, ni katauraaki ma te mwaaka ni uea ao te korakora!" Aio te Bwaretaiti are baana aika a mwaingiing a katanoataa: "O ngkami ake kam maeka i karawa ao i aonteaba! E a tia ni kaoti ae e tuai ni kakaoti mai mwaaina. Teuare Ngaia, man te aki tootoki, e a tia ni karabaa Matana man aia taratara karikibwai e a roko ngkai." Man te ang ae e beebete are e wirikiriki are e ukaki ibuakon taian mwaanga e roko te takarua: "Teuare Ngaia Uean te tautaeka iaomia nikabane e a kaotaki. Te Abanuea bon Ana bwai te Atua," ao man taian ran ake a wawaanako e kona n ongo te aba te maningoongoo: "A bane ni

kakukureiaki maata nikabane, bwa Teuare Ngaia ae akea ae e a tia n noria, are te bwai are E karabaa akea ae e a tia ni kunea, e a tia ni mwemweka rabunanimatan te mimitong, ao ni kanakoa rabunan moan te Tamaroa."

Inanon te Bwaretaiti aio, ao man rietan taian ruu ake i eta, Ainen Karawa a tia n wewete ao n takarua: "Kukurei, ngkami taan maeka inanon aonnaba ake i eta, bwa tabonibain Teuare Ngaia are Bongin Ngkoangkoa a tangitang, inanon aran te Kabanea ni Mimitong, te Kabanea ni Korakora ni Beero, inanon nuukan buroon karawa. Bain te tituaraoi e a tia ni otabwaninia ni katobibia mwangkon te maiu ae akea tokina. Kaaniia, ao moi kanuaiko. Nima ni marurung ma te kukurei, O ngkami ake bon taan karabwataa te ingainga, ngkami ake kam rabwatana te tangira ae e ingainga!"

Aio te Bong are Teuare Ngaia te Tia Kaotioti aran nako te Atua E a tia n otinako man Ana Auti n Rianna ae e mimitong, ao ni katanoataa nakoia nikabane ake i karawa ao nikabane ake iaon te aba: "Kamwaawai nako mwangko te Bwaretaiti ao nikabane taian ran ni kamaiu ake inanoia, bwa noria, aomatan Bahá' a tia n rinnako inanon te nne ae e kakukurei are Kaaniana ni Karawa, ao n tia n nima te uain ni manga kaitiboaki, man mwangkon tamaroan aia Uea, te Tia Bwaibwai ni Bwaai Nikabane, te Kabanea n Rietaata."

Mwaninga taekan te aonnaba ni karikibwai, O Kainikoroboki, ao raira moam nakon moan am Uea, Uean aara nikabane. Katamaroa, ngkanne, te aonnaba ma bwainkatamaroan ana bwaintituaraoi am Uea, Kingin bong aika akea tokia. Bwa Ti nora boiararan te Bong are iaon Teuare Ngaia are E Tangiraki irouia aono nako e a tia ni kaotaa iaon abanuean te aki noraki ao te noraki otanakon tauran Arana aika a kabanea n rianako, ao n otabwaninia ma raneanean otan Ana bwaintituaraoi aika a kabanea n tatangira – taian bwaintituaraoi are akea ae e kona n atai ma ti Ngaia, Teuare te Tia Kamanomano ae te kabanea n rietaata ibukin te karikibwai ae e bwanin. Tai taraia ana karikibwai te Atua ma ti ma te mata n akoi ao n nanoanga, bwa ara kakaawakin n tamnei ae e tatangira e a tia n ninii karikibwai nikabane, ao Ara tituaraoi e a tia n otabwaninia te aonnaba ao karawa. Aio te Bong are ana toro te Atua ni koaua a na katonga te ran ni kamaiu ni manga kaitiboaki, te Bong are naake a kaan nakoina a na kona ni moi man te karaanga ibukin te maiu ae akea tokina ae e raanga ni karaaurau, ao naake a kakoauaa Ana katiteuanaaki, uainin Kaaniana, rinanon aroia ni kinaa Teuare Ngaia are Tokin bwaai ni kabane are te kabanea n Rietaata ao ni Kabanea, are Irouna Newen te Mwaaka ni Uea ao ni Mimitong ni bwanaa e taekina te wewete aio: "Te Abanuea bon Au Bwai. Ngai, i Bon Irou, bon, Ana Tia Tautaeka, ni Bon Inaomatau."

Katika nanoia aomata, rinanon te wewete Ibukina, te Tia Tangiraki n ti ngaia. Atonga: Aio Bwana te Atua, ngkana ngkoe ae ko kakauongo. Aio Bonginaumarin Ana Kaotioti te Atua, ke arona bwa ko ataia. Aio Nnen-Karangainan Ana Aro te Atua, ke

arona bwa ko kinaa. Aio Boton Ana Kaetieti te Atua, ke arona bwa ko karaoa am moti n te aro ae e riai. Aio te Karaba are e kaotaki ao e raba; ke arona bwa ko na noria. O aomatan te aonnaba! Taea nako, inanon Arau are e rabunii nako aara nikabane, bwaai ake ami bwai, ao iinako inanon te Marawan aio are i kabina a wene n raba taian bwaeao n niniwana ao n taetaenikawai, te marawa are e uti n Arau, te Kabanea n Nanoanga. E anga te kaetieti aio nakoimi Teuare Ngaia Tinaia Booki.

Teuare Moan te Tangiraki E a roko. Inanon Angaataina bon te Uainin Arana ae e kainaki. E a kukurei te aomata are e rairaki Nakoina, ao n nima kanuaakina, ao n takarua: "Ko na neboaki, O te Tia Kaotii kanikinaean nako te Atua!" N etietin te Kabanea ni Korakora! Bwaai nikabane ake a karabaaki a tia ni kaotaki rinanon korakoran te koaua. Nikabane ana bwaintituaraoi te Atua a tia ni karuoaki, bwa kanikinaean Ana tituaraoi. Ranin te maiu ae akea tokina, inanon tabwaniniia, a tia n anganaki nakoia aomata. Ni katoai nako taian mwangko a tia n tauaki inanon bain te Kabanea n Tangiraki. Kaaniiko, ao tai baenikai, e ngae ngke ti inanon te tai ae e kimototo.

A kakabwaiaaki naake a tia ni kibarake iaon bainikiban te kamwawaaki ao ni karekea te karinan are, n aron ae e baireaki Iroun te Atua, e kanuui nako karikibwai nikabane, are aia kainikatonga taan rabakau n aia iango ni katautau, ke angia kaain te aonnaba a tia n tokanikai ni kabwaoua man Ana Aro. Antai mai buakomi, O aomata, ae e na kaakeaa te aonnaba, ao ni katikaki ni kaaniaki nakon te Atua, Ueiaa aara nako? E na kuneaki iaara te aomata are, rinanon mwaakan Arau are e rabunii karikibwai nikabane, e na karenakoi bwaai ake irouia aomata, ao n nimtia, ni kabanea korakorana, nakon bwaai ake e a tia te Atua, te Ataibwaai ake a aki noraki ao ake a noraki, bwa e na kona n norii? Ai ngaia are Ana tituaraoi e a tia ni karuoaki nakoia aomata nako, Ana kaotioti e a kakoroaki bukina, ao ana kakoaua a otanako i etan Oraitanin te nanoanga. E kaubwai te kanuanga are e na tokanikai n reke iroun te aomata are e kakoauaa ao n takarua: "Ko na kamoamoaki Ngkoe, O ae Ko Tangiraki n taian aonnaba nako! E na kamoamoaki Aram, O Ngkoe ae ko Tangiraki irouia naano nikabane ake a mataata!

Kimwareirei ma te katoki ni kimwareirei, O aomatan Bahá, ngkai kam wewete nakon uringakin te Bong are te katoki ni kakukurei, te Bong are Newen Bonging Ngkoangkoa e a tia n taetae, ngke E kitana Ana Auti, ni waaki nakon te Tabo are mai iai e kaotaa nako aon te karikibwai ae e bwanin raneanean Arana, te Kabanea n Nanoanga. Te Atua Ara Tia Kakoaua. Ke arona bwa ti na kaotii taian karaba ake a karabaaki ibukin te Bong arei, nikabane ake a maeka iaon te aonnaba ao i karawa a na tong nako ao ni mate, ma ti ake a kamaiuaki iroun te Atua, te Kabanea ni Mwaaka, te Kabanea n Ataibwaai nako, te Kabanea ni Wanawana.

Aio korakoran mwin niniakin nakon ana taeka te Atua iaon Teuare Ngaia are te Tia

Kaota Ana kakoaua aika akea te nanououa iai, n te aro are Ana Kainikoroboki e aikoa kona ni kakamwakuri. Ma taeka aikai E a kaina iai Ana Tabureti: Akea te Atua bwa ti Ngai, te Kabanea n Rietaata, te Kabanea ni Korakora, te Kabanea n Rianako Tamaroana, te Kabanea n Ataibwai.

Also in: az, bg, bi, bn, bs, ca, ceb, da, el, en, fa, fi, fr, ha, ht, hu, id, is, it, kl, kn, mg, ml, nl, pl, pt, ro, sk, sne, sq, ta, tl, tpi, tvl, ur

BH02307

Te Tabureti ibukin Kawaran Bangota

(E wawarekaki te Tabureti aio i Bangotaia Bahá'u'lláh ao te Báb. E kakabonganaki naba n Aia bong ni kauring.)

Kamoamoam are e a tia ni ing ootana man Rabwatam ae moan te kakannangaki, ao te mimitong are e a tia n ootanako man Tamaroam ae raneanea, e na mena Iroum, O Ngkoe ae riki-ni bwain te Kakannato, ao Uean te Aki-Totoki, ao aia Uea kaain karawa ni kabane ao kaain te aonaaba ni kabane! I kaotia ma te koaua bwa Rinanom are a kaotaki iai rietaatan te Atua ma Ana tautaeka, ao inauean te Atua ma Ana tamaroa, ao Itoiningainan nako taai ake a bwakanako a tia ni kaotanakoi ootaia aika a raneanea ni karawan Am babaaire ae aki kona ni bibitaki, ao Tamaroan te Aki-nooraki e a tia n ootanako iaon oraitanin te karikibwai. I manga kaotia riki ma te koaua, bwa ni ingin Am Kainikoroboki n anga Am kaetieti are “Riiki Ngkoe” e a bon tia ni kamatoaaki, ao Ana karaba te Atua e a tia ni kaotaki, bwaai ni kabane a bane ni karikaki, ao n tia naba ni karuoaki Kaotioti nako ibukina.

I kaotia naba, bwa rinanon Tamaroam e a bon tia n oti iai tamaroan Teuare e Tangiraki, ao ni Moam e a bon tia ootanako moan Teuare Maaten-te-nano, ao rinanon Ana taeka Wiim Ko a bon tia ni motiki taekan bwaai ni kabane aika a karikaki, ni karikiia akana a Tangiriko bwa a na rierake nakon taubukin te mimitong, ao ake a aki bwa a na bwaka nako nanon te kinono ae akea tokin kabina.

I kaotia ma te koaua bwa ane e Kinako e boni kinaa te Atua, ao ane e roko Iroum ao e bon roko iroun te Atua. E korakora kakabwaiakin ane e Kakoauako, n Am kanikina nako, ao n tia ni kamangoria i matan Rietaatam, ao n tia n reke rinena ni kaaitibo ma Ngkoe, ao n tia naba ni karokoa ni kukurein Am kaantaninga, ma ni kakatobibia Rarikim, ao n tei i matan Am kaintokanuea. E na roko te tekebuaka nakon ane e a tia ni karitei Nakoim, ni kakeweko, n rawa n butimwai Am kanikina, ni kauntabaa Ueam, ao ni Kaaitarako, ni kaota te kainikatonga i Matam, ao ni kauntabai Am kaotioti nako, ao ni birinako man Am tua ao Am tautaeka, ao ni warekaki ibuakoia taan aki kakoauaa te Aro are a tia araia ni koreaki n tabonibain Am motikitaeka iaon Am Atinikoroboki aika a Tabu.

Uoti ma te aabebete nakoiu, Atuaui ao Au Tangira, ikeiken Am nanoanga aika a tabu, n Angatain Am ataataiaomata, bwa a aonga ni kararoaai nako boni mairou ao man te

aonaaba nakon oon Am tabo ike ko mena iai. Ko mwaaka ni karaoa are Ko bon taku Ni koaua, Ko a bon tia n rangi n rietaata iaon bwaai ni kabane.

Uringan te Atua ma Kamoamoana, Mimitongina ma Tamaroana, a tiku i Aom, Ngkoe ae bon Tamaroana! I kaotia ma te koaua bwa matan te karikibwai e tuai man tataraa temanna ae e a tia ni karaoaki te aki eti nakoina n ai Arom. Ni kabane bongin Maium ko a bon tia ni iinako ibuakon marawan te karawawataaki. N te taina Ko bon kabaeaki n taian taurekereke; n te taina naba ao Ko taboraaki n aia kabaang Am kairiribai. N aki mutiakin baikai ni kabane, Ko bon waaki n tuangia aomata nako bwa a na karaoa are Ko a tia n tuangaki mairoun Teuare Ngaia Moaia Ataibwai, te Katoki ni Wanawana.

E bia riki tamneiu bwa te karea nakon aki-eti ake Ko a tia kamarakaki ibukiia, ao oin aomatau bwa boon mwiin kaangaanga ake ko a tia n rinanoi. I bubuti nakon te Atua, Rinanom ao rinanoia ake a tia ni kaotaki moaia n tamaroan ootan Moam, ao te koraki naba ake a tia ni irii nanon taeka ake a tuangaki, ibukin Tangiram, bwa a na bane ni kamwaawaaki rabuna ni mata ake a mena i Marenam ma Am aomata, ao ni kareerekea nakoiu raoiroin te aonaaba aei ao are e na roko. Boni Ngkoe ni koaua, Moan te Mwaaka, te Katoki ni Kamoamoaki, te Kabanea ni Mimitong te Kakabwara bure, te Karaunano.

Te Uea ae Atuau, kakabwaiaa te Kai-te-Rote ni Karawa ma baana nako, bwebwena ma mwangana nako ao tirina ni kabane, bwa a na teimatoa ni irii teimatoan Anuam nako aika moan te Raraoi. Kamanoa man aia mwakuri ni ioawawa taani kakiriwe ma taani motibuaka. Ngkoe ni koaua, Moan te Mwaaka, te Kabanea ni Korakora. Te Uea ae Atuau, kakabwaiaia naba Am toro mwaane ao am tabonibai aine ake a tia ni karokoia Iroum. Boni Ngkoe ni koaua, te Ataataiaomata, ae akea token Ana tituaraoi. Akea riki te Atua bwa bon ti Ngkoe, Moan te Nanoanga, te Katoki n Tituaraoi.

Also in: az, bg, bi, bn, bs, ca, ceb, da, el, en, fa, fi, fr, ha, ht, hu, id, is, it, kl, kn, mg, ml, nl, pl, pt, ro, sk, sne, sq, ta, tl, tpi, tvl, ur

BH02324

Tabureti ibukin Karamera

Tabureti ibukin Karamera

Mimitong ni kabane bon nakon te Bong aei, te Bong are i nanona boiararan nako te nanoanga a tia ni uotaki rinanon te ang nako aoia karikibwai ni kabane, te Bong ae e koro n te karaoiroaki rooro ma tienture ake a tia n nako mai mwaaina a bon aki konaa ni kabotaua, te Bong are i nanona Boong e a tia n rairaki nakon Tekatekam ae Tabu. N rimwiin anne bon bwanaaia karikibwai ni kabane, ao i aoia bon Rungaia Anera ni Karawa, n ongo te aba bwanaaia ni wewete n takarua: Ienikuriiko Ngkoe Karamera, bwa nooria, ootan buraburan Moan Te Atua, te Tia Tautaeka n Abanuean taian Ara ao te Tia Karaoa karawa nako, e a tia n nevoaki i aom.'

N tauaki i nanon te kimwareirei ae korakora, ao n tabekaarake bwanaana ni karietaata, e takaarua n taku: 'E bia riki maiu bwa te karea Nakoim, i bukina bwa Ko a tia ni kaeta am taratara nako aou, n tia n ana nako aou Am bwai n tituaraoi, ao n tia ni kaetai nakon mwanekan waem. Te raure nako Mairoum, Ngkoe are Boton te maiu ae akea tokina, e a tia ni waetata ni kabuaai ao raroau mai Iroum e a tia ni kabueka tamneiu. Te kamoamoaki Nakoim bwa Ko a bon tia n anganai te konabwai bwa Nna ongo nakon Am wewete, ibukin tian karineau ma mwanekan waem, ao ibukin tian kamaiuakin tamneiu rinanon korakoran boiararan Am Bong ao kakangin bwanaan Am Kainikoroboki, te bwanaa are Ko a bon tia ni baaireia bwa te buu ni wewete i buakoia Am botannaomata. Ao ngke e a roko te aoa are e na kaotaki iai Am Aro ae e aki konaa n totokoaki, ao Ko a tia n ikeikena ikeiken Tamneim nako nanon Am Kainikoroboki, ao nooria, te karikibwai ae bwanin e ioaki bon mai oina, ni kaota nakoia aomata kamiimi nako ake a wene n raba i nanon kaubwain Teuare boni Ngaia te Tia Bwaina te karikibwai ni kabane.'

E aki maan imwiin tian rokon bwanaana n te Tabo are moan te kariatataaki arei ao n aei ae Ti a kaeka: 'Angan Am Uea te karabwarabwa ae bati, Ngkoe Karamera. Ain raurenakom Mairou e waetata ni kabuako, ngke marawan Rokou e naouea i matam ao ni kaunga ma te kukurei matam ao ake irouia karikibwai ni kabane, ao ni kaonrakei ma te kukurei bwaai ni kabane ake a nooraki ao ake a aki nooraki. Kukurei, bwa E a tia Te Atua i nanon te Bong aei ni katea Kaintokan Ueana i aom, n tia ni karaoiko bwa moan teirakean Ana kanikina nako ao otaningainan kakoauaan Ana Kaotioti. E a kakabwaiaaki te aomata are e katobibia rarikim, are e katanoataa kaotiotin Mimitongim, ao n taekina Ana bwai n tituaraoi Am Uea ae Atuum are a tia ni kabwaroaki nako aom. Taua Mwangkon te Maiu ae Akea Tokina i nanon aran Am Uea, te Kabanea ni Mimitong, ao anga am kaaitau Nakoina, bwa E a tia ni bita nanokaawakim nakon te kukurei ao n onika rawawatam ae korakora nakon te kimwareirei ae bati. Ngaia, n te koaua, E bon tangira te tabo are e a tia ni karaoaki bwa tekatekan Kaintokan Ueana, are e a tia n touaki ni Waena, are e a tia ni karineaki n Tikuna iai, are e a tia n tabekakirakeaki mai iai Ana wewete, ao are a bon tia ni kabwaroaki i aona Rannimatana.

'Wewete nako Tion, Ngkoe Karamera, ao katanoata te rongorongon ae e kakukurei: E a bon roko Teuare E karabaaki ngkoa man mataia aomata! E a bon nooraki ngkai Ana tautaeka ae totokanikai; e a bon tia ni kaotiotaki Mimitongina ae rabwatii bwaai ni kabane. Taratara raoi, bwa ko aonga n aki tabwara ke n nanokokoraki. Ienikuriiko ni katobibia Ana Kaawa Te Atua ae e a tia n ruo mai karawa, are te Kaawa ni karawa ae e a tia ni katobibiaki ma te nebonebo irouia ake a tangiraki iroun Te Atua ake a itiaki nanoia, ao ai botakiia anera aika moan te kariatataaki. E a korakora Nanou ni kan katanoata nakoia taabo nako i aon te aonaaba aio, ao ni uota nakoia n aia kaawa nako

rongorongō aika a kakukurei n te Kaotioti aio. Te Kaotioti are e a tia ni kariia ki nako iai nanon Tiinai, ao are e a tia te Kai ae e Ura ni wewete n arana: "Bon nakon Te Atua, Ueaia Uea, taian abanuea n aonaaba ni karawa." Bon aio, ni koaua, te Bong are i nanona aaba nako ao marawa a uaia ni kukurei n te katanoata aio, te Bong are a tia ni katauraoki ibukina bwaai ni kabane ake E a tia Te Atua, rinanon te tituaraoi ae riaon aia iango ma nanoia aomata, ni katautaua kaotia. Imwiin te tai ae e aki maan ao Te Atua E na borauakina Ana Aake i aom, ao ni kaotia aomatan Bahá ake a tia ni mwaneweaki i nanon te Boki n Ara.'

E katabuaki Uean te botannaomata, are ngke e atongaki Arana ao a ruru iai iteran nako te aonaaba, ao e a roko nanona iai Newen te Kakannato ni kaotii baike a rabunaki ngkoa inanon Ana atatai ao ake a wene n raba inanon kaubwain Mwaakana. Ngaia ni koaua, rinanon korakoran Arana, te Mwaaka, te Kabanea n Tautaeke, te Kabanea n Rietaata, bon te tia tautaeke i aoia bwaai ni kabane ake i karawa nako ke i aon te aba.

Also in: iba, id, ml, vi, zh-Hans, zh-Hant

BH02524

Kataitai ao Kangaanga

Am bwai te mimitong; Atua! Ma ngke akea karawawata ake a uotaki ni Kawaim, ao e na kangaa iai ni kinaaki ake a Tangiraki ni koaua; ao ngke tao tiaki man taian kataitai ake a tabekaki i bukin Tangiram, ao e na kanga riki ni kaotaki iai ngkanne rinea ake a Mateakiniko? Korakoram bon au tia kakoaua! Raoiroia ake a Maamateakiniko ni kabane bon te rannimata ake a kawaanakoi, ao raun nanoia ake a Ukoukoriko bon korakain nanoia naake a ngirangiraia, ao kanaia naake a kaaraki ni kan kaaitibo ma Ngkoe bon taribin nanoia aika a uruaki.

Ai kangkangira irou katoongan maon te mate ae e taonai i nanon Kawaim, ao ai bonganara n au katautau aia kainiwai Am kariribai ngkana kaaitaraai i bukin kariatataakin Am Taeka! Katauai Atua bwa Nna nima te baere Ko a tia ni matennanoia i nanon Am Waaki ao karua i aou rinanon Am tangira bwaai ni kabane ake Ko a tia ni motiki taekaia. Ni Mimitongim! I tii tangira are Ko tangiria, ao I nabenabea are Ko nabenabeia. I a tia n taai nako ni katuka au mwioko ae e bwanin ao au onimaki Iroum.

Kateirakeaa, I Bubutiiko Atua, bwa taan buoka te Kaotioti aio naake a na warekaki bwa a tau i bukin Aram ao Inaomatam n tautaeke, bwa a aonga n uringai i buakioia ake Ko a tia ni kariia, ao a na irakei manuan Am tokanikai i Abam.

Ko konabwai ni karaoa are e Kakukureiko. Akea Te Atua bwa ti Ngkoe, te Buoka n te Nibwa ni mate, te Maiu i bon Irouna.

Also in: bs, ceb, da, de, de, el, en, es, fi, fr, ht, it, lv, mg, ne, nl, pl, pt, ru, sk, sr, sv, ta, tl, uk, vi

BH02777RIS

Ingaabong

Atuau ao au Toka! Bon Ngai Am toro ao ana nati te mwaane Am toro. I a tia n teirake mai aon nneu ni wene n te ai oota aio ngke e a tia n oota nako iai Itoin Ngainan Arom ae ti teuana man Koburaken Ngainan Nanom, ma n tia ni kaotaorababa nako ootana i aon te aonaaba ni kabutaa, n ai aron are e a tia ni motikaki bukina i nanon Bokin nako Am Kaetieti.

Te nebonebo nakoim Ngkoe, Atuau, ngkai ti a tia ni uti i nanon mimitongin ootan Am ataibwai. Karuoa, ngkanne i aora, au Uea, are e na konaa ni buokiira ni kaaki taekan temanna i Rarikim, ao e na taeinako ni kabane mairoura mwaninganakora n te bwai teuana ma ti Ngkoe. Ao i aon riki anne korobokiia i bukiu, ao i bukiia ake a tangiraki irou, ao i bukiia naba au utuu, te mwaane ma te aine ni kaboraoiia iai, raoiroin te aonaaba aio ao te aonaaba are e na roko. Kakamauriira ngkanne rinanon Am kakaawakin ae akea tootokina, Ngkoe ae Moan te Tangiraki irouia karikibwai nako ao are Maamatenanoia aonaaba ni bwaniniia, mairouia ake Ko a tia ni karaoia bwa kaotiotan te tia wiwi ae e Buakaka, ake a wirikiriki i nanon bwanibwaniia aomata. Ko bon mwaaka ni karaoa are Ko kani karaoia. Boni Ngkoe, ni koaua te Kabanea ni Mwaaka, te Buoka n te Kanganga, te Maiu i bon Irouna.

Ngkoe te Uea ae Atuau, karaoiroa Teuare Ko na tia ni kateia i aona Aram aika a moamoa, ao Rinanona Ko a tia ni kaokoroia aika a raoiroi ma aika a buakaka, ao aakoiira ni buokiira ni karaoa are Ko tangiria ma n nano iai. Kakabwaiia, riki, Atuau, naake bon Am Taeka ao Manin Am Taeka, ao naake a tia ni kainetii moaia Nakoim, ao n tia n rairaki nako Moam, ma n tia ni kakauongo n Am wewete.

Boni Ngkoe, ni koaua, aia Uea ao aia Toka aomata ni kabane, ao Ko Mwaaka i aon bwaai ni kabane.

Also in: ar, ca, da, es, fj, gu, hz, hz, id, is, it, ja, kn, lg, lo, ne, pt, sm, uk

BH02848

Katoki aoraki

Te Kamimitongaki Nakoim, O te Uea Atuau! I Bubutiko n Aram, rinanona are Ko a tia ni mwemwekarake taian kanikinaa ibukin Am kairiiri, ao n tia ni kaotaanako otamwaakan Am tangira n akoi, ao n tia ni kaota uean Nakoam ni Uea; are rinanona ao tauran Aram a tia ni kaoti inanon nnen Anuam aika a raraoi, ao Teuare Ngaia te Umwanrianna ibukin Am katiteuana ao Te Tia Kaotioti ibukin taian kamwawaaki e a tia n otanako; rinanon kawain Am kairiiri a kona n ataaki, ao kawain Kukurein Nanom a kataneiaiki raoi; rinanon taian aa ibukin te kairua a tia ni karikaki bwa a na rurubenebene, ao kanikinanean te iowawa a tia ni kamaunanakoaki; rinanon te koburake n ran ibukin te niniwana a tia n urubekeaki, ao taiboran karawa e a tia ni karuoaki; rinanona are Ko a tia ni kawakiniia Am toro ao n tia n anga Am kamarurung; are rinanona Ko a tia ni kaota te nanoanga ae e akoakoi nakoi Am toro

ao ni kaota Am kabwarabure ibuakoia Am karikibwai – I bubuti ni kamanoa teuare e a tia ni kamatoa n taua ao oki Nakoim, ao n nimtia nakon Am nanoanga, ao ni katika kamwarain Am tangira ni karawa. Karuoa, ngkanne, nako aona Am katoki aoraki, ao kabwanina arona, ao anganna te kateimatoaaki are e reke mai Iroum, ao te kukurei are e karuoaki man Rietaatam.

Bon Ngkoe, ni koaua, te Tia Katoki Aoraki, te Tia Kakaawakin, te Tia Ibuobuoki, te Kabanea ni Mwaaka, te Korakora, te Kabanea ni Mimitong, te Atai Bwaainako.

Also in: af, az, bg, bi, de, el, en, en, fi, fr, ht, hu, id, lb, lv, mh, mr, ms, nl, no, pl, pt, ro, ru, sk, st, tl, uk, ur, vi

BH02898MAG

Te Buoka ao te Ibuobuoki

Atonga: Mimitong Nakoim Are Ko a tia ni karikiia Naake a Tabu bwa a na kaotii aia aki konabwai i matan kaotioti aika uauaanao ni Korakoram, ao ni katoai Burabeti nako bwa A na ataia bwa bon Akea aroia i rarikin raneanean otanakon Mimitongim ae akea tokin mimitongina. I bubutiko, n Aram ae e a tia ni kabwaranakoi mataroan Karawa ao ni kaonrakeia kaain te Runga ni karawa ma te kukurei ae e bati, bwa Nna kona ni beku Ibukim, n te Bong aei, ao ni kakorakoraai bwa Nna karaoa nanon are Ko a tia ni baireia inanon Am Boki. Ko bon ataia, Au Uea, bwa tera ae e mena i nanou; ma Ngai I aki kona n ataa are e mena i Nanom. Ngkoe ni koaua te Kabanea n Ataibwai, te Atai Bwaai nako.

Also in: ar, ca, cnr, el, en, en, es, fr, hu, mi, mn, pl, pt, ro, sne, sv, ta

BH02898MAG

Te Buoka ao te Ibuobuoki

Te kamoamoa Nakoim, O Ngkoe te Uea Atuuu, au Mwatita! Ko ongo ikenrawaia naake ake, e ngae ngke a ingainga ni kan nora Moamoam, ma a bon karaurenakoaki mai iroum ao a raroa nako man Am tabo. Ko kakoaua nakon tanginiweneia naake a tia ni kinako ni kabwaranakoi ibukin taemwengaakia mai iroum ao ingaingan nanoia ni kan kaitibo ma Ngkoe. I bubutiko n nanoia naake akea nanoia ma bon ti kaubwain Uringakim ao kamoamoakim, ao ake a kaotii akea bwa bon ti taian kakoaua ake a taekinaki ibukin Kakannatom ao taian kanikinaa ibukin kakoauaakin Korakoram, bwa ko na kabwaroa nako aoia Am toro ake a Tangiriko te korakora ni kona ni kaania kaintekatekan kaotiotin otanakon Mimitongim ao ni buokiia naake aia kantaninga a toka Iaom n rinnako inanon umwan Am mwamwanano ae e rooti taabo nako ao Am nanoanga.

Akea karabaau, O Atuuu! Kunnikainai ma kamwarain Am nanoanga n akoi. I bora n taka, anganai bwa Nna moi man marawan Am mwamwannano ae e titituaraoi. Te ianena ngai, katikai ni kaaniai nakon boton Am bwaintangira. I aoraki, tamrurua nako aou ranin kamaiu man Am tituaraoi. I kainaki n aki kainaomataaki, kanakoa mai aou taian kabaebae, ma ni mwaakan korakoram ao rinanon korakoran Nanomatoam, bwa

I aonga ni kona n taabeibeiti iaon bain ni kiban te kamwawaaki nakon rietan taubukin Am karikibwai. Ngkoe, ni koaua, ae Ko karaoa are Ko rinea. Bon akea te Atua bwa ti Ngkoe, te Buoka n tain te Kanganga, te Kabanea ni Mimitong, te Aki Taueeaki Arona.

Also in: ar, ca, cnr, el, en, es, fr, hu, mi, mn, pl, pt, ro, sne, sv, ta

BH03111

Kabwarabure

Bon Ngaia te Atua! Ko Norira ngkai, te Uea, ni ikotaki n te taibora aio, ni karabwaa Am akoi, ao ara taratara e rairaki nakon Abanueam. O te Uea! Karuo a nako aora Am amwarake mai karawa ao te kakabwaia mai Iroum. Ni koaua, Bon Ngkoe te Aakoi, ao ni koaua, bon Ngkoe te Tia Angaanga, te Ataataiaomata Atataiaomata.

Also in: af, ar, ca, da, de, el, en, eo, es, fr, ha, ht, hu, hz, is, it, kj, lb, lg, lv, ml, nl, pl, pt, ro, sk, sm, st, tl

BH03181

Te Mare

Te mare ni Baha'i bon te bonnano ao te iraorao imarenaia itera aika uoua. E ngae n anne ma a riai ni bwaina te rangi ni karaaurau ao n riki n ikikinai anuaia i bon irouia. E riai te itoman ae e aki tootoki aio ni kamwaneauaaki n te boraraoi ae e nene, ao e riai n ae te kaantaninga bon te karikirakea te bonnano, te iraorao, ao te katiteuanaaki ao n roota te maiu ae akea tokina.

Bon te kainrou n te Bahá'í are te reita ae akea i aona ao kaotan raoi nanoia naaka uoman. Ao n aron anne, a riai ni kaota raoi nanoia ni koaua ma n atai nanoia ngaiia n tatabemaniia ao te berita are matoatoa are e karaoaki i marenaia e na riki bwa kabaeakiia n aki toki n iraorao ma n teimatoa n ti teuana n te maiu aei.

‘Abdu'l-Bahá

Te Berita ni Mare, n te kibu are e na atongaki irouia n tatabemaniia te tia mareaki te aine ao te tia mareaki te mwane i mataia taan kakoaua uoman ke n raka ake a kariaiakaki iroun te Botaki n Tamnei bon aio, are e riai man te Boki are Moan te Tabu (Kitáb-i-Aqdas) are e kaangai:

“TI NA BON MAMAEKA NI KOAUA N ARON NANON TE ATUA.”

Boni Ngaia te Aakoi, te Nanoanga!

E na neboaki Te Atua, are Ngkoangkoa are E aki maamate, are Akea Bibitakina, ao Akea tokina! Boni Ngaia are E a tia ni kakoaua n oin Arona bwa bon Ngaia ae ti Temanna, ae akea Tauan Arona, te Moa n Rietaata. Ti bon bane ni kakoaua bwa akea riki Te Atua bwa ti Ngaia ti ata Oioina n ti Ngaia, ni kaota Ngaia ae ti Temanna. E mamaeka n te tabo ae akea rotakina, n taubukin Rietaatana, man te mwaaka ae tataekin bwaai nako ma bon ti Ngaia, man te inaomata ni kaotii bwaai nako ma bon ti Ngaia. Ao ngke E iangoia n anga te raoiroi ao kakaraoan te raoiroi, ao ni baairea te aonaaba n etina, E rinanoi bwaai nako ao E karika Ana tua; mai buakon Ana tua E katea tuan te mare, bwa e na riki bwa te nono i bukin te mweraoi ao te kabwaia ao n

riki bwa tabera are e na karaoaki nako naano man karawan te mwaaka are n Ana Boki are Moan te Tabu. E taku te mwaaka are bon Mimitongina: Iein, au aomata, bwa mairoumi ane e na kaoti ngaia are e na Uringai mai buakoia Au toro; bon aio teuana Au tua nakoimi; ongeaaba nako iai bwa te bwai n ibobuoki nakoimi.

Also in: am, ar, bs, de, el, en, et, ha, is, kgf, lg, lv, mg, ml, mt, pt, ro, ru, sk, tl, tpi

BH04421HEA

Roronrikirake

O te Uea! Karika te roronrikirake aei bwa e na raneanea, ao anga Am bwaintituaraoi nako aon te karikibwai ae e kananoanga aio. Anganna te atatai, kariaia karakaan korakorana ni katoaa tabwenan te ingabong ao tararuaia inanoan kamanomanon Am kakaawakin bwa e aonga ni mwaawa man te kaairua, bwa e na kona ni kabanea nanona nakon te beku ibukin Am Aro, ni kona ni kairiia naake a tiotionako, ni kairiia ake a aki konabwai, ni kainaomataia ake a tauaki ni kabureaki ao ni kautiia ake a aki mwemweuti, bwa a na bane ni kakabwaiaaki ma Uringakim ao Neboam. Bon Ngkoe te Mwaaka ao te Korakora.

Also in: af, az, be, bg, bn, bs, ca, cnr, co, cs, da, de, diu, el, en, eo, eo, es, et, fi, fj, fo, fr, fy, gu, ha, ha, hi, hr, ht, hu, hy, hz, iba, iba, is, it, ja, kj, kn, ko, ky, ky, lb, lg, lt, mg, mi, ml, ms, mt, ne, ne, nl, pl, pt, ro, ru, se, se, sm, sne, sne, sq, sr, st, sv, ta, ta, tet, tet, th, tl, tvl, tvl, tvl, vi, zh-Hans, zh-Hant

BH05543

Te ririki ae e Boou

Naw-Ruz – Te Ririki ae Boou

(Naw-Ruz, Maati 20 ke 21, bon moan bongin te ririki ni Baha'i.)

Bon Am bwai te kamoamoaaki, Ngkoe Atua, bwa Ko a tia ni katabua Naw-Ruz bwa te tai ni kukurei irouia naake a tia ni mwannanoa te Aki Mamatam i bukin Tangiram, ma ni kaawakiniia man baike aki raroi Iroum. Au Uea anganiia ain Am tangira, ao te kabuebue are e otinako man te Aki Mamatam are Ko anga, bwa a na konaa ni urarake iai i nanon Am Waaki ao karikiia bwa a na maeka ma Kamoamoaam ma Uringam.

Man te tai are Ko katamaroaiia Ngkoe au Uea, n tamaroan te Aki Mamatam are e katauraaki Iroum, Ko bon katamaroaiia n tamaroan Am kariaia rinanon Am Raoiroi ao Am Iraorao n tituaraoi. Ma aia mwakuri aomata a kawenei i aon Kukureim ae e raoiroi, ma ni buran Am tua. Ko bia mutiakinna ngkai e a toki ana Aki Mamatam ae e a toki aei, ao bwa e na warekaki teuae ma neiei bwa naake a tia ni karika kuneakin Am Kaotioti ni kamemeaaki ni bubun te tano ao ma ni kamwawaaki nako man te ran ae ai aron atibu aika a kakawaki n te Koburake n ran ni kamaiu aei.

Boni Ngkoe Te Atua, te Manua are e a tiotio i aora ao ti noora iai ae kaanga Ko bon riari n neboaki n Am mwakuri ao te waaki ae kaangai E na ongeaaba te aba nakon Am tua, are e taekinaki. Katanoata taekan Am tabo, Ngkoe Atua, tuangiia Am toro, bwa a na atai raoi kakannaton bwaai nako bwa a bon tine i aan Am tua ao Am taeka, ao raoiroin mwakuri ao are e tamaroa n te kukurei ni motin nanoia are e na kinaaki bwa te

kairiiri man aia beku aomata bon man Am kariaia, ao maaniia ni kainaki n Am raioiroi, i nanon boong aikai are E taku iai Kristo: Boni Ngkoe Uean tautaeka nako, Ngkoe are Taman te Tamnei (Iesu); ao Raom (Mwaometa) are E takaarua: Boni Ngkoe te Mimitong, Ngkoe are Moan te Tangiraki, bwa Ko a tia n aki rabuna Tamaroam, ao ni korei baike a na riki naake Ko rineia bwa a na karekea kaintekatekan kaotiotin Aram ae moan te Kakannato, are mai iai aomata ni kabane a tanginiwenei ma ti ngkana a motiki bukiia man bwaai nako ma ti Ngkoe ao ni waaki Nakoina Ngaia ae te Tia Kaotiotiko ao te Tia Kaotai Arom nako.

Teuare bon Ngaia Am Mwaanga ao Am botaki ni kabane, Ngkoe au Uea, a tia ni katoka aia Aki Mamatam n te bong aei, i mwiin tian tauana irouia i aon robwan Am botaki, ma ingaingaia ni Kakukureiko. Ko na kataua i bukina ao i bukiia ni kabane ake a tia ni bane n rin ni Kaaniam ni boong akekei ake a bane n raraoi are Ko a tia ni baaireia n Am Boki. Anganiia ngkanne baike a tau i bukiia, i bukin te maiu ae e na roko.

Boni Ngkoe ni koaua, te Ataibwai ni kabane, te Kabanea ni Wanawana.

Also in: az, bg, bs, ca, da, de, en, es, gu, hi, ht, hy, is, ky, ky, mg, nl, pt, sne, ta, tk, tvl, tvl

BH05543

Aan te Waaki

Te Atua, ae Atuau! Kaotai moaia Am koraki ake a Tatangiriko ni koaua, ao buokiia ni barongaia anera n te tokanikai ae e koaua raoi. Kamatoai waeia i aon Kawaim ae e eti, ao man Am tituaraoi are mangkoa kauki i mwaaiia mataroan Am kakabwaia; bwa a kaakabanea i aon Kawaim baike Ko a tia n anganiia, n tararuaa Am Aro, ni katutuka aia mwioko i nanon aia Ururingko, n angaanga nanoia i bukin Tangiram, ma n aki tauanibwai ni kaubwaiia i bukin neboan Tamaroam, ao ni kakaai aanga i bukin Kakukureiam.

Au Uea! Baaireia i bukiia te tibwa ae mwaiti, te kabomwi are e kaman katauaki ao te kanuwanga ae koaua.

Boni Ngkoe, ni koaua, te Tia Angaanga te Maiu, te Tia Buobuoki, te Aakoi, te Tituaraoi, te Angaanga n taai nako.

Also in: az, bg, bs, ca, da, de, en, es, gu, hi, ht, hy, is, ky, ky, mg, nl, pt, sne, ta, tk, tvl, tvl

BH06026

Kamanomano

Te Atua ae Atuau! I a tia n teirake ao ni kitana mweengau, ao n teimatoa n taua roobun Am tangira ao I a tia n anga ngai ni kabanea nakon Am tararua ao Am kakaawakin. I butiiko ni Mwaakam are Ko a tia iai ni kaawakiniia ake Ko tangiriia man tibanakoia man kawaiia ao te katei nakon te raioiroi, ao man kakiriwean te tua, ao ni kabane taan karaoi aaro akanne aika a aki tau are a bon tia ni kararoaiia Mairoum, kaawakinai ao kamaurai n Am atataiaomata ao Am nanoanga.

Karikai bwa Nna manga oki nakon mweengau ni Korakoram ao Mwaakam. Boni

Ngkoe ni koaua moan te Mwaaka, te Buoka n te kangaanga, ao te Maiu i bon Irouna.

Also in: af, az, bg, ca, cy, da, de, diu, en, es, fr, hi, iba, iba, is, it, ja, kj, ky, lo, lv, mn, nl, pl, pt, ro, sk, sne, sne, ta, ta, tk, tk, tvl, tvl, tvl, ur

BH06296

Rikirake n Tamnei

Kamooai, O Ngkoe Atuaui, man karewen boiararan karaangan Am aki tootoki, ao katauai bwa Nna katoonga uanikain oioin Arom, O Ngkoe au Kaantaninga! Man itiakin nein Am tangira katauai bwa Nna nimma, O Ngkoe au Mimitong, ao kataua i bukiu bwa Nna maeka i aan nuun Am tabo ni kamanomano ae akea tokina O Ngkoe Ootau! Karikai bwa Nna aiwaa i nanon tawaanan Kaaniam, are bon i Matam, O Ngkoe are I rangi n tangiria, ao katekatekaa i angatain kaintokanuean Am nanoanga, , O Ngkoe are I nano Irouna! Kataua te ikeike bwa e na riaou man boiararan angin nako Kukureim, O Ngkoe au Katoki, ao katauai nakon rietan nako Baretaitin Oioim, O Ngkoe are I kamoamoa! Katauai bwa Nna ongo tangin bwanaan nako Taoben Arom ae ti teuana, O Ngkoe te Oota-mwaaka, ao rinanon tamnein Mwaakam ao Korakoram kamaiuai, O Ngkoe te Tia Kakatauraai i bukiu! Karikai bwa Nna teimatoa n tamnein Am tangira, O Ngkoe te Tia Kateimatoa, ao kamatoai waeu i nanon kawain Nanom are Ko tangiria. O Ngkoe are Ko karikai! Kataua bwa Nna maeka n akea tokina i nanon onarokan Arom n tamnei, i bon Matam, O Ngkoe are Ko bon nananoangaai, ao kateiraoai i aon kaintokan Mimitongim, O Ngkoe are te Tia Bwainai ni koaua! Tabekai rake nakon karawan Am tangira n aakoi, O Ngkoe te Tia Kamaiui, ao n Itoin Ngainan Am kairiiri kairiirai O Ngkoe are I matennanoia! Weteai bwa Nna mena i mwaain kaotiotan nako Arom n tamnei are a aki nooraki, O Ngkoe are Rikiau ao rietaatan are I kainnanaia, ao karikai bwa Nna manga oki nakon oioin boiararan Tamaroam are Ko na bon kaotiotia, O Ngkoe are bon Atuaui!

Ko bon mwaaka ni karaoa are Ko nano iai. Boni Ngkoe, ni koaua, te kabanea n Rine, te Kabane ni Mimitong, te Kabane n Rietaata.

Also in: af, az, bg, ca, cy, da, de, el, en, es, et, fi, fj, fr, gu, ht, hu, is, it, ko, ky, mg, nl, no, pl, pt, ro, ru, se, sm, sm, sv, ta, ta, ta, tk, tl, tvl, tvl, tvl, tvl, uk

BH06296

Rikirake n Tamnei

Au Uea! Karaoa Tamaroam bwa kanau, ao ike iai Ngkoe iai bwa nimau, ao Kukureim bwa au kaantaninga, ao Neboam bwa au mwakuri, ao Ururingam bwa raraou, ao mwaakan Ebiehim n tautaeka bwa te tia buokai n tain kainnanou, ao Mweengam bwa mweengau, ao au tabo ni maeka bwa te tekateka are Ko a tia ni katabua ni kamwaawaa man tiia ake a katokaaki i aoia naake a kainaki i tinaniku kaanga ai aron te rabunanimata Mairoum.

Ngkoe, ni koaua, te Kabanea ni Korakora, te Kabanea ni Mimitong, Moan te Mwaaka.

Also in: af, az, bg, ca, cy, da, de, el, en, es, et, fi, fj, fr, gu, ht, hu, is, it, ko, ky, mg, nl, no, pl, pt, ro, ru, se, sm, sm, sv, ta, ta, ta, tk, tl, tvl, tvl, tvl, tvl, uk

BH07105

Nebonebo ao Kakaaitau

Boni Ngaia te Atua! O te Uea, ti na kanga ni kaitauko?

Akea tian Am bwai n akoi, ma ara karabwarabwa, iai tiana.

E na kanga are iai tiana ni karabwaa are akea tiana?

Ti bon aki kona n anga te kaitau ibukin Am Nanoanga.

Ngkai akea korakorara, ti a rairaki nakon Abanueam ma ni bubuti bwa Ko na kabatia Am Angaanga ma Am bwai n akoi.

Bon Ngkoe te Tia Angaanga, te Tia Bwabwaintangira, Bon Ngkoe te Korakora.

Also in: az, bi, ca, de, en, es, fi, fr, is, it, ms, no, pt, ro, ta, th, th, th, th, th, tl, tvl

BH07657

Te Aki Mamatam

Ko na neboaki, te Uea ae Atua. I bubutii Nakoim ma te nanorinano n te Kaotioti aei are e bitaki iai te ro nakon te oota are e kateaki iai te Tembora ma n ataaki iai Koroboki aika a Tabu ma n taorababaa iai Taekam, bwa e na reke irou ao irouia aika a raoiroi, te aro ae ti na konaa n rierakea iai karawa nakon Mimitongim are akea tiana ao are e na kamaunai ara nanokokoraki are e tauira man namakinan rinra ni mwaneaban te ikotaki.

Bon ngai temanna, au Uea, are e a tia n taua roon Am aakoi, ma ni kanim baina nakon Am nanoanga ma Am tangira. Ko na anganai ma raou aika a tangira raoiroin te maiu aei ao are e na roko. Anganiia Am bwaintangira ae e raba are Ko kataua i bukiia aika a moa riki mai buakoia Am karikibwai.

Bon aikai, au Uea, boong ake Ko tuangiia iai Am toro bwa a na taua iai te Aki Mamatam. E na karaoiroaki are e taua raoi te aki mamatam ma te koaua, ma n taubaang man bwaai nako i Bukim. Buokai ao buokiia, au Uea, bwa a na ongo Iroum ma n taua Am tua, bwa Ko bon mwaaka ni karaoa oin Nanom.

Akea Te Atua bwa ti Ngkoe, te Ataiwai, ao te Wanawana. E na neboaki Te Atua, te Uea n aonaaba ni kabanea.

Also in: ar, bg, bn, ca, de, de, en, eo, es, fi, fi, fr, hi, hr, ja, ja, mg, mn, pl, pt, ro, ro, ta, th, tl, tl, tvl, tvl

BH07775

Teimatoa i nanon te Boraraoi

Ngkoe ae Atuan te Nanoanga! Bon Am bwai te karabwaaki bwa Ko a tia ni kautai ma n anganai te atatai. Ko a tia n anganai matau n taratara ao Ko aakoai n taningau n ongo, Ko a tia ni kairai nakon Abanueam ao ni kairai nakon Kawaim. Ko a tia ni kaota nakoiu te kawaiu ae e eti ao ni karikai bwa nna rinnako inanon te aake ni kamaiu. O te Atua! Kaawakinai bwa Nna teimatoa ao karikai bwa nna nene ao n aki kona ni mwaing nako. Kamanoai man taian kataitai aika a korakora ao katanai inanon nonon Am Boraraoi ao Am Tetemanti ae e matoatoa ao n tia ni kamatoaaki. Ngkoe te

Korakora. Ngkoe te Noraaba. Ngkoe te Tia Ongo.

O Ngkoe Te Atua ae Ko Nanoanga. Anganai nanou ae, ai aron te kiraati, ae e na kaotaaki n ootan Am tangira, ao kataua ibukiu taian iango ake a na kona n onika te aonaaba aio nakon te onaroka n rooti rinanon bwaronakon te karaioiroi mai karawa. Bon Ngkoe te Nanoanga, te Nanoanga. Bon Ngkoe te Atua ae Moan te Korakora Am Akoi.

Also in: af, am, ar, az, bg, bi, bs, ca, da, de, de, el, en, es, fi, fr, hi, hu, is, it, kl, ko, ky, ky, lb, lv, ml, mn, moh, mt, nl, nl, pl, pt, ro, sk, sne, sv, ta, ta, tk, tl, tvl, uk, vi, zh-Hant

BH08013

Nebonebo ao Kakaaitau

Nebonebo ni kabane, Atua, bon Nakoim are boni Ngkoe Rikin te Mimitong ni kabanea ao te kakannato ni uea, te kakannato ao te karineaki, te inaomata n tautaeka ao te mwaaka n tautaeka, te kairirieta ao te raoiroi, te kakanako nano ao te mwaaka. Ane Ko nano irouna ni kaania te Marawa ae Moan te Kakannato, ao ane Ko matennanoia Ko bon katokaa i aona rinena ni kinaakin Aram are Katokin Ngkoangkoa. Mai buakoia ni kabane ake i karawa ao i aon te aonaaba, akea ae e konaa ni kaaitaraa waakinan Nanom n Inaomatam n Uea. Man te aki tootoki ni kabane Ko a tia n tautaekana te karikibwai ae bwanin, ao Ko na bon teimatoa n taai nako ni kabonganaa Am waaki n tautaeka i aoia ni kabane baike a karikaki. Bon akea riki Te Atua bwa ti Ngkoe, Moan te Korakora, te Kabanea n Karietataaki, te Kabanea ni Mwaaka, te Kabanea ni Wanawana.

Kaootai moaia Am toro, te Uea, bwa a aonga n Tataraike; ao kaitiaki nanoia bwa a aonga n rairaki nakon bwerein Am bwai n aakoi ni karawa, ao ni kinaa Teuare Ngaia te Tia Kaotiotiko ao Rikin Ngainan Aro ni koaua. Ni koaua, boni Ngkoe te Uea n aonaaba ni kabane, Akea riki Te Atua bwa ti Ngkoe, te Aki Eenaki Arona, te Tautoroi bwaai nako.

Also in: af, ar, ar, az, bi, bs, ca, ceb, co, da, de, en, eo, es, et, eu, fr, gu, gu, hi, ht, id, is, it, ja, kj, kl, lv, med, med, mg, ne, nl, no, pl, pt, ro, ru, ta, ta, tl, tpi, tpi, tpi, zh-Hant

BH08244

Teimatoa i nanon te Boraraoi

Ko kamimitongaki, O Uean te aki tootoki, ao te Tia Karikii aono, ao te Tia Buabuai taian rii aika a tabe n mka! I tataro Nakoim, n Aram are rinanona Ko a tia ni weteia nikabane kaain aonaaba nakon oraitanin Ueam ao Mimitongim, ao ni kairiia Am toro nakon nanoaan oon Am kakatekeraoi ao Am akoi, warekai bwa temanna naba aroia ake a kaaki tangiran bwaai nikabane ma ti Ngkoe, ao n tia n tei ni waaki Nakoim, ao n aki tuukaki mwanangaia man taian kangaanga ake Ko a tia ni baireia ibukiia, man rairaki ni kaineti nakon Am bwaintangira.

I a tia n taua, O au Uea, bwain tauan Am kakabwaia, ao n teimatoa ni kanimwakaa baiu nakon rabin kamwarain Am bwaintituaraoi. Karuoa, ngkanne, nako aou, man

nangin Am tituaraoi, te bwai ae e na kaitiaka mai nanou uringakin riki temanna ma bon ti Ngkoe, ao karaoai bwa nna konaa n rairaki nakon Teuare Ngaia Boton nanoia te botannaomata nikabane, are E a tia ni kaitaraaki irouia taan teirake ni kakiriwe, ake a tia n urua Am boraraoi, ao n aki Kakoauako ao n Am kanikinaa.

Tai tuuka mai irou, O au Uea, boiararan Am kunnikai n Am Bong, ao tai kakeaa mai irou ikeiken Am Kaotioti ni kaotin otanakon tauran Moam. Ko bon mwaaka ni karaoa are Ko kukurei iai. Akea ae e konaa ni kaitaraa Nanom, ke ni katoka te bwai are Ko a tia ni kataua ni Korakoram.

Akea te Atua bwa ti Ngkoe, te Kabanea ni Mwaaka, te Kabanea ni Wanawana.

Also in: ar, az, bg, bn, ca, ceb, da, de, en, eo, es, es, fi, fr, hr, hr, id, it, ja, ky, ne, ne, no, pl, pt, pt, sm, sm, sv, sv, sv, ta, ta, th, tl

BH08244

Teimatoa

Kaanim Ngkoe i rarikiu, bon nanou ao Kaotim bon katokan botuu, Nnem ae mimitong bon au toki, Aram bon katokan aorakiu, Am tangira bon kaotaakin nanou, Am beku bon kakukureiau are i eta, i eta! I butiiko n Aram, are Ko a tia n anga iai nakoia aika a Kinako te konaa n roota Am iango ae moan te rietaata; ao ni kariaia ake a Neboiko n rierake nakon Am tabo are e tabu ae katauraaki i bukiia aika Ko akoia; ni buokai ni kaaitara Moam, ni kareke matau Iroum, ao n taekina Mimitongim.

Au Uea, bon ngai temanna are e a tia n mwanuokin bwaai nako ma ti Ngkoe, ao ni kaitaraa moan kaotin Am tangira, ao are e a tia ni mwaawa man bwaai nako, ma bon ti Ngkoe, n te aro ae Nna konaa ni kaania Matam. Taraai ngkai I tabeki matau nakon Am kaintoka ae raneanea n ootan Matam. Karuoa, ngkanne nako aou, Ngkoe ae tangiraki irou, n te aro ae Nna teimatoa iai i nanon Am Waaki, n te aro ae a aonga n aki tuukai nanokokorakiia aika a aki kakoauaa rairakiia Nakoim.

Boni Ngkoe ni koaua Atuan te Mwaaka, te buoka n taiani kangaanga, Moan te Mimitong ao te Korakora.

Also in: ar, az, bg, bn, ca, ceb, da, de, en, eo, es, es, fi, fr, hr, hr, id, it, ja, ky, ne, ne, no, pl, pt, pt, sm, sm, sv, sv, sv, ta, ta, th, tl

BH08308

Naake a tia ni Mate

Am bwai te mimitong te Uea ae Atua! Tai kamangora teuare Ko a tia ni karietaata ni mwaakan Inaomatam n tautaeka ae akea tokina, ao tai kamwaawa ni kararoaa mai Iroum teuare Ko a tia ni karinna n te umwanrianna n Am aki tootoki. Atua, Ko na kanga ni karenakoa teuare ngaia are Ko a tia ni kanuua n Rikiam n Uea, ao Ko na kangaa, Maamaten nanou, ni katannakoa mai Iroum teuare Ko a bon tia n riiriki bwa ana tabo ni kamauri? Ko na kangaa ni karinanoa teuare ngaia are Ko a tia ni tabekiarake ke ni mwaninga taekan teuare ngaia are ko a tia ni karikia ni konaa n Uringko?

Te kamimitongaki, moan te kamimitongaki Ngkoe! Ngkoe bon Ngaia are E Uea man te aki tootoki n te karikibwai ae e bwanin ao Oin Waakina, ao Ko a bon tiku n aki tootoki bwa te Uea irouia bwaai ni kabane ake a karikaki ao te Tia baairei aroia. Ko kamimitongaki, Atuau! Ngkana Ko katoka Am ataataiaomata nakoia Am toro antai, ngkanne, ae e na kaota te ataataiaomata nakoia; ao ngkana Ko rawa ni kamaiuia ake ko tangiriia, antai riki ae e konaa ni kamaiuiia?

Ko kamimitongaki, ao te kamimitongaki ae akea baaireana Ngkoe! Ko bon neboaki i nanon Am motiraoi ao i Bukim ti bane ni koaua, ni kaotioti. Ko bon taatangiraki ni koaua, i nanon Am raoiroi. Akea riki te Atua bwa ti Ngkoe, te Buoka n te Nibwa ni Mate, te Maiu i bon Irouna.

Also in: ca, da, de, el, en, fa, ht, hu, iba, id, is, ky, lv, ne, no, pl, pt, ro, sk, tl, tvl, zh-Hans, zh-Hant

BH08604

Teimatoa

O Ngkoe are Kaaniam bon nanou, are Ngkoe kaaniu Nakoim bon au kantaninga, Ngkoe are Uringam bon nanou ae I tangiria, are Am oo ae e mimitong bon au kouru, are Am tabo ni maeka bon au toko, are Aram bon katokan aorakiu, are Am tangira bon kaotaan nanou, are te beku Ibukim bon katokin rietan ingaingan nanou ae I tangiria! I Bubutiko n Aram, are rinanona Ko a tia ni karekea angaia naake a Kinako ni kibarake nakon rietaatan taubukin Ataakim ao ni kakorakoraia naake a Taromauriiko ma te kakaonimaki bwa e na waerake nakon nanoaan oon Am bwaintituaraoi aika a tabu, ni buokai n raira moau nakon Moam, ni katuka au taratara nako Aom, ao n tataekina Mimitongim.

Bon ngai, O au Uea, are I a tia ni mwaninga bwaai nikabane ma ti Ngkoe, ao n rairaki nakon Bongin Aumarin Am tituaraoi, are e a tia ni kaaki bwai nikabane ma ti Ngkoe n te kantaninga bwa nna kaaniaki nakon Am oo ae e tabu. Taraai, ngkanne ma matau ae e tararake nakon te Kaintekateka are e otanako ma raneanean otan Moam. Karuoa, ngkanne, nako aou, O au Tangira te baere e na karekea angaraioiu bwa nna teimatoa inanon Am Waaki, bwa e aonga aia nanououa taan aki kakoaua n aki tuukai man rairakiu Nakoim.

Ngkoe, ni koaua, Atuan te Korakora, te Tia Ibuobuoki n tain te kangaanga, te Kabanea ni Mimitong, te Kabanea ni Korakora.

Also in: af, ar, az, bg, bn, bs, ca, de, el, en, es, fr, hu, id, is, lv, mh, ml, nl, no, pl, pt, ro, sk, sl, sm, tl, tvl, vi

BH09085

Naake a tia ni Mate

Te tataro ibukin te mate e kakabonganaaki i bukiia kaain te Baha'i ake e a tia ni koro 15 aia ririki. "Ti aio te tataro ni Baha'i ae e kabaebae are e ananaaki n te bwanin; e na anaaki iroun temanna te tia onimaki ao ni kabane ake a roko a na tei. Akea baaireakina bwa e na kaitaraaki te Qiblih n anaaki te tataro aio." A Synopsis &

Codification of the Kitáb-i-Aqdas

Atuau! Bon Am toro aio ae te nati te mwaane ae natin Am toro are e a tia ni
Kakoauako ma Am kanikina, ao ni kaineta moana Nakoim, ni kabwaninaki ni
kamwaawaaki man bwaai nako ma bon ti Ngkoe. Bon Ngkoe, ni koaua, te kabanea n
ataataiaomata mai buakoia naake a kaota te ataataiaomata.

Ngkoe Are E kakabwarai bureia aomata ao E kakarabai aia kaairua, baairea taekana n
ai aron botaun karawan Am tituaraoi ao marawan Am raoiroi. Kariaia rinna i nanon
Oon Am ataataiaomata ae e riao are iai i mwaain bouakinan te aba ao karawa. Bon
akea te Atua bwa ti Ngkoe, te Kaakabwarai bure, te Kabanea n Tituaraoi.

[Ngkanne e na atongaki onoua te tai te taeka ni kamauri ae “Alláh’u’Abhá”, ao a na
manga atongaki kaka tebwimaruaiwa te tai kiibu aika a koreaki i nano n tatabeua
nako.]

Ni koaua, ti bon bane n taromauria Te Atua.

Ni koaua, ti bon bane ni katorobubua i matan Te Atua

Ni koaua, ti bon bane ni kabanei nanora i bukin Te Atua.

Ni koaua, ti bon bane n anga te nebonebo nakon Te Atua.

Ni koaua, ti bon bane n takaarua ni katituaraoi nakon Te Atua.

Ni koaua, ti bon bane ni kaantaninga iroun Te Atua.

[Ngkana te mate te aine, ke e na atonga: Bon Am tabonibai te aine aio ao te nati te aine
ae natin Am tabonibai, etc...]

Also in: af, am, ar, ar, az, bg, bi, bn, ca, ch, cy, da, de, dgz, diu, el, en, eo, es, fa, fi, fj, fr, haw, hi, ht, hu, hy, hz, hz, iba, id,
ik, is, it, ja, kgf, kiw, kiw, kj, kn, ksd, ky, ky, lb, med, meu, mg, ml, ml, mn, mr, nal, naq, naq, ne, nl, pl, pt, ro, ru, sk, sq,
srn, sv, sw, ta, th, th, tk, tk, tl, tpi, tvl

BH09162

Aine

O Ngkoe te Uea ae moan te mimitong! Karika am toro te aine ae e uarereke aio bwa e
na kakabwaiaaki ao ni kukurei; karikia bwa e na tangiraki n Atibunmataroan Am
katiteuanaaki ao kariaia bwa e na moo man mwangkon Am tangira bwa e aonga neiei
ni kaonrakeaki ma te kimwareirei ao te kukurei ao ni kabutanakoa te boiarara ae e
karewerewe. Ngkoe ni koaua te Mwaaka ao te Korakora, ao Ngkoe te Kabanea n
Ataibwai, te Kabanea n Noraba.

Also in: az, bi, bs, ca, de, el, en, es, fr, ha, ht, hu, id, is, it, ja, kl, nl, no, pl, pt, ro, ta, tk, tl, uk, vi, zh-Hant

BH09404

Huqúqu’lláh: Inaomatan te Atua

Ko kamimitongaki Ngkoe, O au Uea ae e nanoanga! I bubuti Nakoim n naouean
marawan Am taetaenikawai ae e tabu, ao man Am kanikinaa aika a uauatao ibukin
Ueam ae te kabanea n rietaata, ao taian kakoauaa aika a aki kona ni kaitaraaki ibukin
Rikim n Tamnei, ao taian miterio aika a raba ake a wene n rabunaki inanoaan Am

ataibwai, bwa Ko na anganai Am tituaraoi ni beku Ibukim ao naake Ko a tia n rineia, ao ni karekea angau bwa nna karaoa tabeu n angarake Am Huquq are Ko a tia ni baireia inanon Am Boki.

Bon ngai, O au Uea, are e a tia ni katurui ana namakin nakon Am aonnaba ae e mimitong, ao n tia n nimtaki ni kakorakoraaki nakon rabin Am tituaraoi. O Ngkoe Are Uean karikibwai nako ao te Tia Tautaeka iaon abanuean aara nako, I bubuti Nakoim bwa Ko na aki tuukai man bwaai ake Ko bwainii, ke n taua mai irou te baere Ko a tia ni kataua ibukiia ake Ko a tia n rineia.

I bubuti Nakoim, O Uean aara nako ao te Tia Karika karawa, ni buokai bwa nna teimatoa inanon Am Aro, rinanon Am tituaraoi ae e kakorakoraai, n te aro are taian bwai ni kariirii n te aonnaba a na aki karawawataai bwa nna kainaki n ai aron te rabunanimata, ke n totokoaki man taian kakiriwee aika a kaakaiaki mai irouia naake a buakaka ake a tia n teirake ni kairiia nako Am aomata nakon te kawai ae e kaairua inanon Am bong. Kataua ibukiu ngkanne, O Ana tangira Nanou, tamaroan te aonnaba aio ao ae e na roko. Ni koaua Ko bon korakora ni karaoa are Ko bon tangiria. Akea te Atua bwa ti Ngkoe, te Kabanea n Nanoanga, te Kabanea n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

BH09404

Huqúqu'lláh: Inaomatan te Atua

Te Huqúqu'lláh bon te tua ae kakannato. Bon te bwai ae taabangaki iaomia aomata nako karekean te angabwai aei, kioina ngkai boni mwiokon te karaoiroi, te kaubwai, ao baika a raroai ni kabane. Bon te tituaraoi are a na tiku ma ngaia takanoi ni kabane ni katoai aonaaban Ana aonaaba nako Te Atua, Te Tia Bwaibwai ni Bwaai-nako, Te Tituaraoi.

Ko na rangi ni karietaataaki ngkoe ae Uean te karikibwai ni kabane, are boni Ngkoe are a na bane bwaai ni kabane n Okiriko. Ma neweu n nanoaa ao ma neweu n tinaniku I kakoauaa raoi bwa Ko a bon tia ni Kaotiotiko ao ni kaota raoi Rabwatam, ni karuoi Am kanikina nako, ma ni katanoatai Am koaua nako. I kakoaua nakon akea riki bwa ti Ngkoe ibukin taubobongan Arom, ao nakon naba Itiakim iaon bwain ni kabane te aonaaba. I Ononiko n rietaatan mimitongin Am Aro ao Mwaakaroiroin Am taeka bwa ko na anga te kamatoa nakon ane e kan anga te bwai are ko a tia ni kabwarabwara nakoina inanon Am boki ao ni ira nanon are e na kataotiraa boiararan Am butimwaai. Ni koaua, Ngkoe boni moan te Mwaaka, te moa n te Akoi, te moa n te Kakabwarabure. te katoki n Tituaraoi.

Also in: az, bi, diu, en, en, en, fr, hu, hz, iba, is, ky, mn, mr, nl, ro, sm, tvl, tvl, tvl

BH09621

Tataro ibukin te aki mamatam

O Atua au Matita! Ko norai ibuakoia Am karikibwai ake a karitei ao ni Kaitarako.

Ni katoa te tai are I kaoia nakon marawan Am atatai, e rikirake aia totoko ao rawaia nakon Am Waaki ibukin Inginmainikun-te Nne ibukin Am Moti ae a korakora riki nimwakana. I Bubutiko, O Atua mairouia naake aki mamatam ibukin Tangiram ao a nima te ran ni kamaiu n ongeaba man bain Am kakabwaia, ni kataua ibukia ake Ko tangiria, ake iaan urabakan mronronin Am kataitai a taua robun te taotaonannano, ni kabane raoiroi Ko a tia ni kataui inanon Am Boki ao Am Tabureti. Korei, ngkanne, ibukia ake a karawawataaki ma korakai Ibukim, te kaniwanga nakoia ake a rinanon te matenimaritire ni kawain Kakukureiam. Karua rikaaki, moarariki, iaia, O te Uea, te bwai are e na kakimwareireia nanoia, kamweraoa mataia, ao ni kakimwareirei tamneia. Bon Ngkoe, ni koaua, te Kabanea ni Mwaka, te Kabanea n Rietata, te Tia Buoka n te Kabuanibwai, te Kabanea n Ataibwai, te Kabanea ni Wanawana.

Also in: ar, de, en, es, fi, sne, sne, tvl

BH09621

Te Aki Mamatam

E mwakoro n te Kitáb-i-Aqdas: “Ti a tia ni motikia nakoimi bwa kam na bwaina te tataro ao te aki mamatam man moan koron te roro n ikawai; aio are e a baaireaki iroun te Atua, am Uea ao Ueaia am bakatibu... te tia mwananga, naake aoraki, a bikoukou ao naake a kamamma, a aki kabaeaki n te aki mamatam.. Tai bwaina te amwarake ao te moi man otin taai ni karokoa bungin taai, ao taratara bwa e raawa te kaibwabwaru n anaa mai iroum te raoiroi ae e a tia ni motikaki i nanon te Boki.”

Tain te aki mamatam bon man 1 ke 2 Maati ni karokoa 19 ke 20 ni Maati.

I onnoniiko, Ngkoe Atua, ni mwaakan Kanikinaeam, ao man kaotiotin Raoiroim i buakoia aomata, n aki katinanikuai man mataroan te kaawa are Ko mena iai, ao n aki urui au kaantaninga ake I a tia ni kawenei i bukin kaotiotan Raoiroim i buakoia Am botannaomata. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe Atua, n moan baan karewerewen Bwanaam, ao man rietaatan Am Taeka, ni katikai ni kaaniai riki nakon matan Am mataroa, ao n aki karikai n raroa nako man nuun Am nanoanga ao katantanin Am kakabwaia. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe Atua, n ootan raneanean Am ari ao otamwaakan tauran Moamoam, are e oota man te kabanea n rietaata n oraitan, ao ni katikai ni boiararan Am kamwarai, katauai bwa N na moo man te wain ae rineaki n Am taeka. Ko bon noorai, Atua, I taua Aram, te Kabanea n Tabu te Kabanea n Oota, te Kabanea ni

Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe ae Atuaui, n Iram are e mwaingiing i Moam, n ai aron mwaingiingin Am kainikoroboki i aon iteranibaan nako Am Tabureti, ni kakianakoa te rengarenga are e raba nanona nako i aon abanuean Am karikibwai, ni kateirakeai ni beku n Am Waaki bwa N na aki kerikaaki ke n tuukaki man aia iango naake a tia n totokoa Am kanikina nako ao n rairaki nako mai Moam. Ko bon noorai, Atuaui, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe ae Atuaui, n Aram ae Ko a tia ni karaoia bwa Uean Aara, are mai iai a tia ni kimwareirei ni kabaneia ake i karawa ao i aon te aba, ni karikai bwa N na kona n taraa Itoin Ngainan Tamaroam, ao n anganai wainin Am taetae. Ko bon noorai, Atuaui, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe ae Atuaui, n Umwan Am kaintokanuea mai i aon te kabanean n rietaata taubukin maunga, ao katantanin Am Kaotioti ni kabanean rietaatan tabuki, ni mwannanoai ni buokai ni karaoa are Ko tangiria ni karaoaki ao ni kaotiotaki Am kaantaninga. Ko bon noorai, Atuaui, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko, Ngkoe ae Atuaui, n Tamaroam are e ootanao i aon oraitanin te aki tootoki, te Tamaroa are i mwaain are E kaotaki n te tai naba anne abanuean te tamaroa e bobaraaki nako naano n taromauria, n neboneboia n tangitangin bwanaa, ni kataua bwa N na mate man bwaai ni kabane ake I bwaini ao ni maiu nakon bwaai ake Mairoum. Ko bon noorai, Atuaui, I taua Aram, te Kabanea n Tabu te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, ni Kaotiotan Aram, Moan Baan te Tangiraki, are Rinanona a bane nanoia naake E tangiriia ao a tia n rierake tamneia naake a maeka n te aonaaba, ni buokai n Uringko i buakoia Am karikibwai, ao ni Kamoamoako i buakoia Am aomata. Ko bon noorai, Atuaui, I taua Aram, te Kabanea n Tabu, te Kabanea n Oota, te Kabane ni Mwaaka, te Kabanea ni Korakora, te Kabanea n Rietaata,

te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, ni mwakaikain Kain te Rote ni Karawa ao maningongoon kamwemwen Taetaem man abanuean Aram nako, ni buutai nako man bwaai ake Ko ribai, ao ni katikai ni kaaniai nakon te karinan are E a tia n ootanako iai Teuare Ngaia Bongin Rikiraken Am kanikina nako ake a tia n oota nako. Ko bon noorai, Atuaui, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, n te Man ni koroboki are, n te tai are e otinako man wiin motin Nanom, a tia ni koburake iai taian marawa, ao ni kare iai taian ang, ao ni kaotaki uaa, ao n teberake ni bwebwe kaai, ao ni mauna iai bwain ma rongorongo ni ikawai, ao n taeki nako aeka nako n rabunanimata, ao naake a bane nanoia Iroum a kawaekoaiia nakon ootan matan aia Uea, te Aakea Tokina, ni kaoti nakoiu baike a wene n raba i nanon kaubwain Am atatai ao ni kainaki i nanon te tabo are a karauaki ni kaawakinaki n Niniwanam. Ko bon noorai, Atuaui, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, n ain Am tangira are e kamwaawa te matu man mataia naake Ko rineia ao ake Ko tangiriia, ao man aia ururing ao aia nebonebo nakoim n auan te karangaina, ni warekai i buakioia naake a tia ni karekei bwaai ake ko a tia ni karuoi rikaaki i nanon Am Boki ao ni Kaotiko rinanon motin Nanom. Ko bon noorai, Atuaui, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, n ootan Moam are e kairoroia ake a kaan ma Ngkoe ni uarokoia ma waekoan Am tua, ao ake a bane nanoia Iroum ni kaaitarai aia kabaang Am kairiribai i nanon Kawaim, ni koroii nakoiu n Am Kainikoroboki ae moan baan te rietaata bwaai ake Ko a tia ni koroii nakoia ake Ko onimakiniia ao ake ko rineia. Ko bon noorai, Atuaui, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaain te aonaaba aei ao ake n te aonaaba ae e na roko.

I onnoniiko Ngkoe ae Atuaui, n Aram are Ko a tia n ongo n aia wewete naake a Tangiriko ao rawawataia ni kariaria naake a Kainnanoiko, ao tangiia naake a tangira rokoia Iroum, ao ngirangiraia naake a bane nanoia Iroum, ao rinanona are Ko a tia ni kakoroii bukin baike a tangirii ao ni katokai aia kaantaninga Iroum, ao Ko a tia ni

anganiia nanoia are a tangiria, rinanon Raoiroim ao Am mwamwannano, ao n Aram rinanon marawan Am kabwarabure a bwaro nako Moam, ao nanging Am tituaraoi ae bwaka ni karau i aoia Am toro, ni koroi i aoia n tatabemaniia ni kabane ake a tia n rairaki Nakoim, ao n taua bukin te Aki Mamatam are e kamatoaaki Iroum, te kabomwi are e katauaki i bukiia ake a aki taetae ma ti man Am kariaia, ao ake a tia ni katikui i nanon Kawaim aia bwai ake irouia i bukin Tangiram.

I onnoniiko Ngkoe ae Atua au Uea, i Iroum ao n Am kanikina nako, ao n itiakin Am kanikina nako, ao raneanean ootan Itoin Ngainan Tamaroam, ao Mwaangam, ni kamaunai aia bure naake a tia n taua ni kamatoa Am tua, ao n tia ni karaoa nanon are Ko a tia ni baaireia i bukiia i nanon Am Boki. Ko bon noorai, Atua, I taua Aram, te Kabanea n Tabu, te Kabanea n Oota, te Kabanea ni Mwaaka, te Kabanea ni Korakora, te Kabanea n Rietaata, te Kabanea ni Mimitong, ao n tineia rabin te kamwarai are a bane n tineia kaa in te aonaaba aei ao ake n te aonaaba ae e na roko.

Also in: ar, de, en, es, fi, sne, sne, tvl

BH09848

Tataro aika a Taabangaki

Katakei, ngkoe Au toro, Ana kibu nako Te Atua ake a tia ni karekeaki iroum, n aron katakeaia irouia naake a tia ni katikaki ni kaaniaki Nakoina, bwa ni karewerewen am anene e na kona ni bon kaura oin tamneim, ao ni katiki nanoia aomata ni kabane. Are e atongnga, i bon irouna n ana ru, kiibu ake kaotaki iroun Te Atua, Ana anera te Uea a na kauamaae nako ao a na tibwatibwai boiararan taeka ake a atongaki mai wiina, ao e na karikia naake a etieti ni buki buki nanoia. E ngae ngke n te moa n tai e aki namakina mwiina, ma tamaroan te aroaro are e kaawakinaki i bukina e na bon tangiria n te tai ae waekoa ke n te tai rimwi ni karaoaki nanona n tamneina. Bwa bwaai aika a raba n Ana Kaotioti Te Atua a tia ni koreaki n tamaroan Nanon Teuare Ngaia Boton te korakora ao te rabakau.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

BH09848

Kabutireirei

Kaotaki nakoia kaa in te Bahá'í n Aonon Nuka

A kona taan kabutanakoa boiararan te Atua n atonga te tataro aei ni katoa ingabong: O te Uea, Atua! Te nebonebo ao te karabwarabwa Nakoim bwa Ko a tia ni kairai nakon te kawai ni koaua nakon te abanuea, ni kariaia bwa Nna nakonako n te kawai ae ineti ma ni kakironako kaei aei, Ko kaota matau bwa Nna nora raneanean Ootam, Ko kainga taningau nakon tangiraoia mannikiban te katabuaki man te abanuea ni kamimi ao ni katika nanou n Am tangira ibuakoia aika etieti.

O te Uea! Kamatoaai ma te Tamnei ae Raoiroi, n te aro bwa I aonga ni kona ni wewete n Aram ibuakoia aono nako ao n anga reirei ni kamaiu ibukin kaotiotan Am abanuea

ibuakoia aomata nako.

O te Uea! I bon mamara, kamarurungai ni Mwaakam ao Korakoram. Neweu e baebae, kariaiaai bwa Nna tataekini Kaururingam ma Neboneboam. I rinano, kakannangakai man karinakiu inanon Am abanuea. I raroanako, karikai bwa Nna waaki nako matan atibun mataroan Am nanoanga. O te Uea! Karaoai bwa te taura ae katekemata, te itoi ae raneanea, ao te aroka ae kakabwaiaki, ae unekenekeaki ma uaa, mwangana nako a kanuui mwakoro n aono nako n taabo aikai. Ni koaua, bon Ngkoe te Korakora te Mwaaka ao te Aki Kona ni Ineaki.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

BH09848

Kabutireirei

Te nebonebo Nakoim, O te Uea ae Atuaui! I a Butiiko n Aram are akea ae e a tia ni kinaa n ae tau, ao kakawakina akea te tamnei ae e a tia ni kataunaari; tia n ataia ni koaua; I Butiiko, iroun Teuare Ngaia Koburakenranin Am Kaotioti ao Bonginaumarin Am kanikina, ni karika nanou bwa e na butimwaea Am tangira ao Ururingam. Kabaea, ngkanne, nakon Am marawa ae moanbaan te korakora, bwa mai iai a na waanako ranin te maiu n Niniwanam ao raanga n ran aika a iitiaki ni Kamimitongam ma Neboam.

Baiu ao waeu n rabwatau a kakoaua n Am katiteuana, ao iran atu e katanoata korakoran Ueam ma Mwaakam. I a tia n tei ni mataroan Am tituaraoi n tabwanin n aki tabeakinai i bon irou ao ni kaakeaai n tabwaninna, ao n nimta rabin Am bwaintituaraoi, ao ni katurua matau iaon oraitanin Am bwaintangira.

Kataua ngkanne ibukiu, O Atuaui, te bwai are e na riki bwa kakannaton Ueam, ao buokai, n Am tituaraoi ae e kakamatoa, n reiakina Am Waaki bwa a aonga maate ni kawaekoaia man ruaia, ao ni biri Nakoim, n onimaki n tabwaninna Iroum, ao ni katokai aia taratara i aon raneanean Am Waaki, ao nnen-karangainan Am Kaotioti. Ngkoe, ni koaua, te Kabanea ni Korakora, te Kabanea n Rietaata, te Ataibwaai nikabane, te Kabanea ni Wanawana.

Also in: ca, da, de, en, es, gu, hy, it, kj, ky, lv, mr, mt, pl, pt, sne, sne, sne, sne, sne, sne, sv, tvl, tvl, tvl, tvl, ur, ur

BH09855

Ataei

Ko na neboaki Ngkoe, O te Uea ae Atuaui! N Am tituaraoi kariaia bwa e na kamwarakeaki te merimeri aei man mamman Am nanoanga ae e tatangira ao karawan Am tangira ao ni kamarikeaki ma uanikain Am kai mai karawa. Tai karawawata bwa e na kabaeaki nakon ana tararua riki temanna ma ti Ngkoe, n ai aron ae Ngkoe, Iroum, rinanon mwaakan Uean Nanom ao Korakoram, ko a tia ni karikia ao ni weteia nakon te maiu. Akea riki te Atua bwa ti Ngkoe, te Kabanea ni Mwaaka, te Atai Bwaainako.

Ko kamoamoaaiki Ngkoe, O Ae Moan te Tangiraki, uka nako aona karewerewen kakukurein Am akoi ae e riaon bwaai nako ao boiararan Am bwain akoi aika a tabu. Kariaia ibukina ngkanne bwa e na ukora katanana iaan nuum Aram ae moan te rietaata, O Ngkoe Are Ko taua ni kamatoa inanon Baim abanuean aara ao anuan aika a raraoi. Ni koaua, Ko bon mwaaka ni karaoa are Ko bon tangiria, ao Ngkoe ni koaua te Mwaaka, te Karietataaki, te Kabane n Nanoanga, te Karaoiroi, te Tituaraoi, Moan te Nanoanga.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

BH09855

Ataei

O te Uea ae Akea Kabotauam! Riiki bwa te kamanomano nakon te teei ae e kananoanga aio ao te Mwatita ae e akoi ao n nanoanga nakon te tamnei ae e a tia ni kaairua ao n aki kukurei aio. O te Uea! E ngae ngke ngaira taian aroka aika akea bonganara, ma ti kaaina Am onaroka n rooti. E ngae ngke ngaira taian kai aika a tibwa bwebwerake n akea baara ao ueera, ma ngaira bon kaain Am tabo n unuuniki. Kaikawaaki te aroka aio ngkanne rinanon bwaronakon man nanging Am nanoanga n tangira ao kamaiuia ao kabooua te kai ae e a tibwa bwebwerake aio rinanon te ikeike ni kamaiu man Am aumari n tamnei. Kariaia bwa e na riki n tatabeakin, ni matairiki ao ni kakanangaki, ao kariaia bwa e na karekea te maiu ae akea tokina ao ni maeka inanon Am Abanuea n aki tootoki.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

BH09855

Bikoukou

Au Uea! Au Uea! I Neboiko ao I Katituaraoiko bwa Ko a tia n nanoangaa Am toro te aine ae mangori aei. E bon karinanoa ma ni Kamoamoako Am toro aei ngkai Ko a tia ni kairia nakon Ueam ma n kaongoa Am weewete ae moan te rietaata nakon te aonaaba aei, ao Ko anganna naba te noraaba bwa e na noori Am kanikina ake a konaa ni kakoaua Am tautaeka n tokanikai i aon bwaai nako. Au Uea! I a bon anganiko te ataei ae i nanon birotou aei bwa e aonga n riki bwa ataein Abanueam ae moan te bongana, bwa e na rikirake i nanon Am tangira, e na maiu ma n rikirake i aan Am kaawakin ma Am kairiiri. E bon koaua! Bwa boni Ngkoe te Aakoi. E bon koaua bwa boni Ngkoe ae moan te bati Am bwai n Aakoi.

Also in: ar, az, bn, bn, ca, el, en, eo, es, fa, fo, gu, haw, ht, hu, iba, iba, is, ja, ja, lb, lg, lo, mi, mi, ml, mn, mn, mt, ne, nl, pl, ro, ru, sk, sq, st, sv, ta, ta, th, tk, tl, tvl, uk, uk, zh-Hant

BH09872

Te Mare

Ko na neboaki Ngkoe Atuu! Bon Am toro ni koaua aei ao Am toro naba te aine aei,

ake a tia ni karikiia n ti te irikona i aan nuun Am nanoanga. Te Uea! Buokiira i nanon te aonaaba aei ao n Abanueam ni karekea nakoia baika a raoiroi man Am atataiaomata ao Am tangira. Te Uea! Kateimatoaiia i nanon aia beku i Bukim ao buokiia n Am kairiiri. Karikiia bwa kanikinaaeen Aram n Am aonaaba ao kaawakiniia i nanon Am kairiiri aika akea tiaia n te maiu aei ao n ae e na roko. Te Uea! A bubutii nakon Abanuean Am aakoi, ma ni kan buokaki nakon te tabo ae Kaonotiko. E bon koaua bwa a mareaki bwa a na ira nanon Am tua. Karikiia bwa a na riki bwa kanikinaaeen te rau ma te iraorao ni karokoa tokin te tai.

Boni Ngkoe ae Moan te Mwaaka, Ko mena n taabo ni kabane ao Moan te Kakannato.
'Abdu'l-Bahá

Also in: az, bg, bn, ca, da, de, el, en, es, es, fr, ht, id, it, lv, mt, nl, no, pl, pt, sne, sq, tl

BH09960

Kaanian te Atua

Au Uea, ao Atua au au Tabo ni Motirawa man korakaiu! Otangau ao te Tia Kakaawakin man korakaiu! Au nono ao au Tabo ni Kakaawakin n tain te kangaanga ao n tain te maroaa bon iriau, n au tai n rawawata bon karauan nanou ao ngkana ti ngai bon raou ae e tangiraki. Te Tia Kamwaawai kananokaawaki nako ao te Tia Kabwarai au bure!

I bon rairaki raoi Nakoim, ao ni bubutii n tataro Nakoim ma nanou ni kabanea, ma au iango ma neweu, bwa Ko na kamanoai man bwaai nako ake aki bootau ma Nanom, n te tai aei, ae bon Tain Waakin Am katiteuana n Tamnei, ao ni kaitiakai man aeka ni kabarekareka ake a na tuukai man Ukoukoram, n itiaki ao n aki bareka, are nunikain Am raoiroi.

Au Uea, nanoangaiia aika a kainnano, ao kamarurungiia aoraki, ao tiringa uran te taka.

Kakukureia te nano are e mena iai ain Am tangira are e bae n ura iai ain Am tangira n tamnei.

Kabaea Umwan Am katiteuana n Tamnei ma bwain kabaebaen te katabuaki ao kamenaa i aon atuu baunuean Nanom.

Kaootaa moau n ootan Matan Am Tituaraoi ao kairiirai n ukoukoran Am mataroa ae tabu.

Karika nanou bwa e na onrake n tangiran Am karikibwai nako ao katauai bwa I aonga n riki bwa kanikinaean Am nanoanga, ao kanikinaean Am bwai-n-aakoi, te tia karikirakeiia aika a tabu i buakoia aika ko tangiriia, bwa e na bane nanou Nakoim n atoatong Arom nako, ao ni mwaninga arou ma n ti ururing ake bon Am bwai.

Atua, Atua, tai tuuka nakoiu kamaeun angin Am kabwarabure ao Am aakoi ao tai kamwaawaai man koburaken ranin Am ibuobuoki ao Nanom.

I aan nuun bain Am kakaawakin kamenaa bwa Nna motirawa, ao karekea nakoiu

Am taratara ae e kakaawakin.

Kariaia neweu bwa e na takaruaa Aram i buakoia Am aomata, bwa e aonga n irakeaki i nanon baronga aika a korakora ao koburaken karaangan Neboam.

Bon Ngkoe, ni koaua, te Tamaroa, te Mimitong, te Mwaaka, te Konai Bwaai nako!

Also in: af, ar, az, az, bg, bn, bs, ca, de, de, el, en, eo, es, et, eu, fj, fr, hi, ht, it, kj, ko, ky, lv, mg, mt, nl, pl, pt, ro, sk, sl, sne, sne, ta, ta, ta, tl, vi, zh-Hant

BH09960

Kabwarabure

Ko noorai, au Uea, ma moau are e rairaki nakon karawan Am tituaraoi ao marawan Am bwain aakoi, ni bubai man bwaai ni kabane i Rarikim. I Butiiko, ni mimitongin Taa'in Am Kaotioti i aon Tiinai, ao ni korakoran ootan Tobibin Am raoiroi are e ootanako man rabin karawan Aram, are te Kakabwarai buure ao ni bwaina te atataiaomata nakoiu. Korobokiia i bukiu, ngkanne, n Am kainikoroboki ni mimitong baike a na kariatataai rinanon Aram n aonaaban te karikibwai.

Buokai, au Uea, ni kaineti Nakoim, ao n ongoongo ni bwanaaia naake Ko tangiriia, ake mwaakan te aonaaba a tia n aki konaa ni kamamaraiia, ao tautaekan aaba nako a tia n aki konamaki n tauia Mairoum, ao naake a tia n taku ngke a waaki Nakoim: “Bon Te Atua ara Uea, Ueaia ni kabaneia ake i karawa ao ni kabane aika i aon te aonaaba.”

Also in: af, ar, az, az, bg, bn, bs, ca, de, de, el, en, eo, es, et, eu, fj, fr, hi, ht, it, kj, ko, ky, lv, mg, mt, nl, pl, pt, ro, sk, sl, sne, sne, ta, ta, ta, tl, vi, zh-Hant

BH10076

Ataei

Atuau! Kairai ao kaawakinai. Kaotaa riki tauran nanou ao karikai bwa te itoi ae raneanea.

Bon ni Ngkoe te Mwaaka ao te Korakora.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH10076

Ataei

Ngaia te Atua! O te Atua Atuau! Anganai te nano ae e itiaki, n ai aron te bwaeao.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH10076

Ataei

Te Uea ae akea Kabotauana! I bukin Te teei are e aki konabwai naba Ngkoe te Tia Kaawakinna, ao i bukin are e mamaara ae bubure aei bwa Ko na aakoi ao Ko na kabwaraa ana bure.

Te Tia Karikibwai! E ngae ngke bon ngaiira uteute ae akea manera, ma bon bwain naba Am onaroka aika a uarereke, ae akea ueeia ma baaia; ngaia are kamwarakea te uteute aei ni karaun Am Tituaraoi; kaitiakia ao kamaiu aroka aikai n angin Am rikirake n tamnei.

Kautiira, kaootaiira, kaawakiniira, anganiira te maiu are akea tokina ao katauiira i nanon Am abanuea.

Also in: az, az, ca, de, el, en, es, gu, ht, id, is, it, ky, lb, mn, mr, nl, pl, pt, se, sk, ta, tet, tvl, tvl, tvl, uk, zh-Hant

BH10127

Tataro ibukin te aki mamatam

N Arana Ngaia Are e beritaaki n Ana Boki nako te Atua, te Kabanea n Atatai, te Kabanea n Ataibwai! Bongin te aki mamatam a roko ike tooro ake a katobibia Am kaintokanuea ao a tia ni karekea Kaaniam a karaoa te aki mamatam. Atonga: O Atuan aara ao te tia karika karawa ma aonteaba! I Bubutiko n Aram, te Kabanea n Mimitong, ni butimwaea aia aki mamatam naake aki mamatam ibukin Tangiram ao ibukin Kakukureiam ao a tia ni karaoia ni kaineti ma are Ko tua ibukina n Am Boki ao Am Tabureti. I Onnoniko, ibukia bwa ko na buokai ni katanoata Am Waaki ao ni karikai ni matoa ibukin Tangiram, bwa aonga mwanekau n aki marannako man aia kaberoro Am karikibwai nako. Ni koaua, Ngkoe te mwaaka iaon are Ko bon taku. Akea te Atua Irarikim, te Taenoa, te Kabanea ni Mwaaka, te Kabanea ni Kakabwaia, Bongini Ngkoangkoa.

Also in: ar, az, ca, de, el, en, es, fr, gu, gu, ht, is, mn, nl, pl, pt, sk, sne, sr

BH10581

Tataro ibukin te aki mamatam

Ko na Neboaki, O te Uea Atua! Ti karaoa te Aki Mamatam ni kaineti ma are Ko tua ao n urua ngkai rinanon Am tangira ao Am kukurei-n-nano. Kataua butimwaeana, O Atua, mwakuri ake ti karaoi ni Kawaim ni bwanin ibukin akea riki irarikin Tamaroam ao ma moara aika kaineti nakon Am Waaki, a inaomata man akea riki bwa tii Ngkoe. Kataua, ngkanne, Am kakabwarabure nako aora, nako aoia ara bakatibu, ao nako aoia ni kabane ake a Kakoauako ao n Am kanikina aika korakora n te tai ae rangi ni korakora aei, te Kaotioti ae moan te mimitong aei. Ko bon karaoa are Ko rinea. Boni Ngkoe, ni koaua, te Kabanea n Rietata, te Korakora, te Aki Eenaki.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

BH10581

Ngkana ko na urua am aki mamatam

Te nebonebo nakoim O te Uea ae Atua. Ti a tia n ira nanon te Aki Mamatam ni kaeineti ma am kaetieti ao n urua ngkai inanon Am tangira ao Kukureim ae raoiroi. Butimwaea ma te nanonaki O Atua, taian mwakuri ake ti a tia ni karaoi inanon Kawaim ni bwaninia bon ti ibukin Tamaroam, ao moara aika ineti nakon Am Waaki, n inaomata man bwaai nako ma ti Ngkoe. Kataua ngkanne Am kabwarabure nako aora, nakoaoia ara bakatibu ao nakoaoia ni kabane ake a tia ni Kakoauako ao inanon am Kanikina nako aika korakora inanon te Kaotioti aio ae te kabanea ni korakora ma ni mimitong. Ko bon korakora ni karaoa are Ko rinea. Bon Ngkoe ni koaua Te Kabanea n

rietata, te Korakora, Te aki kona n tauaki Eena.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

BH10581

Tataro ibukin te aki mamatam

Ko kariatataaki, O te Uea Atua! I onnoniko mairouia naake Ko a tia ni katauia bwa a na ira nanon te Aki Mamatam ibukin aia tangira Ibukim ao Kakukureiam, naake a tia ni kaota ongotaekaia nakon Am tua ao ni iri nanon Am kibu ao reirei, ao naake a tia n urua aia aki mamatam n aia tai n ebiebi ni kaan ma Ngkoe ao n taratara Moam. Ni Mimitongim! Ngkai a rairia nakon maraen Kakukureiam, ni kabane aia bong bon boong n aki mamatam. Ngke arona bwa wiin Am moti e kaekaia ni kangai: “Taua, ibukin Tamaroau, te aki mamatam, O aomata, ao katea akea te tia nakon taina,” I berita ni kakannaton Am mimitong, bwa ni kabane ngaiia n tatabemania a na taua bukina ma te onimaki raoi, a na tauia man karaoan are e na kaitara Am tua, ao a na reitinako ni karaoia ni karokoa a angarake tamneia Nakoim,⁴ bwa are a tia ni katomamwia karewerewen Am wewete, ao n riki n ebiebi man Ururingam ao Neboam ma taeka ake a otinako man rian Am kaetieti.

I onnoniko Ngkoe, O te Uea, bwa Ngkoe, te Karietaaki, te Kabanea n Rietata, ao man Am Tia Kaotioti ae Tibwa Ngkai rinanon Ana abanuea n ara ao n anua n tautaeka a tia n ioaki, ao kaain te aonaba ao karawa a kamangingaki, ao ni kabane ake a maeka n abanuean te Kaotioti ao karikibwai a ruru ma tii ake a karaoa te aki mamatam man bwaai ni kabane ake a boira nakon Kakukureiam ao n tauia man rairakia nakon bwaai ni kabane ma tii Ngkoe, ni mwannanoai ibuakoia nakanne ao ni korei arara iaon Tabureti ake Ko a tia ni korei iai araia. O te Atua, rinanon kamimiin Korakoram ao kanikinaean Am tautaeka ao Korakoram, Ko a tia n kanakoi araia man marawan Am ara, ao ko karika oioin nanoaia man bwain Am tangira, ao kabin nanon maiuia man angin Am Waaki. Aia bwa te manga ikotaki tiaki katokanikaian te raure nako, te kaan are e ata akea te tionako, ao te akea tokina ae akea tokina. Ni koaua, tooro aikai ake taan Karakiniko, ake a Katobibiiko n akea tokina, ao a raunia Kainikatikum ao te Kaaba (te auti te baoki ae a kakaitara Muslim ngkana a tataro) ibukin te manga kaitiboaki ma Ngkoe. Ko a tia ni kataua, O Atua, bwa akea te kaokoroaki imarenaia ao Ngkoe, ma tii ngkana a nora otan Moam, a na katokai moaia Nakoim, ao ni katorobubua imatan Am tamaroa, n ongotaeka nakon Korakoram ao ni koreia man bwaai ni kabane Irarikim.

Ti a tia ni karaoa te karemo n te bong aei, O au Uea, n ira Am kaetieti ao Am tua ni kaineti ma are Ko a tia ni kaotia n Am Boki ae bwarabwara raoi. Ti a tia n tauia tamneira man kaibwabarua ao man bwaai nako ake Ko ribai ni karokoa e a roko n tokina te bong ao e a roko te tai n urua te Karemo. Ai ngaia are, I Bubutiko, O te Kakukure nakon nanoia taan tangira ao Banennanoia tamnei ake a katauaki ma te

matata. O te Tia Kakimwareirei bwabwaaia naake a Bwaruiko ao Boton aia tangira naake a Ukoriko, ni karikira bwa ti na kibarake ni mwawan Kaniem ao karawan are Ko mena iai, ao ni butimwai mairoura bwaai ake ti a tia ni karaoi inanon kawain Am tangira ao Kakukureiam. Korei arar, ngkanne, ibukaoia naake a kina Am kateuana ao ni kakoaua Am temanna ao ake a karinanoia imatan kakoauaan Kakannatom ao kanikinaean Korakoram, naake a tia ni mena ni katantanin Kaniem ao n ukora kawakinaia Iroum, ake a tia ni kabanea maiuia ni ingainga ni kan kaitibo ma Ngkoe ao ni karekea maraen are iai Ngkoe, ao naake a tia ni kaaka te aonaba iakuia ibukin aia tangira Ibukim ao ni koroï kabaebae ni kabane ma tii Ngkoe n aia iangainga ni kania Nakoim. Aikai tooro ake nanoia a mara ni banen nanoia ibukin Tamaroan mwaneawean Aram, ao naake mataia ao taonako n te rannimata n aia kariaria n Ukoukoram ao n rin n oon Am marae.

Aio, O au Uea, neweu are e kakoaua Am katiteuana ae akea aron kabotauana, matau are e nora kaintekatekan Am tituaraoi ao kakabwaia aika korakora mwaitin aroia, ao tanningau are e tauraoi n ongora nakon Am wewete ao Am taetaenikawai, bwa I onimaki, O Atuaui, bwa Ko a tia kanakoi taeka aika aki babane taiia ake a waanako mai wiin Am moti, ao nakon tanningaia ake Ko a tia ni katabui bwa a na ongo Am taeka ao kiibu a bon kakauongo ni katoatai. Ao aikai baiu, O au Uea, a mwemwerake nakon karawan Am nanonaki ao Am nanoanga n akoi. Ko na tai rairakinako, ngkanne man te kananoanga aio are e a tia n anaia nakoina ana tangira ae akea riki Irarikim, akea te tia anganga Irarikim, ke te uea Irarikim, akea te katantan ma tii inanoaan nuun Am nanoanga, akea te nne ni katantan ma tii imatan Am mataroa, ike Ko a tia ni kaukia nakoia nikabane ake a maeka n Am karawa ao n Am aonaba? Tiaki, ni Mimitongim! Bon ngai are ana onimaki n Am tangira n akoi e na tiku n aki kerikaaki e ngae ngkana Ko na kaikuakai ma kamaraki inanon maanin Am tautaeka; and ngkana temanna e titirakinai Ibukim, ni kabane bain ao waen rabwatau e na katanoata: “E rangi n tangiraki n Ana mwakuri ao e ongotaeka te aba n Ana tautaeka, Anuana te nanoanga ao te mwamwannano nakoi Ana karikibwai!”

I kaotia ma te koaua ni Mwakam, O te Rangi-n-Tangiraki inanoia naake a Bwaruiko, ngkana arona bwa Ko kanakoai man Am mataroa ao ni kaaki taekau nakon aia kabang taan kateibuaka ibuakoia Am toro ao nakon aia kai n oro buakaka ibuakoia Am karikibwawi, ao ngkana temanna e titirakinai Ibukim, nikabane iran rabwatau n tatabeua a na bon teimatoa ni katanoata: “Ngaia, ni koaua, te Kabanea n Tangiraki n aonaba ni kabane; Ngaia te Kabanea ni Kakabwaia; Ngaia te Akea-Tokina! E katikai ni kaaniai ngke I kararoai Mairouna; E anganai Mwengana ae tabu ngke I kainai man Menana irarikiu. Akea ae I a tia ni kune ae te kabanea n akoi Nakoina, are Mairouna I a riki ngkai ni katan Irouna ni bwaai ni kabane ao n tia n kaikawaaki ietan akea riki Irarikina.”

Eng e a bon nakon temanna, O Atua, ngaia are a bon tia ni kaubwaiaki Iroum bwa e na inaomata man abanuean te aonaba ao karawa. E kaubwai temanna are e taumatoa robun Am kaubwai, e ongotaeka Imatam, ao ibukina Ko bon taubobonga iaon bwaai ni kabane. E raarikin temanna are e kamwawa Mairoum, e nimataki n te kainikatonga Imatam, e tannako man Kaniam, e kakewei Am kanikina. Karaoai, ngkanne, O Atua, ao au Tangira, bwa nna warekaki ma naake ike angin Am moti e mwaing n aia tai ni karinania, tiaki ma naake angina te nano ao te kaibwabwaru a kibe ao a kairiri n aron are bon nanoia. Akea riki te Atua ma tii Ngkoe, te Mwaaka, te Karietaaki, te Kabanea n Kakabwaiaki.

Nikabane mimitong Nakoim, O Atua, bwa Ko a tia n akoai bwa nna kona n aki mamatam n te namwakaina aio ike Ko a tia ni reitia nakon Aram, te Kabanea n Rietata, ao n aranna bwa `Alá (Rietata). Ko a tia n tua bwa Am toro nako ao Am aomata a riai n aki mamatam n te tai anne ao n ukora aron kaniaia Nakoim. Boong ao namwakaina n te ririki a roko n riettaia ma te Aki Mamatam, n aron naba te moan namwakaina e moanaki ma Aram, Bahá, bwa aonga ni kabane ni kakoaua bwa Ngkoe te Moan ao te Kabanea, te Kaota ao te Raba, ao n riki n rauaki bwa mimitongin aara ni kabane e katauaki tii rinanon mimitongin Am Waaka ao te taeka e kabwarabwaraaki man Am moti ao ni kaotaki rinanon Am oi ni kantaninga. Ko a tia ni kataua te namwakaina aio bwa te kauring ao Karineam, ao te kanikina are Ko bon mena ibuakoia, bwa a na aki mwaninga Korakoram ao Kakannatom, Am tautaeka ao Mimitongim, ao n onimaki are man taai ngkoangkoa Ko a bon tia ao n aki toki n Tia Tautaeka iaon te karikibwai ni kabane. Ake ate bwai ae karikaki i karawa ke iaon te aba are e kona n Tukiko n Am tautaeka, ke temanna n aonaban te Kaotioti ao te karikibwai n Totokoiko man kakoroan bukin Am oi ni kantaninga.

I Bubutiko, O Atua, n Aram ike nikabane kaain te aonaba a tanginiwenei, ma ti naake Ko kawakinia n Am kamanomano ae etiruru ao ni kania iaan nuun Am akoi ae korakora riaona, ni karaoira bwa ti na matoa n Am Waaki ao n teimatoa n Am tangira bwa ngkana Am toro a teirake ni Kaitarako ao Am aomata a tannako Mai Iroum, ao akea ae tiku iaon te aba ni wetea Aram ke ni katoka moana nakon te nne ni itabon ma Ngkoe ao te Kaaba (te auti te baoki ae a kakaitara Muslim ngkana a tataro) are nnem ae Tabu, Nna bon teirake naba n tii ngai n takarere ni mwakuria ni katokanikaia Am Waaki, ni karieta Am taeka, ni katanoata Am tautaeka, ao ni bukamarua neboan Kakannangakim. Ao aio, O te Uea, e ngae ngkana ni katoa tai I tangaina nakon te kanganga ibukin Karietaam n aara nako, I bon kaonaki ma te mangaongao, ma I bon rangi n ataia are ni kabane Anuam aika rietata ao ni kabane kororaoin aara ake I rereitaki iai ma Ngkoe ni Menam ae tabu I Bubutiko, n rinanoa akea ma tii uakoraan oin matatau, n aron are n te tai are I iangoa te ara ae tau ibukin te neboaki, I bon katoma ma Ngkoe.

E burewarekan mwaitin karietaan Am rinan ni koaua ietan te kabwarabwara ke aia atatai nako aomata Irarikim, ao Ko na katabuaki man kamimitongaia Am karikibwai ao neboaia Am toro n aia kekeiaki n rierake Nakoim. Bwa tera are e kaoti mai irouia Am toro a bon tiatianaki man tianakin oin rabwataia ao ni karikaki bon man oin aia iango ni katautau ao n akea uaaia.

Ai kawara, ai kawara, O au Tangira, bwa au aki konabwai n tau n Neboiko ao ibukin au kabwaka inanon Am bong aikai! Ngkana I Kamoamoako, O Atua, bwa Teuare Ngaia e atai bwaai ni kabane, I a kaman tauraoi n ataia are ngkana Ko kotea te bwaa ae aki ngongoongo ma teuana tabonibain Am motinnano, Ko na bon kona ni karikia n taakina te atatai ni kabane ake rimoa ao n roro ake imwina; ao ngkana I Neboiko ae te Kabanea ni Mwaaka, I kunea bwa teuana te taeka are e nako mai wiin Am oi ni kantaninga e bon tau ni ioa karawa ao aonteaba.

Mimitongim e kaingai ni kakoaua, O te Tangiraki irouia ake a Kinako, ngkana te wanawana e kabwaka ni kaota bangabwaina imoan taian kaotioti ibukin Am atatai, e na warekanaki bwa te kabanea n roonnano ibuakoia Am aomata; ao ngkana are e mwaaka e rawa ni kariaia mamarana imatan kakoaua ibukin Mwakam, e na taraaki bwa te kabanea ni ngore ao te kabanea n aki mumuti ni karikibwai. N tein au atatai ao koauana raoi aio, nna kanga ni Karietako ke ni kabwarabwara ao Neboiko? Ai ngaiare, ngkai I bon ata mamarau, I a tia ni kawaekoai nakon nuun Korakoram; ao man ataakin raarikiniu, I a tia ni ukera te katantan iaan nuun Kaubwaim; ao ngke I kina ngoreu, I a tia n teirake imoan umwan Mwakam ao Korakoram. Ko na kanga n taea nako te kainnano aei imwin are ko a tia n aki ana temanna ma Ngkoe bwa ana tia kamaiu, ke ni karairaka nako te ianena aio imwin are kunea akea riki bwa Ngkoe bwa ana tangira ni koaua?

Ko bon atai bwaai ni kabane ake irou, O te Uea, ma I aki ata tera are Iroum.

Nanoangaai ngkanne rinanon Am tangira ni kamanomano ao kaungaai ma are te bwai are e na rau iai nanou inanon Am bong ao kamwanioa tamneiu rinanon taian kaotioti man tabun ae iai Ngkoe. Ni kabane karikibwai a tia ni kaotaki ma raneanean ootan Moam, O te Uea, ao kaain aonaba ao karawa a raneanea otaia n karakin kaotioti Ibukim ae akea kabotauan kakannatona, n te aro I nora te aakea n akean moan norakin nanoan te kaotioti Ibukim, te kaotioti ae karabaaki man mataia naake ibukoia Am toro ake a mwanionako ni matu.

Tai tuukai, O au Uea, man Am akoi are rabwati ni kabane aonaban te karikibwai, bwa a noraki ke aki. Tai tiku ni kararoako, O Atua, ngkai Ko a tia ni kaoia botanaomata ni kabane bwa a na oki ao ni katikaki ni Kaaniko, ao kaumakia bwa a na taua ni kamatoa Am roobu? Tai kaakai, O au Tangira, e ngae ngke Ko a tia ni berita n Am Boki ae aki mamane ma Am kibu aika kamimi ni ikotia ni kabane ake a rangi ni Bwarua rokoia ni mwengan Am akoi ni kamanomano, ao naake a Tangiriko iaan nuun Am kakabwaia

nanonaki, ao naake a Ukoukoriko iaan umwan Am nanoanga ao n tangira-n-akoi? I berita ni Mwakam, O Atua, bwa tanginiweneu e a taua au Kainikoroboki, ao, ni koaua, tangin nanou e a tia ni buriti roobu mai baiu. Bwa te tai raa are I karaua rabwatau ao ni kakukureia tamnei ma kamimiin nako Am nanoanga, kanikinaean Am akoi ni kakawakin, ao kakoauan Am tituaraoi, I ruru imatan taian kaotioti n Am motiraoi ao kanikinaean Am kataere. I ataia ae Ko kinaki n aara aika uoua aikai ao ni kabwarabwaraaki man anua aika uoua aikai, e ngae n anne Ko aki tabe bwa Ko weteaki n Aram te Akea Tokin te Kakabwarabure, ke n Aram ni Unuun. Ni Mimitongim, ngke arona bwa I aki ataibwai are Am nanoanga e riaon bwaai ni kabane, waen ao bain rabwatau a na bon toki ni maiu, au oioi e na maunanako ao nanoau e na kauarerekeaki nakon bon te akea n akea. Ma ngke I nora Am akoi e tobwai bwaai ni kabane ao Am nanoanga e rabwata te karikibwai ni bwaninna, tamnei ao kabin rabwatau e riki ni karauakaki.

Ai kawara, ai kawara O Atua, bwa bwaai ake a buanako mairou inanon Am bong, ao ai kawara, ai kawara riki, O Mamaten nanou, bwa te bwai are e tiku n aki tia inanon te beku ao te ongotaeka Nakoim inanon boong aikai kanga aron mataia naake Ko rineaia ao Ko onimakinia ma aki kakoaua. I Bubutiko, O au Uea, bon Mairoum ao mairouia Taan Kaotioti ibukin Am Waaki Ngaia are e tekateka iaon kaintokanuean Am nanoanga, ni kamatoai inanon Am beku ao Kakukureiam. Tararuai, ngkanne, mairouia naake a tannako Mairoum ao n aki kakoauai Am kibu, ake a tia ni kakewea Am koaua, n rawa nakon Am kakoaua, ao n urua Am Boraraoi ma tetemanti.

Ni kabane nebonebo, O te Uea Atua, Nakoim Teuare Ngaia te Tia Kaotioti Oioim, Ngainanmwanibwan Am kateuana, te Nne ni Keniken ibukin Am Atatai; Boton Am Kaotioti, Nnen Am kaungaunga, Kaintekatekan Am tautaeka, Inginmainikun-te-Nnen Am Karawa – Teuare Ngaia te Moan te Biriari, te Moamoa ae te Kabanea n Rietata, te Waka are Mangkoakoa, te Tia Kautia aono; ao te mimitong e bia mena iaona ngaia are te moan ni Kakoaua⁵ ao n Ana kibu, are Ko a tia ni karaoa te kaintokanuea ibukin rieraken AM Taeka aika moan baan te kakannangaki, boton te taratara ibukin kaotiotan aram aika moan baan te tamaroa, mwanibwan raneanean Taain Am anganga, inginmainikun-te nne ibukin kaotin Aram ao anua nako, ao te kaubwai ni bwaeao n Niniwanam ma Am kaetieti. Ao ni kabane riine ake iaom⁶ ngaia are te kabanea n roko Irouna, are rokona kanga Rokona, ao Am kaotioti irouna⁷ kanga Am kaotioti are Irouna⁸, ma bon tii are e kaotaaki ma ootan Moana ao ni bobaraaki Imoana ao ni kakoaua toronakina Irouna; ao te mimitong iaomia ake a mate ni maritire ni Kawaina ao ake angarake maiuia ibukin tangiran Tamaroana.

Ti kakoaua, O Atua, bwa tooro aikai a tia ni Kakoauako ao n Am kanikina nako, ake a ukera ten ne ni kamanomano are bon Irarikim ao n rairia nakon Moam, are e a tia ni kaineti moaia nakon maraen Kaanim ao n nakonako ni kawain Kakukureiam, ake a

Taromauriko ni kaineti ma are Ko tangiria ao ni kamwawaia man bwaai ni kabane ma tii Ngkoe. O te Uea, kataua nakon angiaa ao rabwataia n taainako mwakoron kamimiin Am nanoanga ae rarabwati. Bon ni Ngkoe, ni koaua, te mwaaka ni karaoa are Ko kukurei iai. Ake ate Atua bwa tii Ngkoe, te Korakora, te Kabanea ni Mimitong, are Ana buoka e ukeraki irouia aomata ni kabane.

I onnoniko, O te Uea, Rirouna ao rirouia, ao riroun Teuare Ngaia are Ko kateia iaon kaintokanuean Am Aro ao ni karikia bwa e na kanuua ni kabane ake a maeka n te aonaba ao i karawa, ni kaitiakira man ara bure, ni katauia te kaintekateka ni koaua are Irarikim ao ni karikiira n reitaki ma naake kanganga n te aonaba ao kabuanibwai nako aki tauia man rairakia Nakoim. Boni Ngkoe, ni koaua, te Kabanea ni Mwaaka, te Kabanea n Rietata, te Tia Kamanomano, te Akea Tokin Ana Kabwarabure, te Kabanea n Nanoanga.

Also in: am, az, ca, cs, da, de, el, en, es, fi, ht, is, it, ky, mn, ms, nl, pt, ro, ro, sk, sne, tvl

BH10688

Ingaabong

I a tia n teirake n te ingabong aei man Nanom n aakoi, Atua, ao ni kiitana mweengau ma ni kabwanina au onimaki Iroum, ao ni kaburea taekau nakon Am kakaawakin. Karuoa, ngkanne, nako aou, man karawan Am atataiaomata, te karaoiroi teuana mai Rarikim, ao e na konaa iai n reke irou okiran mweengau i nanon te mauri n ai aron are Ko a tia n anganai te konaa ni mwananga i aan Am kakaawakin ma au iango ake a tia n teimatoa ni kaineti Nakoim.

Bon akea riki Te Atua bwa ti Ngkoe, te Onoti n Ti Ngaia, ae Akea Kabotauana, te Kabanea n Ataibwai, te Kabanea ni Wanawana.

Also in: af, az, bg, bi, bn, bs, ca, cy, da, de, dgz, el, en, eo, es, fa, fj, fr, ha, hi, hr, ht, hy, hz, id, is, it, kl, kn, lg, lv, ml, nl, pl, pt, ro, ru, sr, srn, sv, tl, ur, zh-Hant

BH10973

Te Buoka ao te Ibuobuoki

O ngkoe are ko tabe n raira moam nakon te Atua! Kaina matam nakon bwaai ni kabane, ao kaukia nakon aonnaban te Kabanea ni Mimitong. Bubuti te bwai are ko tangiria ti mai Irouna; ukoukora te bwai are ko kakaaea ti mai Irouna. N ti teuana taraakim teutana Irouna ao E kona n anga tebubua te nga te kantaninga, n ti teuana katokaakin Matana teutana iaom ao E kona ni kamarurunga tebubua te nga te aoraki, n ti teuana katouan Atuuna ao E kona ni katokaa te bwainaoraki iaon taian ikoaki ni kabane, n ti teuana norakim teutana ao E kona n kamwaawai naano man taurekereken te karawaawata. E karaoa are E taku n aron ae E bon taku, ao tera riki kawaira ibukin karekean buokara? E kakoroi bukin Ana iango, e katauii bwaai ni kabane ake E tangiri. Ai ngaia are e raoiroi riki bwa ti na kabobaraaka atuura n ongotaeka, ao ni katuka ara mwioko iroun te Uea ae te Kabanea n Nanoanga.

Also in: af, ar, az, be, bg, bn, bs, ca, ceb, da, de, el, en, eo, fo, fr, fy, gu, hi, hi, ht, hy, id, is, it, ja, ky, lo, lv, mg, mi, ml, ms,

BH10973

Te Buoka ao te Ibuobuoki

First line: O Thou Whose face is the object of my adoration

O Ngkoe Are Moamoam bon boton au tangira, Are Tamaroam bon au nono, Are mwengam au kouru, Are kamoamoaakim bon au kantaninga, Are Am kakaawakin bon raaraou, Are Am tangira bon bukin karikau, Are atongan Aram bon karauakiu, Are Kaanim nakoiu bon au kantaninga, Are Menam I rarikiu bon nanou ae e korakora ao au kantaninga ae te kabanea n rietaata; I bubuti Nakoim bwa Ko na aki tukii mai irou bwaai ake Ko katauii ibukiia naake a rineaki ibuakoia Am toro. Kataubobongaai, ngkanne, ma tamaroan te aonnaaba aio ao ae e na roko.

Ngkoe, ni koaua, bon Ueaia aomata nako. Akea riki te Atua bwa ti Ngkoe, te Kabanea n Nanoanga, te Kabanea n Tituaraoi.

Also in: af, ar, az, be, bg, bn, bs, ca, ceb, da, de, el, en, eo, fo, fr, fy, gu, hi, ht, hy, id, is, it, ja, ky, lo, lv, mg, mi, ml, ms, mt, ne, ne, nl, no, pl, pt, ru, sk, sl, sr, sv, ta, te, th, tvl, uk, ur, ur, zh-Hant

BH11209

Te Tataro ae Kabaebae ae Uarereke

E riai n anaaki te tataro aei te taina i nanon uabwi ma aua te aoa, n te tawanou

Atuau, I kaotia ma te koaua bwa Ko a tia ni karikai bwa Nna Ataiko, ao n

Taromauiiko. Ao I kaotia n te tai aei bwa bon Moan te Mwaaka Ngkoe ao ngai bon moan te mangori. Moan te Korakora Ngkoe ao ngai bon moan te kainnano. Bon akea riki Te Atua temanna bwa ti Ngkoe, te Buoka n te kangaanga, ao te Maiu i bon Irouna.

Also in: af, am, apm, ar, az, be, bg, bi, bs, ca, chn, co, cr, cy, da, dak, de, dgz, di, diu, el, en, eo, es, fa, fi, fj, fo, fr, fy, ha, haw, ho, ht, hu, hur, hz, hz, iba, id, ik, is, it, ja, kiw, kl, km, kn, ksd, lb, lg, lkt, lkt, lkt, lt, lv, med, meu, meu, mg, mh, mi, ml, moh, mt, nal, naq, ne, nl, no, nv, ny, oj, pap, pl, pot, pt, ro, ru, se, shs, sk, sne, sq, srn, sv, sw, ta, te, th, thp, tl, tpi, tvl, ur

BH11278RIV

Katiteuanaaki

Atuau! Atuau! Katiteuanai nanoia Am toro, ao kaoti nakoia bukin Am Waaki ae e

kakannato. A bia toua mwiin Am moti ao ni mena i nanon Am tua. Buokiia, Te Atua, n aia kekeiaki, anganiia te korakora ni beku i Bukim. Te Atua! Tai katikuiia n ti ngaiia, ma kairi ingin waeia n ootan Am atatai, ao kaungai nanoia n Am tangira. Ngkoe, ni koaua, aia Tia Ibuobuoki ao aia Uea.

Also in: bs, el, en, hu, is, it, ml, nl, sv
